

UTL AT DOWNSVIEW



D RANGE BAY SHLF POS ITEM C  
39 12 01 25 12 024 7

DR Rif'at, Ahmed  
414 Lugāt-i tarīḥīye cugrāfiye  
R5  
v.6


PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---





Digitized by the Internet Archive  
in 2010 with funding from  
University of Toronto





Rif'at, Ahmed  
Luġāt-i tarīḥiye  
va cuġrāfiye

اثر خامه احمد رفعت


معارف نظارت جلیله سنک رخصتیه

ایضاح

باب عالی جوارنده ابوالسعود جاده سنده (محمود) بکک  
۷۲ نومرولی مطبعه سنده طبع اولمشدر



DR  
414  
R5  
V.6



لغات تاریخیه و جغرافیہ  
973593

جلد

۶

## بقیہ حرف ق

﴿قریش﴾ - مجازده مسکون عرب مستعربہ دن بنی فہر قبیلہٴ قدیمہ سنک نام اخیریدر بونلردن (قصی) نامندہ برذات و قتیله قبیلہٴ مذکورہ بنی بطاح مکہ یہ جمع ایلہ ولایت ییتی فتح و ضبط و حکومت ارض مجازی بنی خزاعہ دن اخذ و نزع ایدوب ظہور اسلامہ قدر مکہ ولایتی قریش قبیلہ سی یدندہ قالمشیدی . جد امجد جناب رسالتآب عبدالمطلب وعم اکرم حضرت نبوی ابوطالب حضراتی دخی عظمای رجال قریشدن اولوب حین ولادت نبویدہ یکدیگرینی متعاقب قوم مکہ ریاستنہ تعین اولتمشلدر .

§

﴿قریظہ﴾ بنی قریظہ - و قتیله مدینہٴ منورہ حوالیسندہ مسکون بریہود قبیلہ سنک اسمیدر . حوالیٴ مذکورہ دہ بنی نضیر و قینقاع کی دهاپک چوق یہود قبیلہ لری اولوب کندولرینہ مخصوص برطاقم حصون و شہرل دروندہ اقامت ایدرلر ایدی . (غزوہ) کلہ سنہ دخی نظر بیوریلہ .

§

﴿قریم﴾ - قدیمہ (کیرسینیس توریک) دینور ایدی آورو پای روسیدہ و قرہ دکرده برشبہ جزیرہ در شمالاً کندوسنی برہ وصل ایدن برہ قوب دیلی ایلہ تحدید اولنور . اوچیوز بیک نقوسی حاوی اولوب



کرسی اداره سی سیواستپول و باشلی شهرلی (اوپاتوریا) (کفه) (یکی قلعه)  
(بنچه سرای) (کرج) و سائر در و اراضی غایت منبت اولوب نهایت  
درجه لطافتله مشهور اولان چایر و چنلرنده لایعادات اوکوز قیون سوریلری  
بسیلنمکده در .

قریم اولا توریلر طرفندن مسکون ایدی میلادک یدی عصر مقدمنده دخی  
میلینیه نلر توطن و بر چوق شهرل تأسیس ایلدی و (۵۱۱۴ خ) تاریخنده  
یعنی میلادک در تیوز سکسان سنه مقدمنده بوسفور کوچک قرالیتی تشکیل  
ایدوب مؤخرأ اشبو قرالیت ایرانلر رومالیر الینلر غوتلر هونلر مجارلر  
طرفرندن متعاقبأ تحت اطاعته آلندی و (ژوستنین) التنجی عصر میلادیده  
مجارلری اورادن دفع ایلدیسده، (۶۷۹ م و ۶۰ ه) تاریخنده حزرلر  
و بر چوق وقت صکره قپچاق تاتارلری ینه ضبط ایلدیلر . تاتارلر زماننده  
وندیکیلر جنویزلر اوراده برطاقم تأسیسات وجوده کتوردیلر که المشهوری  
کفه شهریدر . (۱۴۷۵ م و ۸۸۰ ه) تاریخنده سلطان محمود ثانی  
حضرتلری قریمی ضبط و اداره داخلیه جه سر بستینه مساعد و (۱۷۸۲ م  
و ۱۱۹۷ ه) ده ایکنجی قترینه استیلا ایتدی و (۱۸۵۴ م و ۱۲۷۱ ه)  
تاریخنده دولت علیه و متفق اولان فرانسز و انگلیز اردولری حرباً ضبط ایدوب  
بعد المصالحه ینه ترک ایتدیلر .

(قریم) — استاوری قریم دخی دینور . قریم شبه جزیره سنک قدیم  
مقری اولوب سیواستپولک شرقندن یتش و کفه نك شمال غریبسندن یکریمی  
ایکی کیلومتروده کاشدر که و قتیله نامنی جزیره و یرمشیدی . الیوم التی  
بوز خانه لی بر قریه در .

§

﴿ قزاق ﴾ — قسماً بدوی بر قومدر و قتیله اسلاو و تاتار اختلاطندن  
نشأت ایدوب روسیه ممالکنک جهات مختلفه سنه طاعشلر ایدی باشلیجه  
اویماقلری جنوبی روسیه ده دون نهری سواحلنده ساکن دون قزاقلری و ایکنجی  
درجه ده چوغیف و بوغ قزاقلیدر . قزاقلر اورته بویلی و قوی البنیه درلر  
صورتلرنک هیئت مجموعه سی تاتار نسلندن اولدقلرینی اکدیرر سوار یلکنده

مهارت‌ری جهت‌یله بر قسمی روسیه‌نک غیر منظم سواری عسکر لکنده استخدام اولدقلری کبی بر قسمی دخی روسیه ایمپراطور لکنک هیئت مستحفظه سنی تشکیل ایدرلر ورئیس‌لرینه خطمان دیرلر . هر نقدر رئیس‌لری روسیه طرفندن تعیین اولنور ایسه ده بعض قوانین و نظامات داخلیه و خصوصیه لری و بعض امتیازلری واردلر . قزاقلر تاریخجه برنجی دفعه اوله رق اون بشجی عصر اواسطنده کورنمکه باشلایوب ابتدا لهلیلر طرفندن استخدام اولدیلر و ( ۱۶۵۴ م و ۱۰۶۵ هـ ) تاریخندن صکره لهستانک انقراضنه دکن جله سی روسیه یه تابع اولدیلر و برقاق دفعه عصیانلری و بیوک پترو زماننده اسوج قرالی اون ایکنجی شارل ایله اتفاقلری وقوعبولدیه ده هیچ بر نتیجه حاصل ایده مدیلر .

§

﴿ قزامق ﴾ حصیه — ساری برتزر اولوب سرایتی حسیه جدری کاذبدن فرق ایدیلور . صفات مخصوصه سندن اک باشلیجه سی انسانی مدت حیاته ده یالکز بر دفعه یقالدیغیدر . قزامق خارجاً پیره اصیری می جسماته قرمز لکه جکر ایله توصیف اولنور که اشبو لکه لر قزامنک هجومنک اوچنجی یادر دنجی کونی بر مقدار ارتفاع کسب ایدرلر و نقاط مرتفعه بری برلرندن بر مسافه غیر منظمه ایله آیری بولنورلر . مسافه مذکوره ده جلد لون طبیعی سنی ابتدای امرده حفظ ایدر ایسه ده مؤخرأ بولکه بر برلرله اتصال کسب ایدرلر اهله صغیره شکلی آلدقلرنک اوچنجی ویا دردنجی کونی یعنی بدایت مرضک یدنجی ویاخود سکرنجی کونی نقاط مرتفعه سونوب بعده علی العاده تقلس ایلرلر .

قزامنک سبی بر ماده ساریه ایسه ده مع مافیه علت مذکوره بعضاً بنفسه تکون ایلدیکی دخی واردلر . قزامق سرایت ایله بر ذاته منتقل اولدقده سرایت ایلدیکی ساعتدن اعتباراً مرضک ظهورینه دکن مرور ایدن وقته دور تقریح تعبیر اولنسور که دور مذکور اون ایکی کوندن اون بش کونه قدر امتداد ایلدیکی کورلشدر .

برخانه ده قزامق ظهور ایلدکده اول خانه ده بولنان نفوس ساره یه مرض



مذکور بالسهوله سرايت ايدرک انلردن دخی اول عموم بلديه منتشر  
اوله جغندن قزاق ظهور ایدن خانه دن علت مذکوره به زياده سيله مستعد  
بولنان اطفالک درحال اخراج ايدلمسی الزمدر .

هر نقدر قزاقغه اطفال زياده مستعد ايسه لرده اسنان سائرده قزاق چيقارميان  
کسان دخی بومر ضدن معاف اوله مزله علت مذکوره بالجمله اقاليمده بلا استثنا  
اجرای احکام ايدر . بو علت ياتماس ايله و يا خود قزاقمقلي خسته نك تنفس  
ايلديکی هواي منته واسطه سيله سرايت ايدر واک زياده انتها شتاء ايله  
ابتداء صيفده وقوع بولور .

قزاق بر قرقلق و اوکسورک و قمرز يلق و ذکام و غشيان و برصداع ايله قئ  
واحتقان طبقه مناسطه ايله بدأ ايدوب اوچ درت کوندن صکره اعراض  
مبسوطه کسب شدت ايلدکده اندفاعات ظاهر اولغه باشلارلر . اندفاعات  
مذکوره ابتدا وجهده و جبهده و عنقده پيدا اولوب بعده صدره و بطنه  
واورالردن دخی بتون وجوده منتشر اولدقلرنده حما ايله اعراض سائر  
مخبره تقلل ايدر ايسه ده سعال و کوزلرده حيرت و ذکام متداوم اولور .

قزاقمک هجومنک باشليحه اعراضی کوزلرک يشارمسی ايله حيرتی و ذکام  
و آفسرک و طالغينلق ايسه ده اورته لقه قزاق اولديغی تقديرده اعراض  
مذکوره نك وقوعيله مرضک قزاق اولديغنه بردن بره حکم اولنه ماز  
لکن قزاق علت مستوليه اورته لقه بولنيور ايسه و مريض مقدم قزاق  
چيقارماش و علی الخصوص بولنديغی خانه ده بر قزاقمقلي وار ايسه و يا خود  
قزاقمقلي بر خسته نك بولنديغی محله کيتمش ايسه اولوقت اشبو اعراض  
قزاقمک اعراض مخبره سی اولديغنه شبهه قالماز .

قزاقمک اندفاعاتی يکی باشلادقه هر نقدر جذرينک اندفاعاته بکزه دکارندن  
جدری قياس ايديلور ايسه ده بر مدت قبله ظرفنده بوايکی مرض بر برندن  
فرق ايديلور چونکه قزاقمک اندفاعاتی بر برلرينه اتصال ايدرک برده  
قوسيت پيدا ايدرلر حالبوکه جذرينک اندفاعاتی مقوس اولماز و بوندن  
بشقه جذرينک اندفاعاتی چند کون صکره قرحه حقيقه به مبدل اولور که  
بونک ايله دخی قزاق ايله جدری بينی تفريق و تميز قابلدور .

قزاق قزل خسته لقند شول وجهله تفريق ايديلور كه قزل خسته لقده  
حجرت مستوی وبلافاصله ولكه لری غایت واسع اولوب قزاقده کی کبی  
لكه لرك اره لنده بولنان مسافه جكر لون طبيعيسى حفظ ايتزل و برده  
قزاقده همان دأماً او كسورك وقشوع اولسی دخی بوايكي مرضی يكديكرندن  
تفريق ايدر چونكه قزل خسته لقده نه او كسورك ونه ده قشوع واردر  
قزاق اكر بسیط ایسه مریض اكثر یا كسب افقت ايدر لكن امراض  
سأره ایله رفاقت ایده جك اولور ایسه اولوقت تهلكه سی متر اید اولور  
كنجمله ده قزاق اطفالدن زیاده مهلكدر .

§

﴿ قزان ﴾ — آوروپای روسیده قزان ولایتك كرسی اداره سیدر  
وولغا وقزانق نهرلرینك ملتقاسی قربنده ومسقوه نك شرقندن طقوز یوز  
وسن پترسبورغك جنوب شرقیسنندن يك التی یوز الی التی کیلومترو  
مسافه ده اوله رق قرق يك نفوسی و بر مکتب عالی ور صدخانه بی حاوی اولوب  
سیبریا و بخارا و آوروپای روسی بینده تجارت انباری صایقده در . چوقه و مشین  
و اعمالات حدیدیه و خشیدیه سی اورالرجه معتبردر . تاتارلر بو شهرده  
تدریجاً آزالمقده اولدیغندن شمدی یدی بیکه تنزل ایتدی . قزان شهری  
( ۱۲۵۷ م و ۶۵۵ هـ ) ده باتوخانك اوغلی معرفتیه تأسیس اولنوب  
( ۱۳۹۷ م ) ده واسیل دیتری یوانویچ ضبط و تخریب و بر مدت صکره تاتارلر  
ینه مجدداً انشا ایلدی و ( ۱۵۵۲ م و ۹۶۰ هـ ) تار یخنده شدید بر مقاومتدن  
صکره دردنجی یوان تکرار ضبط ایله بتون بتون تحت جایه آلدی .

( قزان ایالتی ) ویاتقه اورانسورغ سمیریسق نژنینوغرون و پانزا ایالتلری  
بینده اولوب الی یدی يك درتیوز کیلومترو اتسای و بر ملیون اوچ یوز  
یتش يك نفوسی حاویدر . اراضیسی منبت و تیمور و باقر معدنلری و بیاض  
مرمری واردر .

( قزان خانلی ) — قیچاق خانی ( کچین ) لبرادری محمدخان طرفندن اون  
دردنجی عصرده تأسیس اولمشدر محمد قرداشی مومی الیهك مضرتنی دفع  
و کسب وسعت ایتدکنصکره ( ۱۳۹۷ ) ده روسلر طرفندن تخریب اولنان قزان



شهرینی تعمیر و بلغارلر و مغوللر ايله نفوس و اهميتنى توفیر ايتدی . اشبو خاتلق قچماق خانلقندن زیاده یشایوب ( ۱۵۵۲ م ) ده دردنجی یوان طرفندن محو ایلشدیر .

§

﴿ قزل خسته لق ﴾ — بمرض ترهري اولوب ياداری دانه سی بوکلکنده و قرمزی رنگده برطاقم نقطه لر و یاخود فرنك اوزومی قرمز یلغنده غیر منتظم برچوق لوحلر صورتنده تکیون ایدر . بومرض برحای اندفاعیه اولوب بوده قزامق کبی بر ماده ساریه دن حصوله کاورکه شخص واحد عمرنده انجق بردفعه بوحایه مبتلا اولور و همان دایما اون یاشنک مادوننده بولنان اطفالده وقوعبولوب اون یاشنی تجاوز ایدنلرده اندر کورینور و اکثریا ایلک بهار ايله کوز مومئنده وقوعبولوب بعضاً دخی علت مسئولیه صورتنی کسب ایدر .

قزل خسته لق قی واضطراب حلقوم و عارضات عصیه متنوعه ايله وجوده کور و جلد قرمزی چوقه کبی برکسکین رنگ پیدا ایدر . والتنجی کوندن یدنجی کونه طوغری اندفاعه باشلایوب جا دخی سکونت بولور و سکرنجی کونه طوغری اضطراب حلقوم یعنی حاصل اولان حناق مندفع اولوب قزلاق دخی تفلسه یعنی سو ینکه بدأ ایدر . مذکور خسته لق مرض مسئولی صورتنده اولدقه بعضاً حناق غایت شدید اولدقدن ماعدا حناق غمامی و حناق غغرنی صورتلرینی دخی اکتساب ایلدیکی کورلشدیر .

بو حالده حناق عرض غالب اولمش اولور . حناق شدید اولدیغی تقدیرده اندفاع دخی غایت آغروغیر منتظم اولور و اول وقت جانک شدتیه برابر مرضک مخاطره سی دخی تراید ایدر . قزل خسته لغک بر دیگر نوعی دخی واردرکه بوکا . شوکه خیشه عصیه تعبیر ایدرلر .

قزل خسته لق قزامقدن زیاده مخاطره لی بر مرضدر بو ایکی مختلف مرضی اکثریا بر برینه قارشیدر لر یعنی تمیز اولنه میور دیرلر ایه ده عرضلی واسطه سیله بر برندن تفریق پک قولایدیر زیرا قزل خسته لقه دایما حناق

ایله سعال اولوب حالبوکه قزامقده دائماً مریضک کوزلری یشارر . قزل  
خسته لقه خناق شدید اولدیغی صورته در حال بوغازه التی عدد سلوک  
یاشدیریلوب یومشادیجی غرغره استعمال ایتک و مریضک نهایتنه طوغری  
ارپه مطبوخیله یا پیله جق غرغریه ( کئول ) و ( خلیت اسرب ) دخی  
علاوه ایلک لازمدر فقط هر حالده حکمایه مراجعت اقتضا ایدر .

§

﴿ قزوين ﴾ — قدیم نامی آراسیادر عراق عجمده بر شهر اولوب  
طهرانک جنوب غریبسندن یوز قرق کیلومترو بعدده واقع و قرق بیسک  
نفوسی جامعدر . وقتیه غایت مهم و عجمستانک کرسی اداره سی ایدی  
الیوم همان خرابه زاردر .  
( ۱۷۳۲ م و ۱۱۴۵ هـ ) ده عثمانلیلرله و ایرانلیلر بیننده تنظیم اولنان بر معاهده  
نامه بوراده امضالمنشددر .

§

﴿ قسائیب ﴾ — لاقدمونیالیرک امیر الیدر . بو ذات ( ۵۳۳۵ خ )  
تاریخنده یعنی میلادک ایکیوز الی طقوز سنه مقدمنده رومالیرک برنجی دکر  
مخاربه سنی قزانان مشهور امیرال ( دوئیوس ) ی اسیر ایلدی که اولوقت  
اشبو دوئیوسک نامنه ایتالیاده فورم شهرنده بر مرمر دیرک رکز اولمنشیدی .

§

﴿ قسطلانی ﴾ — نامداران فضلادن ( ۱۵۱۷ م و ۶۲۳ هـ )  
تاریخنده مرتحل دار بقا امام شهاب الدین ابی العباس احمد بن محمد  
مصرینک شهرتیدر .  
مومی الیه زماننده خطه مصریه نک اعلم علماسی اولوب مشهور شیخ جلال  
الدین سیوطی ایله معاصر ایدی ( مواهب اللدیه ) و ( فتح الدانی ) نام  
کتابلر جله تألیفاتندندر .

اشبو مواهب سیرت نبویه ده امشالی یازلماش بر کتاب جلیل و بر اثر یشیل  
و عدیل اولوب اون مقصد اوزرینه موضوع و مرتبدر . مقصد اول —  
جناب واجب الوجودک نبی آخر زمانی سبق نبوتله تشریفندن و علیه الصلاة  
والسلام افندمزنک طهارت نسب و ولادت و رضاعندن و ترتیب سنین اوزره



ارتحال عالیروی و وقوعه دکن حائز اولدقلى شرف مغازی و سرایان .  
ایکنجیسی - اسماء و اولاد و ازواج و اعمام و خدم ملائک توأملرندن  
اوچنجیسی - اوچ فصلی مشتمل بولنان حقیقت و شرف خلقتلرندن دردننجیسی  
- معجزات و خصائص جلیله لرندن بشنجیسی - خصائص معراجدن  
التنجیسی - رفعت شان نبوی حقنده شرفوارد اولان آیات کریمه ددن  
یدننجیسی - وجوب محبت و اتباع سنت نبویه ددن سکننجیسی -  
زرد نبویه مستعمل بعض معاملات طبیعه و تعبیر رؤیادن طقوزنجیسی - فخر  
رسالت افندمزنک حقائق عباداتندن اوننجیسی - جناب باری تعالانک  
حبیب اکرمی حقنده نعمت الهیه سی اتمامندن باحثدر .

دیگر ( قسطلانی ) - علمای بنامدندر کستللی کله سنه نظر بیوریله .  
دیگر ( قسطلانی ) یاخود ( عسقلانی ) - مشاهیر فضلالی  
مصریه دندر ( ابن حجر ) کله سنه نظر بیوریله .  
قسطل یاخود کستل یونانجه قلعه معناسنه اولان ( قستل ) ک معریدر .

§

﴿ قسطه ونی ﴾ - نام عتیق ژیر مانیقو پولیس در اناطولیده  
دولت علیه نك یر شهری و بونامده کی ولایتک کرسی اداره سی اولوب  
استانبولک جهت شرقیستدن درتیوز کیلومتر و مسافده واقعه و مع نواحی  
یکرمی الی بیک نفوسی و الشمس اوچ جامع و مسجد و اون الی مدرسه و اون  
ایکی تکیه و او تو ز بر مکتب و اون درت حمام و ایکی قشله بی جامعدر هر  
نوع حبوبات و تفتک و کتان و کندیر و اورمانلرنده کراسته حاصل اولور  
و بک کوزل باقر و ایپ اعمال اولنور قیوجیلغی دخی مکملدر و میوه سی  
و ازجمله ( عربانی اریکی ) مشهوردر مقدا دهامعمور ایدی .

( قسطنونی ولایتی ) شمال و شمال شرقیده دکرله محدود اولوب قدیم  
بافلاغونیانک بر قسمندن تشکل الیشدر بوراسی سلچوقیلر زماندنبرو مستقلا  
اداره اولنمده اولدیغی حالده ( ۱۳۹۲ م و ۷۹۵ هـ ) تاریخنده حاکی بولنان  
طوپال بایزیدک دولت علیه به عصیان ایدن افلاقلور ایله اتفاق تحققی ایلدیکندن  
یلدیرم ( بایزید ) حضرتلری کیدوب ولایت مذکوریه بی ضبط ایلدی .

§

﴿ قسطنطين ﴾ بيوك قسطنطين — فلاويوس واليريوس اورليوس

قلوريوس قسطنطينوس نامبريله دخي بنام اولوق اوزره روما امپراطويدر  
( ۲۷۴ م ) تاريخنده ( نيسه ) شهرنده تولد ايدوب ( ۳۰۶ م ) ده پدرينك  
وفاتي اوزرينه بيوك برتانيا الايلري واسطه سيله واوكوست عنوانيله امپرا-  
طورلغني اعلان ايلدي . غوللر ايله مصالحه دن صكره ايتاليا و افرىقاي  
ربقه مظالمى التنده تضيق ايدن ( ماقسيم ) عليهنه يور ييوب مومى اليه  
رومانك سورلري التنده و تورن صحرالرنده مقلوب ايتيمى اوزرينه ايتاليايه  
حاكم اولدى و مؤخرأ تقرير آسايش وعدالته بدل مجهود و خريستيانلغني قبول  
ايله خريستيانلر عليهنده كي تصديقاتي رفع و نابود ايلدى و ( ۳۱۵ م ) ده  
خريستيانلق دشمني اولان شرق امپراطوري ليسينوس ايله محاربه سنه دخي  
كرارأ غالب كاهرك پاتوني و داسما و ايليريا و يونانستانى ضبطنه آلدى و ( ۳۲۳ م )  
ده اشقودره وادرنه مظرفباتي اوزرينه خصمك ممالك متباقيه سنه دخي  
مالك اولدى و خاچليق اشكنجه سنى و پهلوانلرك مقاتله سنى منع و اطلاق  
اسرايه مساعده ايدوب لكن كندو قائل و الده سيله بيهوده يره اتهام اولنان  
قرسيوس نام اوغلنى بلا تحقيق قتل ايتديكندن شاننه برازين و يردى  
و ( ۳۳۰ م ) ده مقر حكومتني اولوقته قدر بيزانس ناميله متعارف اولوب  
بعد التعمير قسطنطينوپل نامنى آلان استانبوله نقل ايدرك نهايت ( ۳۳۹  
ياخود ۳۳۷ م ) تاريخنده وفات ايلدى .

§

﴿ قسطنطين ﴾ اون ايكنجى — استانبولك صوك امپراطوريدر

( ۱۴۰۳ م و ۸۰۶ هـ ) ده عالم وجوده كلوب ( ۱۴۴۸ م و ۸۵۲ هـ ) ده  
ژانپالى اولوق نام قرداشنه خلف اولدى و بش سنه صكره سلطان محمد  
ثاني حضرتلرينك استانبولي فتح آرزوسنده اولديغني حس ايدرك برطرفدن  
سور و طايه لري تعمير و جنوزلردن استمداد ايله براقچ قطعه حرب سفينه سى  
و عسكر جلب و زندان قپوسندن غلظه يه زنجير كشيده ايدوب ديكر طرفدن  
وزير اعظم خليل پاشا واسطه سيله استرحامه باشلادى و او ائنده سلطان  
مشاراليه روم ايلي حتمارينك اولديغني محلى طلب ايلدكه اورانك متصرفي  
بن دكلم جنوزلردر ديمسيله مانع اولديغني اكلاشيلوب اورايه درحال يعنى



درت ماه ظرفنده حصار مذکور انشا و قارشو سنده مقدما یلدریم بایزیدک  
امریله یاپیلان اناتولی حصارى تعمیر اولندی و خلیل پاشانک رجاسی  
اوزینه اکرچه ایش الی آقدر تأخر ایتدیسه دهه ها یلروسنه تأثیر  
ایده مدیکندن سلطان مشارالیه (۱۲۵۳ م و ۸۷ هـ) تاریخنده هجروم  
واللی درت کون محاصره ایله استیلا ایلدی . ( قسطنطنیه ) اشبو محاصره  
اناسنده شیعیانه مدافعه اوزره ایکن تکفور سرابی جوارنده برسور  
دلیکی اوزرنده روبراه عدم اولشدر . دیگر روایت ضعیفه کوره عساکر  
اسلامیه فرقه فرقه ایچرو کیردکری صرده مشارالیه دخی خاصه عسکریله  
سرای مزبور دن ایاصوفیه طوغری کیدرکن بریاره لی عثمانلی نفری  
طرفدن قتل اولمشدر . ( قسطنطنیه ) ایچون استانبول کله سنه مراجعت  
بیوریه .

§

﴿ قشیری ﴾ — علم فقه تفسیر حدیث اصول و ادب و کتابنده امام  
اولوب سلحشور زلفده دخی مهارت کامله سی وار ایدی . اسمی عبدالکریم  
کنیه سی ابولقاسم در علوم ظاهره بی استاد کل ابواسحق اسفرائینی دن  
وباطنه بی شیخ کامل ابوعلی الدقاق دن تحصیل ایدرک الشمس طقوز یاشنده  
و ( ۱۰۷۲ م و ۴۶۵ هـ ) تاریخنده مسقط رأسی اولان نیشابورده وفات  
ایلدشدر . ( تیسیر ) نام تفسیر کبیری ایله ( لطائف الاشارات ) و ( رساله  
قشیری ) نامرنده و سائر هرفنده تألیفاتی واردر . مخدومی ( عبدالرحیم )  
دخی فضل و کالده پدری کعبنه یاقلاشمش ایدی .

جامع الصحیح مؤلفی ( قشیری ) نک اسمی مسلم بن حجاج کنیه سی ابولحسن  
اولوب وفاتی ( ۸۷۴ م و ۲۶۱ یا خود ۲۶۷ هـ ) تاریخنده وقوعبولشدر .

§

﴿ قصاره ﴾ صوبی - بزى باضلتقى ولكه لرى چيقارمق ایچون  
استعمال اولنور برنوع صوکه قلبیه ایله قلمور ( هیپوقلموریت دیوتاس )  
ترکیب کیویسندن عبارتدر فرانسزلر پارس قربنده ژاول نام قصبه یه نسبتله  
( ژاول صوبی ) دیرلر .

§

﴿ قصر شیرین ﴾ — ساسانیانند فرس پادشاهی خسرو پرویزك  
علاقه کرده سی اولان ( شیرین ) نام بر مغنیه ایچون بغداد جوارنده خاقین ایله  
حلوان اراسنده یاپدیردیغی قصر مشهوردز .

§

﴿ قصیده برده ﴾ — { ۱۲۹۴ م و ۶۹۴ هـ } ده متوفی شیخ  
شرف الدین ابی عبدالله محمد بن سعید بوصیری نك ( کواکب الدریه فی مدح  
خیر البریه ) نامیله رشتۀ نظم و بیانہ چکدیکی قصیده لالی نصیده میمه درکه  
یوز التمش ایکی بیتدن عبارت اولوب بوندن اون ایکی بیتی مطلع و اون التیسی  
نفس و هوای نفسی و اوتوزی مدح رسول علیه الصلوٰۃ و السلامی و اون  
طقوزی مولد نبوی بی و یکریمی ایکیسی جهاد رسالت استناد بیغمبری بی  
و اون دردی استغفار و باقیسی مناجاتی متضمندر . روایتۀ نظراً ناظم مشارالیه  
اشبو قصیده مبارکه بی کندوسنه قلم اصابت ایتدیکی بر زمانده انشاد ایدوب  
انکله استنفاع ایشیدی او کیجه منامنده فخر رسالت حضرت تری  
کوروب نبی مشارالیه حضرت لری بدننی مسخ ایتکله او یانه رق کندوسنی  
اولکی آوان صحتدن دها ایی بر حالده بولشدز . ملک الظاهرک وزیر  
بهاء الدین قصیده مذکورہ بی استنساخ ایدوب کندوسی و اهل بیت  
حرمتده صوڪ درجه ده وارد قلرندن دین و دنیا رنده امور عظیمیه موفق  
اولشلدز . قصیده مذکورہ نك برده ایله شهرتنه سبب شودر که سعد الدین  
فارق نام ذات بر سبیلہ نور بصردن محروم اولدقه منامنده بر کیسه ظهور  
ایدرک ( قالمق بهاء الدینه کیت و آنده اولان برده بی اlob کوزلریکه سور  
ان شالله افقت بولورسك ) دیر موھی ایله دخی اویقودن قالدیغی کبی همان  
بهاء الدینه کیدوب واقعہ بی سویلر بهاء الدین ( برده نامیله یانمده برشی یوق  
بنم زدمده اولان بوصیری نك یاپدیغی مدیحه نبویه درکه بزده انکله استنفا  
ایدیورز ) دیهرک قصیده بی چیقارر سعدان دین کوزبنه سورمه سیله در عقب  
درد عمادن رهایاب اولور . اشبو قصیده زهرا و مدیحه غرانک برکاتی  
کثیر اولوب حقیقه اقطار اسلامیه ده وجودیله تبرک ایدیلور اثار دندر . بونك  
برده ایله اشتهارینه وجوه اخری دخی کوسترلمکده ایسه ده قبوله اقرب بالاده  
سرد اولنان سبیدر .



قصیده شریفه مذکورہ نك فضلا طرفلرندن كمال اعتنايله ياپيلان شرحلى خارج از دائرة احصا اولغله هيچ اوجهتله سوق كلام ايلدى .

( قصیده منفرد ) — ابى الفضل يوسف محمد بن يوسف التورزينك اثيردركه لقبه ابن نحوى ديرلر . قصیده مذكوره ابى الحسن يحيى بن عطار قرشينك اثرى اولديغى حقه دخى بر روايت وارسهده ارجح اولان ابن نحوينك منظومه سى اولقدر . خلقندن بعضيلرى قصیده مزبوره نك اسم اعظمى جامع اولسنى دخى اعتقاد ايدرلر متعدد باشلى شرحلى واردر .

§

﴿ قصیده ابن صائع ﴾ — ( ۱۳۲۰ م و ۷۲۰ هـ ) تاريخنده وفات ايدن شمس الدين محمد بن حسنك فنون شايه معلق بيك بيتى جامع اثيردر .

( قصیده ابن عبدون ) — محمد بن عبد اللهك تاريخه دائر اثيردر جمال الدين ابن جوزى و اديب فاضل عبد الملك بن عبد الله بن بدرون خضرى وسائر بعض ذوات شرح ايلدیلر .  
مطلعى

الدهر يفجع بعد العين بالآثر      فالبكاء على الاشباح والصور

( قصیده ابن قضيب البان ) — ( ۱۶۸۴ م و ۱۰۹۶ هـ ) تاريخنده وفات ايدن سيد عبد الله بن سيد محمد حجازينك مدح نبوى يى مشتمل اثيردر ( اهلاً نبشر من مهب زرود احبى فؤاد العاشق المخود ) شيخ عثمان عريان كليسى بن عبد الله شرح ايتدى .

( قصیده بانث سعاد ) — كعب بن زهير بن ابى سلمى مزنى صحاينك مقدمه وقوعبولان هجوندن طولابى حضرت فخر كائات عليه السلامه عتدارى متضمن يازديغى الى يدى بيت اثيردر . اولى ( بانث سعاد فقلبى الهم متبول . متيم اثرهالم يفد مكبول ) مشاراليه قصورينك عفوينى ( العفو عند رسول الله مأمول ) مصراعيله استرحام ايتشدرد . قصیده مذكوره نك شرواح ونظائر عديده سى واردر .

( قصیده بستى ) — ( ۱۰۱۰ م و ۴۰۱ هـ ) ده وفات ايدن ابوالفتح

علی بن محمد کاتب شاعرک زهد و معارفه دائر الشمس بیتیدن عبارت یابدیغی  
اثر در اولی ( زیاده المرء فی دنیاه نقصان و ربحه غیر محض الخیر خسران )

§

﴿ قصیده تائیه ﴾ — ( ۱۴۳۳ م و ۸۳۷ هـ ) ده وفات ایدن شرف  
الدین اسماعیل بن مقرئ یمینیک اثر یدر . اولی ( الی کم تمادی فی غرور  
و غفلة ) ( ۱۵۰۹ م ۹۱۵ هـ ) ده وفات ایدن شیخ ابراهیم بن محمد حلبی  
شرح ایتدی .

( قصیده خزر جیه ) — علامه ضیاء الدین ابی محمد عبدالله بن محمد  
خزر جی اندلسینک عروضه دائر اثر یدر . اولی ( ولشعر میزان یسمی  
عروضه ) بو قصیده یه ( رامزه ) دخی دنیلور . ( ۱۵۱۹ م و ۹۲۶ هـ )  
ده وفات ایدن قاضی زکریا بن محمد انصاری شرح ایدوب ( فتح البریه  
بشرح قصیده الخزر جیه ) و شمس الدین محمد بن محمد ایجنی عثمانی ( رفع  
حجاب عیون القاهره عن کنوز الرامزه ) تسمیه ایلدیلر . احمد بن عبدالرحمن  
بن محمد نقاشینک دخی قصیده مذکور یه بریوک شرحی واردر .

§

﴿ قصیده ذی النون مصری ﴾ — صنعتسه دائر در . اولی  
( عجب عجب عجب عجب قطة سودا ولها ذنب ) ( آیدمر بن علی جلدکی )  
شرح یازوب ( در المکنون ) تسمیه ایلدی .

( قصیده رائیه ) — ( ۱۰۲۲ م ۴۱۳ هـ ) ده وفات ایدن ابی الحسن  
علی بن هلالک فن خطه دائر اثر یدر . مومی الیه ( ابن بواب ) لقبیلله  
معروفدر . اول قصیده .

وارغب لنفسک ان تخط بنانها خیرا تخلفه بدار غرور  
فجمع فعل المرء یلقاه غدا عند التقاء کتابه المنشور

( ۷۳۲ هـ ) ده وفات ایدن شیخ برهان الدین ابراهیم بن عمر جعبری شرح  
ایلدی .

( قصیده شینیه ) فارسی — شاعر مشهور خاقانینک یکرمی درین



یلتی جامع اثریدر • میر خسروک یوز الی یلتی شامل مرأه انصفا سی  
و نور الدین عبد الرحمن جامینک یوز اوتوز یلتدن عبارت (جلاء الروح) ی  
و فضولینک یوز اوتوز درت بیت (انیس القلوب) ی و شیرازینک التمش الی  
بیت (عمان الجوهری) قصیدهء مزبوره یه یاپیلان نظائر دندر •

(قصیدهء طنطرانیه) — معین الدین ابی نصر احمد بن عبد الرزاق  
طنطرانینک وزیر مشهور نظام الملک حقنده یادیغی مدحیه در • اولی  
(یاخلی البال قد بلبلت بالبال) الی آخره محمد بهشتی اسفرائی شرح  
ایلدی •

§

﴿قصیدهء عینیه﴾ — (۱۱۸۵ م و ۵۸۱ هـ) ده وفات ایدن  
سهیلی ابی القاسم عبد الرحمن بن عبد الله بن احمدک اثریدر • اولی  
(یا من یری مافی الضمیر ویسمع انت المعد لکل مایتوقع) (۸۳۷ هـ) ده  
متوفی ادیب معروف ابن حجة ابو بکر علی حوی تخمیس ایلدی • اولی  
(قالو اعداک وانت حی لا تسمع)

(قصیدهء وزیر عبد الله پاشا) — مشارالیه کو پرلی زاده لردن وزیر  
اعظم مصطفی پاشانک مخدومی اولوب اشهو قصیده سیه شیخ الاسلام  
شهید فیض الله افندی بی مدح و ثنا و (۱۱۴۸ هـ) تاریخنده عزم دار بقا  
ایلدی • اولی (ماذا یهیجک من صباک الا قدم) شیخ الاسلام محمد  
پیری زاده عثمان افندی تخمیس بو تخمیسله قصیده نک هر ایکیسنی شیخ  
عثمان بن عبد الله عریانی تشریح ایلدی •

(قصیدهء عینیه) — شیخ رئیس ابی علی بن سینانک اوتوز یلتی جامع  
اثریدر • اولی (هبطت الیک من المحل الارفع و رقاء ذات تعزز وتمنع)  
(۸۷۵ هـ) ده مصنفک شیخ علی بن محمد بسطامی و شیخ عبد الرؤف مناوی  
حدادی (۱۰۳۱ هـ) ده و سائر فضلا شرح ایلدیلر • بوکارو حیه دخی دیرلر •

(قصیدهء ابی الرجا) — (۹۴۶ م و ۳۳۵ هـ) ده وفات ایدن ابی  
رجا محمد بن احمد بن ربیع اسوانی نک اخبار عالم و قصص انبیا و مختصر

مزنی و طب و حدیث و فلسفه و سائرہ فی ناطق اثریدر • موہی الیہ  
حیاتندہ بعضیلری بوآنہ قدر قصیدہ ک نہیہ بالغ اولدی دید کلرندہ یوز اوتوز  
یک بیتہ واردی جوابنی ویردی •

§

﴿قصیدہ میمیه﴾ — مولانا جلال الدین رومی حضرتلرینک  
اثریدر • امیر احمد بخاری و (۱۰۴۹ هـ) ده متوفی شیخ عبد المجید بن  
محرم سیواسی شرح ایتدیلر •

(قصیدہ میمیه) — ابی السعود بن محمد عمادینک اثر ادبا اعتمادیدر •  
مطلعی • ابد سلیمی مطلب و غرام (۹۸۷ هـ) ده عبدالرحمن بن صالحی  
امیر (۹۷۱ هـ) ده رضی الدین محمد بن ابراہیم حلبی و غرس الدین حلبی  
شرح ایلدیلر •

(قصیدہ نونیه) — (۱۴۵۸ م و ۸۶۳ هـ) تاریخندہ خضر بک  
بن جلال الدینک علم کلامہ دائر یازدیغی اثر در • اولی (الحمد لله عالی  
الوصف والشان منزہ الحکم من آثار بطلان) بشقہ برقصیدہ نونیه سی  
ومتعدد شرحلری دخی وار •

(قصیدہ یائیه) — امام سراج الدین علی بن عثمان اوشی فرغانینک  
الشمس التی یتى شامل و بین الادبا مقبول و متداول اثریدر • اولی

يقول العبد في بدأ الأملی لتوحيد بنظم كاللألی  
وانی الدهر ادعو كنه وسعی لمن بانخير يوماً قد دعالی

§

﴿قضاعه﴾ — یمنده بنوسباً سلاله سندن برذاتک اسمیدر که کند واسمنه  
منسوب اولان قبیلہ مشهوره دن بشقہ بنی کلب وجهینه و ہرامہ و بنوعذرہ  
ودھا برقاچ قبیلہ نک دخی جدی ظن اولنور قبری جبل شخرده در • قبائل  
مذکورہ دن بعضیلری وقت جاہلیتہ دومۃ الجندل و تبوک و شام طرفلرینہ  
کوچشلر ایدی • (۱۶۰۲ م و ۴۵۴ هـ) تاریخندہ وفات ایدن علمای حدیثدن  
امالی صاحبی ابو عبد الله حضرتلری بوقبیلہ یہ منسوبدر انک ایچون امام قضاعی

§

• دیرلر •



قطب الدين \* ابو محمد عبدالحق بن ابراهيم الاندلسي — ابن  
سبعين ديمكه مشهور در علوم وآدابده و بتخصيص فلسفهده مغبوط آفاق  
ايدى . اندلسدن سبتهيه هجرت ايدوب اوراده قواعد فلاسفه اوزره  
تصوفه منسلک اولدى . عرفانه دائر برچوق كلامى و تصانيفى واردر .  
خصوصى اولهرق برطاقم مرید و اتباعى دخى وار ايديكه سبعينه ديو  
متعارف ايديلر . ستهده بر ايام اقامتدن صكره مشرق طرفنى شعشه علم  
و كالى ايله اشراق و مكه مكرمه يى زيارت ايدرك كرك ذكر جيلى و كرك  
آثارى تون اقطاره شابع اولغه باشلادى . مكده ايكى سكرسان بيك دينار  
انفاق ايلشدر . موى اليهك مغاير شرع شريف بعض احوال و حرکاتى  
جهتيله مغربدن نفي اولنديغى دخى جلهء رواياتندر . محكيدر كه موى اليه  
وطنندن چيقدقه طلبه و اتباعندن بر چوق ذوات دخى كندوسيله برلكده  
چيقارلر . اون كون صكره بر قصبهيه وصوللرنده يول زجتنى چيقارمق  
ايچون جامه كيرلر دلاک كلوب شيخك ( ابن سبعينك ) اياقيرنى اوغغه  
باشلار و نه طرفدنسكز ديو صورار شيخ وياننده كيلر اندلسده مرسيه دز  
ديملرى اوزرينه دلاک ( ها شو ابن سبعين زنديقنك ظاهر اولديغى محلدنمى )  
ديمسيله ابن سبعين اتباعنه سكوتلرينى ائما ايله اوت دير دلاک بونك اوزرينه  
حقنده كونا كون سب و لعنه باشلايوب ابن سبعين دهامساعد كورنديكه  
حريف لعن و شتمى ارتيرر بر درجهيه وارر كه مشار اليهك اتباعندن برى  
طيانه ميوب دلاک ( و اى باشكه الله سنى دمنديرو سو كديكك كسمنك ايكى  
اياقيرى التنده بولنديريور ) دير دلاک دخى نهيه اوغرا ديقنى شاشيردق  
هزار خجالتله اعتذاره باشلار . ابن سبعينك علوم غريبه دن برچوق شيلرينى  
حكايه و بعضيلرى سيميا و كيميايه و قوفنى اعتقاد ايدلر . موى اليه كتاب  
الاحاطه ايله جوهره دائر بر كتاب تاليف ايتش و بر چوق رسائل بليغه  
و فتححه بر ايتشدر . رسائل مذكوره بتمهها زبرده رساله العهد نام اثرندن  
ماخوذ اولهرق عباره اسلوبنده يازلشدر . عباره [ ياهذاهل عرك الاكلح  
او عطاء نكد لا سمح و اصالك لهو و لعب و اسحار ك سهر و علل ] .

ابن سبعین حسن اخلاق صاحبی و اذا و بلایه صبور و عزیز النفس اولوب  
فقرا و بیوایکانه بنفسه خدمت ایتک عادت ایدی . مشرق و مغرب اعلامی  
ایله کندو یینده خطوب کثیره جریان ایتشد . اشعار رائقه سندندر .

کم ذاتموه بالشعبین و العلم      و الامر اوضح من نار علی علم  
و کم تعبر عن سماع و کاظمه      و عن زرود و جیران بندی سلم  
ظلمت تسأل عن نجد و انت بها      و عن تهامة هذا فعل متهم  
فی الحی حی سوی لیلی فتسأله      عنها سوألك و هم جر للعدم

ولادتی ( ۱۲۱۷ م و ۶۱۴ هـ ) ده وفاتی ( ۱۲۷۰ م و ۶۶۹ هـ ) ده  
و قوعبولمشدر . روایتة نظراً مومی الیه ایکی الندن قان آلوب قانی علی حاله  
جریانہ بر اقله وفات ایلدی .

§

﴿ قطب الدین ﴾ شیرازی — علامه محمود بن مسعود بن مصلح  
الفارسیینک شهرتیدر که سردفتر اذ کیماء عالم و کافه علوم عقلیه و نقلیه ده  
براعتی مسلم بر ذات فضائلسمات ایدی . ولادتی شیرازده ( ۱۲۳۶ م  
و ۶۳۴ هـ ) و وفاتی ( ۱۳۱۶ م و ۷۱۶ هـ ) تاریخنده در . اولاً جانب  
رومه رغبتساز قدوم اولوب اهلیت باهره سی سایه سنده نائل انواع نوازش  
و اکرام و سیواس و ملاطیبه ده دخی منصب حکم و قضا ایله بکام اولدی .  
مؤخرأ شامه و بعده تبریزه کیدرک اوراده تکرار تحصیل علوم عقلیه به حصر  
ایام ایلدی .

طبعی غایت لطیف و کندوسی عابد و عادل بر مرد عقیف اولوب علوم  
مذکورده دن بشقه شطرنج و شعبه و ضرب رباب امثالی فنونده دخی بد طولاً  
قزائمشیدی . ( شرح مختصر ابن حاجب ) ( شرح مفتاح ) ( شرح کلیات  
قانون ابن سینا ) ( شرح حکمة الاشراق ) و زبان فارسیده ( سزاوار افتخار )  
و علم هیئتده ( تحفه ) و ( نهاية الادراک ) نام کتابلری تألیف ایلدی که جله سی  
اربابی عندنده مانند اوراق زر مقبول و معتبر اولوب از جله ( درة التاج ) ی  
جیع اقسام حکمت نظریه و عملیه بی جامع بر کتاب فوائد نصابدر .

§



﴿ قطب الدین ﴾ رازی — اسمی محمد بن محمد و شهرتی (تختانی) در  
بو نسبت قطب فوقانیدن تمیز ایچوندر زیرا ایکلیسی دخی بر مدرسه ده  
و بری طبقه فوقانیه دیکری طبقه تختانیده ده بولور ایدی .

اتـبـو قطب تختانی جیع معقولانده امام جهان و فرید زمان اولوب نامی  
السنة عالمیانه اشهار وصیت جیلی اقطار بعیده یه انتشار ایتشیدی .

یتش درت ییل مقداری معمر اولوب خارج دمشقده ( ۱۳۶۴ م و ۷۶۶ هـ )  
تاریخنده وفات ایتشدر . کشافه حاشیه مشهوره سی و علم منطقه ( مطالع  
ارموی ) یه غایت معتبر بر شرحی و کذا منطقه ( کاتبی ) نك رساله  
( شمسیه ) سنه دیکر بر کوزل شرحی واردر .

قطب تختانینك ( مبارکشاه ) لقبیه مشهور بر عبد مملوکی وار ایدی که هنگام  
طفولیتندن برو مومی الیهك آغوش تربیه و تعلیمده پرورش بوله رق علماء اعلام  
و مؤلفین کرام زمره سنه النحاق ایتشیدی حتی علامه سید شریف جرجانی  
مومی الیه قطب رازینك شرح مطالعنی اشبو مبارکشاهدن تدرس ایچون  
نامصره قدر عزیمت ایتشدر .

### §

﴿ قطرانندی ﴾ — ملوک بنی طولوندن مصر ملکی خسارویه نك  
قریدر عباسیه دن معتضد خلیفه یه بیک کره بیک یعنی بر ملیون التون یله  
نکاح و ( ۸۹۴ م و ۲۸۱ هـ ) تاریخنده زفاف اولندی مومی الیهافرط  
حسن و جمال و مزید عقل و کیاست و کمال الیه معروفه بر قادی ایدی بعض  
عقلا دیرلر که معتضد قطرانندی بی مجرد بنی طولون دولتی فقیر دوشورمک  
ایچون تزوج ایتشدر زیرا باباسی اکا اولقدر اشیاء نفیسه و جواهر ثمنیه  
و تحف فاخره جهاز و بر مشیدی که نظیری برو قتده و بر اقلیمده کورلش دکل  
ایدی از جمله اشیای مزبوره ایچنده جهاز اوله رق یالکز یوز عدد التون  
هاون وار ایدی که سائر لری دخی بوکا قیاس اواندییغی حالده جهاز مزبورک  
نه درجه مکلف برشی اولدیغی اکلاشیله یلور . مومی الیهانک خالته سی  
عباسه بنت احمد بن طولون مصرک شام طرفنده اولان سرحدینه دکی  
کلوب اوراده چادرلرینی قوردیغی محله بر قریه بنا ایلدی که الان مشار

الها نامه عباسه تسمیه اولنور . قطرانندی (۹۰۰ م ۲۸۸ هـ) ده وفات ایدرک بغدادده رصافه نام محله کی قصر داخلنده دفن اولمشدر . بو مصاهردهن صکره خارویه معتضد طرفنه بهرسنه ایکیشر یوز ییک التون کوندرر ایدی .

§

﴿ قطع ناقص ﴾ — علم هندسه ده بر شکل بیضی اولوب داخلنده بری برینی قائماً قطع وتنصیف ایدن خطین مستقیمیک اطولنه (محور کبیر) واقصرینه (محور صغیر) و بونک نقطه تقاطعنه (مرکز) و محور کبیرک اوزرنده مرکزدن مساوی بعدده واقع ایکی نقطه یه (نقطه احتراق) تسمیه ایدرلر .

§

﴿ قطورا ﴾ — ابراهیم علیه السلامک زوجه سی ساره نك وفاتندن صکره (۳۵۹۹ خ) تاریخنده یعنی میلادک بیک طقوز یوز طقسان بش سنه مقدمنده قبائل اتر اگدن یاخود کنعانلردن تزوج بیوردیغی خاتوندرکه بوندن التی نفر اولاد کرامی ظهوره کلشیدی . برروایتده اسمی قنطورادر . حضرت ابراهیم حیاتنده اشبو قطورادن اولان اولادینی اموال کثیره اعطاسیله شرق طرفنه کوندرمشدر . بعض مورخین (مادی) لر بونلردن تشعب ایتدی دیرلر .

§

﴿ قهریه ﴾ یاخود (قهریه) — درس معادته تکفور سرائی جوارنده واقع جامع شریف و محله نك اسمیدر . جامع مذکور دروننده اصحاب کرامدن (ابوسعید الخدری) حضرت ترینک مقامی بولنور . بوجامعی ابتدا امپراطور (ژوستین) حضرت عیسی نامه یایدیروب صکره خراب اولدیغندن (۱۳۳۰ م و ۷۳۱ هـ) تاریخنده اغنیادن (تئطور متوحیس) شمدی کورلیدیکی کبی انشا ایتدیرمش وچورلیلی علی پاشا زمانه قدر کلیسا اوله رق قوللانیلوب پاشای مشارالیهک امریله جامعه تحویل اولنش ایدی .

§

﴿ قلادوه ﴾ — طونه نك یوقاروسنده واقع فتح الاسلام قلعه سنک نام دیکریدر .

§

﴿ قلازومن ﴾ — از میر جوارنده واقع کلیرمان یا خود اورله  
شهرینک نام عتیق در .

§

﴿ قلاوی ﴾ — مقدما وزرانك باشلرینه کیدکاری درت کوشه تللی  
صاریق درکه باش اشاخی قوندیخی حالده طاش هاون رسمده کوربنور .

§

﴿ قلاوی ﴾ — طبیعتده حمض و کبریت حالنده بولنوب مؤخرأ  
کورایله تسخین و تصفیه اولنور خالصی بیاض و مجلا و آز متصوت  
وزیاسیله متطرق و ایکویز اون ایکی درجه حرارته مذاب بر معدنر آچقده  
اریدلنکده اوزرینی قاپلیان زار ( حمض قلاوی ) در بوحض قپالی برقاب  
ایچقده شدید حرارتله تسخین اولندقدن صکره هوایه ترک اولنسه همان آتش  
آلوب بخاره منقلب او اور .

§

﴿ قلب ﴾ — اهل تحقیق عنسدنده قلب یورک تعبیر اولنان لم  
صنوبری یه تعلق ایدن لطیفه ربانیه درکه جمیع قوتک مبدئیدر تده کیم  
دماغ جمیع حواسک مبدئیدر . حکما سویدای قلبک سر استواسی حقیقت  
انسانیه در و قلب نفس نامقسه نك تخت سلطنتیدر و منبع فیض و حیاتدر  
و اهل تشریح قلب دینلان یورک مرکز جهاز دوران دم بر جوف عضلی  
اولوب ( آورده ) اعانه سیله اخذ ایلدیکی دمی شرابین واسطه سیله  
اعضایه دفع و طرده مأموردیر دیرلر . قلبده دم اسوده مخصوص ایکی  
جوف ایمن و دم احمره مخصوص ایکی جوف ایسر اولوب بونلر یینلرنده  
اصلا اشتراك ایتیه جک صورتده بر حجاب تام واسطه سیله مفصول بولندقتری  
کبی ایمن و ایسر دن عبارت اولان قلبک هر بر نصفی دخی دسام ایله مزین  
بر حجاب غیر تام اعانه سیله بری علوی ( اذین ) و دیکری سفلی ( بطنین )  
اولق اوزه ایکی جوفه تقسیم اولنورلرکه جوف اعلانک دم وریدی بی قبول  
ایتمی عقینده دم جوف اسفله نزول و اشبو جوفدن شرابینه توجه ایدر  
بین الاذین و البطنین واقع اولان دسامه دمک اذیندن بطینه مرورینه کافل  
و بطیندن اذینه رجوعنه حائلدر . اذین ایمن رتیندن ماعدا کافه اقطار



بدنك دم وريدیسی اخذ ایلدیکی کبی بطنین ایمن دخی اشبو دمى الوب  
شریان رئوى طریقله رئینه طرد ایدر . اذین ایسرائسه اوردۀ رئویه نك  
جلب ایتدیکی دم احری قبول و بطنین ایسرائشو دمى اخذ ایدرک شریان  
اهر کافۀ واسطه سیله کافۀ اجزای بدنه دفع ایدر .

§

﴿ قلزم ﴾ — بحر احرك یعنی شاب دكزینك نام دبکریدر . بحر  
اجر کنارنده قصیری اسکله سنه قریب برشهر قدیمه دخی و قتیله قلزم دینور  
ایندی .

§

﴿ قلعه سلطانیه ﴾ — مرمره دكزندن اق دکره چیقاجق بوغازده  
مستحصن برشهردر ( داردانیل ) دنیلان چناق قلعه نك مر بحر یسنده  
و کلیو لیک التمش کیلو مترو جنوب غریب سنده بولنور و نفوسی اون اوج  
بیك تخمین اولنور . بوغازك مرینه حاکم اولان بر قصری غایت مستحصن  
و ساحلنده کائن ظیراق قلعه لر فوق الغایه متین و مستحسندر .  
( سلطانیه ) ایزانده برشهر قدیمدر ( سلطانیه ) کله سنه نظر بیوریه .

§

﴿ قلقان ﴾ — محارباتده وجودی ضربات خصمدن محافظه ایچون  
صول قولده طاشینور محذب الشکل بر سلاح مدافعه در ایلک قلقانلر  
سکود و اخلامور و امثالی خفیف اغاجلردن یاپیلور ایدی مؤخرأ مشین  
ایله قاپلنوب کنارلرینه معدن صفیحه لر چکلمکه باشلادی . بونلرک بعضیلری  
مدور و مستطیل شکلده و بعضیلری دخی یصی و هلال و قوس و دیگر  
شکلرده و اوزرلری بر طاقم صور مر موزه ایله منقش ایدی . و میدان  
محاربه ده قلقان باش براق قدر آخر رشئ صاییلور ایدی . فرانقلر  
انتخاب ایتدکلی قرالارینی اهالی یه کوسترمک ایچون ( پاووا ) تسمیه  
ایتدکلی بر قلقان اوزرینه اوتوردوب بو وجهله میدان چیقاردقلى یعنی  
قراک بریوک قلقان اوزرینه اوتوردیغی حالدۀ جلوس آلاینه چیقادیغی بعض  
توار یخده کورلشدر .

§

﴿ قلندر اوغلی ﴾ علی — ملاطیبه ده عشرتدن یتشمه برآدمدر .  
خیلی مدت مغاره رده اختیار عزلتله جلب انظار محاسنه بذل مجهود و کیده رک  
کویا اولیانگ طبقه علیاسنه صعود ایدوب بندکانک ایکی وقت نمازلرینی  
باغشلامش و مؤخرأ بوکستاخلغنه ده قناعت ایتیوب باشنه طو پلانان اوج  
بش بیک خرکله ایله دأرئه اطاعتدن بالخرج حکومت سوداسنه دوشمش  
واناطولی ایچنده اوتیه بروه صارقندیلق ایدرک خیلی فقیرک قندیرانه  
اوجاغنی سوندیرمش اولدیغندن ( ۱۷۵۰ م و ۱۱۶۵ هـ ) تاریخنده طرف  
دولتدن اوزرینه عسکر کوندیرلرئ جعیلیه برابر زیر وزیر ایدلشد .  
§

﴿ قلور ﴾ — فرانسه جنرالرندندر ( ۱۷۹۸ م و ۱۲۱۳ هـ )  
تاریخنده یونانارت ایله مصره کلوب جزئی بر محاربه و بعض مقاوله ایله  
اسکندریه یی آلدقدن ودها خیلی نهار باتده بولسقدن صکره یونانارتک  
پارسه عودتده طرفندن بالوکاله مصرده قلمش ایدی ( ۱۲۱۵ هـ )  
تاریخنده باغله لری سیر و تماشایدرکن سلیمان نامنده برفداییدله قتل  
اولندی و مؤخرأ فدائی مرقوم دخی طوتیلوب درلو اشکنجدرله اعدام  
ایدلی .

§

﴿ قلود غالیه ن ﴾ ویا ( غالیه نوس ) — ( ۱۳۱ م ) ده برغده  
تولد و ( ۲۰۰ م ) تاریخنده وفات ایتش بر حکیم یونانیدر . خوی  
و مشربنک لطافتندن ناشی کندوسنه حلیم معناسنه اولان غالیه نوس نامنی  
اعطا ایدن ( نیقون ) نام ماهر معمارک اوغلی ایدی . اول فلسفه یه  
وباخصوص ارسطوسلکننه دوام ایدوب مؤخرأ طبایته حصر نفس ایلدی  
واکمال تحصیل ضمنده اسکندریه شهرینه کیدوب اوراده عریض و عمیق  
تشریح درسی کوردکدن صکره تحصیل ایتش اولدیغی صنعت طبابتی  
برغده موقع اجرایه قویه رق بعده اوتوز درت یاشنده اولدیغی حالده  
رومایه کیتدی واوراده آز برمدت ظرفنده کسب شهرت ایدرک ( مارق  
اورهل ) و ( وروس ) و ( قومود ) نام روما امپراطورلرینک متعاقباً حکیم  
خصوصیلری اولدی . آخر عمرینه طوغری برغیه تکرار رجعت ایتدیکی

ظن اولنقده در . بقراطدن صكره متقدمينك برنجى حكيمى غاليدن ايدى  
استانكوى اختيارينك يعنى بقراطك وضع ايتمش اولديغى طريق فلسفه‌نك  
اساسنى تجديداً احيايه برچوق وقت مشغول اولوب طب و تشریح  
خصوصاً تبحر خيلى تأليفات مفیده بر اقدیسده آثارینك اکثریسی ضایع  
اولمشدر . اليوم آثار متباقیه‌سی ایچسده باشلیجه‌لری تشریح و طبك لزوم  
و منافع حقیقه اولان مؤلفاتیه اون درت کتابدن عبارت اولان فن مداوات  
و بقراطك تألیفات مختلفه‌سنه دائر تشریحاتی و علمته باعث مواد وفان آلمغه  
دائر اولان تألیفاتیدر . دیگر فنونه و باخصوص فلسفه‌یه عائد تألیفاتى  
دخی وارد . و علم منطقده قیاسك در دنجى شكلنى اختراع و تاریخ فلسفه  
وفن مناظره‌یه دائر کتابلریله دخی فضلنه اذهان عمومیه‌ی اقناع ایشدر .  
یالكز فرضیاتدن قورئله‌ماش ایدى . حیاتك احوالندن معلومات و یرمك  
ایچون روح حیوانى بی قبول ایلر ایدى .

§

﴿فلودی﴾ ایکنجی — روما ایمراطوری مشهور (غالیین) له  
میلانده محصوراً وفاقی اوزرینه (۲۶۸ م) تاریخنده یرینه چکن ذاندر . غایت  
شجاع و بهادرایدى مشارالیهك ملكنى غوت طائفه‌سنگ تسلط و حشیانه‌سندن  
قور تارمق اوزره همان اوزر لرینه هجوم ایدرك اوج یوز یك قدرینی اوکنه  
قاتوب بالقانه قدر تعقیب و تهدید ایتدیكى وایكى یك عدد قایق‌لرینی طونده  
غرق و نابید ایلدیكى تاریخچه مشهوردر .

§

﴿فلودین﴾ — برنجى فرانسه قرالیدر (۴۸۱ م) تاریخنده  
جلوس ایدوب اوتوز سنده سلطنت سورمشدر (ساوت) ايله (رون)  
وادیسی یینده متشکل بورغون حکومتنه غلبه ايله قرالیرینی و یرکویه ربط  
ووز یغوئلری دخی پریشان ایدرك پارس روئن بوردو تولوز شهرلرینی  
حربسزجه ضبط ایلدکدن صكره (۸۷ م) تاریخنده فرانسه حکومتنى  
تشکیله موفق اولدی . بوندن صكره دخی استروغوئلری تحت حایه‌یه  
والمائلری درکه مغلوبیتنه ایصال ایدوب (۵۱۱ م) تاریخنده وفات ایتکله  
ممالکی (پارس) (لیمورغ) (اورلیان) (پخ) قرالغی ناملریله درت



اوغلی ییئنده تقسیم اولندی . اشبو دوت قرنداش پك آز وقتنده اتقاق  
اختلافه تحویل ایلدکارندن ممالك من بوره نهایت بونلردن (قلو تر) عهدده سنده  
تقرر ایلشدر .

§

﴿ قلو ر ﴾ — علم ژئولوژیده اهمیتتری درکار وعددی اون التی یه  
بالغ اولان اجسام عنصریه دندر . اشبو عنصر یشیله قریب صاری رنگلی  
و کریه رایحه لی وتنسم واشتعاله غیر صالح بر غاز اولوب طبیعتده خالصنه  
تصادف اولنماش و دائماً مواد سائره ایله مختلط بولمیشدر . مولد الماء  
ایله امتزاج ایدوب (حامض قیلور مولد الماء) و سودیوم ایله دخی عادی  
مطحین طوزینی احداث ایدر .

غاز قلو ر تنفس اولنسه صدری تضییق ایدرک شدید بر اوکسورک پیار  
وزیاده جه تنفس اولنسه هلاک ایلر ولونلری بوزار وانججه لوحه اولمش  
بر جسم معدنی یه طوقندیرلسه درحال اشعال ایدر .

اشبو قلو ر ی ابتدا کشف ایدن (شه ئل) نام کییا کر ایدی .

§

﴿ قله ئو پاطری ﴾ — ملوک بطالسه مصریه دن برخاتونک اسمیدر .  
( ۵۵۴۴ خ ) تاریخنسده یعنی میلادک الی سنه مقدمنده هنوز سن بلوغه  
ایرمیان قرنداشی ( دینس ) ایله عقد ازدواج ایدوب مو می الیه شریک  
سلطنت اولمش و مؤخرأ یالکزجه اجرای نفوذ ایده بیملک هوسینه  
دوشدیکندن دنیسک وصیلری طرفندن طرد اولنوب امپراطور سزارک  
امریله تکرار اجلاس ودیکر قرنداشینه تزویج اولمشیدی بوندن صکره  
دخی اسیر حسن و آنی اولان روما جنرالی انطوان ایله تزویج ایدی وروما  
امپراطوری اوکوست انطوانک شرقده قزاندیغی استقلال و مرقومه ایله  
تزویج و اتقاقنی چکه مدیکندن رومالورلی علیهنه تحریک و برچوق عسکر  
جمع ایدرک اوزرینه یوردی وانطوان دخی زوجه سیله برابر اقسیموده  
مقابله ایتدیه ده قله ئو پاطری کندو طرفلریک مغلوب اوله جغنی حس ایله  
صاووشوب زوجنی یالکز براقدیغندن بیچاره انطوان مغلوب اولوب عارندن  
کندوسنی تلف ایلدی و قله ئو پاطری دخی معشوقک مغلوب و تلف

اولدیغنی ایشندیکی و تعقیباً مصره کلان اوکوستک پکده التفاتنه منظر اولهمیه جفنی و بالعکس التون زنجیر ایله رومایه کوندریله جکئی خبر آلدیغنی کبی بر مناسیره چکیلوب و اوراده کندوسنی بر حیده صوقدیره رق تلف ایدوب آخرته کتدی و ونجه سنه لردنبرو پایدار اولان ملوک بطالسئه مصریه بوصورتله محو و ممالکی روماً دولته منتقل اولدی . ( ۵۵۶۴ خ )

§

﴿ قلیج ﴾ — تدافعی و تعرضی بر سلاح قاطعدر شکل و طرزی بر چوق دفعه لر تبدل ایتدی غولو الیلرک قلیجی اوزون و عریض اوله رق باقردن معمول ایدی رومالیلرک کی تیموردن اولوب قیصه واورته سی قالین و اوچی سیوری وهر ایکی طرفی قاطع ایدی عجملر و جرمانلر و غولوالیلر قلیجی هر زمانده ورومالیلر و یونانلیلر محاربه ائالرنده طاشیرلر ایدی . فرانکلرک قلیجی قیصه آغر اوجسز وایکی طرفی قطعه الو یرشلی صورتده ایدی صلیبیون محاربه سنده خرستیانلرک قلیج قبضه لری خاج شککنده وشرقلیلرک قلیج لری اوراق شککنده ایدی قلیج اون بشنجی عصره قدر یالکز محاربه زمانلرنده بله آصیلور ایکن عصر مذکوردن اعتباراً زمان آسایشده دخی طاشمغه باشلامشدر و الیوم هر دولته ضابطان عسکریه نك علامات رسمیه لرندن معدود در . ( الروض المسلوف فیما له اسمان الی الاولوف ) نام رساله ده محرر اولدیغنی اوزره قلیجک ممالک شرقیه ده بیکدن متجاوز اسمی واردر .

§

﴿ قلیح علی ﴾ پاشا — ( اولوح ) کله سنه نظر بیوریله .

§

﴿ قمامه ﴾ — بونک قسطنطنیک والدہ سی ( سنت النی ) نك ( ۳۱۴ م ) تاریخنده قدس شریفده حضرت عیسانک کویا صلب اولدیغنی محله یاپدیردیغنی مشهور کلیسانک اسمیدر بونکلیسانی ملوک فاطمیه دن حاکم بامر الله ( ۱۰۰۹ م و ۴۰۰ هـ ) تاریخنده هدم ایتدیرمش و ( ۴۲۹ هـ ) سنه سنده روملرک التماسی اوزرینه مصر حکمداری مستنصر بش بیک مسلمان اسپرینی استرداد شرطیله تکرار یاپدیرمشدر . بونک سدانتی حضرت

عمر زماندن برو رومله عائد ايکن (۱۶۰۹ م و ۱۱۰۲ هـ) ده روسيه نك ايتديكي نقض عهد و فرانسزلرك كوسترديكى مخالفت و صداقتنه بناء فرانسزلره يعنى قتلكره و يرلمش و مؤخرآينه رومله پكوب (۱۸۵۲ م ۱۲۶۹ هـ) ده قتلكر دعواى تصرفه قاتلكريله بودفعه دخى انلره اعطا اولمش ايسه ده بو خصوص رومله صحابت ايدن روسيه دولته آغر كلديكندن برسنه صكره دولت عليه يى تضيقه باشلادى و دولت عليه دخى اوروپا دولترليله مخابره و اتفاق ايدرك جواب رد و ربوب ايكي طرفدن اعلان حرب و قوعبولدى و محاربه ايكي سنه سوردى .

§

﴿ قمر ﴾ — كواكب سياره دن كره ارضك پيكى بر كوكدرد ارضه اولان بعد اعظمى ايكوز الهى اوچبيك و بعد اصغرى ايكوز يكرمى بريك و بعد وسطى ايكوز اوتوز يدى بيك ميله بالغ اولور . جمى ارضك (  $\frac{1}{19}$  ) نسبتنده در . كره ارضك اطرافنده دور ينى يكرمى يدى كون يدى ساعت قرق اوج دقيقه ده اجرا ايدر . قرك اشبو دورى ايكي استقبال و يا اجتماع بيننده كى كذران ايدن مدت اولوب بوكا اهل هيئت دور قرى ديدلر بزلر ايسه بر ماه قرى ديرز چونكه دور قرينك مدتى دور نجوميدن ايكي كون و بر قاج ساعت ده اوزونجه در يعنى اشبو مدت برنجى اجتماعندن برى شمسك قطع ايلديكى مسافه يى قرك سير ايتك يولنده صرف ايتديكى زماندر بناء عليه بر دور قرى يكرمى طقوز كون اون ايكي ساعت قرق درت دقيقه دن عبارت اولور . سطح قرده و قتيه پك چوق انقلابات و قوعه كلديكى اوزرنده كى علاماتدن اكلاشفنده در اجرام سماويه اينجمنده بزه قردن يقين بر جرم بولنديغى جهته لك قوتلى بر تلسكوپ ايله سطح زهرده كوره مديكمز شيلرى الك عادى بر دورين ايله قرده كوره بيلورز .

تريعه قريب زماننده سطح قرك قسم منوريله قسم مظلمى فاصل اولان خطده كوريلان غير منتظم و كيرنيملى چيقتبلى شيلر و پارلاق خلقلر و سياه لكدر هب قرك عوارض جبلية و سائر سيدر . اهل هيئت عوارض مذكوره يى صنوف ثلثه يه تقسيم ايدوب برنجى صنفده بوانانلرله



جبال مجردہ اطلاق ایلدیلر که عموماً مناره کلاهی هیئتندہ اوله رق مستوی اووه لده کیم ما اتفق پوسکروب چیقمش و درت میلدن بر میلہ قدر ارتفاعلری بولنشدیر . ایکنجی صنفہ جبال متسلسلہ دیدیلر که ارتفاعلری اون سکنز بیک قدمدن یکرمی بیک قدمہ قدر و امتدالری ایک یوز میلدن اوچیوز میلہ قدر در . اوچنجیسی سطح قرک بشده اوچی استیعاب ایدن جبال مستدیرہ در که مسلسل و متصل اولدقلرندن قرک شکل طبعیسنی تشکیل ایدرلر و برچوق جبال حلقوی دخی موجود اولوب بونلرک اورتلری اوج بش میل ودها زیاده وسعتده وغایت درین اولدیغنه نظراً منطق برروولقان منفذی اولدقلرنده شہہ قالماشدر . حالا ینار وولقان یوقدر .

قرک ضیاسنه قارشومدت مدیده اوتورمق وجود انسانیه یه مضر اولدیغی و سیمایه چرکینلک و بعضاً چارپقلق کتوردیکی مجربا تندر .

### §

﴿قنادہ﴾ — انکلیز امریکای شمالی مستملکاتندیر . شمالاً (لارادور) و (هودسون) دکزی و جنوبی یکی غال غرباً اراضی خالبہ جنوباً امریکای مجتمعه شرقاً یکی برونسویک سن لوران کور فزی و بحر محیط اطلاسی ایله تحدید اولنور طولاً ۲۲۰۰ عرضاً ۹۰۰ کیلومتر و اتساعی اولوب اکثریسی فرانسوی الاصل اولق اوزره ایکی میلیون التی یوز بیک نفوسی حاویدر سن لوران و اوتاوا و نیئاوا و انهرلریله اسقا ایدیلور ایوم قنادہ بری جنوب غربیده قنادہ علیا و یا غربی دیکری شمال شرقیده قنادہ سفلا و یا شرقی نامیلہ ایکی یه منقسمدر . قنادہ نك قسم اعظمی دها بالطه کیرمماش اورمانلرله مستور اولوب اراضیسی حبوبات و میوه جه غایت منبت و باخصوص حدید قورشون جیوه معدنلری پک زنکیندر و هواسی زیاده صغوقدر تجارتی آن بان ترقیات عظیمه کوسستمکده اولدیغی کبی معارفی دخی روز بروز انتشار کسب ایتمکده در . قنادہ (۱۴۹۷ م ۹۰۳ هـ) تاریخنده انکلترة خدمتندہ بولنان وندیکلی (قابو) طرفندن کشف اولندی . (۱۵۳۶ م) ده (ژاق قاریته) نام فرانسولی سن لورانہ حقیقه رق بتون مملکتی برنجی فرانسوا نامه یکی فرانسه تسمیه ایلدی مؤخرأ (۱۷۵۴ م) ده بالمحاربه انکلیزلر فرانسزلردن آلوب (۱۷۶۳ م) ده پارس معاهده سی

موجبہ قطعاً انکلتزہ ترک ایدلدی . استقلال محاربہ سی اشادہ یعنی (۱۷۷۵م) تاریخندہ امریقایلر بورایہ استیلا ایدیلر سده نتیجہ سزقالدی . کرسی ایلت مقدا (مونریال) اولدیغی حالده ایوم (اوتاوا) شهریدر .

§

﴿ قتال ﴾ یاخود (جدول) — کره ارض اوزرنده اولان مصنوع قنالک الہ مهمی بحر سفیددن بحر احمره آچیلان سویش قنالیدر . بوقنالک طولی یوز میل (تقریباً قرق ساعت) وسطی یوز سکسان یاخود یوز طقسان قدم وقرنده اولان سطحی یتش ایکی قدمدن یوز قدمه قدردر عمق هرطرفده یکرمی الی قدمدن اشاغی دکلدر . بویله بوقنالک لزومی اوروپا دولتری خیلی وقندن برو حس ایدرک برقاج کره کشف ایتدیردکری کبی (۱۸۵۴م و ۱۲۷۱ھ) تاریخندہ دخی موسیو فردینان دولسپس کشف وتدقیق ومصر والیسی سعید پاشایہ عرض ایدرک واقع اولان مساعده وامر پادشاهی اوزرنه تشکیل اولنان قومپانیہ واسطه سیله وبهری بشیوز فرائق قیمتندہ درتیوز بیک حصه بدلیله ایشه مباشرت اولنوب (۱۸۶۹م و ۱۲۸۶ھ) تاریخندہ اکمال ورسم کشادی اجرا اولندی . مدت انشا ات اولان اون درت سنه ظرفنده وقوعبولان مصارفک یکونی ایکیوز التمش سکز ملیون فرانقه بالغ اولدیغی تخمین اولنیور .

اشبو قنالک یکدیکی محللرک کافه سی قومسال و برقاج قوریش وطوز ایله طولمش کول مواقعی اولوب یالکز (سرایوم) دنیلان نقطه سی قبالق ایدی . ذکر اولنان قوری کوللرده اولان بعض اثاره نظراً اورالده بوندن برقاج بیک سنه اول دخی قنال حفر اولدیغی یاخود ابتدای خلقتده اق دکز ایله بحر احمرک بربرینه متصل ایدوکی ظن اولنیور . روایتہ نظراً فراغه مصریہ دن سیزوستریس زماننده نیلک فرع شرقیسندن سویش کورفرینه بوقنال حفرینه مباشرت اولنوب لازیدار زماننده ایکیوز کیلومترو اولوق اوزره تکمیل اولمش ومؤخرأ برقاج دفعه مطالعات سیاسیہ مبنی سدوینہ کشاد اولنوب الہ صکره (۷۷۵م و ۱۵۹ھ) تاریخندہ خلیفه منصورک امریله اغزلی قبادلشدر .

شمیدی قنال اق دکز ساحلنده واقع پورت سعید (باب السعید) دن یکرمی

التي ميل قدر جنوبه طوغرى خط مستقيم اوزره كيدوب اورادن شرقه طوغرى انحناء واىكى ميل قدر امتداد وبعده يته جنوبه طوغرى كيدورك (الجسر) مواصلت ايدر پورت سعيددن قرق ايكى ميل مسافده اولان و قنال قومپانيه سنك مركز اداره سى بولنان (اسماعيليه) شهرى و براز اوتده تسماح كولى واقع اولوب اندن شرق وجنوب جهتلرينه دونهرك ويوك كولره اوغرايه رق سويشه وارر . اسماعيليه ايله قاهره اره سنده واقع (زقازق) جوارنده نيلدن قنال سواحله ايكى مترو عمقنده برطانيلى صو جدولى دخى آچيش و بوجدول واسطه سيله كلان صو قنال كنگارلرندن اجرا ايديلهرك مهم نقطه لر صو احتياجندن قورتارلشدر .

قنال و ارداقى برقاچ نوع اولوب برنجيسى مرور ايدن سفاينسك بهر طونيلاته سندن اوزر فرائق حسايله النان مروريه ايكنجيسى داخلى ليمانده توقف ايدن سفايندن بهر طونيلاته سى بر فرائق حسايله النان رسم تيمور اوچنجيسى نيل ايله قنال بيلنده واقع اراضى اصحابنك طاتلى صو جدولندن اراضيلرينى اسقا ايچون الدقلى صويك رسمى دردنچيسى قومپانيه ترك اولنان اراضى حاصلاتى و مستقات ايجارى و امثالى شيلردر كلوب كچن سفينه لره لزومى اولان طاتلى صو سيله پاره ايله صايلور . سويش قنالى اوروپادن هندستان وچين سواحله كيدن سفينه لرك بولنى پك چوق قيصالندى مقدا استانبولدن بومبايه كيده جك اولان بر سفينه اميد برونندن طولاشمغه محتاج اولديغندن ( ۶۱۰۰ ) ساعتده كيده بيلور ايدى شمى ( ۱۸۰۰ ) ساعتده واره جغنده شبهه يوقدر .

كذا بومبايه كيده جك اولان بر سفينه

| سويش<br>طريقه | اميد برونى<br>طريقه | محرك       |
|---------------|---------------------|------------|
| ۳۱۰۰          | ۵۹۵۰                | لوندردن    |
| ۲۸۰۰          | ۵۶۵۰                | فرانسه دن  |
| ۲۳۴۰          | ۵۹۶۰                | تريستدن    |
| ۲۲۲۴          | ۵۲۰۰                | اسپانيادن  |
| ۳۷۰۰          | ۶۵۵۰                | پترسبورغدن |
| ۳۷۶۱          | ۶۲۰۰                | نيورقدن    |



﴿قنبر﴾ — امام علی کرم الله وجهه ورضی الله عنه حضرت تلوینک غلامی و زمان خلافت علیه رنده حاجبی اولوب حضر و سفرده معیتلندن انفکاک اتمز ایدی • حجاج زمانده شهید اولدی • قبری بغدادده در •

§

﴿قندهار﴾ — افغانستانده اهالیسی یوز بیکه قریب بر ولایت مرکزیدر • بو ولایت خیلی زماندن برو ایران دولتی اداره سنده ایکن افغان امیری او یس خانک اوغلی محمود خان ( ۱۷۲۱ م و ۱۱۴۳ ه ) تاریخنده عجمستانی اصفهانه قدر تهدید ایلدیکی صردهده قبضه تصرفه کچورمشیدی • قندهار افغانستانک پای تحت قدیمدر والیوم اعلا سرایلر و جامعلر و ضربخانه و اوستی کمرلی چارشولری وارد در •

قندهارک استیلاسی ائشاده ایران دولتی افغانیلره قارشو پک فنا بر حالده پریشان و نائره اختلالات داخلیه هر جهتدن شراره فشان اولدیغنه بناء بغداد والیسی ایران ممالکنک شو صردهده کاملاً ضبطی غایت امهل و آسان ایدوکنی در بار شو کتقراره عرض و انها ایتدیسه ده دولت علیه بویه بر زبون کشلسکی هیچ برو قتده شانه لایق کورم دیکندن جواب رد یازلدی •

§

﴿قنطارون﴾ — لسان یونانیسه اشک قولایغی معناسنه اولان ( قنطار یون ) دن غلط اوله رق اکثر یا معالجه ده قوللانیلور بر نوع چیچکدر یاره زده دخی قوللاندیغیچون صاریسنه قلیج اوتی دیرلر •

§

﴿قنبره﴾ — آوستریاده سکتوار پچوی پوزغنه نذازلپوه و شیتلوس سنجاقلرینی حاوی بر ایالتدر • مقدا دولت علیه اداره سنده ایدی •

§

﴿قو﴾ — استانکوی جزیره سنک اسکی نامیدر •

§

﴿قوالو﴾ — متخیران ارباب حکمدتندر ( ۱۷۴۹ م و ۱۱۶۳ ه ) ده ناپولیده تولد و ( ۱۸۰۹ م و ۱۲۲۴ ه ) تاریخنده لوندرده وفات ایلدی • ( میقرومتر و ) ( الکترومتر و ) بی ایجاد و سیاله الکتریقیه حقنده بعض

تحقیقات و هوانك جنس و خاصه سی و مانیاتیرمو حقارنده تدقیقات مکمله اجرا  
و بشقه بشقه معتبر کتابلر تألیف و نشر ایلشدیر .

§

﴿ قواعد الحقائق و ضوابط الدقائق ﴾ — شیخ الاسلام و مقتدی الانام  
بهرام بن یعقوب فضائل انسامك علم تصوفه دائر اثر لطیفیدر . مشار الیه  
بو کتابنه برده شرح یاپدی .

( قواعد العقائد ) — امام غزالیك علم كلامه دائر اثر مالا کلامیدر .  
( ۷۱۷ و ۱۰۳۶ هـ ) ده سید رکن الدین حسن بن محمد اسستر ابادی و علامه  
محمد امین بن صدر الدین شروانی شرح ایلدیلر .

( قواعد الکبری ) — فروع شافعیه دن ( ۶۶۰ هـ ) ده متوفی شیخ عز الدین  
عبد العزیز بن عبدالسلام شامینك ناقابل امثال بر اثریدر . موحی الیهك برده  
( قواعد الصغری ) سی وارددر . ( ۸۱۹ هـ ) ده متوفی قاضی عز الدین محمد بن  
احمد بن جماعة الکنانی هر ایکسینه ایرو ایرو اوچر شرح و نکت یازدی .

§

﴿ قوالیر ﴾ — ( شوالیه ) کله سنه نظر بیوریه .

§

﴿ قوالیه ری ﴾ — ارباب هندسه مشاهیر ننددر ( ۱۵۹۸ م و ۱۰۰۷ هـ )  
ده میلانده طوغوب ( ۱۶۴۷ م و ۱۰۵۷ هـ ) تاریخنده وفات ایلدی .  
( غالبیه ) الیه عقد مناسبات ایدرلك توصیه سی اوزرینه بولوناده ریاضیات  
خواجه سی اولوب وفاتنه طوغری منزولاً امرار اوقات ایلشدیر . موحی الیه  
غیر مرئیاته دائر اولان فن هندسینك موجدیدر خطی بر طاقم نقاط  
نامتناهیهدن مرکب اولسق اوزره تعریف و سطحلری نامتناهی خطلردن  
و اجسام صلبه یی ایسه کذالایتناهی سطحلردن عبارت اوله رق توصیف  
ایرددی . اشبو اتحاد ایلدیکی اصول سایه سنده بر چوق مسائل مبهمه یی  
حل و ایضاحه موفق اولشدیر .

§

﴿قویا﴾ — امریقادیه یوک انتیلارک الحسیمیدر جنوباً فلوریت شمالاً ژامایق و حایتی ایله تحدید اولنور شرقدن غربه طولاً بیگ یوزالمی عرضاً یوز یتش کیلومترو وسعتی اولوب ثلثانی مهاجر بر ملیون درت یوز بیگ نفوسی حاوی و مقری (هاوان) شهریدر و هواسی خارویابس اولدیغی حالده ستمه تولید ایتمکده در اشبواطه پورتوریقو ایله برابر اسپانیا دولتنک امریکا مستملکتندن اوله رق الیوم اوچ یالته تقسیم اولنور امتداد طولیسی بویدن بویه بر طاقم طاغرندن عبارت اولوب (ریوقوتو) (ریودیکنی) (ریودوس) (نیقروس) باشلیجه نهرلیدر بر چوق کی یتاقلری و لیمان و شندوفرلری و جسیم اورمانلری و ساحله قریب محارده حیرت ویره جاک درجه محصولدار اراضیلری والتون و تیور مقناطیس باقر معدنلری واردر بوراسی (۱۴۰۲ م و ۸۰۵ هـ) ده قریستوف قولومبو طرفندن کشف و اسپانیا مالکنه الحاق اولنوب (۱۶۶۰ م و ۱۷۶۲ م) ده اگرچه انکلیز ضبط ایلدیلر سه ده (۱۷۶۳ م و ۱۱۷۷ هـ) تاریخنده ینه اسپانیولره انتقال ایلدی .

### §

﴿قوپرنیق﴾ یاخود (نیقولا قوپرنیق) — مشاهیر ارباب هیئتنددر (۱۴۷۳ م و ۸۷۸ هـ) ده تورن ده تولد و (۱۵۴۵ م و ۹۵۲ هـ) ده وفات ایتشدردر الک ماهر و مشهور مجملرله کورشمک ایچون کیتدیکی ایتالیا ده (ریژیومونتانوس) ایله دخی عقد رابطه مخادنت و روماده برمدت ریاضیاتی تعلیم و تدریسه مداومتدن صکره وطنه رجعت ایلش و هیئتجه درمیان اولنان بر طاقم اصولی یعنی بطلیوسک ذهانی نظرگاه تجدید و محاکمه سنه آلمشیدی نهایت بالجمله سیاراتک اطراف شمسده غربدن شرقه طوغری دورانه و ارضک بری بالنفس کندو محوری اوزرنده و دیکری شمسک اطرافنده اولق اوزره ایکی دوری اولدیغنه حکم ایده بیلدیمسه ده بو کشفنی او وقتلر بعض مخذورات مبرمده مبنی اظهار اینده میوب عربنک صوک کونلرنده اعلانه موفق اولدی . (۱۸۲۹ م و ۱۲۴۵ هـ)



تاریخنده نامنه هیکل رکز ایدلمش و ( ۱۸۵۹ م ) تاریخنده تکمیل تألیفاتی  
طبع و نشر اولمشدر .

§

﴿ قونیهاق ﴾ — سیئلان اطه سنده دانیارقه دواننک مقر حکومتیدر  
یوز قرق بش بیک نفوسی جامع اولوب اوروپانک الک کوزل انشا اولنش  
شهرلرنددر نورویال آمالیدن بورغ قامیلتوری موقعلری و قریستیانسبورغ  
آمالیدن بورغ ورورنیزبورغ فریدریقسبورغ سرایلری شایان تماشابر صورتده  
اولوب معارف عمومیه ایچون تأسیسات متعدده سی فن مکتبلری جراحلق  
آقادمیسی متعدد کتبخانه لری تصویر و تاریخ طبیعی موزه خانه لری شمال  
آثار قدیمه لری و برچوق علما جمعیتلری و آقادمیلری واردر بز چوقه فس  
اسقامیل و سائر الوان کاغذلری پورسیلن قاش شابقه شکر فابریقه لری  
ایسه منتظماً موجوددر .

قونیهاق ( ۱۰۴۳ م و ۱۴۳۵ هـ ) ده تأسیس اولندی اندن اول بالتجیلر  
طرفندن مسکون برقریه ایدی .

قرال مقری اتحادی ( ۱۴۴۳ م و ۱۸۴۷ هـ ) تاریخنده در ( ۱۷۹۵ م ) ده  
بر چوق حریقسلرله خراب اولدیغی کبی ( ۱۷۰۸ م ) ده صلح و مسالت  
موجود ایکن انکلیزلر طرفندن طوپه طوتلدی بو ائشاده ایکی بیک قدر  
نفوس تلف اولمشدر .

§

﴿ قوت ﴾ — اصول حکمت طبیعیه ده اجسامک حرکاته بادی  
اولان سبیدر قوت حد ذاتنده مجهول برشی اولوب انجق اثرندن وجودی  
حکیم اولندیغنه و اثر مزبور دائماً قوتک شدتنه کوره اولمق لازم کلدیکنه  
بناءً آنک ایله تقدیر و قیاس اولنور . بر جسمه بر قوت برآنده تأثیر ایدر ایسه  
اول جسم خط مستقیم اوزره حرکت ایدوب آوان متوالیه ده و مختلف  
جهتلرده تأثیر ایدر ایسه اول وقت خط منحنی اوزره حرکت ایدر وینه بر  
جسمه بردن زیاده قوتلر تأثیر ایدر ایسه اول جسم کذلک خط منحنی اوزره حرکت  
ایلر و بو صورتده حرکت ایکی قسم اوله رق بری مستقیمه دیکری منحنیه  
اولمش اولور و بر جسم متحرکک بر زمان معینده فرضاً بر ثانیه ظرفنده

قطع ایلدیکی مسافه یه سرعت تسمیه ایدیلور (سرعت) کله سنه ده نظر یوریه .

§

﴿ قوجه مصطفی پاشا ﴾ — دولت عثمانیه ده یتشان مشاهیر وزرادن بری اولوب افرنجی الاصلدر رومایه التجا ایدن سلطان جی تبدیل قیافله کیدوب تسمیم ایتکله سلطان بازید طرفندن مکافاة روم ایلی ایالتنه نائل اولدی و برسنه صکره یعنی ( ۱۵۱۲ م و ۹۱۸ هـ ) تاریخنده کندوسی دخی بروسه ده اعدام اولندی محل معلومه اولان وایوانسرای خارجنده کلیسادن مبدل اولوب دروننده اصحاب کرامدن حضرت جابر مدفون بولنان جامع شریف بونکدر .

§

﴿ قودروس ﴾ — آتته حکمدارلرندندر دوریسرلک آتته یی شدیداً محاصره لری زماننده مدافعه دن عاجز قاله رق هاتف غیه مراجعت ایتدکده قغنی طرفک قرالی مقتول اولور ایسه اول طرف غالب اوله جغنی . جوابی الیغندن تبدیل قیافله معسکر اعدایه کیدوب یاخود فدای جان قصدیه بالنفس کندو عسکری ایچنه کیروب علی کلا التقدیرین وطنی اغور یسه تلف اولمش وفی الحقیقه مرقومک بو فداکارلغی آتته لیلری کال درجه غیرته کتوره رک بالاخره دوریسر فنا حالدیه بوزلغله ملتک بر مکافاة مخصوصه سی اولق اوزره فدایی مرقومک اوغلی ارخونلق عنوانیه رئیس جمهور نصب و تعیین اولمشدر بو وقعه نلک ( ۵۲۶ خ ) تاریخنده یعنی میلادک بیک التمش سکز یاخود بیک طقوز سنه مقدمنده اولدیغنی روایت ایدرلر . ( اولوقت هاتف غیب دیدکاری پاپاس افندیلر بو کشفی نه کوزل تصادف ایتدیرمشلر ) .

§

﴿ قودرینغلون ﴾ سیر آدوار — انکلیز آمیر الیدر ( ۱۸۲۷ م و ۱۲۴۳ هـ ) تاریخنده بحر سفیدده انکلیز دوئنامی قوماندانی ایدی . موره ده ظهور ایدن اختلالی تسکین ایچون دولت علیه طرفندن کوندرلش اولان دوئتا و مصر حرب سفینه لری بجله الی طقوز قطعده اوله رق ناوارین

لیماننده لنگر انداز اولدقلری حالدہ مرقوم فرانسه و روسیه دوتملاری ایله سوزی برلشدیره رک دوستلق صورتنده لیان مذکوره کیروب ذکر اولان سفینه لرک الی قطعہ سنی اوچ ساعت ظرفنده احراق ایلدی و بو حرکتی اولزمان مقام اقتدارده اولان (توری) قایینه سنک ویردیکی مأذونیت دأره سی خارجنده بولندیغیچون مرقوم کویا نظر اعتباردن دوشدیه ده انکله ریه دعوتنده ینه مظهر التفات اولدی . اولوقت چنکال اوغلی طاهر قیودان ایله سائر برقاچ قیودان کیلرینی قورتاروت درسعادته کملش ایدی .

§

﴿قودوز﴾ — اکثریا کلب و کدی و قورد و تلکی و امثالی حیواناته عارض اولور . برمر دار علتدر قودوز اولان حیوان برانسان و یا حیوانی ایصیردیغی حالدہ سرایت ایدر ایسه ده اوچنجی یه انتقالی هنوز اثبات اولنمدی . بوخسته لک کلبک ایصیردیغی کوندن اعتباراً چوجقدرده نهایت یکریمی یکریمی بش و یوککرده قرق کونه دکن میدانه چیقار . بش التی آی صکره ظهوری دخی کورلمشدر . بناء علیه حکمیل مظنون اولان کسه یه لاجل التحقیق بر برداق صو کوستر لرلر خسته دها اوزاقدن صوبی کوردیکی کبی فوق القایه مضطرب اوله رق فریاد و فغانه باشلار و اولوقت علتک شبهه سز قودوز علتی اولدیغنه حکم ایدیلوب تداوی یه مباشرت اولنور .

قودوز کلبک ایصیردیغی محل سمک انتشارینی منع ایچون درحال برشرید ایله صیقجه باغلانوب قیردیرلمش تیمور پارچه سیله همان داغلتقی لازمدر بوندن بشقه هیچ برعلاج کار ایتز .

قودوز کلبک سالیمسی آقار و صداسی خروس صداسنه دوزر و ققاسنی اشانی طوتوب ییه جک و ایچه جکه رغبتی اولماز . بویله برکبه تصادف اولندیغی زمان سمنه اوغراما لیدر .

قودوز کلب ایصیرانلردن انجق اوچده برینک قودوز علتنه دوچار اولدیغی عندالتجربه درجه ثبوت و ارمشدر .

§

﴿قودومان﴾ — (۵۲۵۸ خ) تاریخنده یعنی میلادک اوجیوز



اوتوز التي سنه مقدمنده جلوس ایدن فارس حکمداری اوچنجی (دارا) نك لقبیدر . بولقب مؤخرأ بعض حکمداران و خانان فرس طرفلرندن دخی قبول اولندی . کرجستان وقازاق و بعض قبائل ترکیه بکترینسه بر مدت عنوان اولان (خطمان) لفظی دخی بوندن قالمه در .

§

﴿ قورته ز ﴾ یاخود (فرنان قورته ز) — اسپانیول قبودانلرندندر و مکسیکانک فاتحیدر (۱۵۰۴ م و ۹۱۰ ه) تاریخنده هند غربی یه عزیمتدن اون درت سنه صکره قوپا حکمداری طرفندن اراضی جدیده کشفنه تخصیص اولنان بر دونمایه قوماندان ایدیلرک کیدوب مکسیقاده طاباسقو قربنده قره یه یناشدی و طاباسقو اهالیسی در عقب کندوسنه اطاعت ایتسی اوزرینه مکسیقو شهرینه کیدوب اوراده حکمداران بهیئنده حسن قبوله مظهر اولدی و حکمدار موچی الیه قسقاچندن علیهنه بردونما کوندردی ایسه ده غلبه ایدهمدی و اندن صکره قورته ز مکسیقاده دهها بر چوق یرلر فتح ایدوب ناحق بره خیلی قان دوکدی و بونک اوزرینه اسپانیا قرانی (شارل کن) طرفندن مکسیقایه والی تعیین اولندیسه ده علیهنه و قوعبولان بعض مفتریات حساده مبنی راحت اوتوره میوب عاقبت مادریده کتورلدی . (قورته ز) امریقایی ترکندن اول (۱۵۳۵ م) ده کالیفورنیه و (ورمده) دکزینی دخی کشف ایتشیدی . بیچاره (۱۵۴۷ م و ۹۵۴ ه) تاریخنده فقیر و متروک اولدیغی حالده وفات ایلشدر .

§

﴿ قورسیقا ﴾ — ساردنیا اظه سنک جهت شمالیسنده ایکی یوز اتمش بیک نفوسی جامع بر جزیره در (۱۷۶۸ م و ۱۱۸۲ ه) تاریخندن برو فرانسه دولتنک تحت تصرفنده بولنور مقدملری ایتالیان و جنوبلرندن مرکب بهیئت حاکمیه تابع ایدی . اشواطه الیوم بر سنجاق اعتبار اولنور و اعلا پورتقال و لیون و زیتون اغاجلری بولنور مشهور بونایارت نابولیون بوراده طوغدی قورسیقا ساردنیا اظه لریله برابر (۶۶۹ م و ۴۹ ه) ده بولنان عساکر اسلامه طرفندن دخی فتح اولمشیدی مرکز اداره سی (اژاقسیو) شهریدر .

§

﴿قورشون﴾ — طبیعتده مولدالموضه و کوکرد و قلورایله مخلوط اوله رق بولنور خالصی مجلا و یومشاق و غایت متطرق و ایکیز التمش درجه حرارته مذاب بر معدندر و قوه ارتباطیه سی کافه معادنن دوندر صوده ورطوبتلی هواده حامض قاربون و مولدالموضه جذب ایلمسندنناشی اوزری طونقلق کسب ایدر.

قورشون جوهرلرینک اکثریسی بر مقدار کموشی حاویدر و قال ایله کوشندن آریلان قورشون (مردسنگ) تعبیر اولسان جنس رصاصه منقلب اولور و اشبو مردسنگ اریدیله رک بوندن دخی قره قورشون دنیلان و غایت قومشاق اولان خالص قورشون استحصال ایدیلور.

§

﴿قورشون قالم﴾ — ایکنجی نوع (آمپلیت) نام معدندن اعمال اولنور. اشبو معدنک شیمتی کشیف دنیلان طاش انتساجنده طبقه لری اولوب ثقلت اضافیه سی (۲۱۱) در کاغد اوزرینه سسورلدکده یاغلمی بر اثر ترک ایدر اصل لوننی سیاه و سنجابی یه مائلدر. قورشون قلبی فحمدن حاصل اولان (غرافیت) ایله دخی اعمال ایدرلر.

§

﴿قورطووا﴾ رینار — کیمیا کراندندر (۱۷۷۷م و ۱۱۹۱ه) ده دیژونده تولد و (۱۸۳۸م و ۱۲۵۴ه) ده وفات ایلدی کیمیایی تحصیلدن صکره صناعتده دخی حصر نفس ایتشدر.

مومی الیه تأسیس ایتدیکنی کهرچله فابریقه سنده سوده اعمالنی تجربه ایدرکن (۱۸۱۲م) ده دکر صویندن (ایوت) نام جسم مشهورک استخراجنی کشف ایلدی و بوندن طولابی الی بیک فراتق مکافاته نائل اولدی. جسم مذکوره بو نام (ایوب) مؤخرأ (کیساق) نام هنور طرفندن ویرلشدر.

§

﴿قورته﴾ — قوه سامعه سی ضعیف اولان کسمه لرک استعمالی ایچون ایجاد اولمش برآلتدر بوالث مخروطی الشکل اولدیغندن قولاغه زیاده مقدار طالع لر ادخال ایتکله صدایی تشدید ایدر. بوکبی موسیقی بوریلرینک و (ترومپا مارینا) لرک مخروطی اولسنگ اشتداد صداده مدخل

کلیسی مجرب و مشهور ايسه ده سبب و حکمتی هنوز معلوم اوله مامشدر .

§

﴿قورنه﴾ — بغدادده برشردر بصره نك شمال غریسندن الی سكرز كيلومتروده و فرات و دجله ملتقاسنده در ( مذکور نهرلر بورادن اشاغی شط العرب نامنی آلور ) اليوم بش يك نفوسی جامعدر .

§

﴿قورنه ی﴾ ویا ( سیرقورنه ی ) — فرانسزلساننده حکایات مفجعه یازانلرک اولیدر ( ۱۶۰۶ م و ۱۰۱۵ هـ ) ده تولد و ( ۱۶۸۴ م و ۱۰۹۶ هـ ) تاریخنده وفات ایلدی ابتدا قومیدیان باشلایه رق برنجی حکایه مفجعه سی اولان ( مید ) و ( سید ) نام رومانلری انظار عمومییه وضع ایلش . و تألیفات فجیهه سی پک زیاده و هر برلری فوق العاده اولدیغندن کندوسی بو سایه ده بیوک قورنه ی عنواننی حازر اولمشدر . مومی الیه ( ۱۶۴۷ م و ۱۰۵۷ هـ ) تاریخنده آقادیعی اعضالغنی دخی احراز ایلدی .

§

﴿قورو﴾ — هندستانده شاندرایعنی قر سلاله سندن اولق اوزره ایکی شعبه یه آریلان حکمدارانندن برینک عنوانیدر . بوسلاله تخمیناً ( ۴۲۰۰ خ ) تاریخلرنده یعنی میلادک بیک درتیوزسنه مقدملرنده ایدی دیرلر .

§

﴿قورون﴾ تاج — یونانستانده وسائر بعض ممالکده ایلک قورونلر خیالی الهلره تخصیصاً برطاقم نباتادن اعمال اولنور یعنی ( ژوپیتر ) ک تاجی میشه و بعضاً دفته دالریله ( آپولون ) ک قامش و یادفنه پیراقریله ( وهنوس ) ک کل و مرسین دالریله ( زنون ) ک ایوا پیراقریله ( باکوس ) ک آصمه دالی و صارمشیق صاپلری ایله ( مینوا ) ک زیتون دالی ( فلور ) ک ازهار متنوعه ( سرس ) ک بشاق چوپلری ( پیلونون ) ک سلوی ( پا ) ک چام ( هرکول ) ک قواق دالریله یا پیلور و بونلر بو الهلرک خاصه و یا علامات مخصوصه لرندن عد ایدیلور ایدی .

کاهنلر دخی اصحاب قرابنلرینی تقدیم ایتدکلری اشاده زیتون اغاجی و یا دفته دن معمول تاجلر کیرلر و یونانستانده اولمپیا لعبیات عمومییه سنده



غالبره یبانی زیتون دالندن ودلفی زیارتنده دفته دن و ( نهمه ان ) اوینلرنده بیان کرویزندن وایستیتمیک اوینلرنده حمام دالندن معمول تاجلر کیدرلرل ورومالیلر دخی شجاعت و بسالتی تشویق ایچون ایش کورن عسکرلره مترس تاجی سور تاجی دکر تاجی محاصره تاجی ناملریله مکافاة تاجلری اکسا ایدرلر ایدی . روما ایمپراطورلری برمدت ژول سزاره تقلیداً دفته دالندن معمول اکلیل الظفر کیدیلر و دیوقلسین زماندن اعتباراً تاجی کسوه سلطنت ایله برلشدیروب حکمدارلره تخصص ایتدیلر . قرون وسطاده المانیایمپراطورلرینک ایچنده اوچ تاج کینلر اولمش و برنجی سلاله دن اولان فرانسه قراللری درت نوع تاج اکتسا ایتشدلر . بونلردن برنجیسی باش صارغیسی شکلنده یابلیش اینجودن ایکنجیسی ایمپراطورلرک کیدکبری تاج نونعدن اوچنجی و دردنجیسی هاوان و اهرام شکلنده اینجولی برقلقاندن عبارت و آوروپاده بولنان سائر دولتلر ککیده فرانسه قرالرینک ککینه مشابه ایدی . و پاپارلرک دخی اوچ افسرله مزین بر باش کسوه لری وار ایدی .

اوروپا دولتلری مسکو کاتی ایچنده بر یوزنده تاج منقوش اولان بعض سکه لرک نامی دخی ( قورون ) در .

### §

﴿ قوره ﴾ قرالیتی — چین ایمپراطورلغی اقسامندندر شمالاً مانجوری غرباً بحر اصفر شرقاً ژاپون دکزی جنوباً قوره بوغازی ایله محدود و سکز ملیون نفوسی جامع اولوب مقری ( هانغ چین ) شهریدر قسم اعظمی غرب جهته سده طولاً سکز یوز عرضاً ایک یوز التمش کیلومتر و برشبه جزیره دن عبارت اولوب جنوب جهتی ایسه قوره جزایرینی تشکیل ایدن بر طاق اطهلردن مرکبدر . جنوب و سواحل طوغری اراضیسی مثبت اولوب محصولاتی پنج و سائر حبوبات ایله ایپک در . بوقرالیت ( ۱۱۲۰ م و ۵۱۴ هـ ) دن برو چینه بالغ ایسه ده اداره داخلیه سنده مستقلدر . اهالی تاتار و چین لساندن بشقه اوله رق بر لغت تکلم ایدرلر . ملت حاکمه بودادر . قوره وحوالیه سی ( ۱۸۵۶ م و ۱۲۷۳ هـ ) دن برو اجنبی تجارتیه اعلان سربستی ایتدی .

### §

﴿قورینتوس﴾ — نام قدیمی ارغولیس اولوب یونانستانده موردنک طرف شمالیسنده برلوا مرکزیدر . بوراده اولان قورینتوس برزخی موردنیم جزیره سیله یونانستان شمالی بی یکدیگره وصل ایدر . اشبو برزخه عثمانلیلر کوردس دربندی دیرلر ایدی .

§

﴿قوزان﴾ — اطنهده برسنجاق مرکزیدر جد اعلای عثمانیان سلیمان شاه ایله دیار رومه کلوب مشارالیهک فرات نهری کنارنده ارتحالی مناسبتله آیرلمش اولان طقوز اولوچدن بریدر اشبو طقوز اولوچ قانی عشیری اویماقلرندن ( قره عیسا لو . اوزار . قوشمر . قوزان . نمرون . قصون . بوده کیل . یورکیز . ارطغرل ) اویماقلرینک رئیسلی ایدیلر . اشته اولوقت موئی الیه شمیدیکی قوزان طاغی دنیلان محله کله رک باشنده اولان عشیرتله توطن ایتش ونامنی اورالر اراضیسینه ویرمشیدی . ( اولوچ ) کله سنه دخی نظر بیوریه .

§

﴿قوستاریقه﴾ — سواحل معموره دیمکدر امریقای وسطاده برجهوریتدر شمالاً نیقار اغا جنوب و جنوب غریبده بحر محیط کبیر شرقاً اتیل دکزی و قولومبیا ایله محدود اولوب ایکیوز سکسان کیلومتر و طول و بوز اوتوز کیلومتر و عرضی وایکی یوز الی بیگ نفوسی حاوی و مقری ( سان ژوزی ) شهریدر و هواسی غایت صحیقا قدر والتون وکوش معدنلری چوقدر . بوراسی اسپانیوللرده ایکن غاتمالایه تابع ایدی ( ۱۸۲۱ م و ۱۲۳۷ هـ ) تاریخنده استقلال بولوب ۱۸۲۴ ده امریقای وسطای اتفاقنه داخل اولدی و نهایت ( ۱۸۴۰ م و ۱۲۵۶ هـ ) تاریخنده برجهوریت مستقلیه تحویل اولندی .

§

﴿قوسطانس﴾ — بیوک قسطنطنینک اورتانجه اوغلیدر پدرینک وفاتیه روما ممالک و وسیعده سی برادرلری و کندی ییننده مقاسمه اولندیغی صردهده یونستان ایله مأر ممالک شرقیه بوکا انتقال ایشیدی مؤخرأ یعنی ( ۳۵۱ م ) تاریخنده دیگر برادرلری دخی توسیع ممالک منازعه سیله اچیلان

محماریه لرده قتل اولندقلرندن بتون رومایه مالک اولوب پدرینک واکثری اهاالینک قبول ایتدکاری خرسیتیانلغی ترک ایله اریوس مذهبنه ربط اعتقاد وبتیرستلر معبدلرینی کشاد ایلدی ونهایت فارسولورایله وقوعبولان کتیه سیفون محاریه سنده آلدیغی جرمیحه دن متأثراً وفات ایتدی .

§

﴿ قوسطه بن لوقه ﴾ — خلفای عباسیه دن معتضد زمانلرده شهرت بولمش بر حکیم عالمدر . بو ذات لسان یونانیده ماهر و علم طب وفنون ریاضیه ده متبحر اولوب بوفلره دائر پک کوزل کتابلر تألیف ایلشدر فی الاصل بعلبک اهاالینسندن اولدیغی حالده بلاد رومه کیده رک پک چوق کتب یونانییه واقف اولدقدن صکره شامه عودت واندن دخی یونان کتابلرینی عربییه ترجمه ایتک اوزره بغداده عزیمت ایتمش ونیجه کتب نفیسه وجوده کتورممشدر وفاتنده مورخ اسحق بن محمد الندیمک تحریر ایتدیکی وجهله کندوسنه اکراماً قبری اوزرینه مقابر ملوک کبی برقبه یابیشیدی .

مورخ موهی الیه دیمشدرکه اگر طوغریسنی سونلک لازم کلورایسه تألیفاتنک محتوی اولدیغی علوم و فضائل و اختصار الفاظ وجع معانی حسیدله جمیع مؤلفینک افضلیدر دیمک اقتضا ایدر .

§

﴿ قوس قزح ﴾ — جو هواده قوشاق مثللو برقاج رنکدن عبارت مشاهده اولنان معروف علامتدر ( شیطان یایی ) ( قسطلانی ) ( مریم انا قوشاغی ) ( علایم سما ) دخی تسمیه اولنور .

اشبو علامت ضیای شمسدن متولدالوان اصلیه درکه هواده بولنان رطوبت واجزای مائیه نک اوزرندن مذکور ضیانک انعکاسیه حاصل اولور و اوقات مختلفه ده ظهورندن بحر یونجه برطاقم احکام هوا ئیه چیقاریلور . قوس قزح بعض کیجه لرده قرک ضیاسندن دخی حاصل اولورایسه ده الواننک غایت خفیف وطونق اولسنی مناسبتیه هر وقت مشاهده اولنه مز .

قوس قزح اگر نصف دائره اولورایسه ( قوس قزح تام ) و اگر کوچک اولورایسه ( قوس قزح ناقص ) و بوناقصک دخی کوچکنه ( قوس قزح



صغیر ( بیوکنه ) قوس قزح اعظم ( تسمیه ایدر لر • قوس قزح شمس افته  
یقین یعنی ارتفاعی آز ایکن بیوک و بالعکس شمسک ارتفاعی تقدیر زیاده اولور  
ایسه قوس قزح دخی اولقدار کوچک کورینور •

§

﴿ قوش اطه لی ﴾ شیخ ابراهیم افندی — رجال طریقت  
شعبانیه دندر مملکتنده علوم ظاهره بی تحصیل و تکمیل ایلد کدن صکره  
بو علم ظاهرک برده علم باطنی وارد دهرک استخاره ایدوب نهیمینی در سعادته  
بشکجی زاده تکیه سی پوست نشینی بکپازاری الحاج علی افندی حضرت ترنده  
بولندیغندن در سعادته کلوب شیخ مشار الیه حضرت ترینه انتساب و اوج  
سنه کمال خلوص ابله سعی و مجاهده سایه سنده شاهد امله اقتراب ایلشدر  
بر کون شیخ مشار الیه تناول بیوردیغی طعامک بقیه سنی یمک ایچون  
امر ایلدکده ابراهیم افندی سنک اکلکزله بنم قارنم دخی طویدی دیوب  
ایرتسی کون دخی ابراهیم افندی کلیلله شیخ مشار الیه شبع حاصل اولدیغندن  
شیخ حضرتلری ارتق وجودلر برلشدی و بنده کی حال سنده ده عرض جال  
ایلدی بوراده طور میوب مصره کتمکز مناسب اولور بیورملری اوزرینه  
شیخ ابراهیم افندی حضرتلری مصره عزیمت و شیخنک وفاتندن صکره  
اوراده کی بعض چکه میانلرک نفاقیله ینه در سعادته عودت ایدوب ابتدا  
سینکلی بقال جوارنده بر خانقاهده و صکره چهار شنبه بازارنده مبايعه  
بیوردقیری قوناقده ارشاد عبدالله مشغول اولدی و ( ۱۸۴۳ م و ۱۲۵۹ هـ )  
تاریخنده حج شریفه کیدوب عودته اولی شام آخری شام دهرک شام  
شریفه قالمسی اختیار و اوج سنه صکره بردها حج شریفه نیتله یوله چیه دیوب  
( رابوق ) نام محله اوله نطق بیوردقیری کبی دار اخرته ارتحال ایلدی •

§

﴿ قوشنشین ﴾ نام دیگر ( جنوبی انام ) — آسیای شرقیده انام  
حکومتنده بر قطعه در شمالاً طونکن غرباً لاؤسون و قامبوج دیگر جهته  
دکز ابله محدوددر و طولاً یمک اوچیوز عرضاً یوز یکرمی کیلومترو  
جسامتنده اولوب یمش یمک قدری خرسیتیان اولق اوزره ایکی میلیون  
نقوسی جامعدر و کرمی اداره سی بالجه آنام حکومتک مقری اولان

(هونه) شهریدر . هواسی صیحاقل اولدیغندن پرنج شکردار چین چای اکیلور  
وایک بوجکی حاصل اولور . مالابار ساحلی اوزرنده کائن قوشن ممالیکی  
ایله مناسبتی وچینه جواریتی جهتیله پورتکیزلر اشبو مملکتته دخی قوشنشین  
نامنی ویرمشدر .

(۱۴۷۱م و ۵۸۷۶) دن برو طونکنه مر بوط اولان اشبو قطعه اون  
التنجی عصرده استقلال بولوب اون سکرکنجی عصرده حوزۀ التحاقه  
الدیغی قابوج و سیامپایله کسب عظمت ایتدی . لکن (۱۶۸۲م و ۱۰۹۴ه)  
تاریخنده بر اوزون محاربه دن صکره فرانسلر کرسی ادارهسی اولان  
(سایغون) قوشنشین سفلاپی ضبط و تسخیر ایلدیلر .

§

﴿قوصوه صحراسی﴾ — پرشته قصیه سنک جهت جنوبیسنده  
و اسقویا و قو پانیق بینده اولوب اوزرنده وقوعولان ایکی قطعی  
محاربه ایله شهرت بولمشدر . برنجیسی (۱۳۸۹م و ۵۷۹۱ه) ده صر بلیلرک  
مغلوییتی و سلطان مراد اولک شهادتی ایله صورتپذیر ختام وایکنجیسی  
(۱۴۴۸م و ۵۸۵۲ه) ده مجارلر بوهمیالر المانلر اولاحلردن متشکل بفرقه  
جسمیه قوماندانیدن (ژان هونیادی) یه سلطان مراد ثانی حضرتلرینک  
غلبه سیله کذلک واصل سرحد اختتام اولمشدر . (پرشته کله سنه دخی  
نظر بیوریه .

§

﴿قوط﴾ — حام بن نوحک اوچنجی اوغلیدر . حین تفرقه  
منسوباتیله افریقاتک جانب شمالیسنه کلوب فاسدن طرابلسه قدر ممتد اولان  
جبال اطلس کنارینه یانلشدر ایدی . مغاربه ونومیدیا اهاایسنک ومورس  
قبیله سنک سلسله نسلری بو ذاته منتهدر دیرلر .

§

﴿قوغه جی دده﴾ — زمانده شیخ سوندک دیمکله معروف جذبات  
عظیمه صاحبی برذات ایدی . اولوقت استانبول قاضیسی بولنان (کرماسی)  
افندی درویشلر شرع شریفه مخالفت و ذکر الله اشناسنده رقص کونه حرکت  
ایده یورلر دیهرک طرق علیه بی انکار یوزنده بولندیغی حالده بر کچه شیخ

سوندك مريدانيلر برابر مدعوأ قاضى مومى اليهك خانه سنه كيدر و بعد اداء الصلاه ذكره باشلامرليه قاضى افندى دخی ناچار ايجلرنده بولنور و اول اناده شيخ قاضينك قولاغنه بر صيحه اورديغى كى قاضى بر طرفه عمامه سى او بر طرفه دوشهرك مست و مدهوش اولوب بر مدت صكره عقلی باشنه كله كده استغفار و طرق عليه يى اقرار ايلر . شيخ مومى اليه چهارشنبه يازارنده مسجد مخصوصنده مدفوندر .

§

﴿قوق﴾ — سياحت بحريه ايله شهرت قرانمش برزاندن سفر درياده لازم اولان فنون رياضيه يى خواجه سز اوله رق تحصيل و طائفه لادن قپودانلق مرتبه سنه ترفع وانكيز دولتنك امرى اوزرينه كره ارض اطرافنده اوچ سياحت مهمه اجرا ايلدى . برنجيسى (۱۷۶۸م) ده باشلار كه بو سياحتده رفاقتنده اولان بانقس وصولاندير نام هنرورلر ايله برابر زهره بيلدزينك دورينى ترصده اوتايى به قدر كتدى و اثنای سفرنده زلاند جديدك سواحلى طانيوب اورايى ايكي اطيه تفریق ایدن بوغازى كشف ايلدى كه اليوم قوق بوغازى ناميله مسمار . ايكنجى سياحتى (۱۷۷۲م) ده وقوع بولوب ايكي سنه ممتد اولدى بوده جنوب ياخود آوستراليا اراضيسنى تحقيق مأموريتنه مبتنى اولدى ۷۱ عرضنه قدر ايلولهرك اشبو جهته ده هيچ برارضى اولديغنى تحقيق ايتدكدن صكره عودتى اناده يكي قاليدونيایى كشف ايلدى . (۱۷۷۶م) ده امريقاي شماليدين اسيايه بر بول ارامق ايچون اوچينجى سياحته چيقوب بتون امريقايى دور ايتدكدن صكره شمال غربيى ساحلنه نزول ايتدى و اورادن هودسون كوچك كورفرينى بهرنك بوغازيله الصاقه چالشديسه ده ممكن اوله مديعندن تكرر جنوبه طوغرى اينوب (هوای) اطه سنده بولنان سان دويقلرك بريسنده كيلرينى تعمير ايچون آرام ايتديكى حالده اوراده كندو طائفه سيلاه برطاقم يرلى خرسزلر اراسنده چيقان بر عر بده ده تلف اولدى .

§

﴿قولاق﴾ — نوع حيوانده سمعه مخصوص برعضو شريفدر . (صدفه) اطلاق اولنان قطعته غضروفيه سنك كرك كندوسى و كرك حاوى



اولدیغی قی-ورنیلر صدایی مجرای اذن تسمیه اولنان محله طوغری سوق  
ایتمک ایچون خلق بیورلشدیر . مجرای مز بورک دروننده (غشای طبلی)  
وانک کیروسنده (کفه طبلی) ودها کیروده (معوجه اذن) نامرله موسوم  
آلتیر اولوب بودخی مجرای عظمی تسمیه اولنان قطعه ایله مجرای نصف  
دائروی و (حلزون اذن) اطلاق اولنان قسملردن عبارتدر و بونلردن بشقه  
کفه طبلی ایله مجرای عظمایی بر برینه وصل ایدن ایکی عدد ثقبه لر دخی  
واردرکه برینه (روزنه مدوره) دیگرینه (روزنه بیضیه) دینور اشبو ثقبه لرک  
ایکیسی دخی بر اینجه غشای ایله مستوردیرلر . وکذلک کفه طبلیک دروننده  
بر برینه مربوط و (عظم مطرقی) (عظم سنداتی) (عظم عدسی) (عظم  
رکابی) نامرله معروف درت عدد صغیر کیکلر موجود و عظم مطرقینک  
صاپی غشای طبله و عظم رکابی دخی روزنه بیضیه یی ستر ایدن غشایه  
مربوط اولدقدن بشقه بر برینه دخی برطاق عضلات مخصوصه ایله انصاق  
حاصل ایتشدیر . معوجه اذنک داخلی بر مایع مخصوص ایله مملو اولوب  
درونده (عصب سمعی) تعبیر اولنان عصب منتشر اولمش اولمغین مجرای  
اذنه واصل اولان هوا طالعهلری طبلی اهتراز ایتدیره لرک اول دخی عظام  
اربعه و کفه طبلی دروننده اولان هوا واسطه لرله اهترازاتی روزنه بیضیه  
ایصال برله معوجه اذنک دروننده کی مایع مخصوص اعانه سیله عصب سمعی  
اول اهترازاتی یعنی صدایی حس ایدوب دماغه ایصال ایدیر .  
خلاصه کلام عضو سمعک قسم اصلیمی اشبو معوجه اذن ایله روزنه  
بیضیه دن عبارت اولوب جناب سمیع لایزال بونی حس صدایه تخصیص  
بیورمشدیر . زیرا مجرای اذن و طبلی شق و روزنه بیضیه ضرر که کمترین  
عظام اربعه مذکوره قطع اولندیغی حالده ینسه صدانک حس اولندیغی  
و معوجه اذن و دروننده واقع مایع رفع اولندیغی صورتده حس و سمع کلیاً  
منعدم اولندیغی بالتجربه ثابت اولمشدیر . اشته بونلر قولاقده قالمیدیر .  
اوکرز مانده مرکب کی حیوانات اوزون قولاقلرینی استماعدن بشقه  
کوزلرینه قونوب تعجیز ایدن سینک و امثالی موزیاتی دفع ایچون دخی  
قوللانورلر .

﴿قول﴾ — سریع و وجعلی و خطرناک بر علت حادثه در . بوعلتک  
 الک ظاهر اولان اعراضی استفرغات متعدده ایله ماده صفرائیه نک صیق صیق  
 ظهورندن عبارت اولوب کوز موسمنک رطوبتی هواسندن وانفعالات  
 نفسانیه دن و غیر جید اطعمه دن ظهورینه قائل اولمقده درلر . لکن بعضاً  
 نامعلوم بر سبیدن وقوع بولدیغی دخی واردر و آسیا طرفلرندن کلبوبده  
 اوروپا قطعه سنده ظهور ایدن قوللرک خفیفه کچدیکی وطوتیلانلرک  
 اکثریمی معالجات ایله قورتلدیغی مجربدر . بنوع قوللر قی واسه الراه  
 بدأ ایدوب اسفلدن مندفع اولان ماده صفرائی اولدیغندن صارم تراق و یا  
 شیم تراق چیقار واسه الراه بطنده بروجع شدیدی موجب اولدیغندن مریضک  
 اضطرابدن بکزی تغیر ایدر و ماده غائطه غایت متعفن اولور و مریضک  
 اغزنده حرارت و عطش زیاده و نبضی صغیر و متواتر بولنور و بالذیرلری  
 آغریر . آسیا طرفلرندن کلان قوللر ایسه دائماً مخوف و اکثر یا مهلاک  
 بر مرض مستولیه اولوب بونده دخی بول منقطع و نبض ساکن و بدن متبرد  
 و بنفشه رنگنه متحول اولور و مریض بطننده شدید بر قولنج حس  
 ایدر و برده دوار ایله صداعک وقوعنده بیچاره نک کوزلری مدار عینه  
 باتر و عطشی فوق الغایه و صداسی منعدم اولور .

اطبای حاذقه نک اکثریمی قوللر نک سرایتی علی الاطلاق تصدیق ایتمه شلر  
 ایسه ده وقوعات بمضیلرینی تصدیقه میل ایدیر مشدر . شو قدر که قوللرایه  
 طوتیلان مریضدن چیتان قی و ماده غائطه نک تغذاتنی در حال خلایه (سولقات  
 دو فرپور) یعنی صاف زاج قبریسی دو کهرک دفع ایتک لازمدر . زیرا  
 بونلرک تعفی سرایته بر سبب اوله یلور .

قوللر حکمنی اجر ایتدیکی زمانده هر کسک احتیاطاً بطبی الهضم و قوقش  
 و خام شیلر ییامسی و نظافت و طهارته دقت ایتسی لازمه دندر .

خفیف اولان قوللرده تدوی عمومی در حال حکیمه بالمراجعه درونه  
 بر قاق طمله افیون خلاصه سی علاوه ایدلمش پاپاته و نعنا و چای کبی علاجلر  
 ویرلک و قوتلی روحلرله وجودی دلک اولنق و پرهیز ایتدیرلکدر . شدید  
 آسیا قوللر اسنک علاجی حالا یلنه میور . مع مافیه کندوسنده اولیه بر اماره

حس ایدن کسه در حال ایاغنی سیچاق صویه قویملی و بالاده محرر علاجلرله تداوی ایلیدر . زیرا قولرانک بدایتنده معالجه اولمز ایسه مریضک مرضدن خلاصی امید اولته مز .

قولرا پک اسمکی زمانده بیلتمش برعلت ایسه ده زمان و مکانک تبدیلیله اسمی دخی تبدل ایدر ایدی حتی اون التجبی عصر میلادیده اوروپا سکنه سنک هممان نصفنی دیار عدمه کوندرن واولوقت قره و بانامی ویریلان علنک دخی اشبو قولرا علتی اولدیغنه ذاهب اوله پورلر . ( ۱۶۶۹ م و ۱۰۸۰ هـ ) تاریخنده حکمدان ( سیدنهام ) نام کسه طرفندن نظر دقته النان و بانک بعض کیفیاتی اخیراً برقاچ دفعه لر حکمنی اجرا ایدن قولراره کرکی کبی مشابه کورتمشدر . هر نه حال ایسه ( حافظ حق بعدازین کسه یه کوسرتمسون .

§

﴿ قولشید ﴾ — الیوم ایمره لی و منقرلیا ذیلان قطعنه ک نام عتیقیدر . قدیم آسیانک بر قطعنه سی اولوب غرباً دکر شمالاً قفقاسیه شرقاً اییری ایله تحدید اولنور ایدی . ارغونلرک سفری ایله مشهوردر . قولشیدیلر جسور و وحشی و یغما کر ایدیلر . بوراسی برچوق یری حکمدارلر اداره سنده اولدقدن صکره براره لی پونت قرالاری زیر اداره سنه دخی یکمشدر .

§

﴿ قولو ﴾ — ترکستان پادشاهلرنددر . ( ۵۹۴ م ) تاریخنده جوجان حکومتی محو ایدرک ماوراءالنهرده و هندستانده سند و غانز نهرلری بوینده ساکن ( ژت ) قومی جبراً دائره اطاعته ادخال و قپچاق اراضیسنک بر قطعنه سیله ختن و یارکند و کاشغر ممالکنی و سبریانک بحر منجمد شمالی یه قدر قسم اعظمنی ضبط و استیلا ایلدی . سالف الذکر جوجان حکومتی تاریخ مذکور دن قرق ایکی سنه اول ( تونومین ) نام رئیسک غیرت و اقدای و برچوق قبائل صغیره اتراکک تحشد و اجتماعی ایله تشکل ایتشیدی .

§

﴿ قولومبیا ﴾ جمهوری — امریقای جنوبی حکومتلرن اولوب قریستوف قولومبو نامه اولق اوزره بووجهله تسمیه ایدلشددر . شمالاً انیل دگری شرقاً کویان جنوب شرقیده برزیلیا جنوب غربیده پرو غرباً



بحر محیط کبیر و قوس تاریقه حکومتلریله تحدید اولنور . ( ۱۸۱۹ م و ۱۲۳۵ هـ )  
تاریخنده جمهوریه تحویل و مؤخرأ ( ۱۸۳۱ م ) ده اوج جمهوریت  
مستقلیه تقسیم اولندی . جواهر مذکور هدن بری ( یکی غره ناد ) ایکنجیسی  
( اکواتور ) اوچنجیسی ( وه نوزوللا ) در .

✽ قولومبیا ✽ — امریقای مجتمعه نواحیسندن اولوب ماریلان  
و ویرژینی بینده و پونا ماق نهرینک هر ایکی جهت اوزرنده واقعدر و ایکی  
یوز الی الی کیلومتر و اتساعی والی بیک نفوسی جامع اولوب مرکزی  
( واشنگتون ) شهریدر که ایوم طوغریدن طوغری به اداره عمومیه تحتنده  
بولنور . بوراسی ( ۱۷۹۱ م و ۱۰۲۶ هـ ) تاریخنده ویرژینی و ماریلان  
حکومتلری طرفندن امریقای مجتمعه ترک اولندی و طقوز سنه صکره  
هیئت متفقنک کرسی ادارهسی اورایه آلندی .

✽ قولومبیا ✽ — امریقاده جنوبی فارولینک مقرر حکومتی اولوب  
قونقاری نهری اوزرنده و شارپستونک شمال غریبسندن یوز الی کیلومتر و ده  
الی بیک نفوسی حاویدر و تأسیسی ( ۱۷۸۷ م و ۱۲۰۲ هـ ) تاریخنده در .  
§

✽ قولیزه ✽ — روماده ( آنفی تیاترو ) دیدکلری اثر قدیمدر .  
ایمپراطور ( و سپاسین ) طرفندن ( ۷۷ م ) تاریخنده انشاسنه بدأ و اوغلی  
تیتوس طرفندن اکل اولندی . بو اثر وقتیه اهالینک تنزه ایچون  
بر برندن یوکسک و کیروده سکسان مرتبه لی و سکسان بیکدن زیاده سیرجی  
آلور صورتده یابیش ایدی . قسماً حرکت ارضدن و بشنجی عصرده رومانک  
استیلاسی زماننده بار بارلر طرفندن تخریب اولندی . بونکله برابر ایوم  
باقی قالان بر قسمی غایت مدھش بر حالده کور نمکده در .

شمالک و اکابجهیه تخصیص مقصدیه اون بشنجی لوتی زماننده پارسده شانزلیزه  
نام موقع مشهورده دخی بو کامشابه بر بنا یاپلیدیسه ده دوام ایتموب ( ۱۷۸۴ م  
۱۱۹۹ هـ ) تاریخنده خراب اولمشدر .

§

✽ قومازن ✽ — سوریه شرقیه ویریلان نام قدیمدر .

﴿قومور﴾ — بحر محیط هندیده موزامبیق قنالک نهایت شمالیسنده بولنان جزایر اربعه نك نام عمومیسیدر • بونلردن (میوت) اطهسی (۱۸۴۳ م و ۱۲۵۹ ه) تاریخندن برو فرانسرلک ید استیلاسنده اولوب ماعداسی (آثروان) یاخود (هنزوان) اطهسی مقر حکومت اتخاذ ایتش اولان سلطانک زیر حکمندهدر وکافه سنك اهالیسی مسلمان وشافعی المذهبدر و قتيله دولت عثمانیه طرفندن بورایه اعانه حر بیه کوندرلش ایدی •

§

﴿قونت﴾ — اساسی لاتینجهده رفیق معناسنه اولان (قومیس) لفظندن نشأت ایتش بر عنواندر شهرتی رومالیرک برنجی ایمر اطورلری زماننه قدر اتصال ایدر (اوکوست) لک زمان اداره سنده مجلس ایمر اطوری ایچون منتخب برطاقم اعضازه دخی (اوکوست قونتی) اطلاق اولنورایدی دردنجی عصرده قونتلر اداره مملکت وعسکر ضابطلغنی الیرینه الدیلر برنجی باربار پادشاهلرایسه کندو خاندانلری اداره یه مأمور اولان ضابطلره بلا استثنا قونت نامی ورلر ایدی که بونلردن تمیز ایدنلرک ایچنده اک مشهوری قونت (پلاین) در • صوکنجی قارلو وینتریه نلر زمانسنده اکثر قونتلر اداره لرنده اولان ولایاتی موروث امارتله تحویل ایتدیلر نهایت (۱۵۶۴ م و ۹۷۲ ه) تاریخنده طقوزنجی شارلک برامری نفوس ذکورک انقطاعنده بومثلو قونتلقلرک حکومت طرفندن ضبط اولنه جغنی اعلان ایلدی • الیوم قونت عنوانی فرانسه ده اعتباری برشهرندن عبارتدر •

§

﴿قوتوش﴾ — تاتار خان و بکارینک اوستنه کیدکلری اوکی ایپک خرج ایشلملی و طاریکل قپانیچه نك اسمیدر •

§

﴿قوندون﴾ — امر بقا طیورندن برنوع قوشدر بوقوش یدی آرشون طولنده اولان قنادیله غایت سرت اولهرق اوچار و طقوز بیك آرشون یوکسلور ایش •

§

﴿قونسل﴾ — روماده قرالیرک طردندن صکره امور دولته نظارت

ایچون (۵۰۸۵ خ) تاریخنده یعنی میلادك بشیوز طقوز سنه مقدمنده تأسیس اولنش جمهوریت حاکمینه اطلاق اولنور عددلری ایکیشرومدتلی بر سنه دن عبارت اولان اشبو قونسالر قوهٔ اجرائیه بی حائز اولوب سناتوی دعوت وقانون لایحه لرینی تنظیم وعساکری جمع واردولره قوماندایدلر وحکام سائرهنك نصب وانتخبانه قاریشورلرایدیه ده ایکسی برلکده وبرآنده رومادن چیقامزلرایدی . بونلر (سانتوریه ن) نام فرقهٔ اهالی طرفندن انتخاب اولنورلر وکانون ثانی ابتداسنده موقع اقتداره کلوب ناملرینی ایچنده بولندقلری سنه لره اعطاایدلرایدی . علایم فارقعلری صندالیه وفیل دیشندن عصا وواکارنده اوموزی بالطه لی اونایکی (ایکتور) دن عبارت ایدی . عن اصل قونسالق پاتریسیه نلره مخصوص اولدیغی حالده (۵۲۲۸ خ) تاریخنده یعنی میلادك اوچیوزالتش التی سنه مقدمنده پله بیه نلر دخی بواعتباره حصه دار اولدیلر . جمهوریت زائل اولدیغنده بومأموریت بردرجه بیه قدر محافظه اولندیسه ده کیده رك اهمیتتی تناقص ایدوب همان برعنوان مقامنده قالدی وبتون بتون انفساخی (ژوستنین) زماننده باشلاوبوب (۸۸۶ م و ۲۷۳ هـ) تاریخنده نهایت بولدی .

§

﴿قونفره﴾ — کرک بالنفس حکمدارلر وکرک مرخص مطلقلر طرفندن تشکل ایدن جمعیات سیاسیه در اشبو جمعیتلره ایکی ویا زیاده ملک واقوام بیننده ظهوره کلان منازعاتی صلحاً تسویه ایتمک ویا خود تجدید وقطع مناسباتی اولجه سویلشمک ایچون مشغول اولورلر . اُ زیاده معروف اولان قونفره لر (۱۶۴۶ م و ۱۰۵۶ هـ) تاریخنده مونسטר و اوسنابرولک و (۱۶۵۹ م) ده بیرنه و (۱۶۶۸ و ۱۷۴۸ و ۱۸۱۸ م) ده اقس لاشاپل و (۱۶۷۶ م) ده نیغ و (۱۶۹۸ م) ده ریسویک و (۱۷۱۳ م) ده اوترکت و (۱۷۹۷ م) ده راستاد و (۱۸۰۷ م) ده یسیت و (۱۸۰۸ م) ده ارفورن و (۱۸۱۴ م) ده شایتیون و (۱۸۱۴ م) ده ویانه و (۱۸۲۰ م) ده قاریسباد و تروپو و (۱۸۲۱ م) ده لایباش و (۱۸۲۲ م) ده ودرن و (۱۸۵۶ م و ۱۲۷۳ هـ) ده روسیه مصالحه سیچون پارس و (۱۸۷۸ م و ۱۲۹۵ هـ) ده ینه روسیه مصالحه سی ایچون تشکل ایدن برلین قونفره لریدر . امریقای



مجموعه نك اصول مبعوثه سنك مجموعنه دخي قونغره نامي اعطيا ايديلور .  
( فني قونغره ) — علوم وفنونك ترقيايتي خصوصاتنه دائر مشاوره ومعاوره  
ايتك وائر وتأليفاتلريني برى برينه تبليغ ايتك ضمننده برطاقم معين محالرده  
تجمع ايدن معارفندان وعلما جمعيتلريدن . بو مثالو جمعيتلر ابتدا اسويچره  
والمانياده تشكّل ايتمكه باشلادى . علوم وفنون قونغره لرندن ماعدا فرانسه ده  
( ۱۸۳۴ م ) تاريخنده آثار عتيقه و ( ۱۸۴۴ م ) ده عمومى زراعت و ( ۱۸۴۵ م ) ده  
اوروپا تاريخي قونغره لرى دخي تشكّل ايدلدى .

§

﴿ قونغره انس ﴾ — سياسى وروحانى منازع فيه اولان بر مسئله  
مهمه يى مذاكره ضمننده اجتماع ايدن مجالسه اطلاق اولتور ايكي دولت  
وكلا ياخود مرخصلريك بر محاربه يه صلحاً نهايت ويرمك ويا اتفاقه متعلق  
مذاكره ايتك وياخود تجارت وخصوصات سائر حقهنده بر معاهده ياييق  
ايچون اجتماعنه سياسى قونغره اس واوروپاچه مأمورين روحانيه نك مسائل  
دينه يى مذاكره ايچون اجتماعنه روحانى قونغره انس ديرلر . بيوك خواجه -  
لرك و آووقات رئيسلرى و امثالنك شاگردلرينه علمك خواص و منافعهندن واحكام  
قانونيه رعایت و استقامتدن بحث و نصيحت ايتك ويا امور خصوصيه لرينه  
عائد برسوز سويلك ايچون عقد ايلدكلى جمعيتلره و بعضاً بزم اصناف لونجه  
اوطه لرى كبي عقد اولنان كوچك جمعيتلره دخي عادى قونغره انس تعبير ايدرلر .

§

﴿ قونيه ﴾ — نام عتيق ( اي قانونوم ) — از ميرك بشيوز كيلو  
مترو شرقنده يكرمى بش ييك نفوسى جامع و بونامده كى ولايتك مركزى بر  
شهر شهيردر . مرتفع سورلرى و مربع الشكل قله لرى و مساجد دن بشقه  
قرق درت عدد جامعي و سختيان فابريقه لرى و هر نوع حبوبات دن بشقه آفيون  
و كهرچله و ايبك و مازو و كتزه و يياغى محصولاتى واردر و جهت جنوبيلسنده  
( مرآم ) نام محله اولان باغلى و قصرلرى مكمل و مشهوردر و ( سلطان  
العلما ) و مخدوم عالىلى مولانا ( جلال الدين ) رومى حضرتلريله ( صدر  
الدين ) قنوى و سلطان ( ولد ) و شيخ ( كريم الدين ) و ( سيد برهان الدين  
محقق ترمذى ) و ( چلبى حسام الدين ) و مفسر ( امام بغوى ) و ( صلاح

الدین زرکوبی (حضراتنک تربله‌ری غایت منتظم و زیارتگاه امداد .  
 علی روایت ذکر اولنان سوری علاء الدین کیقباد سلجوقی ( ۱۲۲۲ م  
 و ۶۱۹ هـ ) تاریخنده یاپدیروب اون ایکی قپو آچدیردی . سلطان سلیمان  
 حضرتلرینک دخی ایکی منارهلر برجامع شریفی واردرد .  
 ( ۱۰۷۴ م و ۴۶۷ هـ ) تاریخنده سلجوقیه روم حکومتی تأسیس ایدن  
 قتلشک اوغلی سلیمان و اخلافی بوراسنی مقرر حکومت اتخاذایتدی و سلجوقیلرک  
 انقراضی عقبنده قرمان اوغلنه یکمکله اودخی مرکز اتخاذایلدی .  
 مصر و الیسی محمد علی پاشانک اوغلی ابراهیم پاشا ( ۱۸۳۲ م و ۱۲۴۸ هـ )  
 تاریخنده سردار اکرم ( رشید ) پاشایی قونییه جوارنده مغلوب و اسیر ایتشدرد .  
 ( قرمان ) کله سنه دخی مراجعت بیوریه .

§

﴿ قونیاق ﴾ — فرانسه ده شارانت قضاسنک مرکزیدر یدی  
 یک نفوسی اولوب عرق و بیاض شرابی مشهوردر . اون ایکنجی عصره  
 قدر قونیاق بعض خصوصی دره بکاری طرفندن اداره اولنور ایدی .  
 عصر مذکور دنصکره انکلیزله کچوب ( ۱۳۷۷ م و ۷۷۹ هـ ) ده ینه فرانسه یه  
 اعاده اولندی . برنجی فرانسوا بوراده طوغوب بر چوق زمان اقامت  
 ایتش و پاپا ایله یاییلان و اتفاق مقدس دنیلان معاهده‌یی ( ۱۵۲۶ م و ۹۳۳ هـ )  
 تاریخنده بوراده امضا ایتشدرد .

§

﴿ قهوه ﴾ — مقدمایمنده و بعض ممالک شرقیه اهاالیسی بیننده  
 معلوم ایسدهده برو طرفرده شهرتی ( ۱۵۱۷ م و ۹۲۳ هـ ) تاریخنده در .  
 ابتدا یمندن در سعادت کتور بلرک ایتالیا و فرانسه ممالکیله سائر ممالکه  
 صکره منتشر اولدی . قهوه هضمی تسهیل و دوران دمی تسریع  
 و عرق و بول کبی افرازاقتی تکثیر و بورلمش اولان اعضای دماغیه‌یی ایفاظ  
 و قوه عقلیه‌یی تزید ایدرد . هضمی بطی و مزاجی لئفائی اولان و وجودی  
 صراجیه مستعد بولنان کسه لره نافعدر . وار ککله قاریلردن و اختیارلره  
 کنجلردن زیاده فائده‌می واردرد . افیون ایله زهرلشمش اولان بر آدم ایچون  
 همان اون الی درهم قاورلمش قهوه یوز درهم صوده قینادیلر ق و یریلور

ایسه و ستمه ایچون اون درت درهم چیک قهوه یوز یتش درهم صوده یتش درهم قانجهیه قدر قینادیلوب نوبت اره سنده ایکیشر ساعت فاصله ایله استعمال ایتدیریلور ایسه عافیت مأمولدر .

قهوه جوهرینک دخی ستمه و یارم باش اغریلرینه نفعی بحرب ایسه ده مقدارینک تعینی ایچون حکمایه مراجعت اقتضا ایدر . قهوه نیک الی اعلاسی یمنده چیقار و اغاجی نهایت اوچ مترو طولنده و قبوغی دوزکون و منتظم اولور . اهالی یمین قهوه اغاجنه ( بن ) و کرازه مشابه اولان میوه سنه قهوه دیرلر و میوه سنی ( قشر ) نامیله چای کی قینادوب بردوزی یه ایچرلر ایچنی یعنی چکرکدنکی سومزلر . اغاجی تخمینی زرعه یاخود دالنی طالیدیرمغله یتشدیریلور . اکثریا ینیلرک مراقی ( قات ) ددر . کله سنه نظر بیوریله .

§

﴿ قیافت ﴾ — قیافة الاثر و قیافة البشر نامرله ایکی به منقسم اولوب اولکیسینه ( عیافت ) دخی دیرلر . اشبو عیافت علمی اثر قدم و خوف تعقیب و تبعیدن عبارتدر که عربستانده اکثریا چتاق انسانلری و یولنی شاشیرمش حیوانلری بولوق ایچون تحصیل اولنور ایدی بونده مهارت قوه باصره و مخیله و حافظه نسبتنده اولور حتی بونک مهره ارباندن بعضیلری شیخ ایله شابک وارکک ایله نساک ایاغی ایزلرینی بیله طانورلر ایمش . ایکنجیسی اولان قیافة البشر ایسه ایکی شخصک اعضارنده اولان هیئات ایله ایکیمی بیننده نسب و ولادته مشارکت و اتحاد اولوب اولمادیغنه استدلال کیفیتندن بحث ایدر که بو طریق استدلال عربده ( بنومدلج ) قبيله سنه مخصوص بر حالدر . بونک تعلی ممکن اولمیبو قبیلنه مذکور ایسه برمناسبت طبیعیه یه بناء استحصال ایلشدرلر . برطاق ارباب تجربه دخی انسانک بوی و سیما و اشکال سائر سندن احکام چیقاروب بوی اوزون یا قیصه توکلری صیق یا کوسه اولنلر شویله و کوزی شاشی یا چقور بورنی یوک یا چوپور اولنلر بویله در دیدیر ایسه ده بوتجربه لر قطعی اولمادیغندن بونلرله هیچ برکسهنک حالنه حکم اولنه مز زرا نیجه ذاتلر کور یله بور که خلقتلری ایجابی ظن اولنان سوء حاللری حصر همت و صحبت و تدبیر و تربیته مبدل صلاح و سعادت اولمقده در .

§



﴿ قیراط ﴾ — اوزان عتیقه جله سندن در همك اون اتیده  
برجژئی در بر قیراط درت بغدای و بهر بغدای درت قتیله و بهر قتیله ایکی  
نقیر و بهر نقیر ایکی قطمیر و بهر قطمیر ایکی ذره ایدر .  
قیو بحبلر مجوهر و زننده بر قتیله ( براون الی ) و یرنقیره ( براوتوز ایکی )  
و بر قطمیره ( بر التمش درت ) و یر ذریه ( بر یوز بیکری سکز ) دیرلر . و قتیله  
در همك اون ایکیده برجژئ دخی قیراط و بر قیراطك نصفه طسوج  
و بر طسوجك نصفه حبه تعبیر ایدرلر ایدی که در همك قرق سکز جزؤندن  
برجژؤ ایدر .

§

﴿ قیرغیز ﴾ قرقیز — ترکستانده روسیه تابعیتنده بر قوم اولوب  
اوج قبیله آیرلمشدرلر بیوک قبیلهلری اورال نهرینك جنوب و شرق  
و ادیلرنده و آرال و بحر حزر زینسلرنده خیمه زن اقامت و جله سی درت یوز  
الی بیك نفوسدن عبارتدرلر . اور تانجه قبیلهلری ارال دکرینك شمالنده بر  
ملیون نفوسدرلر کوچك قبیلهلری ایسه آرائك اوتئسند و جیحون نهری  
اوزرنده و خیوه و بحر حزر زاره سنده طقوز یوز بیك نفوسدن مرکب بر جاعت  
تشکیل ایتشددرلر . هر بر قبیله اوج بیکدن بش بیك چادره قدر تقسیم و بر خان  
طرفسدن اداره اولنور قیرغیزلر علی العموم شجاع و چالشقان و قوی  
البنیه اولوب دین اسلام اوزره درلر کوچك و اور تانجه قبیلهلر ( ۱۷۳۱ م  
و ۱۱۴۴ هـ ) تاریخندبرو روسیه تابع اولدیغی کبی بیوک قبیله دخی  
( ۱۸۱۹ م و ۱۲۳۵ هـ ) ده روسیه تابعیتی قبول ایتشدر . الیوم بر قسم  
قیرغیز ده و اردر که بونلر بايقال کولی جوارنده سرسری بر حالده کز مکنده  
اولوب اسمأ چین امپراطور لغنه تابع بولنورلر . بونلره ( دیزسان ) دخی  
دینور .

§

﴿ قیروان ﴾ — تونس ولایتنده مستحکم بر شهر در تونسك جنوب  
شرقیسندن یوز اوتوز کیلومتر و مسافه ده کائن و اون بش بیك نفوسی حاوی  
اوله رق صهرنجلری و متعدد جامعلری و خرما و مشین و سختیانلری واردر .  
قیروان اولحوالی اهل اسلامی عنندده مقدس و تجارتجه یك مهم اولوب

افریقای داخلینک مخزن تجارتی مثابه سنده در . سرعسكر اسلام ( عقبه )  
معرقله تأسیس اولمشیدی ( ۷۸۰ م و ۱۶۴ هـ ) ده اغلیله و ( ۹۰۹ م و ۲۹۷ هـ )  
ده فاطمیره و ( ۹۷۲ م و ۳۶۲ هـ ) ده ( زیرلره یعنی بنو بادیس )  
اداره سنه کچوب نهایت ( ۱۱۵۰ م و ۵۴۵ هـ ) ده موحدین حکومتنه تابع  
برامارتک کرسی اداره سی اولدیغی حالده اون اوچنچیی عصرده بوسلاله ناک  
انقراضی اوزرینه تونس بکرینه واندن صکره دولت علیده یکدی .

§

﴿ قیس ﴾ بن ابی حازم البجلی — کوفه نك شیخی وعالم یکنه سی ایدی  
عرض اسلام املیه جانب سعادتجالب جناب نبوی به عزیمت ایلدیکی حالده  
مدینه به وصولنده مشار الیه حضر تفرینی داربقایه ارتحال ایتش بولدی .  
مومی الیه عشره مبشره دن نقل حدیث و صوڪ دملرنده عقلنی ضایع ایشدر .  
وفاتی ( ۷۱۵ م و ۹۷ یا خود ۱۰۰ هـ ) تاریخنده در .

§

﴿ قیصریه ﴾ — انقره ولایتی داخلنده برسنجاق مرکزیدر  
بوشهرک اسمی و قیلله ( مازافا ) ایدی صکره روما امپراطوری سزاره  
نسبتله ( سزاریا . اوره یا ) دیلدیکی حالده غلط اوله رق قیصریه  
نامی الیه تعارف ایشدر ( امپراطور والهرین ) زماننده فرس حکمداری  
شاپورک نهب و غارتدن اول بوراده درتیوز بیک نفوس موجود اولدیغنی  
تاریخلر بیان ایده بور شمدی اللی بیک نفوسدن زیاده بی جامع دکلدر  
بوراسنی ( ۱۰۶۶ م و ۴۵۹ هـ ) تاریخنده الب ارسلان سلچوق دخی  
ارضروم وقارص طرفلرینی تهدیدی صره ده ضبط ایشیدی ایچجه کلیم  
و بموق تجارتی و خلیجه عقلو آدملی واردر .

قیصریه امرای سلاچقه دن قاضی برهان الدین سلاله سنک یداستقلالنده ایکن  
( ۱۳۹۱ م و ۷۹۴ هـ ) ده قره عثمان بایندری استیلا سی عقبنده دولت علیه  
اداره سنه یکمشیدی .

§

﴿ قیلوتر ﴾ برنجی — فرانسه قرالیدر ( ۴۹۷ م ) تاریخنده  
دنیا به کلدی اول ( ۵۱۱ م ) ده سواسون ویا ( نوستری ) قرالی اولوب

مؤخرأ ( ۵۵۸ م ) ده برادرلرینک متعاقباً وفاتی اوزرینه بالجمله فرانسه بی  
ید اقتدارینه الدی و ( ۵۳۲ م ) ده اورلئانس قرالیتنک وارثلری اولان  
قرنداشی اوغللرینی و براز صکره دخی کندو علیهنه عصیان ایدن براوغلنی قتل  
ایتدیردی . مومی الیه عیش و عشرت و سرف و سفاقتده زمانی حکمداراننک  
مقدمی اولدیغی کبی شجاعته دخی بجهلته سنه فائق ایدی . وفاتی ( ۵۶۱ م )  
تاریخنده در . بوندن بشقه قیلوتر استنده اوچ فرانسر قرالی دهاکلدی .

§

﴿ قیناز ﴾ — شیت علیه السلامک اوغلیدر پدرلرینک وصیتی  
موجبنجه بودخی قاعد سیرر خلافت اولوب طقسان بش سنه اجرای  
حکومت ایلدی . بعضیلر عندنده اسمی کنعان یاخود قنین در .

§

﴿ قیو ﴾ — بجهلته معلومی اولدیغی اوزره تحت ارضده موجود  
صولری المی ایچون مختلف عمقده حفر اولنان چقورلره اطلاق اولنور .  
( بوفران ) نام کسنه نکه تدبیرله پارس جوارنده حفر و ( ۱۷۳۵م ۱۱۴۸هـ )  
تاریخنده اکمال اولنش اولان بر قیونک عمقی الی بش و قطری بش مترو  
اولوب ایتالیه و واقع ( اورویه تو ) قیوسی دخی مذکور قیودن اشاغی  
دکلدر بونده صو طاشیان بر طاقم استرلر حلزوننی یا بیلش اولان بر زردبانندن  
اینوب دیگر طاقی او بر زردبانندن چیقارلر . قاهرده ( بئر یوسف ) نامیه  
مشهور اولان قیونک عمقی طقسان اوچ و دائره سی اون اوچ مترو اولوب  
اوچیوز قدمدلی دائر وی الشکل بر زردبان ایله اینلمکده و اوکوزلره تحریک  
اولنان طولابلر واسطه سیله بر بندن بوکسک حوضلره صو چیقارلمقده در .  
اشبو قاهره قیوسنک ( یوسف ) علیه السلام زماننده یا پلدیغی ظن اولنیور  
ایسه ده روایت قویه کوره ملوک عربدن یوسف نامنده بر ذاتک اثریدر .  
اکثری یوک شهر قیولرینک صوبی طوزلی و قیر قیولرینک صوبی نسبة طانلی  
اولور لکن قلت استعمالنه بناء طورغون و نفوذ هواندن محروم و اکثراً  
کلیسی حاوی اولدیغندن وجوده مضرتی درکاردر .  
حفر اولنان بر قیو تحت ارضده قوم و قملرلی عمودی قیا طبقه لریته تصادف  
ایدرایسه صوبی چوق و عکسی حالنده وکیل طبقه لرنده آز اولور .



صولی قوم طبقه سنک التده کیل طبقه سی بولندیغی حالنده کیل صویک اشاغی یه طوغری نفوذینه مانع بولندیغی جهته صو اوراده یعنی قوم طبقه سنده خزینه کی تراکم ایدر واکر بوخزیندهک برجهتی بایره تصادف ایدرک اووه دن مرتفع بولنور ایسه درونده مترکم اولان صو اووه نك برضعیف جهندن یول بوله رق یاخود برقیو حفرنده یوقاری فیلامغه باشلار وچیقان صو قوت و خزینه نك جهت مرتفعه سی درجه سنه کوره ارتفاع ایدر . اوروپاده بو مثالو قیولردن بش اون مترویه قدر یوکسلور صولر چیقدیغی کورلمکده در .

بورغو ایله قیو حفری ( ۱۸۱۸ م و ۱۲۳۴ ه ) تاریخنده فرانسه ده ایجاد وابتدا ( ۱۸۳۴ م ) تاریخندن اعتباراً حفر اولنان ( ارتزیهن ) قیوسی یدی سنه ده اکیل اولندی بونك عرضی بر عمقی ۶۴۷ مترو و صویک حرارتی ۲۸ درجه در .

لوقسنبورغده کی موندوروف قیوسنك عمقی دخی ۷۳۰ مترو و صویک حرارتی ۳۵ درجه در .

بوقیولرک حفری بر برینه ویده لی اوزون بر بورغو ایله اولوب اخیراً اشبو بورغولر بخار ماکنه سی واسطه سیله تحریک ایدلمکده و دقیقه ده الی الشمس دفعه قالقوب اینکده باشلادیغندن تصادف اولنان قیالرك دلمی کرکی کی کسب سهولت ایدی ایسه ده حاصل اولان طاش و طیراغك قولایلقله یوقاری التمه هنوز بر چاره بولنه مدی اشته الك چوق زجت ویرن ومدت حفری اوزادان بوراسیدر .

ذکر اولنان ( ارتزیهن ) قیوسنك ایکیوز الی مترو قدر یوقاری طرفی میشه اغاجی و اشاغیسی تیمور بوری ایله مجهز ایمش .



( ق ) حرفنده اولان ممالک دولت علیه

| اسم واعتباری | در قضا | در لوا  | در ولایت       |
|--------------|--------|---------|----------------|
| قادی         | ناحیه  | موصل    | موصل           |
| قازده        | ناحیه  | حدیده   | بین            |
| قارچکان      | ناحیه  | وان     | وان            |
| قارپوزلی     | ناحیه  | ایدین   | ایدین          |
| قاردیخ       | ناحیه  | تسکه    | قونییه         |
| قاز اباد     | ناحیه  | توقاد   | سیواس          |
| قارصدی       | ناحیه  | اطنه    | اطنه           |
| قارص         | قضا    | قوزان   | اطنه           |
| قارغی        | ناحیه  | قسطنونی | قسطنونی        |
| قارنوس       | ناحیه  | مرعش    | حلب            |
| قاری پزاری   | ناحیه  | سیواس   | سیواس          |
| قاشا         | قضا    | تسکه    | قونییه         |
| قاشوط        | قضا    | ردوس    | جزایر بحر سفید |
| قاطع         | ناحیه  | جبل     | جبل لبنان      |
| قالقاندلی    | قضا    | برزرین  | مناستر         |
| قالقانلو     | ناحیه  | تسکه    | قونییه         |
| قالقانلو     | ناحیه  | کرکوک   | موصل           |
| قالکلو       | ناحیه  | اطنه    | اطنه           |
| قالنوس       | قضا    | ساقز    | جزایر بحر سفید |
| قالونییه     | قضا    | مدالو   | جزایر بحر سفید |
| قالوغه       | ناحیه  | جبل     | جبل لبنان      |
| قالیس        | ناحیه  | برزرین  | مناستر         |
| قادییه       | قضا    | ازمید   | شهر امانتی     |
| قایماس       | ناحیه  | ازمید   | شهر امانتی     |
| قای          | ناحیه  | نیکده   | قونییه         |
| قباصقال      | عشریت  | اطنه    | اطنه           |
| قباقوز       | ناحیه  | اماسیه  | سیواس          |
| قبیریحقی     | ناحیه  | بولی    | قسطنونی        |
| قبیوطاغی     | ناحیه  | قره سی  | قره سی         |
| قبوکوبی      | ناحیه  | اطنه    | اطنه           |
| قبیده        | ناحیه  | بنغازی  | بنغازی         |
| قبترین       | ناحیه  | سلانیک  | سلانیک         |

| درولایت       | درلوا      | درقضا   | اسم و اعتباری |                    |
|---------------|------------|---------|---------------|--------------------|
| قوصوه         | اسکوب      |         | ناحیه         | جانیق              |
| مستقل         | قدس شریف   |         | مرکز لواء     | قدس شریف           |
| سوریه         | لانقیه     |         | ناحیه         | قدموس              |
| طرزون         | لازستان    |         | ناحیه         | قرا. سبهه          |
| ایدین         | ایدین      | بوزطغان | ناحیه         | قران               |
| شهر امانتی    | شهر امانتی |         | قضا           | قرنال              |
| مناستر        | مناستر     |         | قضا           | قرجوه              |
| سوریه         | لانقیه     |         | ناحیه         | قرداحه             |
| قره سی        | قره سی     |         | ناحیه         | قرط مع شامی        |
| ادرند         | قرق کلیسا  |         | مرکز لواء     | قرق کلیسا          |
| ایدین         | صاروخان    |         | قضا           | قرق اغاج           |
| قونیه         | قونیه      |         | قضا           | قرمان ( لارنده )   |
| طرزون         | جانیق      |         | ناحیه         | قرمق               |
| جبل لبنان     | جبل        |         | ناحیه         | قرنعل              |
| یانیه         | ارگری      |         | ناحیه         | قره ولس            |
| قونیه         | اسپارته    |         | قضا           | قره اغاج           |
| قونیه         | بورردور    |         | قضا           | قره اغاج غربی      |
| ایدین         | ازمیر      |         | ناحیه         | قره برون           |
| قونیه         | قونیه      |         | قضا           | قره بیکار          |
| معموره العزیز | ارغنی      |         | ناحیه         | قره بیکار          |
| سیواس         | سیواس      | قوچکیری | ناحیه         | قره بیل            |
| حلب           | حلب        | عینتاب  | ناحیه         | قره بقلی           |
| اطنه          | ایچ ایل    |         | ناحیه         | قره بوچیلو         |
| موصل          | کرکوک      |         | ناحیه         | قره تپه            |
| موصل          | سلیمانیه   |         | ناحیه         | قره جولان          |
| خداوندکار     | قره حصار   |         | مرکز لواء     | قره حصار صاحب      |
| سیواس         | قره حصار   |         | مرکز لواء     | قره حصار شرق       |
| انقره         | پوزغاد     |         | ناحیه         | قره حصار بهرام شاه |
| انقره         | قیصریه     |         | ناحیه         | قره حصار           |
| سیواس         | اماسیه     |         | ناحیه         | قره حصار تیورجی    |
| قونیه         | تمکه       |         | ناحیه         | قره حوض            |
| اطنه          | ایچ ایل    |         | ناحیه         | قره حاجیلو         |
| موصل          | کرکوک      |         | ناحیه         | قره حسن            |
| ایدین         | ایدین      |         | ناحیه         | قره خیط            |
| بغداد         | بغداد      |         | ناحیه         | قره دبد            |
| طرزون         | لازستان    |         | ناحیه         | قره دره            |



| اسم و اعتباری | در قضا     | در لوا    | در ولایت      |
|---------------|------------|-----------|---------------|
| قره سی        | مرکز ولایت | قره سی    | قره سی        |
| قره صو        | ناحیه      | ازمید     | شهر امانتی    |
| قره صو        | ناحیه      | سینوب     | طر بزون       |
| قره طاغ       | ناحیه      | سلانیک    | سلانیک        |
| قره طاش       | قضا        | سلیمانید  | موصل          |
| قره طاش       | ناحیه      | ایچ ایل   | اطنه          |
| قره طوه       | قضا        | اسکوب     | قوصوه         |
| قره عیسالو    | قضا        | اطنه      | اطنه          |
| قره عمر       | عشیرت      | اطنه      | اطنه          |
| قره فرید      | قضا        | سلانیک    | سلانیک        |
| قره قوش       | ناحیه      | جانیل     | طر بزون       |
| قره قوش       | ناحیه      | سیواس     | سیواس         |
| قره قیالو     | ناحیه      | اطنه      | اطنه          |
| قره قشله      | ناحیه      | اطنه      | اطنه          |
| قره یکیلی     | ناحیه      | ارغنی     | معموره العزیز |
| قره کلیسا     | قضا        | بایزید    | ارضروم        |
| قره مرسل      | قضا        | ازمید     | شهر امانتی    |
| قره حق        | ناحیه      | قره حصار  | خداوند کار    |
| قره مغاره     | ناحیه      | یوزغاد    | انقره         |
| قره موصل      | ناحیه      | انطاکیه   | حلب           |
| قره یقه       | ناحیه      | سیواس     | سیواس         |
| قره جه اباد   | ناحیه      | سلانیک    | سلانیک        |
| قره جه اباد   | ناحیه      | سلانیک    | سلانیک        |
| قره جه اباد   | ناحیه      | منتشا     | ایدین         |
| قره جه شهر    | ناحیه      | بروسه     | خداوند کار    |
| قره جه صو     | ناحیه      | ایدین     | ایدین         |
| قره جدل       | ناحیه      | سرفیجه    | سرفیجه        |
| قره جدل       | عشیرت      | اطنه      | اطنه          |
| قره جه ویران  | ناحیه      | کنغری     | قسطنطونی      |
| قریش          | ناحیه      | قونیه     | قونیه         |
| قریش اوزی     | ناحیه      | قونیه     | قونیه         |
| قرانیه        | ناحیه      | بغداد     | بغداد         |
| قرق           | ناحیه      | حلب       | حلب           |
| قرزل باط      | ناحیه      | بغداد     | بغداد         |
| قرزل اناج     | ناحیه      | قرق کلیسا | قرق کلیسا     |
| قرزل بل       | ناحیه      | قسطنطونی  | قسطنطونی      |

| اسم و اعتباری    | در قضا     | در لوا     | در ولایت       |
|------------------|------------|------------|----------------|
| قزل قیا          | ناحیه      | تمک        | قونیہ          |
| قزل کلیسا        | قضا        | مازگرد     | درسم           |
| قزل قوجہ         | ناحیه      | پوزغاد     | انقرہ          |
| قزلجہ            | ناحیه      | سلیمانیه   | موصل           |
| قرخصار (طوبہ لی) | ناحیه      | ازمیر      | ایدین          |
| قرخصار           | ناحیه      | حلب        | حلب            |
| قسطہونی          | مرکز ولایت | قسطہونی    | قسطہونی        |
| قشاقلی           | ناحیه      | قونیہ      | قونیہ          |
| قصبہ (طورغودلی)  | قضا        | صاروخان    | ایدین          |
| قصبہ بالا        | ناحیه      | انقرہ      | انقرہ          |
| قصبہ زیر         | ناحیه      | انقرہ      | انقرہ          |
| قصر              | ناحیه      | طرابلس غرب | طرابلس غرب     |
| قصورن            | ناحیه      | سلیمانیه   | موصل           |
| قصورن            | ناحیه      | اطنه       | اطنه           |
| قصیر             | ناحیه      | انطاکیہ    | حلب            |
| قطا              | ناحیه      | اماسیہ     | سواس           |
| قطور             | ناحیه      | حکاری      | حکاری          |
| قطیف             | قضا        | نجف        | بغداد          |
| قعطیہ (تعطیہ)    | قضا        | تعز        | یعن            |
| قلالہ            | ناحیه      | سلیمانیه   | موصل           |
| قلب              | قضا        | کنج        | بتلیس          |
| قلعۃ المسکر      | ناحیه      | مشقک       | بغداد          |
| قلعۃ الرماد      | ناحیه      | دیم        | بغداد          |
| قلعۃ جزان        | ناحیه      | یعن        | یعن            |
| قلعہ جک          | قضا        | کنگری      | قسطہونی        |
| قلعۃ سیورک       | ناحیه      | ارغنی      | معمرۃ العزیز   |
| قلعۃ صیغہ جق     | ناحیه      | ازمیر      | ایدین          |
| قلعۃ مضق         | ناحیه      | حلب        | حلب            |
| قلندوس           | قضا        | ساقز       | جزایر بحر سقید |
| قلنجلو           | عشیرت      | مرعش       | حلب            |
| قناصرہ           | ناحیه      | تعز        | یعن            |
| قران             | جزیرہ      | یعن        | یعن            |
| قران             | ناحیه      | اشقودرہ    | اشقودرہ        |
| قناریس           | قضا        | جانیک      | طربزون         |
| قندیہ            | مرکز لوا   | قندیہ      | کریہ           |
| قمیطرہ           | قضا        | حوران      | سوریہ          |

| اسم و اعتباری | در قضا     | در لوا    | در ولایت |
|---------------|------------|-----------|----------|
| قنغال         | ناحیه      | سیواس     | سیواس    |
| قنغال         | ناحیه      | سیواس     | سیواس    |
| قنند          | قضا        | عسیر      | مین      |
| قنق           | ناحیه      | اطنه      | اطنه     |
| قواق          | ناحیه      | جانیك     | طرزون    |
| قواله         | قضا        | درامه     | سلانیك   |
| قوزلی حصار    | قضا        | قره حصار  | سیواس    |
| قوچانه        | قضا        | اسکوب     | قوصوه    |
| قوچاق         | ناحیه      | ایدین     | ایدین    |
| قوچحصار       | ناحیه      | قونییه    | قونییه   |
| قوچحصار       | ناحیه      | کنغری     | قسطنطونی |
| قوچحصار       | ناحیه      | ماردین    | دیار بکر |
| قوچ کوبری     | ناحیه      | درسم      | درسم     |
| قوچکیری       | قضا        | سیواس     | سیواس    |
| قوری چای      | قضا        | ارزنجان   | ارضروم   |
| قوری بازار    | قضا        | انقره     | انقره    |
| قوری قواق     | ناحیه      | قسطنطونی  | قسطنطونی |
| قوری همایون   | ناحیه      | انقره     | انقره    |
| قورنه         | قضا        | بصره      | بغداد    |
| قورفاللی      | ناحیه      | کنغری     | قسطنطونی |
| قوزان         | مرکز لوا   | قوزان     | اطنه     |
| قوزانی        | قضا        | سرفیجه    | سرفیجه   |
| قوزاق         | ناحیه      | قره‌سی    | قره‌سی   |
| قوزی جان      | قضا        | مازگرد    | درسم     |
| قوش تپه       | ناحیه      | کرکوت     | موصل     |
| قوش اطه‌سی    | قضا        | ازمیر     | ایدین    |
| قوشقوان       | قضا        | کوبلند    | ادرنه    |
| قوشغیر        | ناحیه      | اطنه      | اطنه     |
| قوشچی         | ناحیه      | مرعش      | حلب      |
| قوشلوا        | ناحیه      | کنغری     | قسطنطونی |
| قوشلی         | ناحیه      | کنغری     | قسطنطونی |
| قوصوه         | مرکز ولایت | قوصوه     | قوصوه    |
| قوتجاغز       | ناحیه      | قرق کلیسا | ادرنه    |
| قوکر          | ناحیه      | قبر شهری  | انقره    |
| قوکاس         | ناحیه      | کمشخانه   | طرزون    |
| قوکرپه        | ناحیه      | بولی      | قسطنطونی |

| اسم و اعتباری | در قضا     | در لوا     | در ولایت       |
|---------------|------------|------------|----------------|
| قولوس         | ناحیه      | سینوب      | طربزون         |
| قولونیه       | قضا        | کوریمچه    | منامتر         |
| قولونیه       | قضا        | مدالو      | جزایر بحر سفید |
| قولله         | قضا        | صاروخان    | ایدین          |
| قولای         | ناحیه      | بغداد      | بغداد          |
| قولاب         | قضا        | کنج        | بتلیس          |
| قومانوه       | قضا        | اسکوب      | قوصوه          |
| قوم قلعه      | ناحیه      | پیغا       | قره سی         |
| قومناز        | ناحیه      | سیواس      | سیواس          |
| قونیه         | مرکز ولایت | قونیه      | قونیه          |
| قونچید        | قضا        | یانیه      | یانیه          |
| قروایه        | قضا        | در اج      | اشقودره        |
| قویطع         | ناحیه      | طرابلس شام | سوریه          |
| قویطع         | ناحیه      | جبل        | جبل لبنان      |
| قیرایی        | ناحیه      | قونیه      | قونیه          |
| قیرشهری       | مرکز لوا   | قیرشهری    | انقره          |
| قیصریه        | مرکز لوا   | قیصریه     | انقره          |
| قیوجاق        | ناحیه      | ایدین      | ایدین          |





## حرف ل

﴿کابل﴾ — آسیاده برشهر در کابل ایالتنک وبالجمله افغانستانک مرکز اداره سی اولوب پیشاور شهری اوزرنده و غزنه نك جانب شمالیسنده یعنی قوش طاغنك اتکنده واقع و التمش بیک نفوسی جامعدر . طوغله دن سوری و حکمدارانه مخصوص برقلعه داخلیسی و کار قدیم سرای و ابنیه لری و متعدد جامع و مکتب لری واردر . یدنجی عصرده برهند پادشاهلغناک مقری ایدی (۱۷۳۹م و ۱۱۵۲ه) ده نادر شاه ضبط ویغما و (۱۷۷۴م) ده تیمور شاه افغانستان کرسی اداره سی اتخاذ ایلدی . انکلیرلر (۱۸۴۲م) تاریخنده تخریب ایتشلردر .

(کابل ایالتی) شمالاً ترکستان شرقاً لوغان و جللال آباد ایالتلری جنوباً غزنه ایالتی غرباً خراسان ایله تحدید اولنور اون التی بیک مربع کیلومتر و انسانی و نامتناهی چوللری و برطاقم اودیة منته سی واردر . التون و کوش و باقرمللو معدنلری بولنور صنعتی یموق و خالی و مشین اعمالاندن عبارتدر . تجارتی کاربانلر ایله اجرا اولنور .

§

﴿کاتب چلبی﴾ — علمای کرام و مورخین بنامدن اولوب (۱۶۵۶م . ۱۰۶۷ه) تاریخنده وفات ایلدی .

مشارالیه زعمادن برذات ایدی میدانه قویدیغی تاریخ مشهور و کشف الظنون و جهانتناکی آثار جلیله کندوسنی مصنفین فحام صرهنه ادخال و بلکه بین هداة المؤلفین برعالی موقعه ایصال ایتلشدر .

§

﴿کاشان﴾ — عراق عجمده برشهر در اصفهانك شمال غریبسندن  
یوز الی کیلومتروده واقع اولوب و قتیله حاوی بولندیغی یوز الی بیك  
نفوسه بدل شمدی اوتوز بیك اهالی بی جامعدر و طیراقدن معمول قلهلی  
سورلری و اوتوز جامعی و اون مدرسه سی واردر . اعمالات حریری و حال  
و قطیفه و شالیری و پموق و باقر معمولاتی و میوه و سائر محصولات  
و خصوصاً قلوون و قارپوزی مشهوردر . بوشهر هارون الرشید خلیفه نك  
حرمی (زییده) طرفندن سکنینچی عصرده تأسیس اولندی . اون یدنجی  
عصرده کریم خان زماننده قسماً حرکت ارضدن خراب اولشدر .

§

﴿کاشانی﴾ — ققهای عظامدن ابوبکر بن مسعود بن احمد کاشانیدر  
(بدایع) آدلو بر کتاب نایابی و علم فقهدن (تحفه) سی و اصول دیندن  
(سلطان المبین) ایله دهاسائر تألیقاتی واردر . زوجه سی فاطمه  
دخی زمرة ققهای کرانه داخل بر مرئه عقیفه و کامله ایدی . ایکیمی  
برلکده جلب خارچنده یاتورلر .

§

﴿کاشغر﴾ — ترکستان چینیده واقع بخارای صغیرده و کاشغر نهری  
اوزرنده بونام ایله معروف خانلغك مرکز اداره سی اولوب یکریمی بش بیك  
نفوسی جامعدر اقشه حریری سی و کوزل آتلی واردر . و قتیله جنکیز  
سلاله سندن متشکل قوتلی بردولتك کرسی اداره سی ایدی کاشغر خانلغی  
الیوم فعلاً مستقل ایسه ده معاملات خارجه سینجه چینیه تابع بولنور .

§

﴿کاشغری عبدالله افندی﴾ — عبدالله کله سنه نظر بیوریه .

§

﴿کاغد﴾ — پموق و کتان و یا کنور پچاوره لری و پنج پیراقرلی  
ایله اعمال ایدیلور و اعلا کاغد یا پمق ایچون پموق پچاوره لرنك خیرینه  
اونده ایکی و یا اوج کتان یا خسود کنور پچاوره سی قویق لازم کلور .  
کاغد مقدما مذکور پچاوره لر بعد التظهير قوچیلرده چوریدیلرک و بیولک  
طوقاقرله دو کبیلرک معجون حالنده قوندقدن و (قلور) واسطه سیله

بیاضلدلقدن صکره الک کبی غایت اینجه دلیکلی قالبدرده یاپیلور ابدی .  
 مؤخرأ ایجاد اولنان برماکنه واسطه سیله طبقه اوله رق ویا برقاچ یوزآرشون  
 طولنده یکپاره کاغدلر چیقارلغه باشلادی . کاغذ قوررایکن یازویی جذب  
 ایتمک ایچون شاب ایله مخلوط نشاسته قوله سی ویا ساقز صابونی مخلوطیله  
 شربتلمک لازمدیر . کاغدی ابتدا مصریلر تصور ایتدیلر و پاپیروس  
 صاپلرینک اینجه زارلری ایله برنوع کاغذ اعمال ایلدیلر و بوکاغدلر برخیلی  
 زمان یونانستانده ومصر و فنیکه و حوالیسنده قبوللانیلوب مؤخرأ برغه  
 حاکمی اتال زماننده ترشه لر میدانه چیقیدی . پاپیروس کاغدی  
 رومالیرک مصری استیلاسندن صکره منحصراً همان ایتالیا ده مستعمل اولوب  
 اوراده برنجی درجه حوایج ضروریه دن عدا ایدلش و عربلرک مصری  
 ضبطی تاریخی اولان سکنجی عصره قدر باقی قالوب بوتاریخدن صکره  
 رتبه استعمالدن دوشمشدیر . بعدازین ایجاد چینلورله حل واسناد  
 اولنان پاموق کاغدی کورنمکه باشلا یوب اون دردنجی عصرده اسپانیاده  
 ولانسه توطن ایدن اسلام هنرورانی کنور وکتان پچاوره لرندن کاغذ  
 اعمالی ایجاد ایتمکله بتون بمالک غریبه ده پموق کاغذینک اعمالی ترک اولندی  
 ایسه ده اوتوز سنه اینجده کتان پچاوره لرینک آزمسی مناسبیله ایش یسه  
 پموقه چورلدی . ( ۱۷۸۹ م و ۱۲۰۴ ه ) ده فرانسه ده ( اسون ) ده کاغذ  
 ایشجیسی اولان ( لوی روبر ) چوق کاغذ یاقق ایچون برماکینه اعمال  
 وچوق صکره اشبو ماکنه یی انکلتیه یکن ( دیدوش لهر ) نام ذات  
 اکمال ایلدی و ( ادوارقور ) نام انکلین مهندسی دخی کاغدی طبقه طبقه کسمک  
 ایچون برماکنه یاپدی . الیوم فرانسه ده برچوق جسیم کاغذ فابریقه لری  
 واردیر . بجلا ویاض یعنی ترشه یی اکدیرر اولان یازی کاغذلرینی انکلتیه ده  
 صوکنجی عصرده ( باسکرویل ) وایک ویا ژوزف کاغذلرینی ( ژوزف  
 مونغولفیه ) اختراع ایتشدیرکه بوکاغذلر اسکیش ایکندن ویا اکرلماش  
 کوکلدن اعمال اولنور . چین کاغدی چین قاش قش قبوغنک ایکنجی  
 اینجه زاری ویا پرنج صمانی ویا خود هند جویرینک داخلی اینجه زاری  
 و توت اغاجنک کدک ایکنجی اینجه زاری ایله وعادی و قبا کاغذلر کوزل



کاغد معجونلرینک طوریتسی و صمان و قامش و قوقوروز قېوغی و حصیر اوتی ویر الماسی صاپی و پنچار پوصه سی ایله یاپیلور . پرنج کاغدلری قادیلرک باشلرینه طاققدقلری صنعی چمپکارک اعمالنده قوللایلور ویشیل ویا کنور دن چیقاریلان لیقلردن یاپیلان کاغدلر غایت شفاف اولور . کل رنگلی کاغدلر عادی وایشه یرامن خیردن و صارغی کاغدلری اکثریا نصفی یوک و نصف دیکری ایپلکدن مرکب پچاوره لردن یاپیلور .

§

﴿ کافرستان ﴾ -- افریقای جنوبیده واسع برقطعه در بحر محیط هندیدن و نیقرو بورندن لو و ابونک نهایتنه قدر تمتد اولور طولاً بیک اوچیوز عرضاً ایکی بیک بشیوز کیلومتر و اتساعی وارد و الیوم کافرستان بحری و کافرستان سفلا ناملریله ایکی به منقسم اولوب بر طاقم قبائل مستقره ایله مسکوندر . هوا سی باخصوص سواحله طوغری غایت صیحا ق و اراضی سی بعضاً مثبت اولوب داخل غایت صرب طاغلری و جسم قوم چولاری وارد و اکثر محللارنده صویه مضایقه چکلمکده در . التون و کوش و باقر و تیمور معدنلری و پک چوق حیوانات وحشیه سی بولنور . کافرلر سیاه جنسندن ایسه لده ایری و کوزلدلر بونلر یئلرنده بر چوق شعوب و قبائل تقسیم اولنورلر باشلیجه لری قوزاس زولو تانبوکی مانبوکی اولوب اشبو قبائل معدوده کافرستان بحریده ساکن و غوکاس مورولونغ پخوانه قبیله لری دخی کافرستان سفلا ده متوطندرلر و جله سی جنکاور و اکثری سی بدویدرلر . جسم و کیتلی اوکوز سوریلرینه مالک اولوب فقط زراعت و صناعتجه پک کیر و قالمشدرلر . تعدد زوجاته رضاو پرلر مذهب لری ( قیش ) نام بر مذهبدر . آوروپا میسیونر لری بونلری مذهبلرندن دوندر مکه پک چوق چالشدیغی حالده مساعیلری ثمره سز قالمشدر .

§

﴿ کافور ﴾ — چینده و ژاپونیده دفنه اغاجنه مشابه براغاجدن حاصل اولور شویله که ذکر اولنان اغاجک شعبات و جذور و جذلی قزغانه قونوب و اوزرینه صمانله طولدیرلش بر طپراق قپاق قپانوب اتشده قینادیلور و کافوری طیران ایدرک صمانه مرتبط اولور و صکره دیکر

قرعه کرده معتدل حرارت له تصفیه ایدیلور . کافور تخرش مشانه بی دفع  
ایچون بعض اجزای علاوه سیله استعمال اولنقه در و مضاد شهوت در .  
فندق قدر وایکی طرفی اینجه دلیکلی برمسک یاغی قطوسی دروننه کافور قونوب  
صندق والبسه ایچه وضع ایدلدیکی حالدده کوکه طوقنق احتمالی یوقدر .

§

﴿ کافور ﴾ — ملوک اخشیدیهدن ابوالمسک کنیه سیله مکنی برعرب  
حکمداری اولوب (۹۶۶ م و ۳۵۶ هـ) تاریخنده جلوس ایتش و شام و مصر  
و حجازده نامنی خطبه ده اوقوتشدر . رشد و سخا و نجابت و ذکاایله معروف  
ایدی و نامنه پک چوق کتابلر تألیف اولندی .

§

﴿ کالب ﴾ — کبرای بنی اسرائیلدن اولوب یوشع علیه السلامدن  
صکره مقام ریاستی احراز ایتشدر . بو ذات حضرت موسی زماننده تهیدن  
ار یحافلعه سنی تفتیشه کوند رلشیدی (قال رجلان من الذين يخافون) آیت  
کریمه سنده اشارت یوریلان ایکی رجلدن برینک حضرت یوشع دیگرینک  
بو ذات اولدیغی و بونک مختلف فیه اولق اوزره سلك جلیل انبیایه داخل  
ایدوکی مرویدر .

§

﴿ کافی ﴾ افندی — اسمی ابو بکر مسقط رأسی توفاددر دیار  
رومک مهره شعرا سندن ایدی دیوان همایون قلندن نشئت و بعض وزرایه  
کتابت ایدرک بین الانام شهرت و نام تحصیل ایلدکن صکره گوشه انزوایه  
چکیلوب (۱۷۹۱ م و ۱۲۰۶ هـ) تاریخنده آخرته کتدی . اوائل حالنده  
عباش ایدی صکره طریقت علیه مولویه انتساب ایدرک صلاح حال کسب  
ایلدی دیرلر . (هرسوزی معدن جوهر ایدی کتدی کافی) تاریخ وفاتیدر .

§

﴿ کاوه ﴾ — تخمیناً (۳۵۰۰ خ) تاریخنده یعنی میلادک ایکینک  
طقسان درت سنه مقدمده ملوک پیشدادیاندن ظلم و تعدیسی اهالی بی  
دلکیر ایدن مشهور ضحاک مارینک قاتلیدر . مرقوم کاوه بر تیورجی  
پارچه سی اولدیغی حالدده اوکنده کی دری بی بیراق یرینه استعمال و ملوک

مومی الیه یوزندن جانلری یانان اهاالینک آتش غیظ و هیجاننی کوروکله اشعال ایدرک تشکیل ایلدیکجی جمعیت واسطه سیله خدمت مذکورده بی ایفا ویرینه اتفاق اهاالی الیه (فریدون شاهی) اجلاس ایتدی . اهاالی مرقومه مظالم و تعذیباتدن قورتلدیغنه تشکراً هر سنه اوکون (مهرجان) نامیله بریرام یایلمسینه قرار ویرمشلدر . ذکر اولنان بیراغه (درفش) و ضحاکه (بیوراسب) و کاکویه (کابی) دخی دیرلر . (مهرجان) و (درفش) کله رینه دخی نظر بیوریله .

§

﴿کاهن﴾ — مصر اهاالی قدیمه سنک امور مذهبیله رینه و معبدلرینک هر درلو مصالح جاریه سنه باقان رؤسای روحانیله در بونلر مصرده نیجه زمانلر غایت قوی و ذیقدرت بر هیئت روحانیله تشکیل ایتشلر و بعضاً حکومت جسمانی بی بیله ید اداره لرینه المشلر ایدی . کاهنلر درجه درجه اولوب برطاقی اکثری زمانده حکمدارلرک مستشارلغی و کتب و دفاتر محافظلغی خدمتلرنده بولندقلری کبی برطاقی دخی اهاالی اره سنده طبیبک منجملک فالجیلک معمارلق سحر بازلق یاپه رق پکینورلر و معبدلرده وعظ و نصیحتله اوقاتکذار اولورلر ایدی .

بونلر ابدأ بالق اتی ییزلر و اوچ کونده بر بتون وجودلرینی تراش ایدرلر و هر کیجه ایکی دفعه صغوق صو دوکینورلر و طهارته زیارته اعتنا ایدوب ایکیده برالری بی یوزلرینی ییقارلر و صرترلرینه عادی برکتان کوملک کیرلر و صباحدن اقشامه قدر درت دفعه مقامله دعا او قوبوب قصور و قتلرینی تحصیل فنونه حصر ایدرلر و اولنلرینک رینه تام الاعضا و اهلیتلی کسه لر دن برینی انتخاب ایلرلر ایش . کاهنلر روحک بقاسنی و مکافاة و مجازات معنویه بی معترف ایدی دیرلر .

بنی اسرائیل نزدنده کهانت (لاوی) قبیله سنه مخصوص اولدیغندن انلر کاهنلرینه (لاوی) دیمکده درلر .

§

﴿کبر﴾ — آتشرستره ویریلور برنامدر کبرلر الوهیتک تمثالی واک صاف بر آتشک اصلی اعتقادیه کونشه ودها بعضی یلدیزله طیارلر

وبالاختیار آتشی سویندرمیوب حتی خانہ لری طویشہ جق اولسہ بیلہ تقید  
ایتمزلایدی عندلرنده غایت مقدس کتاب ( زردشت ) ک تألیف ایتدیکی مشهور  
مجموعه در . کبرلر لطیف صادق خیر خواه ومهماننوازدرلر . آتشیپرستلک  
قدیم زمانلرده عجمستانده حکم سورد کدن صکره اسکندر رومی واخلاقی  
وسلوسیدلر زماننده اعتباری منطق اولشیدی ( ۲۲۵ م ) ده عجم ساسانی  
سلاله سنک مؤسسی اولان ارد شیر بابک طرفندن بر آرہلق احیا ایدلدیسه ده  
مؤخرأ ( ۶۵۵ م و ۳۵۵ هـ ) ده عربلرک استیلاسی و دین اسلامک اورالہ  
دخولی اوزرینہ ( اذاجاء الحق زهق الباطل ) مضمونجه آیین آتشیپرستی  
ایکنجی برصدمہ تخریبہ اوغرا دیغندن بومذهب طرفدارلری بحر حززلک  
جهت شمالیسنده کائن نواحی جبلیدیه چکیلوب دیگر بر قسمی دخی  
هندستانده پکرات ایاتنه التجا ایشلردر .

اليوم عجمستانده طهران واصفهان وباخصوص کرمانده کبر طائفه سی  
بولمقده ایسه ده قسم اعظملی ( بومبای ) ده انکلین جایه سننده در  
بومبایک شمالنده کائن ( دامان ) ده مقدس بر آتشکده لری واردرکه بو آتش  
یک ایکوز سنه دنبرو وبلکه ده ا زیاده مدت بلا انظفا استعمال ایتکده در .

### §

﴿ کپلر ﴾ — مشاہیر فن هیئتنددر ( ۱۵۷۱ م و ۹۷۹ هـ ) ده  
ورتنبورغده تولد و ( ۱۶۳۰ م و ۱۰۴۰ هـ ) تاریخنده راتسبونده وفات  
ایلدی . فقیر بر فاملیادن نشأت ایدوب ابتدا استیری ده قریج شهرنده ریاضیات  
معلمی اولدی و ( ۱۶۰۰ م ) ده بعض ترصداات ایچون بوهیمیاہ کتدکده  
ایمپراطور یک بش یوز فلورین معاشله اوراده توقیف ایلدی . ( کپلر )  
قوپرنیق اصولنی قوی اساسلر اوزرینہ وضع و هیئت جدیدہ نك مستند  
اولدیغی قواعد وقوانینی کشف وتعیینہ وسیارلک احوال دوریه وکیفیات  
منجذبہ وسائرہ سنی وشمسک حرکات دوریه سنی وهنوز معلوم اولمیان برطاقم  
سیاراتی کشف وترصیده وکذلک زمانہ دکین یاپیلہ میسان عرض وطوللری  
بر مکملیت فوق العاده ایله حساب و ( ۱۶۳۱ م ) ده شمسک قرصی اوزرندن  
زهره وعطارد نام سیارہ لرک عبورینی تحقیقه همت ایتش وکوزلکری اکمال



و بر نوع لوغاریمو جدولانی ترتیب و تنظیم ایثدر . مشهور ( نوتون ) یله  
اجرام فلکیه نك بربرلرینه اولان جذبلر نك جوهر لر یله مناسیب اولدیغنی  
كپرك حركات اجرام حقنده وضع ایتدیكى قوانیندن استدلال ایتشیدی .

§

﴿ کتبخانه ﴾ — ازمنه متقدمه ده بالجله اقوام تمدنه نك كرك عومى  
و كرك خصوصى بر چوق كتبخانه لری موجود ایدی بونرك ایچندن  
برنجی درجه یی احراز ایتش اولانلر ( ۵۳۰۴ خ ) تاریخنده یعنی میلادك  
ایکیوز طقسان سنه مقدمنده مشهور بطلمیوس طرفندن تأسیس  
و ( ۶۴۰ م ) تاریخنده تخریب اولنش ویدی یوز بیک جلد راده سنده کتابی  
حاوی بولنش اولان كتبخانه ایله برنجی ( اتال ) طرفندن مؤسس برغمه  
كتبخانه سی وپالاتین طاغی اوزرنده اوکوست نام امپراطور طرفندن  
انشا اولنش اولان پالاتین كتبخانه سی . و تراژان زمانده روماده تشکیل  
اولنان اولیموس كتبخانه سیدر . قون وسطاده باربارلر استیلارلی مناسبتیه  
قدیم كتبخانه لرك قسم اعظمی محو و نابید اولدی . بو كتبخانه لرك  
مناسرتلرده محافظه ایدلش اولان بقایاسندن اگرچه خیلی کتاب استساخ  
اولندیسه ده ال یازوسی ایله اولدیغندن او قدر ترقی ایدمدی طباعتك  
ایجادى دیانك هر طرفنده كتبخانه لری مطلوب وجهله كتابه مالک ایتشدر  
والیوم فرانسه و انكاتره و المانیا و ایتالیا و اسپانیاده معمور و مشهور  
كتبخانه لر موجوددر فرانسه نك الك بیوك كتبخانه سنده مقدما الی بیک  
كتاب وار ایکن شمدی الی یوز بیکه بالغ اولدی .

بونله نسبة ممالك دولت علیه كتبخانه لرنده موجود اولان کتابلر اگرچه  
نقصان ایه ده بونك باشلیجه سببی بو طرفلرده مطبوعاتك کیچ بر زمانده رغبت  
اولنسی واوروپا كتبخانه لرنده ی زنکیسلكت سببی دخی هر فن ومثل  
وحکایات وسائر مه دائر یازیلان کتابلرک پیدرپی قبول وعلاومه ی اولدی .

§

﴿ کتله ﴾ — علم حکمت طبیعیه ده بر جسم طبیعیه موجود اولان

عناصرک مقدار مجموعنه وجر ائقالده جسمه تأثیر ایدن قوتک نسبتيله مادهنک تعین مقدارینه اطلاق اولنور .

§

﴿ کتیم ﴾ — اولاد نوح علیه السلامدن یافک بشنجی اوغلی (یاوان) ک اوچنجی اوغلیدر . بوندن تشعب ایدن قبائلک ایتالیا و یونان و قبریس سواحلنده تمکن ایتدیکنی بعض تواریح بیان ایده یور .

§

﴿ کثافت ﴾ — مساوی جمده مثلاً مکعب شکلنده اوله رق مختلف الجنس ایکی جسم وزن اولنسه اکثریا وزنلری مختلف بولنور . بنا برین برینک وزنی واحد اعتبار اولنوب اجسام سائرهنک وزنلری وزن مذکوره قیاس ایله تعین اولنور . و واحد اعتبار اولسان مقدار جسمک وزنندن هر مقدار ایسه اولقدار جسمک کثافتنی یا ثقلت اضافیه سنی تعین ایلش اولور . واحد اولق اوزره درت درجه حرارتده بولسان ماء مقطر اخذ اولنوب جمیع اجسامک کثافتلری اکا نسبت ایله تقدیر و تعین اولمشدر .

تعبیر دیگرله جمعلری مساوی اولان جسملرک جوهرلری بر بندن زیاده اولوب اشبو زیاده لکه کثافت تسمیه اولندی . بو تقدیرجه ذهبک بر قدم مکعبنک جوهری صویک بر قدم مکعبنک جوهرندن اون طقوز کره زیاده اولغله ذهب مذکور کثافتنک صو کثافتنه نسبتی بر عددک اون طقوز عددینه نسبتی کی اولمش اولور یعنی التونک ثقلت اضافیه سی اون طقوز عدد اولنور . اجسامک ثقلت اضافیه لرینی تقدیر ایچون متعدد آلات ایجاد اولمش و تعریفات و تفصیلاتی علم حکمت طبعیه کتابلرنده مسطور بولمشدر .

§

﴿ کجرات ﴾ — هندستانده غانزک بر یسنده وشبه جزیره نک شمال غرب یسنده بر ایالتدر طولاً الی بوز و عرضاً ایکوز الی کیلومتر و اتساعی ویدی ملیون نفوسی حاوی اولوب بری انکلیره تابع دیگرکی مستقل ایکی قطعاً جسمیه تقسیم اولنور ( دامان ) ( دیو ) شهرلری پورتیکرلرک مقدما یابدقیری تأسیسات مشهوره دندر . بوراده اراضی غایت دوز و بوطاقل اوله رق انهار متعدده واسطه سیله اسقا اولنور . و یک چوق حبوبات

و نباتات صبیغہ و دھنیہ یتشدیریلور و واسع اور مانلرنده کیتلو حیوانات  
مضره بولنور .

مستقل بکرات اھالیسی اکثر یا یغما کر برطاقم قبائلدن عبارتدر . ( ۱۰۲۲ م و ۱۳ هـ ) تاریخندہ اھل اسلام هندستانی استیلا ایتدیکی زمان پکراتندہ قبائل مذکورہدن راچویتلر حکم سورمکده ایدیلر تاریخ مز بوردن ( ۱۲۹۷ م و ۶۹۷ هـ ) تاریخندہ قدر مغوللر و ( ۱۳۹۰ م و ۷۹۳ هـ ) دہ تیمورلنک و ( ۱۷۰۷ م و ۱۱۱۹ هـ ) دہ ماهراتلر طرفسندن ضبط اولنوب نہایت ( ۱۷۸۰ م و ۱۱۹۵ هـ ) دہ قسماً و براز صکرہ کاملاً انکیزلرک ید تسخیرینہ یکدی .

اسکی ہندتاریخلرینک افسانہ صورتندہ بیانہ کورہ بکرات ( قرشنا ) نک حکمی التندہ ایکن میلادک یوز یتش سنہ مقدمندہ ( وباللائ ) دہ واقع ( عود ) دہ تسلط ایدن ابنای شمس سلالہ سندن ( قانا قستا ) نک حکمی التہ و اوچیز سنہ صکرہ ( راچیوت ) عشیرتی یدینہ یکوب ( میوار ) نامیلہ برحکومت تشکیل اولنش و بودخی برقاج یوز سنہدن صکرہ منقرض اولھرق سلطنت ( شانوکیہ ) یاخود ( شالونقہ ) سلالہ سنہ انتقال ایلشدر .

### §

﴿ کدک ﴾ — فرجہ معناسنہدر قلعه دیوارلرنده آچیلان دلکترہ و طاغ یکیدلرینہ و چتلہ کرتکربنہ اطلاق اولنور بعضاً دخی بر دائرہدہ ثبات و اعتبار پیدا ایدن اوشاقلرہ چتلہ کرتکی مثللو ثابت اولدقلرندن کتباتہ کدکلی تعبیر اولندیغی کبی بعض اصناف دکاتلرینہ بلسند تخصیص واعطا اولنان اعتبارہ دخی ثبات ودوامندن ناشی کدک دنیلور .

### §

﴿ کدک احمد پاشا ﴾ — اعظم وزرای دولت علیہدن ( فاتح سلطان محمد ) زمانندہ درت سنہ اجرای صدارت ایتش بر ذاتدر ( ۱۴۷۵ م و ۸۸۰ هـ ) تاریخندہ برنجی دفعہ اولہرق قریمی جنوزلردن الوب عجملری قھر و تدمیر و مؤخرأ ارناودلق اصلاحنہ کیدوب و اورادن ناپولیہ یکوب ایتالیا دولتی ادارہ سنندہ اولان ( پی آو ) یاخود ( پولیہ ) و ( اوترانت ) الیہ دھا برقاج شہرلری ضبط و تسخیر ایلدکدن صکرہ ایتالیا جہ توسیع فتوحائی ضامن بر

قوت جدید تدارك ایدہ نیک اوزره در سعادتہ کلدیسہ ده دور فاتح سلطان بایزیدک جلوسیلہ تبدل ایلش اولدیغدن اسکیزی کبی مظهر اعتبار اوله مدی و بر مدت اوتوروب اورالک اهمیتتی و براز عسکر دها ویرلدیکی حالده پک چوق فتوحات میسر اوله جغنی دفعاتله سویلدیسده کسبه یه اکلاده مدی واک صکره یعنی (۱۴۸۲ م و ۸۸۷ هـ) تاریخنده سلطان محمد طرفلیسی دیهرک اسحق باشا ایله برابر بر مجلس عیش و طربده حناقا اعدام اولنوب غوغای جهانندن قور تارلدی . در سعادتده جام و سائر بعض تأسیساتی وارد .

§

﴿ کرج ﴾ — قریمده کفه نیک شمال شرقیسندن سکسان کیلومترده ویکی قلعه بوغازی اوزرنده یکرمی بیک نفوسی حاوی بر شهر در کوزل لیمائی و قلعه داخلیسی و ایچمه تجارتی وارد . بوراسنی میلادک الی عصر مقدمنده ملیزیه نر تأسیس ایلدیلر و بر عصر صکره بوسفور قرالیتک مقری واردهن چوق یکمکسزین یوز بیک نفوسی حاوی اولدی . (مهرداد) رومالیلر طرفندن تعقیب اولندقدہ بورایه قیانوب و فات ایلشدر . کرج التنجی عصر میلادیدن صکره بر چوق تقلباته اوغرایوب اون دردنجی عصرده جنویزلر و (۱۴۷۶ م و ۸۸۱ هـ) ده جنویزلردن سلطان محمد ثانی حضر تلی اخذ ایلدیکی حالده (۱۷۷۲ م و ۱۱۸۶ هـ) تاریخنده روسیه ترک اولندی .

§

﴿ کرجستان ﴾ یا خود ( زور ژیه ) — آسیای روسییده بر ایالتدر شمالاً چرکزستاندن کندوسنی تقریبی ایدن قافقاسیه غرباً قره دکز جنوباً ارمنستان شرقاً طاغستان و شروان ایله محدوددر . طولاً در یوز الی و عرضاً اوچ یوز کیلومتر و وسعتنده وایکی یوز الی بیک نفوسی حاوی و مرکز اداره سی ( تفلیس ) شهریدر . انهار متعدده ایله اروا قلتمده اولان اراضیسی غایت منبت و هواسی صحیاق اولوب توت و اوزوم و سائر میوم و پاموخی کثرت اوزره اولور و التون کوش باقر تیور قلا یاقوت شاب سیاه کهر یا معدنری بولنور . کرجیلر غایت شجیع و بهادر و نسوانی کوزللاکله



مشهور در آریجه برلسانلری وارد و اصلاری (۲۹۵۰ خ) تاریخنه یعنی میلادك ایكبكك التی یوزاللی سنه مقدمه قدر یوقاری کیمتکده در نمرود ایله معاصر اولان (تاغارموس) برنجی قراللری ایدی. بونلر اولاه اسکندر رومی یه و صکره ساسانیله و (۷۳۲ م و ۱۱۴ ه) دن اعتبارا عربله انقیاد و (۸۶۱ م و ۲۴۷ ه) تاریخنده اسلام اداره سنه انتقال ایلدیلر و (۱۰۲۷ م و ۴۱۸ ه) دن (۱۰۷۲ م) تاریخنه قدر الپ ارسلان سلجوق ضبطنده قالوب اون یدی سنه صکره قراللری اوچنجی داوید معرفتله استقلال و برطاقم فتوحات قزاندیلر ایسه ده کریبان استقلاللری یته استیلادن قورتیله میسوب (۱۲۴۸ م) ده جنکیز یله و (۱۳۸۶ م) ده تیمورلنکه فرمانبر اولدیلر و بر عصر صکره کرجهستان شرقی عجمله و غربی عثمانیلره کچوب (۱۵۸۰ م و ۹۸۸ ه) تاریخنده عثمانیلر بتون کرجهستانی فتح و تسخیر ایتدیلر و بر قاچ کره دها انقلاب کورد کد تصکره عاقبت (۱۷۸۳ م و ۱۱۹۸ ه) تاریخنده اکثریسی قریم ایله برابر روسیه تابعیتنه انتقال ایلدی. کرجهستاندن معدود اولان باطوم سنجاغنك بعض اراضیسی دخی (۱۸۷۸ م و ۱۲۹۵ ه) تاریخنده برلین معاهده سی موجبجه دولت علیه دن روسیه یه کچمشدر.

§

❁ کرد — آسیاده بر قوم اولوب دجله نك شرقنده واقع طاغلرده ووان ورومیه کوللرینك جنوبنده ساکنندر لر مملکتلرینه کیندوناملرینه نسبتله کردستان تسمیه اولنور. بونلر چاپک و شجیع اولقله برابر هر بار حریشارلر. الیوم کردلرک بر قسمی عثمانلی و قسم دیگر ی عجمه تابع اوله رق اکثریسی سنی المذهب و بعضیلری شیعی و نسطوریدر. بونلر قدیم کلدانی و پارتله منسوب ظن اولنیور.

(کردستان) عثمانی — ارمنستان الجزیره عراق عرب و عجمستان بیننده در شهر زور و موصل و لایترله بغداد ولایتك بر قسمی تشکیل ایدر. طولاً اوچ یوز سکسان عرضاً درت یوز کیلومتر و اتساعنده اولوب مرتفع طاغلری و محصولات ارضیه سی برنج بغدادی اریه سیسام یش توتون پیوق مازو قدرت حواسی و معدنلری کو کرد و شاب مثلاًو

شیلردن عبارتند . و اوچیز الی بیک تخمین اولسان اها ایسی اگرچه اکثریاجهل ونادانی ایچنده وحال بدویده متعیش ایسه لرده شجاعت وقناعت ومهمانوازلقترینه دیه جک یوقدر . سلطان سلیم اول (یاوز) حضرتلری ایران سفرندن صکره کردستانک دخی دولت علیه التحاقنی آرزو ایلدیکندن درسعادتیه بولنان مشهور ادریس بدلیسی حضرتلرینی (۱۵۱۵ م و ۹۲۱ هـ) تار یخنده کردستان امراسنه کوندروب مومی الیه ذاتاً سنی المذهب اولان یکرمی اوتوز قدر قبائل اکرادی نصایح مؤثره ایله جلب وشاه اسماعیل علیه تشویق ایلدیکنه بناء قبائل مذکورہ مملکتلرینی عجملردن حرراً بآ تخلص ودولت علیه التجا ایلدیلر . یالکز دریار بکرجهتی براز حرب ایله التمشدر کردلر برارلق دولت علیه نک بعض تکالیفی قبولده تردد ایلدکلرندن (۱۸۴۵ م و ۱۲۶۲ هـ) تار یخنده مشیر عثمان پاشا ایچمه برقوت ایله کردستانه کوندلمش ایدی مومی الیه براز تضییق ووافق تفک محاربہ لردن صکره برنجی رئیسلی (بدرهان) بکی متعلقاتیله برابر طوتوب درسعادتیه کوندلمکله اوتردد دخی بر طرف اولدی ومیر مومی الیه ومتعلقاتی معاش تخصیصیله ممالک سائرہ دولت علیه ده اسکان ایلدی .

(کردستان) عجمی — عجمستانده آذربایجان عراق عجم خوزستان وکردستان عثمانی ایله تحدید اولنور برایتدر طولاً اوچیزو یتش عرضاً ایکیوز یکرمی بش کیلومتر و اتساعی ودرت یوز بیک نفوسی حاوی اولوب مقری کرمانشاهدر یوکسک طاغلی وکنیش وادیلری وارسه ده کرمانشاه صحراسندن ماعدا محللری زراعتیه صالح دکلدر .

§

﴿ کرداب ﴾ — دکلر ویا نهرلرک سواحلمنده صولرک دونسنه اطلاق اولنور که اوزرینه دوشن هر شیئی برابر چو بر و قوتلی اولور ایسه بلع ومحواید . کردابلر قصرغه واری دوران ایدن قارشولقلی جریانلرک تأثیرندن ظهوره کلکده در . ایتالیا ده قاریت وسیلا قدیمده الک مددهش عد اولنان کردابلردن ایدی الیوم شمال دکلرند (میلسترون) وامریقای جنوبیده کوماناکورفرند (قاریاقو) کردابلری الک جسمیم وتهلکه لی کردابلردندر .

§

﴿ کردك ﴾ — زار كرنش اولان بجه كاه عروس كه تركه سي كالين اوطه سيدر . مقدا كالين اوطه لري اوزري صرمه لي چوره لر وشالره مزين زار يعني قيتلي قاشلردن معمول بيوك پرده لره و كلينك جههازيله تجهيز و تزين اولنور ايدى . حالا ديشار و لرده بعض محللرده بوعادت مرعى الاجرا اولوق كر كدر .

§

﴿ كرز ﴾ — بيوك طوپوز ديمك در كه عهد قديمده اك آغر آلات حريه دن ايدى و بونك بوز طوغان وششپر نامنده انواعى دخی بولنور ايدى . بويى قيصه طيقناز كسه لرده بعضاً ( كرز ) ( طپوز ) ديرلر ( صارى كرز ) دخی بوسورتله تلقيب اولنان كسه لردنر . ( صارى كز ) كله سنه نظر بيوريه .

§

﴿ كرگان ﴾ — جرجان و هرکان و هر قانيا دخی دنيلور جرجان كله سنه نظر بيوريه .

§

﴿ كركوك ﴾ — آسيای عثمانیده موصل ولایتی داخلنده برسنجاق مرکزيدر . وشهر زورك شمال غريسندن يوز اون بش كيلو متر و مسافه ده بر مرتفع موقعده واقع و اون اوچ بيك نفوسى جامعدر . و ( رواندز ) ( صلاحيه ) ( اربيل ) ( رانيه ) ( كوى سنجاك ) قضاايردر . حضرت دانيالک تربه سى بوراده يا خود سوسوده اولديغى سويلنور : بصره و بغداد ايله ايجيه دقيق تجارتى و جوارنده زفت منبعلى واردر ( ۱۷۴۳ م و ۱۱۵۶ هـ ) ده عثمانيلر عجمله بوراده غلبه ايدوب مملكتى قورتارديلر .

§

﴿ کرمان ﴾ — عجمستانده بر قطعه در شمالاً خوزستان شرقاً سبستان و مکران جنوباً عجم کورفزی و بحر عمان ايله محدوددر التى يوز التمش كيلو مترو طول و التى يوز عرضى اولوب التى يوز بيك نفوسى جامعدر و کرمان و هر مز باشليحه شهر ليدر . طاغلى نهر لرى و شمال و وسطنده نهايتسر چوللرى و کثرت اوزره بغدادى اوزوم خرما و قيسونلرى واردر . يوك تجارتى جسيم اولوب يکى و دوه يوکندن شال نسج و اسلحه اعمال ايدرلر .

(۱۰۶۲ م و ۴۵۴ ه) دن (۱۱۸۷ م و ۵۸۳ ه) تاریخنه قدر سلچوقیلرک بر شعبه سی بوراده حکومت سوروب مؤخرأ غوریلر طرفندن دوچار انقراض اولدی . جهت غربیسی الیوم عجمستانه ملحق و سواحلی مسقط امامنه تابع اولوب ایران دولته براز ویرکو ویرمکده و باقیسی رؤسای مستقله ایادی مقاسمه سنده در .

(کرمان) عجمده بر شهر اولوب کرمان ایالتنک مقریدر . بوکا سیرجان دخی دیرلر اصفهانک جنوب شرقیسنندن بشیوزسکسان کیلومتروده واقع و اوتوز بیک نفوسی جامعدر . بازارلی کوزل شالیری اسلحه سی حالیری و باخصوص هرات و بخارا ایله معتنا تجارتی واردز . وقتیه غایت مهم و معمور ایکن اون سکرزنجی عصر نهایتنده محمد خان طرفندن ضبط و تخریب اولندی .

§

﴿ کرمانشاه ﴾ — عجمستانده مستحصن بر شهردر . کردستان ایرانینک مقر اداره سی اولوب طهرانک جنوب غربیسنندن اوچیوز یتیش سکرز کیلومتروده واقع و اوتوز بیک کرد نفوسی جامعدر . و دروننده بر قلعه و جوارنده بیستون طایغی اوزرنده رستم تختی دنیلان مشهور بر اثر واردر . شهر مذکور ایکنجی شاپورک اوغلی طرفندن تأسیس و (۱۷۳۰ م و ۱۱۴۳ ه) ده نادر شاه معرفتیه ضبط و تحکیم اولندی .

§

﴿ کرمان ﴾ — اناطولیده وقتیه کرمان حکومت صغیره سنه مقر اتخاذ اولنش بر شهردر . بو حکومت دولت سلچوقیه نك انقراضندن صکره دخی بر مدت مستقلأ کوتاهیه و سلطان اوکی و ملحقاته حکم ایتیش و حاکمیری کرمان زاده دیو شهرت بولش ایدی . صکره یعنی (۱۴۵۱ م و ۸۵۵ ه) تاریخنده سلطان (محمد) ثانی حضر تیری بورالری دخی سائر اناطولی مالکی کی ضمیمه فتوحات عثمانیه ایتیمکه مقرض اولدیلر و سلاله لرندن بعضیلری اول وقت اناطولی الای بکملکرنده کمال اعتبار ایله استخدام اولدیلر .

§

﴿ کری ﴾ — بصره کور فزی ساحلنده الیوم قطیف نامیه عریف



شهرک نام قدیمدر بوشهر و قتیله هندستانک و صومانا اطه سنک انباری حکمنده بر بیوک تجارتگاه ایدی .

§

﴿ کرید ﴾ — دولت علیه نك آق دکز جزایرندن بر ولایت جسیه- سیدر . بوراده ( ۱۸۲۲ م و ۱۲۳۸ هـ ) تحریری موجبیه ایکی یوز التمش الی بیک نفوس وار ایکن اون سنه صکره التمش بیک یدی یوزی اسلام و قصوری روم اولق اوزره یوز قرق درتیک سکر یوز نفوس بولمیشیدی . مقری حایه شهری اولوب حایه رسمو قندیه لاشید اسفاکیه نام بش سنجاغده مقسمدر . نفیس زیتون صابون بال خرئوب لیون پورتقال وسائر هرنوع حبوبات حاصل اولور . ( حایه ) کله سنه دخی مراجعت بیوریه .

کرید جزیره سنک ابتدا کی حکمداری اسکی یونانیلرک الوهیتنه قائل اولدقاری و ابراهیم علیه السلام ایله معاصر طانیدقاری ( مینوس ) نام ذاتدر . اشبو مینوسک سلاله سی منقرض اولدقدن صکره کرید برچوق زمان جمهوریت وجهله اداره اولنهرق ( ۵۵۲۵ خ ) تاریخنده یعنی میلادک التمش طقوز سنه مقدمنده رومالیرک و ( ۸۲۷ م و ۲۱۲ هـ ) تاریخنده انداسدن افریقایه مطرود عربلرک ید استیلاسنه ومؤخرأ جنو یزلر کچمش و ( ۱۲۰۴ م و ۶۰۱ هـ ) تاریخنده استانبولی تسخیر ولاتین حکومتی تشکیل ایدن صلیبیلر واسطه سیله متفقاری اولان وندیکلوره بر بدل مقابلنده انتقال ایتیشیدی نهایت ( ۱۶۴۴ م و ۱۰۵۴ هـ ) تاریخنده دولت علیه ده دارالسعاده اغامی بولنسان ( سنبل ) اغا مصره کیدرکن ردوس جوارنده تصادف ایتدیکی وندیک مالطه قورصانلری طرفدن سفینه سنه تعرضله سفینه درونده موجود بیکدن زیاده حجاجک اکثریسی شهید و قصوری هدیه طریقیله کرید امراسنه کوتورملک اوزره اسیر و برطاقی دخی مالطه ده اثنای نقلنده یولده غرق ایدلرکندن کیفیت درسعادته منعکس اولسی اوزرینه دولت علیه همان وندیکلوره اعلان حرب ایدوب سردار تعیین اولنان غازی یوسف پاشا ابتدا الی درت کون محاصره ایله حایه بی و سردار غازی حسین پاشا

برسنه صكره رسموي فتح وكشاد ايلدى انجق قنديه محاصره سي فرانسه و ايتاليا و سائر ملك جانب خصمه وقوعبولان معاون ترندن طولاي يكرمي ايكي سنه امتداد ايدوب بو اغورده نيجه يوز بيك آدمك قاني دوكلدكدن صكره نهايت (۱۶۶۹ م و ۱۰۸۰ هـ) ده فاضل اجد پاشانك حسن تدبير وغيرتيله اوراسي دخی ضبط و تسخير اولندي . بوضبط و تسليم و تسلم و قوعاتنك نه صورته اجرا اولنديغی و نه درجه فداكاراق ايلديكنی مبین پاشای مشارالهدن كلان تلخیصی اولوقت اريكه پيرای سلطنت اولان سلطان محمد رابع حضر تری اشك سروردن اوقويه ميوب بشقه سنه اوقتوش و درحال شهر آيين اجرا ايتدير مشدر .

كريد اهايلسي ذكي و فطين اولوب هر زمان سر بستلك و حریتلرینی اعاده اغورینه راحتلرینی فدا ايدر لر ایدی و نديكلير زمانده يعنی (۱۳۶۵ م و ۷۶۷ هـ) تاريخنه قدر مدته اون بش اختلال چيقاروب دولت عليه يه بعدالانتقال دخی روم اهايلنك برقاج و قوعاتی اولمشدر . كريد جزيره سنه عربلر (اقریطس) نامنی و ير مشلر ایدی كه (قریئس) بوندن المشدر .

§

﴿كسائی﴾ — قراء سبعه نك بری و نجاه كوفه نك امام رفيع القدري اولوب اسمی علی بن جزء بن عبدالله بن عثمان بن فيروز الاسدي و كنيه سی ابو الحسن در . هرون الرشيد ايامنده (محمد امين) ك معلمی اولوب مومی اليه علوم ادبيه تعليم ايدردي رشيدك دخی پدری مهدی زمانده معلمی اولمشدر . نقل اولنور كه امام محمد ايله ﴿كسائی﴾ هرون الرشيدك حضورينه كيرد كجه كاه امام انك و كاه كسائی امامك اوزرينه تصدر ايتمكده اولوب بو حال بر مقتضای بشریت بينلرنده كفتكوي دعوت ايلديكندن بركون كسائی حضور خليفه ده امامه توجیه خطاب ايله (سز كله بر مباحثه عليه ايدلم هر قغيز حق تفوق قرانور ايسه من بعد صدره بكمك انك حق اولسون شويله كه سز بكا فقهدن صور يكر بن نحوه تطبيقاً جواب بوله يم و بن نحوه صور هم سز بكا فقهدن اكا موافق بر جواب و ير يكر) ديمسی اوزرينه امام محمد موافقت ايدرك (نمازده سهوی جهتيه اوزرينه سجده سهو لازم اولان بر كيمسه ايتديكي سجده ده سهو ايلسه بردها سجده

سهوه محتاج اولورمی) دیدکده کسائی ( اولماز زیر انخویون عندنده برکله  
تصغیر اولندقدن صکره بردها تصغیر اولنماق قواعد مقررهدندر) دیوب  
برکیمسه اضافله (اناسارق ثوب فلان) یاخود تنوینله (اناسارق ثوب  
فلان) دیسه شوایی صورتده واجب اولان ندر دیو سوال ایلدکده  
امام محمد هر ایکسیندهده اقرار یله قطعدر دیدی کسائی (خیر خطا ایتدیکز  
بلکه قطع اضافت حالده واجب اولوب حال تنوینده دکلدر زیرا اولکی  
ماضیدن ایکنجی حالدن اخباردر) دیمکله امامی الزام ایلدی . کسائی  
(۸۰۴ م و ۱۸۹ هـ) ده هرون الرشید ایله (ری) شهرنده بولندیغی ائشاده  
وفات ایتش وغرائب اتفاقیهدن اوله رق امام محمد دخی اوکونده داربقایه  
کیتشد .

§

﴿کسائی﴾ — کبار مشایخ صوفیهدن ابوبکر مقری دینورینک  
شهرتیدر . مشارالیه جنید بغدادی حضرتلرینک قدمای اصحاب واقرائندن  
اولوب تخمیناً (۸۹۳ م و ۲۸۰ هـ) تاریخنده وفات ایلشدر . حضرت  
جنیددن تحریراً بیک مسئله صوروب جله سنک جوابنی آلدیغی حالده  
بوجوابلری وفاتندن براز اول کاملاً آتسه یاقش وجنیداجوبه مذکورهنک  
یاندیغی خبرینی آلدقده نمون اولشدر . شیخ مشارالیهک ریاضت وقناعتی  
وبعض دفعه لر اوپور ایکن سینهنه سندن تلاوت قرآن ایشیدیلدیکی روایتی  
مشهور ومتواتردر .

§

﴿کستالی﴾ — (۱۴۹۵ م و ۹۰۱ هـ) تاریخنده وفات ایدن  
قاضی عسکر علامه مصلح الدین قسطلانینک شهرتیدر . اوآنه قدر دولت  
علیهده قاضی عسکرلک بر ایکن بوذاتک نصبی ائشاسنده روم ایلی واناطول  
قاضی عسکرلکی نامیله ایکی به آیرلشدر . خیالی وخواجه زاده اقرانی  
بر ذات ایدی . شرح عقائده حاشیه یازمشدر . ملا کستل جامعی  
بونکدر .

§

﴿کسرا﴾ — ساسانیانندن فرس ملکی نوشیروانک لقب مخصوصی

ایکن مؤخرأ اعقابی دخی تلقیب ایتشدر . بین العرب بتون ملوک اعجامه  
کسری اطلاق اولنور . کسری خسروک معربی اولدیغی قاموسده محرر  
ایسهده دفع اشتباهه کافی عد اولنده من .

§

﴿ کسروان ﴾ — سوریهدہ طاعلق برقطعة اراضی اولوب بیرونک  
جنوبنده کائن والیوم مارونیلر ودرزیرله مسکوندنر . ( ۱۸۶۰ م و ۱۲۷۷ هـ )  
تاریخنده درزیر بوراده خرسیتیانلر اوزرینه دهشتلی برقتل عام اجرا ایتشرایدی .

§

﴿ کشمیر ﴾ — نام قدیمی ( سیریناغور ) که بلدة السعاده دیمکدر  
آسیاده برشهردر . چلمنهری اوزرنده ودال کولی قربنده واقع وکشمیر  
ایالتک کرسیء ادارهسی اولوب التمش بیک نفوسی جامعدر قلعهء داخلیهسی  
ومتعدد جاملری واردر . افغانیلردن اول صناعتی ترقیده ایدی سوقاقلری  
ملوث ونامنتظم اولوب طاملری دخی اخشابدر .

( کشمیر ایالتی ) — قدما نزدنده قاسپیری در لاهور حکومتده  
برایالت اولوب طولاً یوزیتش عرضاً یوز کیلومتر وککشلکده تخمین اولنور .  
مقدماهالیسی سکز یوزبیک رادهسنده ایکن ( ۱۸۳۶ م و ۱۲۵۲ هـ ) ده قولر  
وقحطدن یاری یاری یه تنزل ایتدی . قارلر ایله مستور جبال مرتفعهسی  
ولطیف هوا وغایت منبت اراضیسی وسلاح بیچاق کاغد وباخصوص شال  
اعمالاتدن عبارت صناعتی واردر و اشبو شالر تبتده کچی یوکارندن  
یاللقده و آوروپاجه ارائمدهدر . اهالی اکثریا اسلام و بعضاً بودا  
مذهبدهدرلر . سانسقری لسانندن مشتق برخصوصی لسانلری اولوب  
فارسجه دخی تکلم ایدرلر ( ۱۳۶۴ م و ۷۶۶ هـ ) تاریخنده اهل اسلامک  
فخنه قدر کشمیریلی حکمدارلر ادارهسنده ایدی تاریخ مذکوردن  
( ۱۵۸۶ م و ۹۹۵ هـ ) تاریخنه دکین اسلام پادشاهلرینه مخصوص بر  
حکومت مستقله ادارهسنده قالب مؤخرأ مغول امپراطورلغنه النحاق  
و ( ۱۷۴۸ م ) ده افغانیلره و برمدت صکره شیخره و ( ۱۸۴۵ م یا خود ۵۷  
و ۱۱۷۴ هـ ) تاریخنده دخی حاکمی اولان ذاتک وفاتی اوزرینه لاهور حاکمی  
( کلاب سنک ) ک انکلیرله مقالهسی موجبجه انکلیر جایهسنده اولمق



و صورتاً متوفانك چو جقلى بيونجه يه قدر وكالت ايئك اوزره كلاب  
مرقومه انتقال ايندى و كلاب لاهورى انكليزله تركاه كشميره كاوب  
اوتوردق دن صكره چو جقلى بومبايه دفع ايدوب حكمدارلغى قزاندى .

§

﴿ كشف الكلى وعالم اللدنى ﴾ — شيخ محى الدين العربى  
حضرتلرينك علم حروفه دائر رساله سيدر .

( كشف الغوامض فى الفرائض ) — شمس الدين محمد بن محمد بن سبط  
مادرينيك اثر مختصر سيدر .

( كشف السر ) — ( ۱۲۴۷ م و ۶۷۳ هـ ) ده وفات ايدن؛ صدر  
الدين قونوى حضرتلرينك اثر سيدر .

§

﴿ كعب ﴾ بن مالك — شعراى اصحاب كرامندىر كنيه سى  
ابوعبدالرحمن در ( عقبه ) و ( احد ) غزالنده بولنوب حتى احده اون  
ايكى يرندن ياره لشمدر انجق مراره بن الربيع وهلال بن اميه و برده اشبو  
كعب اوچى ( بتوك ) غزوه سنه كيتدكرندن باعث اغرار جناب پيغمبرى  
اولديسده مؤخرأ توبه كنان اظهار ندامت و پشيمانى ايلدكرينه مبنى هر  
اوچى حقنده بالخاصه ( وعلى الثلثة الذين ) الخ آيت كريمه سى شرفنازل  
اولشدر . مشاراليه كعب قرق تاريخندن مقدم و بعض روايته ۵۰ سنه  
هجريه سنده وفات ايلدى .

( كعب ) بن زهير — شعراى قريشدندىر بعض اطوار نامزاسنه  
مبنى اراقه دمى حقنده فرمان نبوى صادر اولديغى حالده عرض ندامتى مشعر  
( بأنت سعاد ) قصيده سنى تنظيم و قرائتى اوزرينه مظهر عفو رسالتپناه  
اولش و قصيده مزبور نك لطافت و بلاغتنى تقديرأ دوش فخرقى برده  
سعادت جهانقيمت فخر الانبيا ايله تجليل واعزاز بيورلشدر . پدرى زهير  
بن ابى سلماء معلقات سبعة اصحابندن ايدى .

قصيده مذكوره شراحنندن ( بيجورى ) نك طبقات نحاتدن نقلاً بياننه كوره

بندار اصفهانی نام ذاتک از برنده (بأنت سعاد) مطلعنده تام طقوز بوز  
قصیده وار ایش .

§

﴿ کعبه ﴾ — بیت الله وحطیم کله لرینه نظر بیوريله .

§

﴿ کف الخضیب ﴾ — بر یلدرک اسمیدر . بو یلدرک کره  
ارض اوزرنده تأثیر ایتدیکی محالرده بعنایة الله تعالی دعا قبول اولنور  
یعنی تأثیری مدتی وقت اجابت صاییلور ایش . نجم مزبورک قرق بر  
عرضنه تأثیری زمانلرینی مشاهیر منجمیندن طوراق پاشازاده ابراهیم بک  
زیرده مرقم جدولده کوسرلیدیکی وجهله حساب ایتشدرد . عرض مزبورده  
بولنان برکسه وقت اجابی بولمق مراد ایلدکده تقویم افتابک بروجیه  
بالاسندن ودرجاتیه کنارندن جدولده کیروب وبولندیگی کون یاخود کیجه یی  
بولوب اوراده مرقم اولان ساعت ودقیقه ده دعا ایتک لازمدر و کیجه  
ساعاتیه کوندز ساعاتنی فرق وتمیز ایچون کیجه رقلری اینجه وکوندوز  
رقلری قالین طبع اولنش اولدیغندن امر برعکس اولماق ایچون بونلری  
کوزلجه تفریق ایتک وائشای دعاده قبله یه توجه ایتک وایاق اوزری طوروب  
باشنی آچق و آووچلرینی سمایه طوغری آچیوب یغمور دعالرنده اولدیغی  
کبی زمینه طوغری آچق مقتضیدر دیورلر .

جدول كف الخضيف

| حوت  | دلو   | جدي   | قوس   | عقرب  | ميران  | سنبله  | اسد  | سرطان   | جوزا  | ثور   | حمل   | شعبان  |  |   |   |  |   |   |  |   |   |  |   |  |   |  |  |   |   |
|--|---|---|---|---|--|--|--|---|---|---|---|--|--|---|---|--|---|---|--|---|---|--|---|--|---|--|--|---|---|
| ٣١ ٨ ١٢ ١١ ٢٥ ١ ٢٩ ٢ ٥٥ ٤ ٦ ٦ ١٦ ٧ ٤٣ ٨ ٢٥ ١٠ ٥٧ ١٢ ٣٠ ٣ ٧ ٦ | ١٩ ٨ ٢ ١١ ٢٠ ١ ٢٦ ٢ ٠٢ ٤ ٣ ٦ ١٤ ٧ ٢٨ ٨ ٣١ ١٠ ٥٢ ١٢ ٢٥ ٣ ١ ٦ | ١٧ ٨ ٥٣ ١٠ ٢٦ ١ ٢٢ ٢ ٥٠ ٤ ١ ٦ ١١ ٧ ٢٠ ٨ ٢٧ ١٠ ٤٧ ١٢ ٢٠ ٣ ٥٥ ٥ | ١٥ ٨ ٤٢ ١٠ ٢٠ ١ ١٩ ٢ ٤٧ ٤ ٥٩ ٥ ٩ ٧ ٢٢ ٨ ٢٢ ١٠ ٤٢ ١٢ ١٥ ٣ ٤٩ ٥ | ١٣ ٨ ٣٣ ١٠ ١٧ ١ ١٦ ٢ ٤٥ ٤ ٥٧ ٥ ٧ ٧ ٢٩ ٨ ١٨ ١٠ ٢٧ ١٢ ١٠ ٣ ٤٤ ٥ | ١٠ ٨ ٢٢ ١٠ ١٢ ١ ١٢ ٢ ٤٢ ٤ ٥٤ ٥ ٤ ٧ ٢٦ ٨ ١٤ ١٠ ٣٢ ١٢ ٥ ٣ ٢٨ ٥ | ٨ ٨ ١٢ ١٠ ٨ ١ ٩ ٢ ٤٠ ٤ ٥٢ ٥ ٢ ٧ ٢٣ ٨ ١٠ ١٠ ٢٨ ١٢ ٥٩ ٢ ٣٢ ٥ | ٣ ٨ ١١ ١٠ ٣ ١ ٥ ٢ ٢٧ ٤ ٥٠ ٥ ٥٩ ٦ ٢٠ ٨ ٦ ١٠ ٢٢ ١٢ ٥٤ ٢ ٢٨ ٥ | ٥٨ ٧ ١١ ١٠ ٥٩ ١٢ ٢ ٢ ٢٤ ٤ ٤٧ ٥ ٥٧ ٦ ١٨ ٨ ٢ ١٠ ١٧ ١٢ ٤٩ ٢ ٢٢ ٥ | ٥٣ ٧ ١١ ١٠ ٥٤ ١٢ ٥٨ ٢ ٢ ١ ٤ ٤٥ ٥ ٥٤ ٦ ١٤ ٨ ٥٨ ٩ ١٢ ١٢ ٤٤ ٢ ١٧ ٥ | ٢٨ ٧ ١١ ١٠ ٤٩ ١٢ ٥٥ ٢ ٢٩ ٤ ٤٣ ٥ ٥٢ ٦ ١١ ٨ ٥٤ ٩ ٨ ١٢ ٢٩ ٢ ١٢ ٥ | ٤٣ ٧ ١١ ١٠ ٤٥ ١٢ ٥١ ٢ ٢٦ ٤ ٤١ ٥ ٥٠ ٦ ٨ ٨ ٥٠ ٩ ٣ ١٢ ٢٤ ٢ ٧ ٥ | ٣٨ ٧ ١١ ١٠ ٤٠ ١٢ ٤٧ ٢ ٢٢ ٤ ٣٨ ٥ ٤٧ ٦ ٨ ٤٦ ٩ ٥٨ ١١ ٢٩ ٢ ٢ ٥ | ٣٣ ٧ ٦ ١٠ ٢٥ ١٢ ٤٤ ٢ ٢١ ٤ ٣٥ ٥ ٤٥ ٦ ٢ ٨ ٤٢ ٩ ٥٣ ١١ ٢٤ ٢ ٥٦ ٤ | ٢٨ ٧ ٠ ١٠ ٢٢ ١٢ ٤٠ ٢ ١٨ ٤ ٢٢ ٥ ٤٣ ٦ ٥٩ ٧ ٣٨ ٩ ٤٨ ١١ ١٨ ٢ ٥١ ٤ | ٢٣ ٧ ٥٥ ٩ ٢٦ ١٢ ٣٦ ٢ ١٥ ٤ ٢١ ٥ ٤٠ ٦ ٥٦ ٧ ٣٤ ٩ ٤٣ ١١ ١٣ ٢ ٤٦ ٤ | ١٨ ٧ ٥٠ ٩ ٢١ ١٢ ٢٢ ٢ ١٢ ٤ ٢٨ ٥ ٢٨ ٦ ٥٣ ٧ ٣١ ٩ ٢٩ ١١ ٨ ٢ ٤١ ٤ | ١٣ ٧ ٤٥ ٩ ١٦ ١٢ ٢٨ ٢ ٩ ٤ ٢٦ ٥ ٢٦ ٦ ٥١ ٧ ٢٧ ٩ ٣٤ ١١ ٣ ٢ ٣٦ ٤ | ٨ ٧ ٤٠ ٩ ١١ ١٢ ٢٤ ٢ ٦ ٤ ٢٢ ٥ ٢٢ ٦ ٤٨ ٧ ٢٣ ٩ ٢٩ ١١ ٥٨ ١ ٣١ ٤ | ٢ ٧ ٣٥ ٩ ٦ ١٢ ٢٠ ٢ ٣ ٤ ٢١ ٥ ٢١ ٦ ٤٥ ٧ ١٩ ٩ ٢٥ ١١ ٥٣ ١ ٢٦ ٤ | ٥٧ ٦ ٣٠ ٩ ٢ ١٢ ١٦ ٢ ٠ ٤ ١٩ ٥ ٢٩ ٦ ٤٢ ٧ ١٦ ٩ ٢٠ ١١ ٤٨ ١ ٢١ ٤ | ٥٢ ٦ ٢٥ ٩ ٥٧ ١١ ١٢ ٢ ٥٧ ٣ ١٦ ٥ ٢٦ ٦ ٢٩ ٧ ١٢ ٩ ١٥ ١١ ٤٣ ١ ١٦ ٤ | ٤٧ ٦ ٢٠ ٩ ٥٢ ١١ ٨ ٢ ٦ ٤ ٣ ١٤ ٥ ٢٤ ٦ ٢٦ ٧ ٩ ٩ ١١ ١١ ٣٨ ١ ١١ ٤ | ٤٢ ٦ ١٥ ٩ ٤٨ ١١ ٤ ٢ ٥١ ٣ ١٢ ٥ ٢٢ ٦ ٢٢ ٧ ٥ ٩ ٦ ١١ ٣٢ ١ ٦ ٤ | ٣٧ ٦ ٩ ٩ ٤٣ ١١ ٠ ٢ ٤٨ ٢ ١٠ ٥ ١٩ ٦ ٢١ ٧ ٢ ٩ ٢ ١١ ٢٧ ١ ١ ٤ | ٣٢ ٦ ١ ٩ ٣٨ ١١ ٥٧ ١ ٤٥ ٣ ٧ ٥ ١٧ ٦ ٢٨ ٧ ٥٨ ٨ ٥٧ ١٠ ٢٢ ١ ٥٦ ٣ | ٢٧ ٦ ٥٢ ٨ ٣٣ ١١ ٥٢ ١ ٤٢ ٢ ٥ ٥ ١٥ ٦ ٢٦ ٧ ٥٥ ٨ ٥٣ ١٠ ١٧ ١ ٥٠ ٣ | ٢٢ ٦ ٤٥ ٨ ٢٧ ١١ ٤٧ ١ ٢٩ ٢ ٢ ٥ ١٣ ٦ ٢٢ ٧ ٥٢ ٨ ٤٨ ١٠ ١٢ ١ ٤٥ ٣ | ١٧ ٦ ٣٧ ٨ ٢٢ ١١ ٤٢ ١ ٢٦ ٢ ٠ ٥ ١٠ ٦ ٢١ ٧ ٤٨ ٨ ٤٤ ١٠ ٧ ١ ٤٠ ٣ | ١٢ ٦ ٢٩ ٨ ١٧ ١١ ٢٩ ١ ٢٢ ٢ ٥٨ ٤ ٨ ٦ ١٩ ٧ ٤٥ ٨ ٢٩ ١٠ ٢ ١ ٣٥ ٣ |

ککبوزه — قرناک اوچ ساعت ایلروسنده وساحل بحردن  
براز کیروده وصرت اوزرنده شهرامانتک بر قضا مرکزی اولوب اوچبیک  
قدر اهاالیسی وسلطان سلیمان وزراسندن چوبان مصطفی پاشانک برکوزل  
کارکیر جامع ومدرسه و عمارتی وارد و خانلری و جامی اولدجه منتظمدر  
وجامع شریف مذکورک درونده قندیلر صرهنه آصلمش یشیم آصقیلری  
شایان تماشادر . شیخ الیاس خلوتی حضرتلرینک وخواجه فضل الله  
پاشانک بوراده موجود اولان تربهلری زیارت اولنور .

§

کل — باشده غایت اوفاق سیویلجه جکرکی حاصل اولور ساری  
بر مر صدر بوسیویلجه جکر اکرچه بشره نك التنه کیرلنش کی کورینورلر  
ایسه ده اندفاعلرندن صکره بر صفت مخصوصه ایله تکیون ایدن صارمتراق  
قشرء مذکورى مشاهلرندن تفریق ایدر . باشده پیدا اولان دیگر بعض  
امراضه دخی کل نظریله باقلقه ایسه ده آنلر کل کی ساری دکدر و صاچلرک  
کوکارینی تغییر وققای طاسلاق ایتمز . اصل کل پیسلکدن ویا یوخسلقندن  
ویا مزاجک لنفائیتندن ویا خود کلرک استعمال ایلدکلى فس تاقیه طراق  
فیرچه کی موادى قوللانقندن حاصل اولور . بونک ایکی نوعی اولوب  
برنجیسی عسالیه مشابه اولدیغندن بو نوعنه قرع معسل تعبیر اولمقده درکه  
قابوقلرینک رنگی آچیق صاری و نوع دیگردن فارق برده چقورلغی وارد  
ورایحه سی دخی لونى کی غایت مستکرهدر و ایکنجی نوعنک سیویلجه لری  
دائرة شکلنده وقشوراتی غیر منتظم ومدورمسی بر صورتده دیزلش اولدیغندن  
بو نوعنه قرع حلقوی اطلاق ایدلمکده در . بونک التامی ممکن ایسه ده  
اولکی قرع معسلکی مشکل اولور وعاقبت قفا صاچدن عاری بر کره سیم  
اندود حکمنده قالور .

بوعلته مبتلا اولنلر داخلاً اطبعة مقویه ایله اغدا ومکن اولدیغی صورتده  
صاچلری تراش ایدیلوب تراش ممکن اولدیغی صورتده دخی غایت قیصه  
قطع وبعدہ دوکلش کتان تخمی لایه سیله قشورات اسقاط وصیحا صابونلی  
صو ویا کل صوبی ایله غسل ایدیلور واندن صکره اصول وصنعتہ تطبیقا  
کونده بردفعه علاجلی پومانه سوریلرک حرت والتهاپی تقلیل وهرایکی کونده



بر ساچله تقصیر ایدیلور . الحاصل بومردار علتك وقتيله حکمایه مراجعت  
واك بيوك علاجی اولان غسل و تطهیرینه دقت و همتله باشدن صاوملی  
لازمدر .

§

﴿ کلات ﴾ — استحکام معناسنه در بلوچستان و ساراوان ایالتك  
کرسی، اداره سی اولوب منبت بر اراضی اوزرنده و سطح دریادن ایکی بیك  
التي بوز مترو ارتقا عنده بر تپه ده واقع و یکرمی بيك نفوسی جامعدر و هواسی  
غایت صغوق اولوب بعض مرتبه سلاح فابریقه لری وارددر .

§

﴿ کلب ﴾ — کوپك کله سنه مراجعت اولنه .

§

﴿ کلبیون ﴾ یا خود ( اسینیق ) — حکمای یونانیه دن بر شخصك  
تشکیل ایندیکی طریقك اسیدر . ( انتی سن ) کله سنه نظر بیوريله .

§

﴿ کل بیرامی ﴾ — طور سیناده حضرت موسی علیه السلامه اعطا  
بیوریلان اوامر الهیه و جناب حق و یردیی محصولات ارضیه تشکراً  
یهودیلرک بهر سنه مایس ایچنده ایکی کون یایدق لری بیرامدر . بوکا عربلر  
عید الخمیس دیرلر .

§

﴿ کلت ﴾ — اسکی بر قومدر آوروپانك غرب و شمال طرفلریله  
بریتانیای کبیر و ابرلانده ده و فرانسه نك غرب طرفلرنده بولنان اهاالینك استعمال  
ایلدک لری السنه اعتباریله اشبو کلت قومنه منسوب اولدق لری اکلاشیلور .

§

﴿ کل جامعی ﴾ — مقدما کلیسا اولوب مؤخرأ بر مدت ترسانه  
آلات انباری اتخاذ اولندیغی حالده سلطان سلیم ثانی حضرتلری زماننده  
جامعه تحویل اولمشدر . بانیمی بیلنه بیور .

§

﴿ کلخان بکی ﴾ — خلوتیه دن حسین دده نام ذاتك موسیق  
شناسان زمان بیننده آلدیغی شهرتدر علم موسیقیده مهارتی فوق العاده دکل

ایدیسه ده انجق نعمتده طور وادا وحسن طبیعت وصداسی طنین انداز عالم  
بالا ایدی سلطان احمد جوارنده کائن محمد پاشا درگاهنده قرق سنه  
حجره نشین خلوت وازوالدینگی حالده (۱۸۳۳ م و ۱۲۴۹ ه) تاریخنده  
ترك طربخانه فنا ایشدر .

§

❖ **کلدانی** ❖ — فرات و عربستان و بصره کورفرزی بیننده مسکون  
اهالینک نام عمومیسیدر بونری بابلیلردن عدایدنلر وارسهده تحریات  
جدیده موجبجه سیقت جنسندن آری برقوم اولدقلری ظن اولنور الیوم  
آسیای علیادن آسیای صغرای تقریق ایدن طاغلرده قبائل اکراد ارهسنده  
خیلی کلدانی واردر .

کلدانلر و قتیله علوم ریاضیه و فلکیهده اقوام سائریه تقدم ایتشیرایدی حتی  
سنه بی ابتدا ۳۶۵ کون ۶ ساعت ۱۱ دقیقه تقسیم ایدن و منطقه  
البر و حی طانیان بونلرایدی . ( ۵۲۲۹ خ ) تاریخنده یعنی میلادک  
اوچیوز الشمس بش سنه مقدمنده کلان ( غالیستن ) نام راصدک کلدانلرک  
کندوسندن بیک طقوز یوز سنه مقدمه قدر بر سلسله رصداتی بولوب  
ارسطویه کوندزمش اولدینگی توارینخده نحرردر .

§

❖ **کلشنی** ❖ — کبار مشایخ صوفیه دن صاحب طریقت ابراهیم  
افندیکنک مخلصی و لقبی هیبتی در . ضمیر الها مسمیری حقایق علوم و فنونی  
عارف و وجود نادر الموجودی کل صدبرک کلشن معارف ایدی . جواب  
مشوی اولق اوزره ( معنوی ) نام کتابی قرق کونده نظم ایلدی که فارسی  
اوله رق قرق بیک ایات حقایق آیاتی جامع و صفحات سطور بلاغتمشورنده  
انواع انوار نکات و معانی ظاهر و لامعده . مشارالیه عن اصل آذربایجانلی  
اولوب روشنی تبریزی دده عمر و اودخی سیدیحمای شروانی حضرتلرندن  
کسب فیض و دانش ایلدی . اسماعیل اردبیلی وقعه سنده مصره هجرت  
و اورادن سلطان سلیمان حضرتلرینک دعوتنه مبنی در سعادت کلدیکی حالده  
مؤخرأ ینسه مصره عودتله ( ۱۵۳۳ م و ۹۴۰ ه ) تاریخنده اوراده عزم

ماوای رجت ایلدی . ارتحاللرینه تاریخ ( مات قطب الزمان ابراهیم )  
دیشدر .

§

✽ کنبوی ✽ — اسماعیل افندی علوم متنوعه وباخصوص ریاضیهده  
مشهور آفاق برذات اولوب ( ۱۷۹۰ م و ۱۲۰۵ هـ ) تاریخنده التمش ایکی  
یاشنده وفات ایشدر . مشهور یسنجی وایاقلی کتبخانهدن تعلیم علوم ایدرک پاله  
بیق خواجه ایلله معاصر اولمشیدی . علوم ریاضیه وکلام وسائرده اوتوز  
سکز کتابی واردر مشار البهک علومده بودرجه عالی کعب اولسنه سبب  
اوله رق برقصه نقل ایدرلر شویله که اون ایکی یاشنده بولندیغی آوان  
کنبهده چوققلرله جویر اوینارایکن اورادن یکن براختیار بونی کوردکه  
( واه واه سنک اجدادک عالم وفاضل ذاتلر ایدی شمدی قالدسونلرده شوسنک  
حالکی کورسونلر ) دهرک یوزینه توکورمکله کمال خجالتندن همان درسعاده  
کلوب تحصیل علومه باشلامشدر .

زمانده لوغاریمدی اصلاح ایدن اوروپالی برذات اوغاریمه سنی باب عالییه  
عرض ایدوب باب عالی طرفندن دخی بوذاته کوسترلش وایلیک نظرده  
نه اولدیغی و نه ایچسون فصل ترتیب اولندیغی اکلابوب زنده نسخه سی  
اولدیغی حاده ازوقتهده دهامکملنی یاهررق میدانه قویمشدر . کمالی  
اوروپاچه دخی شهرت بولدیغنه بناء رسمی النوب اوروپاچه کتورلدی دیرلر  
لوغاریمه کله سنه نظر بیوریلله .

§

✽ کانوش قادین ✽ — سلطان محمد رابعک زوجیه سی و سسلطان  
مصطفی خان ثانی و سسلطان احمد ثالثک والده سیدر غلطه یکی جامعی ایلله  
اسکدارده کی والده جدید جامعی مخدوملری طرفندن مشار الیها نامنه تأسیس  
ایدلمشیدی . اصل اسمی ( امة الله ) در .

§

✽ کله ناری ✽ — اکثری هوا دروننده مواد کبرییه دن حاصل  
اولور برضیای عجیبدر اشبوکله ناری بعضاً بیوک و بعضاً  
کوچک اوله رق الک اعظمی قرق قطرندن زیاده جه کورینور وضیای

شمسك ضیاسندن آز و بعضاً دها زیاده اوله رق بعض کره دخی قرك ضیاسنه مشابه بولنور . حر کتک دخی بعضاً سریع و بعضاً بطی اولدیغی چوق دفعه لر تجربه اولمشدر . کوزل هواده اولور ایسه اثنای حر کتنده ارقه طرفندن قویرق کبی ضیادار بر دومان چیقهرق اوزاندیغی کوریلور و ارتفاعی هر وقت بر اولیوب کاه از و کاه زیاده اولور و بر مدت صکره یانغه باشلا یوب آرهدن چوق یکمکسزین طوپ کبی پاتلایه رق صداسی خیلی محللردن ایشیدلن کدن بشقه کبریت رایحه سی دخی خیلی محلی استیعاب ایدر .

علوم ریاضیه کتابلرنده ذکر اولندیغی اوزره اشبو کله ناری (۱۷۴۹م و ۱۱۶۳هـ) تاریخنده سطح دریادن تقریباً بوز قدم ارتفاعنده و بر سقینه اوزرنده طوپ صداسندن اشد بر صدایله پاتلایه رق مذکور سقینه نك دیرك و بعض محللاری شکست و خراب و بش نفرینی هلاک ایتمشدر .

§

کلیبولی ﴿ — آورو پای عثمانیده بر مستحکم شهردر قلعه سلطانیه نك ساحل غربیسی اوزرنده و ادرنه نك جنوب بندن بوز قرق کیلو متروده اون سکز بیک نفوسی حاوی و کندو نامیله معروف سنجاغک مرکز اداره سیدر و ایکی کوزل لیمانی و سختیان فابریقه لری واردر و جوارنده و ساحل بخرده ( یازمچی محمد افندی ) و برادری حضراتنك چله خانه لری و درون شهرده تره مخصوصه لری زیارتگاه خواص و عوامدر .

عثمانلیلر اوروپاچه ابتدا بوشهری ( ۱۳۵۶ م و ۷۵۸ هـ ) ده فتح ایتمشلر ایدی . ( کلیبولی سنجاغی ) مرمره دکریتك امتداد طولیسی اوزرنده طولاً درتوز الشمس عرضاً بوز الی کیلو مترو اتساعنده اراضی بی والتی بوز بیک نفوسی حاوی اولوب قدیم ( تراس ) ك جنوب و ما کیدونیانك شرقنده بولمشدر .

§

کلیکیا ﴿ — سلیسیا کله سنه نظر بیوریله .

§

کلیله و دمنه ﴿ — براهمه هندیه دن ( پیدها ) نام فیلسوفک هند



ملکی (دایلم) ایچون وضع میدان اشتہار ایلدیکی کتاب حکمتنصابدر . مؤلف مومی الیه تخمیناً (۳۵۰۰ خ) تاریخنده یعنی میلادک ایکی بیک سنه مقدملنده و دیگرلرک روایتنه کوره (۵۳۴۴ خ) تاه یخنده یعنی میلادن ایکی یوز الی سنه مقدمده یاشایور ایدی حین تألیفنده ملک مشار الیه مؤلفک باشنه مکافاً بر تاج مرصع اکساورتبه وزارتله قدرینی اعلا ایلشددر . بو کتاب عن اصل سانسقری لسانی اوزره مرقوم و (پانچاتانرا) یاخود (ایتیادهزا) عنوانیله موسوم و معلوم ایدی مندرجاتی اصلاح اخلاق و تهذیب نفوسی مؤدی حکایات معارف آتندن عبارت اولوب السنه بیہام و طیور اوزره ترتیب اولمشدر .

بو بابدہ یعنی تهذیب اخلاقه خدمت یولنده اولی الالباب طرفلندن کرچه حکایات غربہ و اخبارات عجیبہ بی شامل برچوق کتابلر یازلمش ایسده ده فقط بو قونک فاتح اولی اشبو کلیمه صاحبی اولوب آندن صکره تقدیر نوادر حکایاتی جامع تصنیفات وار ایسه هپسی آنک انوار افکارندن مقتبسدر .

کتاب مزبور اون درت باب اوزرینه مرتبدر شویله که (۱) سماع کلام ساعی و نماندن وجوب اجتنابه (۲) اشرارک وخامت خاتمه و مآل عاقبتیرنه (۳) منافع اصحاب و احبابه (۴) کید عدودن امنیتک عدم جوازینہ (۵) اہمال و غفلتک مضارینہ (۶) آفت تعجیلہ (۷) حزم و تدبیرہ (۸) ارباب حقد و حسد حقزلنده عدم اعتمادہ (۹) علو و صفحہ (۱۰) مکافاة و مجازاته (۱۱) قسمتدن زیادہ بی طلبک ضررینہ و اوسبیلہ فوت اولان فوائدہ (۱۲) علم و وفارہ (۱۳) خائن و غدار کلامنی استماعدن اجتناب پادشاهلر اوزرینہ واجب اولدیغنه (۱۴) تسلیم و توکلہ متدائردر .

ساسانیانندن نوشروان حکیم (روزیه) نام ذاتی ہندہ ارسال ایلہ کتاب مذکور ی استنساخ ایتدیرمش و کیدرکن بشیوزیک دینار ویرمشیدی اولا حکیم مومی الیه بو کتابی عشرہ فی عشرہ اولان شطرنج نام ایلہ برابر بلاد ہنددن چیقاردقدن صکرہ نوشران نامنہ اولہرق لسان ہندیدن فارسی یہ نقل ایلدی و صکرہ اسلامده ابی جعفر المنصور عباسینک کاتبی (عبدالله بن مقفع) فارسیدن عربی یہ ترجمہ ایتدی نہایت فارسیدن عربی یہ و عربیدن فارسی یہ نظمماً و ثراً برچوق ذوات طرفلندن الندقدن صکرہ ابوالمظفر

بهرام شاه بن مسعود غزنوی امریله و (ابوالمعالی نصرالله بن محمد بن عبدالحمید) معرفتیله زمانزده کلیله و دمنه دیملکه مشهور اولان ترجمه میدانده قونلندی لکن بو ترجمه ایراد الفاظ مغلقه ایله برابر زیاده اطناب ایداش اولدیغندن سلطان یقرا امراسندن امیر سهیلی نامنه اولق اوزره (انوار سهیلی) اسمیله (حسین واعظ کاشفی) طرفندن تلخیص و تهذیب اولندی صکره عبدالواسع عیسی لقبیله معروف اولان (علی بن صالح رومی) انوار سهیلی بی فارسیدن ترجمه یه ترجمه ایدوب الیوم متعاف اولدیغی اوزره (همایون نامه) نامنی وردی .

§

﴿ کلیوم ﴾ — انکلتزده (هارولد) ک وفاتیله منقرض اولان ساقسون خاندان قرالیسی برینه نورماندیا خاندانی تأسیس ایدن برنجی شیشمان کلیومدرکه نامشروع بر صورتله تولدینه مبنی بیج کلیوم دخی دیرلر (۱۰۳۶م و ۱۰۴۲ه) تاریخنده نورماندیایی قبضه تصرفه آلدقندن صکره (۱۰۶۶م) ده انکلتزیه کجوب مومی ایله هارولدی مغلوب ایتسی اوزرینه جالس تخت قرالی اولدی و برمدت قلیله ده اسقوچمالیری دخی تحت اطاعتیله دی و مؤخرأ فرانسه قرالی برنجی فلیک تشویق و معاونتنه استناداً علیه یوریان کندو اوغلی (روبر) ایله اون بش سنه محاربه ایدوب عقبنده یعنی (۱۰۸۷م) ده مومی ایله قلیبه قارشو دخی عرصه جداله چیقدیسده اثنای محاربه ده آتدن دوشوب وفات ایلدیکنه بنا دعوا عرصه عرصاته قالدی . غایت بیرجم برغمدار اولوب ضبط ایتدیکی ممالکده یغما و عرضه تسلط ایجسون عسکرینه مساعده عادی ایدی . فرانسزلر ایله محاربه آپدیغنه سبب مومی ایله فلیک (بزم شیشمان کلیوم عجبا نه وقت طوغوره جق) دیو تحقیری ایدی دیرلر .

§

﴿ کلیوم تل ﴾ — اسویچره لی تیرانداز بر بهادر در اوستریا دولتی طرفندن اسویچره والیسی بولنان (غسلر) بر میدانده برعمود رکزیله اوزرینه اوستریا ایمرطورینک شابقه سنی قویوب کلوب کچنرک بوکا تعظیم و تمناسنی امر ایتش ایدی اشبو کلیوم تل برکون چوجغیله برابر اورادن کچرکن

هر فصل سه تنیانی اونو تمش اولدیغندن غسل حضورینه چاغیردوب ( سن مشهور برتیر انداز ایمشک چوجغنک باشنه قویه جغمز المایی اوره یلیدیگنک حالده سنی عفو ایده جکز ) دیدکده خواه ناخواه قبول ایدوب چوجغنه ضرر اصصایت ایتکسزین المایی اورمش ولکن بویه برتلمکلی ایشی امر ایدن غسلسره خصوصتنی یکه مدیکندن برزمان بولدیغی فرصت اوزرینه مرقومی تلف ایتشدر ( آلدروف ) بلده سنده ایوم طاش اوزرینه محکول رسملی موجوددر .

§

کمال الدین ❀ — اسمی یونس کنیه سی ابو الفتح موصلی ولادتی موصلده ( ۱۱۵۶ م و ۵۵۱ هـ ) تاریخیدر علم تفسیر حدیث فقه منطق تاریخ شعر موسیقی وفق و حکمتدن طبعی الهی طب و ریاضیدن هیئت مخروطیات متوسطات مجسطی و انواع حسابدن حساب مفتوح جبر مقابله ارتماطیق خطائین مساحه و سائر اقسام واصناف علومک هر برنده کمالیه ماهر بر بحر زاخر ایدی که وصف حالی شاعراک اشبو ( وکان من العلوم بحیث یقضى . له فی کل علم بالجمع ) مقالیدر طائفة یهود و عیسویدن بعضیلری دخی مومی الیهدن تورات و انجیل اوقورلردی حتی بو ایکی کتابی طائفة مزبوره ایچون بر صورت واضحه ده شرح ایتشدر که انلر دخی بویه ایضاحه مقتدر دها بر کیمسه اولدیغنی اعتراف ایتشدر ایدی . ابن اثیر جمیع علومده متبحر بر امام علامه ایکن ابو الفتح موصلینک حضورنده مانند طفل مکتب زانوزده ادب اولوردی شو قدر که ابو الفتح علوم عقلیه ده زیاده توغلندن ناشی علمای عصر نظرنده ضعف عقیده ایله متهم اولشدر .

§

کمال الدین ❀ علی بن محمد المبارک — مقامه بحریه صاحبی ادیب مشهور اولوب ( ۱۲۹۲ م و ۶۹۲ هـ ) ده وفات ایتشدر قدس خطابتنی احراز ایدن پدری شیخ ظهیر الدین اعمایه نسبتله شهرته ابن الاعمی دخی دیرلر ایدی دولت ناصریه نلک عظماء شعراسی بقایاسندن بر شیخ کبیردر . اشعارندن ساکن اولدیغی خانه بی هجواً سولیدیکی قصیده عند الادبا آثار لطیفه دن اولغله بر پارچه سی زیره چیقارلدی .

دار سکنت بها اقل صفاتها ان تکثر الحشرات فی حجراتها  
الخير عنها نازح متباعد والشر دائر من جمیع جهاتها  
من بعض ما فيها البعوض عدمه کم اعدم الاجفان طیب سناتها  
وتبت تسعدها براغیث متی غنت لها رقصة علی نعماتها  
وبها خفافیش تطیر نهارها مع لیلها لیست علی عاداتها  
شبهتها بقنافذ مطبوخة تدع الطهارة تضح من شوکاتها  
فتزی ابا غزوان منها هارباً و ابا الحصین یروغ عن طرقاتها  
وبها خنافس کا الطنافس افرشت فی ارضها و علت علی جنباتها

§

جمال الدین ✽ عمر بن هبة الله بن ابی جراره — افاضل علمادن  
اولوب ان العدم یتکله مشهور در ( م و ۵۸۶ هـ ) ده تولد و  
( ۱۲۶۷ م و ۶۶۶ هـ ) ده مصرده وفات ایلدی .

شام حلب قدس حجاز و عرافده بر حقوق ذواتدن تحصیل علم و اجازت  
المشدر . محدث حافظ مورخ فقیه مفتی منشی بلیغ کاتب اوصاف  
مدوحه سنی تمامیه حائز ایلدی خصوصیه خطاطقده اقرانی عظیم ایلدی  
حلبده بش سنه قاضیک ایلدی تاریخ حلب و کتاب الدراری فی ذکر  
الذراری که ( ملک الظاهر ایچون یازدی ) و الاخبار المستفاده فی ذکر بنی  
جراده . رفع الظلم و التجری عن ابی علاء المعری . تبرید حرارة الاکباد .  
فی الصبر علی فقد الاولاد . تصانیف رائقه سی جله سندندر و آداب  
و اوصاف و اقسام و اقلام خط اوزرینه دخی غایت مفید بر کتاب یازمشدر .  
الیوم مصر قاهرده مقطم نام محله مدفوندر . اشعار آبدارندندر .

فوا عجا من ريقه و هو طاهر حلال و قد اضحی علی محرما  
هو الخمر لکن این للخمر طعمه و لذته مع اننی لم اذقها

§

جمال الدین ✽ محمد ابن الشیخ هماد الدین عبد الواحد — فقه  
نحو تصریف معانی بیان موسیقی و سائرده علامه اولوب خصوصاً اصولده  
بلامدافع عصرینک امامی ایلدی و کشف و کرامات خصوصاً صرندده دخی



وافر صاحبی ایدی . اولاً بالکایه عزم طریق تجرد ایش ایکن اهل طریقک  
( عز مکدن رجوع ایت زیرا علمکه خلقک احتیاجی واردر ) دیلرینه بناء  
تجردی ترک ایلدی . تصانیف کشیره سی واردر ووفاتی ( ۱۴۶۶ م  
و ۸۶۱ هـ ) تاریخنده در .

§

کمال الدین عبدالرزاق : کاشی — علوم ظاهره و باطنه بی جمع  
ایش مشایخ کرامنددر و شیخ نورالدین عبدالصمد نظریک مریدلرنددر  
( تفسیر تأویلات ) و ( کتاب اصطلاحات صوفیه ) و ( شرح فصوص  
الحکم ) و ( شرح منازل السائرین ) کی برچوق کتب و رسائل معتبره تألیف  
ایش و کبار مشایخن معاصری اولان شیخ رکن الدین علاءالدوله نام ذات  
ایله بینلرنده وحدت وجوده دائر مباحثات و مخالفات عدیده و پک چوق  
مکاتبه وقوعبولشددر .

§

کملیک : — بروسه سنجاغنه تابع بر قضا مرکز اولوب  
بروسه یه الی ساعت بعد و مسافه در قرا و نواحیسی خارج اولدیغی حالده  
یدی یک اوچ بوز نفوس ذکوری جامعدر ( ۱۳۳۳ م و ۷۳۴ هـ ) تاریخنده  
سلطان اورخان امر اسندن قره تیمور طاش بک یدیه فتح اولندی و حین فتحنده  
استیانلر هجرته سربست براغلدیغی حالده تکفور ایله دائره سی خلقتندن  
ماعداهیم بر کیمسه یرندن اوینامدی .

§

کمر : — قاربون کله سنه نظر بیوریه .

§

کمیل : — بن زیاد نخعی — مناقبی طبقات صوفیه صافیه  
وسلسله خلوتیده زیب صحایف بیان اولوب جناب علی المرتضاد  
( رضی الله عنه ) اقتباس انوار اسرار طریقت پیورمش و ( ۶۹۲ م  
و ۷۳ هـ ) تاریخنده اقدام حجاج ایله شرف شهادتی وقوعبولشددر .

§

﴿کنند﴾ — ترك لساننده بلده معناسنده در (يار کند) کېي . قند  
دخی بونک معریدر (قندهار) (خوقند) (سمر قند) کېي . (خجندر)  
دخی (حاجی کند) لک محقی اولقی کرک .

§

﴿کنده﴾ — مقدما یمنده بنوکهلاندن برقبيله ایمی ایکن بوقبيله دن  
ابتدا حضر موت و صکره دیار بکره حکومت ایند عرب حکمدارلینه  
عنوان اتخاذ اولمشدر اشبو حکمدارلر دائماً پادشاهان ساسانیانک عمالی  
مقامنده بولنورلر ایدی . (کهلان) کله سنه دخی مراجعت پیوریه .

§

﴿کنز الحقایق﴾ — علمان (پوراز) لقبيله معروف پهلون محمود  
نام ذاتک یادکار روزکار ایلدیکی کتاب دقایق نصایدر .  
مؤلف موی الیه (۱۳۲۰ م و ۷۲۰ هـ) تاریخنده ارتحال دار بقا ایلدی .

§

﴿کنز الاخبار﴾ ترکی — عالی مخلصیه معروف مصطفانک تاریخه  
دائر اثریدر .

(کنز البدایع) — شعرای رومدن آگاهینک لسان ترکی ده مستعمل  
امثالی نظماً ایراد ایلدیکی اثریدر .

(کنز العدة) — (۱۱۱۱ م و ۵۰۵ هـ) تاریخنده وفات ایند امام  
ابی حامد محمد بن محمد غزالینک اثریدر .

(کنز الفتاوی) — مجمع الفتاوی صاحبی امام احمد بن محمد کدر .

§

﴿کنعان﴾ — حام بن نوحک دردنجی اوغلیدر انشای تفرقه  
متعلقسایله برابر عکادن غزهیه قدر اولان ارض کنعانه کیدوب توطن  
ایتمشیدی صکره بونلر اون بر یاخود طقوز قبیلهیه تفرع ایلدیلر فنیکه لیلر  
انلردندرلر و اورالره ارض کنعان نامی بونلر براقشلردر (ارض)  
کله سنه دخی نظر پیوریه .

§

﴿کنغری﴾ — اسیای عثمانیده قسطنیونی ولایتنه تابع برلوا مرکز

اولوب انقره نك شمال غریب سندن یوز کیلومترو مسافه ده کائن و قدیم غلاتیه نك بر قمنه شاملدر . مع نواحی اوتوز بشیك بشیوز نفوس تخمین اولنیور . کنغری قصبه سی جوارنده طولاً اون عرضاً یدی ساعت قدر وسعتی اولان بر مغارده نك ایچنده متعدد طوز معدنلری بولندیغندن طابلری دائماً حیوانلرله و فنارلرله کیررلر و استدکاری قدر طوز چیقاررلر . بوندن بشقه محملرده کول طوزی دخی بولنور . بوراسی ( ۱۳۹۶ م ۷۹۹ هـ ) تار یخنده فتح اولنمشیدی .

### §

﴿ کویک ﴾ — ات ییمی حیوانات ذوثیه صنفندن بر حیواندر . بونلرک اولک ایاقلرنده بشر آرد ایاقلرنده دردر یارمقلری و قرق ایکی عدد دیشلری اولور طرناقلری بیر تیجی دکادر علم حیوانات علماسندن بعضیلرینک قولنجه نقدر بیت کویکک واریسه کافه سی چقال جنسندندر . کویکک اک قدیم بر زماندن برو بنی بشرله کسب انسیت ایش و اسملری تورانده و هندلیلرک ( وه داس ) نام کتابلرنده کورلمکده اولدیغی کبی رسملری دخی مصر لیلرک ابایه قدیمدلری اوزرنده قولاقلری دوشوک بر صورتده کورلمکده بولنمشدر . کویکک انسانک بالجله احتیاجاتنده بولنق استعدادینی حائر اولوب آو و محافظه و محاربه و سائر ده قوللانیله بیلورلر . ( قاریش ) نام بر نوع کویک بوندن الی سنه مقدمنده غایت چوق ایکن اخیراً اثرلری منعدم اولوب یالکز بالعار اطه لرنده قالمشدر . المانیا انکاتره فرانسه کبی ممالک متمدنه ده بونلرک اوزرلرینه بر طاقم خصموصی ویرکولر طرح اولندیغندن برو کویکک عده یدی تدقیه یوز طوتدی . کویکک چفتلشدکارندن ۶۳ کون مرورنده یاور ی چیقاررلر و بویاوریلر ایکی سنه ده سن بلوغه واریرلر و اون بش یاشنده هرم و پیرییه واصل اولورلر و طوغدقلرنده کوزلری قیالی اولوب اون کون صکره آچارلر و بعضاً قودوز تعبیر ایتدکاری شدید بر خسته لکه دوچار اولورلر ( قودوزه مراجعت )

( هامیتون سمیت ) و ( ژروی ) نك افاده سنجه معروف کویکک الی صنفه منقسمدر ( ۱ ) تازی کویککری درکه بونلر قولاقلری یارم صارقیق اولوب صغوغه آز تحمل ایدرلر ( ۲ ) مائین کویککری درکه بویلری اوزون تویلری

قیصه اولور (۳) یوکلای چوبان کوپکاریدر (۴) آو کوپکاریدر که قولاقلی دوشکدر (۵) مختلط کوپکاردر (۶) سوقاق کوپکاری که کوکسلی انلی بلاری قوی رونلری قیصه اولور بونلردن آو کوپکارینی تربیه بریسوک صنعت و مهارته توقف ایدر .

فرانسه ده هر کیم کوپکنی باشی بوش سوقاق ایچلرینه براغورایسه برفرانقدن بش فرانغه قدر جزای نقدی الورل و (۱۸۵۵م و ۱۲۷۲هـ) تاریخندن برو هر کوپکدن سنوی برفرانقدن اون فرانغه قدر ویرکو تحصیل ایدرلر ایش .

§

﴿ کوتاهیه ﴾ — خداوندکار ولایتی داخلنده وبروسه نك اوتوز ایکی ساعت بعدنده برلوا مرکزیدر . حاوی اولدیغی بش عدد ناحیه دن بشقه اوله رق نفس کوتاهیه قضا سنك نفوس ذکوری اون یك ایکی یوز الی کشیدن عبارتدر .

( ۱۳۸۱ م و ۷۸۳ هـ ) تاریخنده سلطان مراد اول امیر کریمیان اوغلنك کریمه سی دولت شاه خانمی مخدومی یلدرم بایزیده تزویج ایلدیکی صره ده امیر مومی الیه کوتاهیه دن ماعدا سماو واکری کوز و طاوشانلی ناحیه لرینی جهاز اوله رق سلطان مشارالیه حضر تلیسه اهد الیشیدی صکره کوتاهیه دخی آلندی .

§

﴿ کوچك امیر افندی ﴾ — اسمی ابراهیم اولوب سادات کرام و علمای ایران دن و اولیاء الله دن بر ذاتك مخدومیدر . ابتدا جانب رومه هجرتنده اماسیه ده یکجه قریه سنده اوتوروب صکره در سعاده کله رك مدرس اولدی و آخر عمرینه طوغری مبتلای عـا اولدیغی حالده ( ۱۵۲۸ م و ۹۳۵ هـ ) تاریخنده وفات ایدر ك ایوب جامع کبیرینك صول جهتنده کی پنجره الته دفن اولندی .

قوه معنویه واحوال خارق العاده صاحبی بر ذات کرامتسمات ایدی الیوم قبر شریفی زیارتله استسعاده ایتمکده درلر .

§

﴿ کور ﴾ ( عاء ) — قوه باصره دن محرومیتدر بوده یا مادر زاد اولور که بونوع کور لك پك نادر در یا خود عرضی اولور یعنی یاره



ویا سائر خسته لکردن و کوز اغریلندن نشأت ایدر . کورلک خط استوایه نقدر یا فلاشیلور ایسه اونسبته مئزاید اولدیغی کوریلور که سببی اورالده ضیاء شمسک شدت انعکاسی تأثیرندن عبارتدر و بو عارضه قومصال محالدرده دخی چوقجه وقوعبولمقددر ( قنارقت ) نام علاج واسطه سیله برچوق دفعه لر انادن طوغه کورلک قوه باصره لری اعاده ایدلدی و بو نتیجه خیر بخشایه موفق اولان انکلیر جراحی ( شیلزدهن ) اعاده بصر حقه کی معامله سنه دائر برچوق تفصیلات مفیده و یردی . کورل عقللرینک قوتی وحافظه لرینک متانتی و مشربلرینک وقار و سکونتی و سامعه و لامسه لرینک رقت و زاکتی ایله مشهوردرلر . کورلرک اکثریسی علوم وفنون و صنایعه مراتب عالیه و اصل اولشلر و بونلردن انکلیرلی ( سوندرسون ) ریاضیائده و بشقه لری فنون سائرده کرکی کبی شهرت آلمشلردر . مقدا اعمالر کندولریچون اصحاب خیر طرفلندن تهیه ایدیلان اما کنده زانوزن اقامت اولوب تربیه و تعلیمدن بی نصیب قالورلر ایدی صکره ( ژان والانتن هادوی ) قبارتمه لی اشارت لر یعنی قوه لامسه واسطه سیله حس ایدیه جک حرفلر اختراع ایدوب بو واسطه ایله یازمق و او قومغی و مبادی علوم و فنونی و موسیقی بی انره تعلیمه موفق اولدی و بو موفقیتی تأیید ایچون ( ۱۷۸۳ م و ۱۱۹۸ هـ ) ده کنج علیلره مخصوص بر مکتب احداث ایدلدی .

اوروپا و شمالی آمریقانک باشلیجه شهرلنده حالا بومثللو مکتبلر موجوددر .

§

﴿ کور اوغلی ﴾ — بولیده و قیله شهرت بولش بر حیدوددر پدیری بولی اعیانندن بر ذاتک سایی ایدی . اول حوالی اراضیسنده حیوانلرینی اوتلاتمق ایچون کلان کردلرک بولی بکلرینه هر سنه برر حیوان و یرمی عادت قدیمه اقتضاسندن اولدیغی جهته بر دفعه ساییس مرقوم دخی افندیسنک امریله بر کرد بکندن بر حیوان بکنوب کتورمش ایدی بو حیوان بنلر درجه ده ضعیف و لاغر برشی اولدیغندن افندیسی بیچاره نلک بر کوزینی چیقارته رق و متخنی اولان اشبو حیوانه بندیرمک دفعه ایدلدی و صکره اشبو کور و فات ایدوب کور اوغلی نامنی الان اوغلی باباسنک وصیتی

موجنبه غدار مرقومدن انتقام المی ایچون تخمیناً ( ۹۰۰ هـ ) تاریخگرنده میدانه  
چیقوب و کندوسی کی برقاج رفیق پیدا ایدوب چاملی بلده تحصن وبر  
اوزون مدت اوراده اجرای شقاوت ایلدی . مرقومک برارهلق درسعادت  
قصاب باشیسنک کوزللیکده ممتاز ایواز یاخود ( ایواد ) نام جکر پاره سنی  
قاپوب کوتوردیکی و آئیده بیودکدن صکره کندوسی کی انسان قصابی  
ایتدیکی مشهوردر . افسانه قیلندن اولان احوال سائره سی کور اوغلی  
حکایه سننه حواله اولنور .

§

﴿ کوردس ﴾ — یونانستانده موره شبه جزیره سی بلادمتعینه سندن  
برشهردر اشبو شهره قورینتوس دخی دیرلرکه بونامده اولان برزخک  
جنوب غریب سننه دوشر .

( کوردس ) — کوردوس دخی دنیلور مغنیساده آقصارک اون  
ساعت جانب شرقیسنده اعلا قالیچه یاققله مشهور برقصه در .

§

﴿ کورکیاس ﴾ — سوفسطائیة یونانیه دندر . سچلیاده ( لعونیتوم )  
بلده سننده تولد ایدوب ( ۵۱۰۹ خ ) تاریخنده یعنی میلادک درتیوز سکسان  
بش سننه مقدمده ( اهل ملاء ) اثرینه اقتفا ایلدی . سچلیادن برخصوص  
ایچون آتیه کیتدیکی زمان مصنع نظرلی آتیه لیلره اول درجه تاثیر ایتمشیدیکه  
فصاحت و بلاغته نطق . دیه جک یرده ( کورکیازین ) دیرلر ایدی . فصاحتی  
مرقومک نامنه منحصرأ نسبت ایلک اندن صکره ( الینوز ) لسانده قالمشدر .  
بوکور کورکیاس وجودی انکار ایدر ایدی .

§

﴿ کوز ﴾ — نوع انسانده کوز دنیلان عضو شریف کوز قیاقلرینک  
التنه و کوز چقورینک ایچنده همان کروی الشکل بر جسم اولوب بونک  
قسم خارجیسنک اولک طرفی ( طبقة قرنیة شفافة ) یعنی کوز آقی دنیلان  
شفاف برغشا ایله مستوردر و بونک وراسنده و اندن براز اوزاقله  
( طبقة قرحیه ) یاخود ( حدقه ) دنیلان زار مثللو بر طبقه واردرکه بعض  
کسدرده سیاه و بعضیلرنده قرال ویا مائی والا اولور و بونک وراسنده

دخی ( بیک ) تعبیر ایدیلان دلیک اولوب بونک دخی کیروسنده ( جسم بللوری ) تسمیه اولنان محذب الطرفین عدسه مثلاًو شفاف بر نسنه واردر و بونک وراسی دخی اصل کوزک ایچی اولان جوف اولوب درونی مورطه آقنه شبیه واول قوامده شفاف ( رطوبت زجاجیه ) دنیلور بر ماده مخصوصه ایله و طبقه قرینه ایله جسم بللورینک اره سنده بولنان بوش محل دخی صو قوامنده ( رطوبت مائه ) تسمیه اولنور بر ماده ایله مملودر و جوف عینک یعنی رطوبت زجاجیه بی حاوی اولان جوئک ایچ طرف یانلری ( طبقه شبکیه ) اطلاق اولنان بوشاق بیاض و شفاف برغشا ایله احاطه اولنوب جوف مذکورک اکیرو طرفنده ( عصب بصری ) تسمیه اولنان عصبه برلشمدر و حقیقت حالده طبقه شبکیه مذکوره اشبو عصب بصرینک بر قسمی اولق اوزره جوف عینک ایچ طرف یانلری تماماً قاپلامشدر .

ایمدی بر جسم مرئی اوزرینه شمسدن ویا سائر بر جسم مضئیدن کلان شعاع بعد الانعکاس کوزه وارد اولوب طبعه قرینه شفافه دن و بعده بیکدن کچرک جسم بللوری اوزرینه واصل اولدقده اشبو جسم بللوری شفاف و محذب الطرفین عدسه حکمنده اولدیغنه بنادر و نندن مرور ایدن شعاعات منکسر اوامغله کوزک داخلنده و طبقه شبکیه اوزرنده جسم مرئینک معکوس اولان کوچک خیالی تشکیل ایلدیکندن و طبقه شبکیه ایسه عصب بصرینک بر قسمی اولدیغندن خیال مذکور بو واسطه ایله دماغه ایصال اولنور یعنی کوز صاحبی جسم مذکوری کورر .

طبقه شبکیه نک اوزرنده تشکل ایدن خیال معکوس اولدیغی حالده دماغک آنی مبسوط اولهرق حس ایلمی حتمنده پک چوق مقالات ایراد اولمش ايسده هیچ بریسی صحته مقرون دکلدیر .

بر جسمک خیالی کوزلرک ایکیسنده دخی بشقه بشقه واصل اولدیغنه کوره جسم مزبورک دخی ایکی کورنمی لازم کلور ايسده ایکیسنکده عصب بصریلری برلشم اولهرق دماغه یالکیز بر عصب واصل اولدیغندن دماغ ایکی کوزه واصل اولان خیالی بر حس ایدر .

بعض کسدر یازوی و اوافق شیلری اوزاقدن و بعضیلری کوزینک ضعف ویا خلقتی ایجابجید پک یقیندن کوره یلوب بویاده اصل معتبر اولان یازو

ایله کوزك اره یری اوتوز سانتیتره اولمقدرکه بو صورتله کورنلک کوزلری  
قصورسز وسالم دیک اولور .

§

﴿کوزلحصار﴾ — آیدین سنجاغنسک مرکزی اولان شهرک نام  
دیگریدر (آیدین) کله سننه نظر نیوریه .  
(کوزلحصار) تراونیک ووردور سنجاقلرنده دخی برز شهرک نامی اولدیغی  
کبی ازمیر سنجاغنه ملحق (منن) قضااسنک دخی نام دیگریدر .

§

﴿کوزیکون﴾ — قپو طاغنسک قدما عنندنه معروف اسمیدر .

§

﴿کوسه کتخدا﴾ — رجال دولت علیه دندر عاقل و علم و زیاده  
نافذ الکلام بر ذات اولوب دولت کتخدالغی مسندینی احراز ایتشیدی وفاقی  
(۱۸۲۷ م و ۱۲۴۳ هـ) تاریخنده وقبری ابوبده حکیم قطب الدین مکتبی  
مزار لغنده در اصل اسمی مصطفی نجیب .

§

﴿کوسم والده سلطان﴾ — اسمی ماهیپکر اولوب سلطان  
مراد رابع و ابراهیمک والده سیدر (۱۶۵۰ م و ۱۰۶۱ هـ) تاریخنده  
معتبران اهلینک یکچیریلردن شکایاتی و مهر صدارتک سیاوش پاشایه  
اعطاسی یکچیریلره آغر کلوب علی روایه اشبو کوسم والده نک اخطاریله  
قیام ایلری اوزرینه والده سلطان یکچیریلره طرفدار ایمش دهرک سرایده  
قیل وقال چوغالدی و او ائشاده کوچک والده اغاسی سلیمان اغا سرای خلغنه  
(نه طور دیورسکز یکچیریلر اطرافزی صاردی بونلری تشویق ایدن کوسم  
والده در و مرادی پادشاهی خلعدر) دیمسیله علیهنده بولنان سواده دالر  
اوزرینه هجوم ایدوب بیچاره خاتونک قاننه کیردیلر .

شهید مشار لایها خیر پرور اولوب باغچه قپوسنده کی یکی جامعه وضع اساس  
ایتدیسه ده ختامنه موفق اوله مدی . اسکدار ده چینیلی جامع جله  
خیر ائندندر . درسعادته مشهور والده خانی اشبو جامع شریفه موقوف  
مسققاتدن ایدی .

§



﴿كوش﴾ — حام بن نوحك برنجی اوغلیدر . اولاد نوح ایرلقلری زمان بودخی متعلقاتیلہ بلاد عربك غربنه کیدوب صکره نسلی افریقایه وبصره کورفینك شمالنه ودجله وفرات اره لرینه یاتیش واکراد وحبش طائفه سی بولردن آزمشدر .

§

﴿كوفه﴾ — قدیمده بورس-ییا دینوردی آسیای عثمانیده وعراق عربده برشهردر بغدادك جنوبندن یوز اوتوز طقوز کیلو متروده وفراتك صاغ جهتمنده واقعدر . ( ۶۳۶ م و ۱۵ هـ ) ده ( حضرت عمر ) زماننده عراق والیسی سعد بن وقاص رضی الله عنهما معرفتیه تأسیس اولندی . بغداددن اول برچوق اسلام حکمدار لرینه مقر اولوب خیلی زمان آسیاده اك مهم ممالکدن بری اولدیغی حالده یدنجی عصر هجریده ملوك جلایریه دن شیخ حسن کبیر زمانندن صکره اهاالیسی تدریجاً طاغیلوب خرابه زار حکمنه کیرمشدر .

پوراده مشهد ( علی ) رضی الله عنه دیوشهرت بولان ایکی مناره لی برجامع شریف حالا کورلمکده و قدیم خط عربی یه وریلان کوفی نامی بو مملکتیه نسبت اولتمقدهدر .

§

﴿کوکبان﴾ — یمن ولایتنده صنعا سنجانغی مضافاتندن بر قضا مرکزیدر کوکبان قلعه سی اطرافی غیر متصل بر طاعده و غایت یوکسك برقی اوزرنده مبنی اولوب ( ۱۸۷۰ م ۱۲۸۷ هـ ) تاریخنده عسا کر شاهانه طرفندن پك چوق زحمتلر و تلفات ایله التمشدر .

بور اهاالیسی ( سباء اصغر ) و بطون حیر و تبع و جدان و بنی زرعه و سائر ه دن اجتماع ایتمشدر و اراضیسی مثبت و محصولدار و میاه جاریه بی حاویدر ( طویل ) نامنده بر ناحیه سی اولدیغی کبی پك چوق قراسی و غیر مسکون قبائلی وارددر .

§

﴿کوکرد﴾ — جله نك معلومی اولدیغی وجهله صاری رنگلی و مشتعل و غایت منکسر بر مادهدر برکدی پوستیه دلت اولنسه بر رایحه

مخصوصه حاصل اولوب الكتریک منفی اظهار ایدر واحترافنده علوی مائی و یا خود حرارته کوره بیاض اولوب دومانئ کسکین و بعض مرتبه کوزه و صدره سوء تأثیری تجربه اولمشدر حتی امریکا وولقانی جوارنده واقع کبریت معدنلرند ایشلیان عمله دائماً ضعف بصروضیق صدر علتلرینه اوغرارلر باغ و بچهلره و اراضی مزروعه یه تأثیرات مضره سی دخی درکار اولدیغندن سیچلیا جزیره سنده کی معدنلردن چیقان کوکورد مخصوص فرونلده تصفیه اولتمقده و دومانلری اطراف واکسنافه سوء تأثیر ایتماک ایچون فابریقه لرك خالی محللرده و هیچ اولمزسه بر میل مسافده انشاسنه اعتنا ایدلمکده در . حالا مشعل اولان وولقانیلردن قولومبیا ممالکنده کی (پوراچه) وولقانیلردن بیاضی رنگده اول درجه ادخنه ظهور ایدر که بوندن اطراف وولقانیلر حاصل اولان توز بالتراکم ایکی اوچ قدم عمقده بر کوکورد طبقه سی تشکیل ایشدر . اوروپا قابلیجه لرنده و بروسده و علی الخصوص (اسلانده) جزیره - سنده میاه معدنیه ایچنده کاه خالص وکاه مولدالماء ایله مخلوط کوکورد تصادف اولنور . دکر صولرنده دخی کوکرت واریسه ده خالص دکدر نباتات و حیواناتده دخی کوکورد وارد و طورپ و شلغام جنسندن اولان نباتاتده سائرلرینه نسبتاً ویمورطده زیاده ده در .

§

کوکرجین — معروف بر قوشدر لحمی لذیذ و مقوی و بر خانه یه مجاورتی اول خانه ده بولنانلرك فلج و جای بارده او یوشقلق علتلردن و طائفه جن شرنندن مصونیتنه سیدر .

وقتیله بعض ممالک شرقیه اهلینک و باخصوص محاربه ده محصور اولان کسنه لرك کوکرجین واسطه سیله مخایره ایتدکاری توارینخده کوربله نور بونلر یازدقلری غایت ایچمه برکاغدی قوشک یاغنه باغلیوب اولجه آلسدیرلش اولان محله قدر کوندرلر ایدی . کوکرجینه نامه برانکی اوکرتماک ابتدا بر محمل مخصوصه بسیلیوب و آره لنده اوچورهرق اوحوالی بی اوکردوب اندن صکره تدریحاً مطلوب اولان محله کوتوربله لرك اورادن مکتوبله صالحویرلنکدن عبارتدر چونکه بحیوان ابتدا طوغدیغی و یا آلسدیغی یه عودت ایتکه مجبور اولور . اسکی زمانده اناتولی و مصردن سفره

کیدن بر آدم بولدن مملکتنه مکتوب کوندرمک مراد ایتدیکی حالده یانسه  
 بر قاج معلم کو کرچین آلهرق ایتدیکی بر دن مکتوب ایله اعاده ایدر ایدی .  
 فقط بولده دانه آرامق غائله سیله وقت یکور مامسی ایچون اطارملرندن اول  
 قارنی طو بوررلر و صویه کیروب مکتوبی اصلا تمامق ایچون ایاقلرینی سرکه  
 ایله ییقارلر ایدی . دیشیمی یورطه اوزرنده یتان ارکک کو کرچین  
 واسطه سیله کوندریلان تحریراتک دها اسرع صورته محله واصل اولدیغی  
 وساعتده اون میل مسافه قطع ایتدیکی و برکونده درسعادت ایله اسکندریه  
 بیننده مخبره ممکن ایدوکی عند التجربه ثابت اولمش و کو کرچینک بووجهله  
 پوسته جیلغده استخدا می ایکی یک سنه دنبرو طائشدر . روما جنرال لرندن  
 (ماربوس) (۵۵۵۰ خ) تاریخنده یعنی میلادک قرق درت سنه مقدمه  
 (موتینا) نام محله محصور ایکن کو کرچین واسطه سیله دوستلرینه خبر  
 کوندردی و قرون وسطاده بریه الشامه هجوم ایدن اهل صلیب و (۱۱۷۴ م  
 و ۵۷۰) تاریخنده ملوک مصر به دن نورالدین محمود و (۱۲۲۵ م و ۶۲۲)  
 تاریخنده خلفای عباسیه دن اجد و (۱۵۷۳ م و ۹۸۱) تاریخنده هولانده  
 محاربه سنده هارلم کو کرچین پوسته سی قوللاندی . بر مدت مصرده بر معلم  
 کو کرچین یک مجار التونسه قدر فروخت اولمش و اکثر ممالک مصریه ده  
 پوسته خانه کبی کو کرچین قله لری یانیش و اورویانک بعض محللرنده یقین  
 وقته قدر کو کرچین ایله مخبره اصولی دوام ایتشدر لکن تلغراف و واپور  
 و شمشدوفر کبی وسائط ظهور ایلدکن صکره لزومی قلامغله ترک اولندی .  
 بعض منشأده کوریلان (اطاره سوی سامیلری) و (علی جناح الاستیجال)  
 سوزلرینک اول وقتدن قاله تعبیرات ایدوکی خاطرله لکیده در .

§

کول — قطعات خسته ده موجود و مشهور اولان کولر

| عدد | اسامی    | منصبی      |
|-----|----------|------------|
| ۱   | سایما    | بجر بالطغه |
| ۲   | لادوغا   | کذا        |
| ۳   | اونده غا | کذا        |

اوروپا

| عدد | اسامی    | منصبی          |
|-----|----------|----------------|
| ۴   | پیدوس    | بحر بالطغہ     |
| ۵   | وتر      | کذا            |
| ۶   | وتر      | کذا            |
| ۷   | مولار    | کذا            |
| ۸   | قوسطانس  | رن نہرینہ      |
| ۹   | زورنخ    | کذا            |
| ۱۰  | لوسرن    | کذا            |
| ۱۱  | نوشائل   | کذا            |
| ۱۲  | جنورہ    | رون نہرینہ     |
| ۱۳  | ماژور    | پو نہرینہ      |
| ۱۴  | قوم      | کذا            |
| ۱۵  | غارت     | کذا            |
| ۱۶  | بلاطون   | طونہ نہرینہ    |
| ۱۷  | اشقودرہ  | ونڈیک کورفزینہ |
| ۱۸  | ارال     | مجراسی بوق     |
| ۱۹  | بالقاش   | کذا            |
| ۲۰  | بایقال   | تیزہ لی نہرینہ |
| ۲۱  | تکری نور |                |
| ۲۲  | خوخونور  |                |
| ۲۳  | توغ تنیغ |                |
| ۲۴  | کویانغ   |                |
| ۲۵  | بحر میت  |                |
| ۲۶  | وان      |                |
| ۲۷  | رومیہ    |                |
| ۲۸  | هامون    |                |

اوروپا

آسیا



| عدد | اسامی          | منصبی                 |
|-----|----------------|-----------------------|
| ۲۹  | چاد            | کینه شمالی کورفرینه   |
| ۳۰  | ویقتوریانیازا  | نیل نهرینک منبعیدر    |
| ۳۱  | البرنیازا      |                       |
| ۳۲  | تافقایقا       | نیاسانک غرب جنوبیسنده |
| ۳۳  | نیاسسا         | موزامبق قطعه سنده     |
| ۳۴  | دمبعا          | حبشستانده             |
| ۳۵  | الدهایا        | فاسده                 |
| ۳۶  | سالی           | امید برونی جوارنده    |
| ۳۷  | نوامی          | بودخی                 |
| ۳۸  | شتازا          | موزامبق جوارنده       |
| ۳۹  | آینوب          | بحر ایض جوارنده       |
| ۴۰  | شط الشریقه     | جزایرده               |
| ۴۱  | منیر           | تونسده                |
| ۴۲  | برکة الهارونیه | مصرده                 |
| ۴۳  | وینیک          | بحر اودسونه           |
| ۴۴  | سوپریور وچورن  | بحر محیط غربیه        |
| ۴۵  | هورن           | بحر منجمده شمالیه     |
| ۴۶  | پاتوس و تیقا   | بحر محیط کبیره        |
| ۴۷  | مارقاریو       | بحر آنتیله            |

§

﴿کومر﴾ — یافت بن نوحک ایکنجی اوغلیدر سلت ویا  
 سیمرن دخی دیرلر . تفرق اثناسنده منسوباتی بالاستحباب بحر سیاهک شمال  
 طرفه نقل کاروبار وکیت کیده نسلاری جانب غربیه دخی انتشار ایدرک  
 آوروپانک جنوب غریبسنی طومشلدر . غال طوتون و سلط طاقه لرینک  
 اصلی کومردر .

§

﴿کویت﴾ — بصره کورفزنده بر شیخک در (۱۸۶۵م و ۱۲۸۲ه) تاریخنده امید برونه کیدن ایکی عثمانلی قوروقی تابعیت سلطنت سنییه قبول ایتدکارینه علامت اولق اوزره اشبو شیخکله خلعت و سنجاق کتورمش ایدی .

§

﴿کوییه﴾ — طبعیوندن مشهور بر ذات اولوب اون طقوزنجی عصرک ارسطوسی تسیمه ایدلشدر (۱۷۶۹م و ۱۱۸۳ه) ده مومبیلارده تولد و (۱۸۳۲م و ۱۲۳۸ه) تاریخنده پارسده وفات ایلدی . (۱۸۰۳م) ده فرانسه آقادمیسنه داخل اولوب مؤخرأ درس ناظری و (۱۸۳۱م) ده مجلس اعیان اعضاسی اولدی . مومی الیه حیواناتی او وقته قدر مضبوط اولیان صنفله تقسیم ایدوب فن تشریحجده اعضای حیوانیه ک متسلسلاً یکدیگره ارتباط و مناسبتنی کشف ایتش و و قتيله موجود اولوب الیوم اصل و نسلی مفقود بولنان بر طاقم حیوانات و نباتاتک زماننده موجودیتنی فنا میدان شوته چیقاردیغی کبی طبقات الارض ایچون دخی بریکی تملر قورمشدر . خیلی مهم و متنوع تألیقاتی واردر .

§

﴿کوهستان﴾ — آسیاده مختلف ممالکه ویرلمش براسمدر اولاً کوهستان عجمده بریالندر شمالاً خراسان شرقاً افغانستان جنوباً کرمان و فارس غرباً عراق عجمله محدود اولوب التی یوز طول وایکی یوز التمش عرض کیلومتر و وسعتده اوچ یوزیک نفوسی جامعدر کرسی اداره سی شهرستاندر . ثانیاً (کوهستان) بلوچستانده بریالندر شمال شرقیده افغان شرقاً و جنوباً مکران غرباً و شمال غرییده عجم ایله محدوددر مرکزی پوهرادر . ثالثاً (کوهستان) هندستانده لاهور حکومتنده بریایات اولوب پنجابک شمالنده و همالایه وادیلرنده کائندر بوراسی برچوق کوچک پرنسدر معرفتيله اداره اولنور .

§

﴿کهات﴾ — ارواح بشریه ک ارواح مجرده یعنی (جن و شیطان) ایله مناسباتنی و عالم کون و فسادک مستقبله عائد بعض وقوعانی

استنباطه مخصوص بر علمدر . روايته نظراً بوعلم زمان جاهليتده بين العرب  
يك شايع اولوب حتى (شق) و (سطيح) نامنده ايكي كاهن (خاتم النبيين)  
افندمرك تشريفساز مهاد نبوت اوله جعفر بنى و اتباعنه و دين ميينه اتباعك  
شرف و فضائلى اول وقت خبر و ير مشرايدى طائفة مز بوره بعثت نبويه دن  
صكره مغيباته اطلاع دن محروم اولمشلدر حتى بعض رواياته (لا كهانه  
بعد النبوة) وارد اولمش و بوندن بشقه (من اتى كاهناً فصدقه بما يقول  
فقد كفر بما ازل على محمد) دخی بيورلشدر .

امام رازينك (سرا مكتوم) نام كتابنه كوره كهانت ايكي قسم اولوب  
بر قسمي بعض نفوسك خواصندن نشأت ايدر كه بوقسم مكتسب دكلدر و قسم  
ديكري عزائم و دعوت كوا كه توغل ايله حاصل اولور و بو دخی بعض  
طرقه تقسيم اولنور .

§

❖ كهكشان ❖ — هيئت كله سنه نظر بيوريله .

§

❖ كهلان ❖ — ينده بنوسباء اولادندن (مد جمع) (كنده) (ازد)  
كبي يدي قبيله نك جديدر . قبائل مذ كوره سيل عرمدن صكره شام و مدينه  
طرفلرنده اسكان ايلدیلر . يمن ساحلنده ابو عريش قصبه سنك قرق ساعت  
كيروسنده اليوم بنى كهلان دينور بر قبيله مسكوندر .

§

❖ كيئف ❖ — اوروپاي روسيده دينير اوزرنده كيئف ولايتك  
كرسى اداره سي اولوب سن پترسبورغك جنوبندن بيسك ايكي يوز اللى  
كيلومتروده كائن و قرق سكر بياك نفوسى حاويدر و لادمير طرفندن مؤسس  
مكتب و قشله لرى و بر چوق كليسالرى واردر . كيئف شهرى بشنجى  
عصردن برو موجود و خيلى زمان حزرلره تابع ايدى طقوزنجى عصرده  
متصرفى اولان (روريك) طرفندن جنوبى روسيده مقر اتخاذ اولنوب  
(۱۰۳۷ م و ۴۲۹ هـ) ده اياروسلاو نام بيولك دوقه زماننده بتون  
روسيدنك مركز حكومتى اولدى مؤخرأ بر چوق تخريباته اوغرايوب  
ليتوانر لهيلير تاتارلر قريم خانلى طرفلرندن اشغال ونه ايت (۱۶۸۶ م

و ۱۰۹۸ هـ) تاریخنده روسیه ایمراتور لگنه الحاق اولندی . تکمیل  
ایالتنده بر ملیون نفوس وارد در دیرلر .

§

❖ کیانیان ❖ — ( ۴۸۸۵ خ ) تاریخنده ماد حکومتی تأسیس ایدن  
کیقباددن کیخسروه یعنی ( ۵۰۵۶ خ ) تاریخنه قدر جالس تخت فارس  
اولان ذواته ماد پادشاهی دیندیکی کبی کیخسرو ایله آندن صکره کلانله  
کیانیان اطلاق اولمشدر . پای تختلری خیلی زمان سستر شهری ایدی . مصرمدیا  
بابل آتوریه لیدیا ارمنستان بخارا و بعض ترکستان هندستان روم ایلی  
وماوراءالنهر و امثالی ولایاتی کیخسرو یوز یکریمی تقسیم و اخلافندن برنجی  
دارا بعضیرینی یکدیگر ایله برلشدیره رک یکریمی صدر ابلق تشکیل ایلشیدی .

§

❖ کیخسرو ❖ — ماد پادشاهی کیگوسک قزی یاخود همشیره سی  
اوغلندر فرنکر ( خامیش ) دیرلر پدیری لیدیا قرالی ایدی کیگوسک  
سر عسکری رستمک لیدیالوره امانت یوزندن متبوعنه اهانتی و ارمنستان  
حکمداری ( دیرقان ) ک معاونتی ایله ( ۵۰۳۴ خ ) تاریخنده یعنی میلادک  
بشیوز التمش سنه مقدمنده ماد تختنه جلوس ایلدی . سلطنتی یکریمی طقوز  
سنه امتداد ایدوب بومدت ظرفنده لیدیا حکومتی زیر وزیر و توران اوزرینه  
یوریوب اوکی پدیری افراسیابی شمشر قتل و اعدامه سپر ایتد کدن صکره  
حدود شرقیه سنی سند نه رینه و حدود غربیه و شمالیه سنی بحر حرز و سفیده  
قدر توسیع و بالعموم ممالکینی یوز یکریمی ایالتنه تقسیم و پوسته لر ترتیب و یتش  
سنه دنبرو ممالک شرقیه ده منفی اولان یهودیلری عفو و یت مقدسک انشاسنه  
مساعده ایلدی و ( ۵۰۵۶ خ ) تاریخنده بابلی بومدت محاصره و فراتدن  
کلان صویک مجراسنی تحویل ایدرک اپجرویه کیروب حکمداری سفیه  
( نابونید ) ی مجلس نوشانوشده اخذ و قتل ایتدی و مؤخرأ تومیروس ایله  
ایتدیکی مساجت محاربه سننده قتل و سر مقطوعی دشمنی طرفندی قان ایله  
ملو بر طلوم ایچنه وضع اولنوب ( اشته قانه قان ) دیو تحقیر ایلدی  
بوکا سیروز دخی دیرلر قبری ایرانده اصطخر شهری جوارنده بر خرابه  
تره دروننده اولوب قپوسی اوزرنده خط میخی ایله ( آخینس قبیله سندن



خسرو شاهم) مالی محرر اولدیغی مرویدر . مشارالیه بابلی ضبط ایلد کدن  
صکره (ماد) و (لیدیا) و (نینوا) حکومتلی نامنی اورتهدن قالدیروب  
جمله سنه بردن (فرس) حکومتی یاخود (کیانیان) سلطنتی نامنی  
ویرمشد .

§

﴿کیخسرو﴾ ثانی غیاث الدین — ملوک سلاچقه دن اولوب  
علاء الدین بن کیقبادک اوغلیدر (۱۲۳۸م و ۵۶۳۶ه) تاریخنده پدرینه خلف  
اولدقه کنجاک سبیلله نیک و بدی تمیزه وقتی اولدیغندن حال و شانی مجهول  
برحرفه قایلهرق بوندن الدیغی درس نفاقله امرا و اعیانندن برچوق کسملرک  
قانه کیرمشیدی صکره اهاالی حقیقت حالی اکلامغله بالاتفاق منافق مر قومی  
طوتوب لباس خبائث التباس حیاتی چاق و تمزیک و لاشه سنی بر تیمور قفس  
ایچینده دیواره تعلیق ایلدکلری حالده غرائبدن اوله رق برکون قفس یره  
دوشوب التندن چکن بر بیچاره نك مرع روحنی اوچورمش و هر کس لاشی  
عدایت کلری لاشه صاحبناک اولد کدن صکره دخی بویله برخبائث ایقاع ایلدیکنه  
شامیش قالمشدر . کیخسرو اون سکز سنه پادشاهلق ایتدی . وزمانده  
اماسیه و توقاد طرفرندده (بابا اسحق) نامنده برحریف چیقوب پیغمبرلک  
دعواسنه قالدشدیغندن حر با طوتیلوب اعدام اولندی .

§

﴿کیره سون﴾ — (سهرزونت) کله سنه نظر یوریه .

§

﴿کیشنوی﴾ — آورو پای روسیده بر شهردر بسارایسانک  
کرسی اداره سی اولوب بندرک شمال غریسنندن الی اوچ کیلومتروده واقع  
وقرق بش یاک نفوسی جامعدر . عموق فابریکلری و بیوک تجارتی واردر .

§

﴿کیقباد﴾ — مدیا حکومتک بانی ثانیسیدر ژوسس و اشه من  
دخی دیرلر فی الاصل رؤسای قبائلدن ایکن (۴۸۸۵ خ) ده یعنی میلادک  
یدیوز طقوز سنه مقدمنده مظهر نظر خشنودیسی اولدیغی اهاالینک معاونت

و اتفاقیه اعلان استقلال و مجدداً یابدیردیغی همدان شهر جسینی پای تخت  
اتحاد ایله وضع ایتدیکی قانون سایه سنده اهاالینک بر قات دهها حسن نظر  
و توجهاتی جلب و استحصال ایلدی . قانون مذکورک خلاصه سی (قانون)  
کله سنده محرر در . (همدان) کله سنده دخی نظر بیوریله .

§

﴿کیکاوس﴾ — ماد دولتی حکمدار لر ننددر (۴۹۹۹ خ)

تاریخنده یعنی میلادک بشیوز طقسان بش سنه مقدمنده جلوس ایدوب  
اوتوز بش سنه کامران ملک و سلطنت اولدیغی حالدده بنیره سی کینخسرو  
ایله متفقاً علیه قیام ایدن ارمنستان حکمداری دیقرا طرفدن حرباً اخذ  
و اعدام ایلدی یاخود سرعسکری رستمک اهانیتله طوتیلوب کینخسروک  
حبسخانه سنده بلا ولد وفات ایلدی انجق اشبو خلع و حبس ماده سی  
مشتبیه فیه بر مسئله در . مومی الیه فرنکر (آسیناچ) نامی ویرلر .

§

﴿کیلان﴾ — دیلدخی دینور عجمستانده و بحر حزرک سواحلی

اوزرنده بر ایالتدر شمال غربیده شروان شرقیده مازندران ایله تحدید اولنور  
ایکیوز یتش طول و سکسان کیلومتر و عرضی وایکی یوز الی بیسک نفوسی  
حاوی اولوب کرسی اداره سی رشت شهر یدر هواسی غایت صیحا ق  
و اراضی سی منتدر .

بوراسنی (۱۷۲۳ م و ۱۲۷۶ ه) ده روسیه آلوب برسنه صکره دولت  
علیه یه ترک ایلدیکی حالدده (۱۷۲۷ م) تاریخنده باب عالینک مساعده سی  
اوزرینه ینه عجمله اعاده اولندی (آل بویه) کیلانن نشأت ایتشدرد .  
مسقط قطعه سنده دخی بونامده برقصیه اولوب عربلر (جیلان) دیمکده درلر .  
(کیلان) پرشته سنجاغنده دخی بر قضا مرکز یدر .

§

﴿کیلوساق﴾ — اهل کینیا و حکمتدندر (۱۷۷۸ م و ۱۱۹۲ ه)

ده ویانئه علیاده (سن لئونار) ده تولد و (۱۸۵۰ م و ۱۲۶۷ ه) تاریخنده  
وفات ایلدی هواجه تدقیقات حکمیة سنی اجرا ضمنده یدنی بیسک مترو  
قدر یوقاری یه چیقمش و (۱۸۱۳ م) ده تصادفاً قورطووا طرفندن کشف

اولنان ایوت اوزرینه ملاحظات عمقه اجرا و بوکا دائر مطالعاتنی برتألیف مخصوصنده بیان ایشدر . بونلردن بشقه بعض اجزای کیمیوه وغازلر وبارومترولر حقهده دخی کشفیات و تحقیقات مکمله اجرا سیله علوم وفنونه کرکی کبی خدمت ایلدیکی توارینخده کورلدی .

§

﴿ کیلی ﴾ - طونه نهرینک صول کناری اوزرنده و بغدادن ایالتی داخلنده برشهردر بندرک جنوبندن یوزاوتوز کیلومتر و مسافهده اولوب التی بیک نفوسی جامعدر . بوراسی و قتیله دولت علیه ممالکنندن و صکره روسیه نیک بسارایا قطعده سی ملحقاتندن ایکن ( ۱۸۵۶ م و ۱۲۷۳ هـ ) ده منعقد پارس معاهده سی موجبجه بغدادنه ویرلدی .

§

﴿ کیمیا ﴾ - بر علمدرکه واسطه سیله اجسام بسیطه نیک خواص و کیفیاتی تحصیل و کره ارضده موجود اجسام مرکبه نیک اجزای فردیه لری تفریق وجع اولنه رق بر جسم آخر احداث یعنی هر بر جسم حل و ترکیب اولنه یلور . علم طب و فن معادن و بویاجیلیق وزراعت کی علوم و صنایعک اکثر قواعدی علم کییادن اخذ ایللمش اولدیغندن بو علم کییای نظری و کییای عملی ناملریله ایکی یه تفریق اولنمشدر . کییای نظری نیک اجسام غیر عضویه ایله بونلرک ترکیباتندن بحث ایدن قسمنه ( کییای معدنی ) و اجسام عضویه یعنی حیوانات و نباتاتندن بحث ایدن قسمنه ده ( کییای عضوی ) دنیلور که بوده ( کییای طب ) ( کییای صنایع ) ( کییای زراعت ) ناملریله یاد اولنان قسملره آریلور . کیمیا اون التجبی عصر میلادیده علوم مدونه صره سنه کچدیکنندن علوم جدیده دن معدوددر ملل قدیمه دن مصر لیلدره کیمیا اولدجه شهرت بوالدیغی اهالی مذکور نه نیک نشادر روحی و سوده و جام و سرکه و انواع سموم و صابون استحصالی بیلدگری تاریخ دلائله ثابت اولمنندن اکلاشیلور چینلور لده بوفنده معلومانلری اولدیغی قدیمدن برو کهرچله پورسلن باروت زرینخ و مواد ملونه ساره بی استحصالده کی مهارت لرنندن استدلال اولنور روملر ایسه اجسامک یالکز خواص کیمیویه سیله اوغرا شوب تطبیقات و تجربه جهت لرینه

کیتامشردر . اون برنجی عصرده عربلر کیمای عملی بی توسیع ایتدیلر  
و محارباب صلیبیه مناسبیه فرنکلردخی عربلردن اقتباس ایلدیلر . اون بشنجی  
عصرده (پاراسلس) نامنده ارباب فندن بری ایلک دفعه اوله رق کیمایه  
دائر عمومی درس و یردی و (۱۷۱۸ و ۱۱۳۱ هـ) تاریخنده اجسامک  
امتزاج کیمو یرینی مبین برجدول ترتیب اولنوب مرکباته و یریه جک اسملر  
بشقجه قاعده التمه آلدی .

کلهلم قدمای حکمای اسلامیه نک جواهر معدنیه دن خواص اصلیه بی سلب  
و یرلرینه خاصه جدیده جلب ایتک ممکنیدر دکلیدر دیو (کیمیا) نامیه میداننه  
قویدقلمی دعوایه . شیخ الرئیس ابن سینا و شیخ تقی الدین احد بن یمیه  
و یعقوب کندی کبی برطاق ذوات اولباده رساله لر تألیفیه بطلانی اداسنده  
ثبات و امام فخرالدین رازی و شیخ نجم الدین بن ابی در بغدادی و ابوبکر  
محمد بن زکریای رازی و سائرلری ایسه انلری ردأ کتابلر چیقاروب ممکن  
مرتبیه امکانتی اثبات ایلدیلر . ابن ماجه اندلسی لقبیه معروف ابوبکر بن  
صائغ نام ذانک شیخی ابی نصر فارابیدن حکایه بعض تألیفاتنده اولان نقلنه  
کوره حکمای متقدمیندن مشهور ارسطو صناعت کیمیانک فقط لهم  
واسطه سیله امکانتی متعسر اولق شرطیه یازمش و حتی بوبایده برچوق رد  
و قبولدن صکره یابدیغی برکتابده (فلزات) و معدنیات نوعده متحددر  
ینلرنده کوریلان اختلافات ماهیاتده اولیوب اعراضده و اوده بعضاً  
اعراض ذاتیه و بعضاً دخی اعراض عرضیه ده در . و نوعی متفق و عرضی  
مختلف بولنان هر ایکی شیئک یکدیگره انتقالی ممکندر . شوقرکه اگر  
عرض ذاتی اولورسه انتقالده صعوبت و مفارق ایسه سهولت اولور  
دیمشدر .

اوروپاده برقاج قرال دخی معادن سائره بی التونه تحویل ایتکه هوس ایدوب  
حتی المانیا امپراطوری اوچنجی فردریق کویا حصوله کتوردیکی التوندن  
سکه ضرب ایتدیرمش و بوفن ایله مشغول اولنلره اصلزادهک عنوانی  
و یرمش ایدی لکن (۱۵۰۰ م و ۹۰۶ هـ) تاریخنده ورتنبروخ دوقه سی  
فریدریق بومثالو شیریه متعقد اولمیدیندن کیمیا کرلردن برینه تیموردن بردار



اغاجی التونه قلب ائلسنی تکلیف ایدوب یاه مدیخی جهته صلب ایتدیکی مرویدر.

کیمیاء معجزه حضرت موسی اولوق اوزره دخی روایت اولنور و قارونک غنا و ثروت مشهوره سی کیمیایی مشار الیهدن تحصیله حل ایدیلور . کیمیایی بروقت قوم هود جباره سی دخی اوکرنوب حتی التون و کوشدن اولوق اوزره ارم ذات العمدان دیسلان محلی تأسیس ایتش ایدیلر که کیفیتی کتب تفاسیر و توارینحه مسطور و مقیددر .

بو علمه وصول ایله اشتهار ایدلردن بری دخی بشنجی عصر هجری رجالندن قصیده لامیه العجم صاحبی مؤیدالدین طغرائی در .

امام شافعی حضرتلری هر کیسه که اکسیر ایله طالب مال اولور البته مفلس و پریشان اولور پیوردی .

بجوهر الکیمیاء لیس تری

من ناله و الانام فی طلبه

§

کینه — افریقانک سواحله غریبه سنده ایکی ولایتدر . برنجیسی انکلتره جایه سنده بولنان کینه شمالیدر که ساحلاً سیرالئونن ( لوز ) برونه قدر تمتد اولوب شمالاً سودان و سنغایا و شرقاً ( ونقاره ) جنوباً ( قونغو ) اراضیسیله تحدید اولنور . ( امة الدهومیه ) ( قلابار ) ( ساحل العاج ) یعنی فیل دیشی ساحلی ( ساحل الذهب ) و امریقا جایه سنده اولان بیریا جمهوریت و آسانتی حکومتی و مشهور ( قواره ) نهری بو اراضیده در . ایکنجیسی کینه شمالینک جنوبنده بولنان کینه جنوبی که ساحلاً مذکور ( لوز ) برونندن ( نغزو ) برونی شرقاً قزائج و جنوباً ( موقیمانامه ) قبیله لری یا خود حوتاتو ممالکی ایله تحدید ایدیلور . ( انقوله ) و ( نانو ) قبیله لری و ( بنکلا ) دخی بوقسمده واقعدر . اشبو ایکنجی کینه یه قونغو دخی دیرلر . پورتگیز و اسپانیولر ( ۱۴۴۶ دن ۱۴۸۴ م ) تاریخنه قدر کینه سواحلی آز چوق کشف ایتشل ایدی .

بحر اوقیانوسده آوسترالیانک شمالنده و ایکی ییک کیلومتر و اتساعنده احوال


داخلیه سی مجهول براطیه دخی (کینه جدید) نامی و یرلشدر • (لیبریا)  
کله سنه مراجعت بیوریه •

§

﴿ کیوتن ﴾ — قتل نفوسه مخصوص برنوا ایجاد آلتک موجدیدر که  
( ۱۸۱۴ م و ۲۳۳۰ ه ) تارینخنده کندوسی دخی کندی قلیجیله کندی  
بونی اورمق قیلندن اوله رق یامش اولدیغی اشبو آلت قاتله ایله اعدام  
اولمشدر • مذکور آلت صاحبی نامنه نسبتله یاد ایدیلور •

§

﴿ کیومرث ﴾ — ( ۲۴۱۵ خ ) ده یعنی میلادک اوچبیک یوزیتش  
طقوز سنه مقدمنده اولاد عیلامدن وارفتششد بن سامک دردنجی بطن  
اولادلرندن پیشدادیان طبقه سنی تأسیس ایدن ذاتدر • لقبی کاشاه ایدی •  
بعض ایرانلرک اعتقادنجه آدم اول یاخود ولد آدمدر • اوتوز سنه  
سلطنتدن صکره حکومتی اوغلی هوشنکه ترک ایلدی و اسطخر و دماوند  
و بلخ شهرلرینی یایدردی • ابتدای حالنده عبادتله اشتغال ایتدیکی توارینخده  
مقیددر •



( ك ) حرفنده اولان ممالك دولت عليه

| اسم و اعتباری | در قضا   | در لوا        | در ولایت       |
|---------------|----------|---------------|----------------|
| کافی          | ناحیه    | جانبک         | طربزون         |
| کاخته         | قضا      | ملاطیه        | دیزبکر         |
| کارکار        | ناحیه    | وان           | وان            |
| کاظمیه        | قضا      | بغداد         | بغداد          |
| کافیرنی       | ناحیه    | سیواس         | سیواس          |
| کاو یالو      | ناحیه    | سیواس         | سیواس          |
| کبان          | قضا      | معموره العزیز | معموره العزیز  |
| کبسوط         | ناحیه    | قره سی        | قره سی         |
| کبیسه         | ناحیه    | بغداد         | بغداد          |
| کستکانلو      | ناحیه    | زور           | حلب            |
| کته           | ناحیه    | بروسه         | خداوندکار      |
| کچنوس         | ناحیه    | بولی          | قسطونی         |
| کچی بوری      | ناحیه    | اسبارته       | قونیه          |
| کدغره         | ناحیه    | اماسیه        | سیواس          |
| کدکچق         | ناحیه    | سیواس         | سیواس          |
| کدوس          | قضا      | ک. تاهیه      | خداوندکار      |
| کرانس         | ناحیه    | منتشا         | ایدین          |
| کربلا         | مرکز لوا | بغداد         | بغداد          |
| کرید          | قضا      | ردوس          | جزایر بحر سفید |
| کرین          | ناحیه    | کمشخان        | طربزون         |
| کرچانس        | ناحیه    | ارزنجان       | ارزنروم        |
| کرخ جیتی      | ناحیه    | بغداد         | بغداد          |
| کردی          | ناحیه    | موصل          | موصل           |
| کرده          | قضا      | بولی          | قسطونی         |
| کرزه          | ناحیه    | سینوب         | قسطونی         |
| کرکوک         | مرکز لوا | کرکوک         | موصل           |
| کرک           | ناحیه    | حوران         | سوریه          |
| کرکر          | ناحیه    | ملاطیه        | دیزبکر         |
| کرکری         | ناحیه    | موصل          | موصل           |
| کرمانسکی      | قضا      | بروسه         | خداوندکار      |
| کر می         | ناحیه    | تسکه          | قونیه          |
| کرمد          | ناحیه    | منتشا         | ایدین          |

| اسم و اعتباری | در قضا | در لوا     | در ولایت   |
|---------------|--------|------------|------------|
| کرون          | قضا    | سیواس      | سیواس      |
| کره سون       | قضا    | طرزون      | طرزون      |
| کره تحاس      | ناحیه  | قسطهونی    | قسطهونی    |
| کره جدید      | ناحیه  | قسطهونی    | قسطهونی    |
| کره بنه       | قضا    | یانیه      | یانیه      |
| کره کی        | ناحیه  | کوتاهیه    | خداوند کار |
| کرینه         | ناحیه  | ایچ ایل    | اطنه       |
| کسروان        | قضا    | جبل        | جبل لبنان  |
| کسروان        | ناحیه  | حدیده      | ین         |
| کسریه         | قضا    | کور شیه    | مناسیر     |
| کسندره        | قضا    | سلانیک     | سلانیک     |
| کسندره        | ناحیه  | سلانیک     | سلانیک     |
| کسکین         | قضا    | قبر شهری   | انقره      |
| کشاب          | ناحیه  | طرزون      | طرزون      |
| کشان          | قضا    | کلیولی     | ادرند      |
| کشان          | ناحیه  | سیواس      | سیواس      |
| کش دره        | ناحیه  | جانیک      | طرزون      |
| کشلو          | عشیرت  | ایچ ایل    | اطنه       |
| کصور          | ناحیه  | موش        | بتلیس      |
| کفر طان       | ناحیه  | حجا        | سوریه      |
| کفل           | ناحیه  | کر بلا     | بغداد      |
| ککبوزه        | قضا    | شهر امانتی | شهر امانتی |
| ککسون         | قضا    | مرعش       | حلب        |
| ککله          | ناحیه  | جبل غریبه  | طرابلس غرب |
| کل            | ناحیه  | کرکوک      | موصل       |
| کلایون        | ناحیه  | موصل       | موصل       |
| کلدی کلان     | ناحیه  | اماسیه     | سیواس      |
| کل عنبر       | قضا    | سفلیانیه   | موصل       |
| کلکیت         | قضا    | بایورد     | ارضروم     |
| کلبه          | ناحیه  | ناحیه      | ایدین      |
| کلرید         | ناحیه  | سلانیک     | سلانیک     |
| کلغاد         | ناحیه  | سیواس      | سیواس      |
| کلنار         | قضا    | ایچ ایل    | اطنه       |
| کلناغاج       | ناحیه  | زور        | حلب        |
| کلنکراس       | ناحیه  | اماسیه     | سیواس      |
| کلند موسی     | ناحیه  | موصل       | موصل       |



| اسم و اعتباری | در قضا   | در لوا  | در ولایت   |
|---------------|----------|---------|------------|
| کلیوولی       | مرکز لوا | کلیوولی | ادرند      |
| کلیس          | قضا      | حلب     | حلب        |
| کاخ           | قضا      | ارزجان  | ارزنوم     |
| کمر           | ناحیه    | بور دور | قونیه      |
| کمرانرید      | قضا      | قره سی  | قره سی     |
| کمرچاش        | ناحیه    | قره سی  | قره سی     |
| کمشخانه       | مرکز لوا | کمشخانه | طر بزون    |
| کملیک         | قضا      | پروسه   | خداوندکار  |
| کنج           | مرکز لوا | کنج     | بتلیس      |
| کچلو          | ناحیه    | ازمید   | شهر امانتی |
| کنغری         | مرکز لوا | کنغری   | قسطمونی    |
| کنوریو        | قضا      | قندیه   | کرید       |
| کنیز          | عشیرت    | تکه     | قونیه      |
| کوار          | مرکز لوا | کوار    | حکاری      |
| کواش          | قضا      | وان     | وان        |
| کوپری         | قضا      | اماسیه  | سیواس      |
| کوپرلی        | قضا      | سلانیک  | سلانیک     |
| کوتاهیه       | مرکز لوا | کوتاهیه | خداوندکار  |
| کودل          | ناحیه    | انقره   | انقره      |
| کور           | ناحیه    | کوار    | حکاری      |
| کورتش         | ناحیه    | قسطمونی | قسطمونی    |
| کوردوس        | قضا      | صاروخان | ایدین      |
| کوردک         | ناحیه    | صاروخان | ایدین      |
| کورله         | ناحیه    | پروسه   | خداوندکار  |
| کوره          | قضا      | جبل     | جبل لبنان  |
| کوره (مرکد)   | ناحیه    | صاروخان | ایدین      |
| کوره له       | قضا      | طر بزون | طر بزون    |
| کورینجه       | مرکز لوا | کورینجه | مناسقر     |
| کورجی         | ناحیه    | ایج ایل | اطنه       |
| کورجیلو       | عشیرت    | اطنه    | اطنه       |
| کوردیلان      | ناحیه    | سعدرد   | بتلیس      |
| کوردلان       | ناحیه    | بصره    | بغداد      |
| کورطلون       | ناحیه    | کمشخانه | طر بزون    |
| کوز (آمد)     | ناحیه    | کوتاهیه | خداوندکار  |
| کوزر          | ناحیه    | ملاطیه  | دیار بکر   |
| که ستره       | ناحیه    | قیصریه  | انقره      |

ایاش  
شمدیان

| اسم و اعتباری | در قضا | در لوا   | در ولایت  |
|---------------|--------|----------|-----------|
| کوشک          | ناحیه  | ایدین    | ایدین     |
| کوک اویک      | ناحیه  | ایدین    | ایدین     |
| کوکب          | ناحیه  | زور      | حلب       |
| کوکبان        | قضا    | صنعا     | یمین      |
| کوک تپه       | ناحیه  | کرکوک    | موصل      |
| کوکجه طاغ     | ناحیه  | بروسه    | خداوندکار |
| کوکجه صو      | ناحیه  | بولی     | قسطمونی   |
| کوکجه لو      | ناحیه  | اطنه     | اطنه      |
| کوکجه اغاج    | ناحیه  | قسطمونی  | قسطمونی   |
| کوک طاشلو     | ناحیه  | مرعش     | حلب       |
| کوکرجنلک      | ناحیه  | مرعش     | حلب       |
| کوکسون        | ناحیه  | مرعش     | حلب       |
| کول پازاری    | ناحیه  | بولی     | قسطمونی   |
| کول پازاری    | ناحیه  | بروسه    | خداوندکار |
| کول باشی      | ناحیه  | سلانیک   | سلانیک    |
| کول حصار      | ناحیه  | پوردور   | قونیه     |
| کول صاری      | ناحیه  | قسطمونی  | قسطمونی   |
| کول طاطای     | ناحیه  | قسطمونی  | قسطمونی   |
| کولک          | ناحیه  | اطنه     | اطنه      |
| کومش          | ناحیه  | کوناهییه | خداوندکار |
| کومش آباد     | ناحیه  | بولی     | قسطمونی   |
| کومش          | ناحیه  | اماسیه   | سیواس     |
| کونان         | ناحیه  | جوله مرک | حکاری     |
| کونان         | ناحیه  | قره سی   | قره سی    |
| کونای         | ناحیه  | ایدین    | ایدین     |
| کون یوزی      | ناحیه  | انقره    | انقره     |
| کونی          | ناحیه  | کنغری    | قسطمونی   |
| کونیه         | ناحیه  | لازستان  | طر بزون   |
| کونینک        | ناحیه  | ارضروم   | ارضروم    |
| کوه زید       | ناحیه  | کمشخانده | طر بزون   |
| کودیان        | ناحیه  | ماردین   | دیاربکر   |
| کوی سنجاق     | قضا    | کرکوک    | موصل      |
| کویجک         | قضا    | منتشا    | ایدین     |
| کویت          | ناحیه  | بصره     | بغداد     |
| کویینک        | ناحیه  | دیاربکر  | دیاربکر   |
| کویینک        | ناحیه  | بولی     | قسطمونی   |

| اسم و اعتباری | در قضا | در لوا   | در ولایت   |
|---------------|--------|----------|------------|
| کوبلی اوزی    | ناحیه  | قسطمونی  | قسطمونی    |
| کبف           | ناحیه  | لاز قیه  | سوریه      |
| کیریز         | ناحیه  | بغداد    | بغداد      |
| کیدروس        | ناحیه  | قسطمونی  | قسطمونی    |
| کیره کوز      | ناحیه  | سینوب    | قسطمونی    |
| کیرون         | ناحیه  | سیواس    | سیواس      |
| کیسامو        | قضا    | حایه     | کرید       |
| کیخی          | قضا    | ارضروم   | ارضروم     |
| کیلان         | ناحیه  | موصل     | موصل       |
| کیکار         | ناحیه  | قره حصار | خداوندکار  |
| کیکی          | ناحیه  | دیاربکر  | دیاربکر    |
| کیلان         | قضا    | برشته    | قوصوه      |
| کیل           | ناحیه  | انقره    | انقره      |
| کینولی        | ناحیه  | سینوب    | قسطمونی    |
| کیوه          | قضا    | ازمید    | شهر امانتی |







## حرف ل

﴿ لا اوجو ﴾ — چین فیلسوفلر نندئر • خوئچو دن براز اول  
یعنی ( ۴۹۸۹ خ ) تاریخنده و میلادك الی یوز بش سنه مقدمنده یشار  
واعتقادده باشلیجه تناسخی تعلیم ایدر ایدی وچینلیلر ك كتب مقدسه سندن  
معدود اولق اوزره بر کتابی اولوب اسمی ( تاو تکیخ ) ایدی که معناسی  
عقل اول دیمکدر • الیوم چینده یوز ملیون نفوس بونك مذهبنه تابعدرلر •

### §

﴿ لا برنت ﴾ — متقدمین نزدنده نامتناهی فروع ایله تحت الارض  
واقع اولان برطاقم مغاره لره و مصنوع مخزنلره اهرام دینلیدیکی حالده مؤخرأ  
بونلره تقلیدأ یا ییلان ابنیه یه دخی بو اسم اعطسا اولتمشیدی • زمان قدیمده  
بش اهرام موجود ایدی برنجیسی مریس نام بحیره ده واقع ( مندرس )  
اهرامیدر که انشاسی بونامده بر مصر پرئسنه جل واسناد اولنور • بو اهرام  
اخیرأ موسیو ( ژومارد ) ایله ( برتو ) طرفندن بولنهرق ( له ترون ) و ( له سیوس )  
نام ذاتلر معرفیه وصف و تعریف اولمشدر • ایکنجیسی اون ایکیلر  
اهرامیدر که ( ۴۹۲۹ خ ) تاریخنده یعنی الی یوز التمش بش سنه مقدمنده  
مصرده مشترکا اجرای حکومت ایدن اون ایکی ذوات طرفندن انشا  
ایدلشدر • اوچنجیسی کرید اهرامیدر که طاش معدنلرنده تحصن یاخود  
حکمدار خاندانسه مدفن اولق ایچون یا یلشیدی • دردنجیسی لمنی  
اهرامیدر که قابیرلره دین وآیین اجرا ایتك ایچون مخفی بر التجاکاه ایدی •

بشجیسی ایتالیا ده بولنان قله ز یوم اهرامیدر که انشاسی ( پروزه نه ) به جل  
واسناد اولنوب اتروسک سردابلرندن بری اولدیغی ظن ایدیلور . بیان اولننان  
اهرام یا خود لابرنتردن یالکز کرید لابرنتک بعض احوالنه وقوف حاصل  
اوله بیلشدر . بولابرنت قندیه جوارنده واقع طابغک التنده اولوب  
اشاغیسنده کی قیوسندن یعنی بردلیکدن کیریلور و براز کتد کدنصکره ایلور  
ویمین بساره طوغرو برقاچر یوز ارشون غیر منظم یوللر آیریلور و بویولر  
بعضاً یکدیگرینه دخی واصل اولور و کیرن آدم بر نشانه رجعت اولمدیجه  
کوج عودت ایده ییلور و درونی غایت مظلم اولدیغندن نهایتسز یراسه  
قوشلری بولنور ایمش . بونی قرن حاضرده اوروپا سیاحلرندن برنک بولوب  
درونی طولاشدیغی و شمعی آغزی قیابوب بری غیب اولدیغی بعض  
تواریخده کورلمشدر .

§

﴿ لاتور ﴾ — اهل حکمتدندر . ( ۱۷۷۷ م و ۱۱۹۱ هـ ) ده پارسده  
تولد و ( ۱۸۵۹ م و ۱۲۷۶ هـ ) ده وفات ایلدی . ناپولیون طرفسندن  
شورای دولت اعضا لغنه آلدیغی حالده توغل علوم ایچون استعفا  
ایلدیکندن ( ۱۸۵۱ م ) ده دار الفونه قبول اولندی . جراثقال و کیمیا  
وسائر ده برچوق اختراعی واردر . آرشمید ویده سنی طوپ طولبه سنی  
صوبی رفعه پیستونه محتاج اولمیان بخارلی ما کینه بی بو ایجاد ایلدی  
و بر صوتی حاصل ایدن هوانک اهترازی بی اولچمکه و قوشلرک کیفیت  
طیرانی کلامغه مخصوص اولق اوزره ما کینه لری ایلدی . بونلرک ایچنده  
صدای بشرینک حصوله دائر تحریاتی پک زیاده تقدیر اولمشدر .

§

﴿ لاتین ﴾ — قدیم لاسیوم اهاالیسیدر مؤخرأ بونام قرون وسطاده  
با خصوص اهل صلیب محار به سنده شرق امپراطور لغنه قارشو اولوقت  
روما غرب امپراطور لغی اقسامندن معدود اولان آروپا مالکی اهاالیسنه  
تعمیم اولندی .

( لاسیوم ) — قدیم ایتالیا ده بحرك جهت سفلا سنده بر قطعه یا خود  
ایالتدر . اشبو ناحیه اولاشمالده قدیم لاسیوم و یا خصوصی لاسیوم

ثانیاً جنوبیده یکی لاسیوم نام لرله ایکی قطعه یه منقسم اولوب یکی لاسیوم مقدما اصل لاسیومدن معدود دکل ایکن رومالیرک تصرفنه انتقالندن صکره بونا می الدی . قطعه مذکور هک رومالیر اطاعتنه دخولی بانی روما (رومولوس) زمانندن بدأ ایدر . (رومولوس) کله سنه دخی مراجعت ییوریه .

§

﴿ لاجین ﴾ — مصر حکمداری ملک المنصور حسام الدینک لقبدر مومی الیه اصلنده المانی براسیر اولوب سلطان قلاوون طرفندن اسلامه کتورلمشدر . شام والیمی تعیین اولندقدن عصیان و سلطان عنوانی اعلان ایلدیسده قلاوونک خلئی اولان خلیل الاشرف طو تیروب (۱۲۹۰ م و ۶۸۹ هـ) ده قتل محکوم علیه ایتشیدی اثنای صلبده ایی قیرلدیغندن مشار الیه طرفندن عفو ایلدی لکن لاجین ( عاقبت کرک زاده کرک شود ) مضمونه ماصدق اولمقدن فراغت ایتوب همان او کیجه باعث حیاتی اولان خلیل الاشرفی قتل ایدوب روبراه فرار ونهایت اریکه نشین حکومت اولان سلطان محمد ناصرک صغرسنندن بالاستفاده آشکار اولدی و در عقب صبی مشار الیهک وصیمی اولان (کت بوغابی) طرد ایلده (۱۲۹۶ م) ده یرینه کچدیسده او چ سنه دن عبارت اولان مدت اداره سنده طادینی قاجر دیغندن امرای دولت عزل و قتل ایلدیر .

§

﴿ لازند ﴾ — لارنده قصبه سنک اسم صحیحیدر .

§

﴿ لاریسا ﴾ — الیوم یکیشهردر تسالیاده سالامری نهری اوزرنده واقع اولوب پلازیزلر طرفندن تأسیس اولمشدر . قدیم الایامده آشیل قرالغنک مقدارده سی ایدی و (۵۴۰۲ خ) تاریخننده یعنی میلادک یوز طقسان ایکی سنه مقدمنده انتی یوخوسک قبضه تسخیرینه دوشمشیدی . الان لاریسا معمور بر شهر اولوب یکر می سکزیک نفوسی جامعدر .

§

﴿ لازار ﴾ — حضرت مریمک قرنداشیدر قدس شریف قربنده ساکن ایدی تبدیل مذهبدن یعنی دین عیسایی قبولدن براز صکره



وفات ایلدیکی حالده درت کون صکره معجزه اوله رق حضرت عیسی علیه السلام طرفندن احیا ایلشدیر . اورتودقسلرجه هر سنه پاسقا لیه دن اون اوچ کون اول یورطیسی طوتیلور .

§

﴿لازقیه﴾ یاخود (لاأودیسا) — طرابلس شام سنجاغی داخلنده برشهردر طرابلسک شمالندن یوز اوتوز اوچ کیلو متر وده یدی بیک نفوسی و مساجدن بشقه اون بر جامع اوچ مکتب یدی کلیسا الی جامی حاوی ولطیف بر موقع اوزرینه مبنی اولوب وقیله سوریه نك الكوزل لیانی ایدی جوارنده غایت نفیس توتون و پیوق حصوله کلور واعلا صابون یاییلور بوراسنی سلفکیانندن (سلو کوس نیقاتور) والده سی لأودیس نامنه اوله رق تأسیس ایلش ایدی . رومالیر زمانده فوق النهایه معمور بولنور ایدیسده قرون وسطاده تاتارلر طرفندن تخریب اولندیغی کبی (۱۷۹۶ م و ۱۸۲۲ م و ۱۲۳۸ هـ) تاریخنده وقوعبولان حرکت ارضدن دخی خلیجه یرلری خراب اولدی . لازقیه چاموری اوزلی وقوتلی معناسنده در .

لازقیه یاخود (لادقیه) — آیدینده دکزلی قضا سنک دخی نام دیگر یدر اشبو قضا داخلنده سرای کوی نامیله معروف قریه ده دخی بعضا ازینۀ لازقیه دیندیکی کبی ایدین ولایتنده بولادان قصبه سنده چهار شنبۀ لادقیه تعبیر ایدرلر .

§

﴿لازیت﴾ — (بتولومه) کله سنه نظر بیور یله .

§

﴿لاغراث﴾ — ریاضیوندندر (۱۷۳۹ م و ۱۱۵۲ هـ) ده تورینده تولدو (۱۸۱۳ م و ۱۲۲۹ هـ) تاریخنده پارسده وفات ایلدی کمال ذکاسته دلیل اولق اوزره اون سکزیاشنده ایکن (اولر) نام اهل هنره اون سنه حلنه چالشدیغی بر مسئله نك جوابنی کوندرمش و اون طقوز یاشنده تورین طویچی مکتبنه ریاضیات معلی اولشدیر . پارسه ورودنده فنون

آفادمیسی طرفندن بش دفعه ریاضیات مکافات قزاندى و (۱۷۶۶ م) ده فنون آفادیسنده ریاست ایتک ایچون بیوک فردریق طرفندن برلینه دعوت اولمسی اوزرینه اجابت ایدرک کیدوب یکریمی سنه اوراده قالدی و فردریق وفاتی اوزرینه پروسیایی ترک ایله فرانسه یه کلوب اون التجی لوتی طرفندن مهم مأمور یتلده استخدام اولندی و ناپولئون زماننده دخی برچوق مناصب و رتب عالییه نائل و سناتویه داخل اوله رق هر زمان مشارالیه دن تعظیفات فائقه کوردی . لاغرائز مسائل ریاضیه حلنده کمال اقتدارى جهتیه شهرتنی اوج اعلایه ایصال و هندسه جه الک مهم قواعدی کشف و اکمال ایشدر و تألیفاتى پکچوق اولوب جله سی بحق مظهر قبولدر .

§

﴿لاقیدی﴾ — هندستان غربینک جانب غربیسنده یعنی عمان دکننده یکدیگرینه متجاور برچوق اطهر هیئت مجموعه سنه و یریلان نامدر اشبو اطهرک اون طقوزی مسکون قصوری غیر مسکون اولوب اهالیسی کاملاً هندی و عربلردن مرکب اولمق و برحاکک زیر اداره سنده بولمق اوزره اسلام و اهل سنتدرلر . اداره لرنده مستقل ایسه لرده دفع تسلط ایچون انکلیزله بر مقدار اچقه و یرلر جزایر مذکوره بعضاً مالابار اطهرلى نامیه دخی یاد اولنور فقط بوندن مراد مالاباره منسوب دیمکدر زیرا مالابار بشقه در .

§

﴿لاقونیا﴾ — پلویونیزده قدیم یونانستانک برقطعه سیدر دکر و آرقادی و مسینی بیننده بولنور و قتیله کرسیسی (اسپارت) شهرى اولمق اوزره درت اداره یه تقسیم اولنور ایدی یکی یونان حکومتنده لاقونیا نامی اولا یونانستانک منقسم اولدیغى اون اداره نك برینه اعطا ایدیلورکن (۱۸۳۶ م و ۱۲۵۲ ه) ده انلرک برینه قائم اولان یکریمی درت اداره نك برینه بونام و یرلدى (۱۸۴۵ م) ده دخی لاقونیا نامی مرکزی (اسپارت) و طقسان بیک نفوسی حاوی اولان (نومارش) ایالتنه اعطا اولندی که الیوم لاقونیا بوندن عبارتدر .

§

﴿لایاند﴾ — ار باب نجوم‌دندر (۱۷۳۲ م و ۱۱۴۵ هـ) ده

بریس ده کائن بورغ شهرندن تولد و (۱۸۰۷ م و ۱۲۲۲ هـ) تاریخنده وفات ایلدی . ۱۷۵۱ دد قرق کره ارضه اولان بعد و مسافه سنه دائر تحقیقات اجرا سیچون برلینه عزیمته مأمور اولوب (۱۷۵۱ م) فنون آفادیسنه قبول اولندی ایکی سنه صکره فرانسه مکتبنده نجوم معلمی اولدیغی جهته بو خدمتی قرق الی سنه کال دقتله ایفا ایلدی صکره لری هر نصله برنوع جنونه مبتلا اولوب اثر مجذوبیتی اولق اورزه اورومچک و طرطر کبی شیر دیهرک و بن نیچون زهره نك حسابنی یا کاش یایدم و یکدیکنی کورهمدم دیهرک عمر کچوردی زیرا بردفعه زهره یل دیزینک مرورینی تعیینده قرق دقیقه سهو ایتش ایلدی .

برچوق اثرلرندن ماعدا قویرقلی یل دیزلر و زهره نك معبری حقهنده شایان دقت برکتابی وارد و الماناق نامیله چیقاردیغی تقویمی اون الی سنه نشر ایتشدر .

§

﴿لامبر﴾ — مشهور علمادندر (۱۷۲۹ م و ۱۱۴۲ هـ) ده

مولهوزده طوغوب (۱۷۷۷ م و ۱۱۹۱ هـ) ده وفات ایلدی فقیر بر ترزینک اوغلی ایدی مجاناً بر مکتبه دوام ایلدکن صکره خواجه سز اوله رق قدیم و جدید السنه دن ماعدا جراثقال و فلکیات و فلسفه وادیات کبی برچوق فنون و معارفی تحصیل ایلدی بنابرین (۱۷۴۸ م) دن (۱۷۵۸ م) تاریخنه قدر مونیخ آفادیسنده معلم اولوب مؤخرأ بیوک فردریق طرفدن برلینه دعوت و اورا آفادیسنه اعضا تعیین اولندی .

طبقات الارض قواعدینی و قویروقلی یل دیزلرک نظریاتی تدقیق و (ایغرومترو) یعنی میزان رطوبت و (پیرومترو) یعنی میزان نار و (فوتومترو) یعنی میزان ضیایی ایجاد ایش و بونلر دن ماعدا ده علم حکمت و ریاضیاتجه برچوق مواد مهمه کشفنه موفق اولشدر .

§

﴿لامعی﴾ — بروسه مشایخ کرماندن اولوب اسمی محمود بن

عثماندر (۱۵۳۳ م و ۹۴۰ هـ) تاریخنه بروسه ده وفات ایلدی

نثر و نظمده کالی تصدیق کرده عرفا و (حسن دل) و اکا ممائل تألیفاتی  
پسندیده ادبا و ظرفادر .

§

﴿لاوز﴾ — سام بن نوحك اوچنجی اوغلیدر تفرق صره سنده  
موجود معیتله سوریه قطعه سنده کلوب یرلشدی و عمالقه نام اوغلی قفادار-  
لریله آیری باش چکوب یمن طرفنده اوتوردی ایسه دهه مؤخرأ اورادن  
طرد اولند قلدن انلر دخی نیجه زمان بر چوق صدماته اوغرایه رق مصره  
واندن سوریه به کلدیلر .

§

﴿لاهور﴾ — هندستانده (رای) نهری اوزرنده لاهور ایاتنك  
مقری بر شهر اولوب قالكوتة نك شمال غر بیسندن ایکی بك بش یوز کیلو  
متروده طقسان بش بك نفوسی جامعدر . اشبو شهر مقدمری غایت معمور  
اولدیغی حالده ایوم آثار خرابیسی زیاده جه کورینور مع مافیه اسلحه  
حریریه واقشه قطنیه وسائر کارخانه لری وارددر . جهانگیر خان ایله نور جهان  
نام زوجه سنك تربه لری شهرك اطرافنده کور نمکده در .  
اسکندر رومی زماننده تأسیس اولنش اولان قدیم ساغالا شهری بوراسی  
اولدیغی ظن ایذیلیور . خیلی زمان مغول امپراطور لغنك مقری ایدی  
بر چوق تبدلاتدن صکره (۱۷۸۸ م و ۱۲۰۳ ه) تاریخنده رؤسای قبائلك  
و (۱۸۴۷ م و ۱۲۶۴ ه) ده انکیرلرک یدینه دوشمشدر .

﴿لاهور ایالتی﴾ — هندستانده بر قطعه جسیه در شمالاً کشمیر  
شرقاً تبت غرباً کابل جنوباً مولتان ولایاتی ایله تحدید اولنور و یوز الی  
التی بك کیلومتر و ربع اتساعنده اولوب اون ملیون اهالیسی وارددر  
امردسیر و لاهور باشلی شهرلری و (سند) الك یسوك شهریدر هواسی  
حارویابس و اراضیسی و باخصوص پنجاب جهتی محصولدار اولوب  
بغدای توتون پموق شکر وسائر یتشدیرلکده در .

لاهور مقدا (فیروز) نام حکمدارك ممالکندن معدودایدی متعاقباً مستقل  
و مؤخرأ افغان و مغول حکمدارلری حوزه اداره سنده مستقل اولوب اون  
سکننجی عصرده شیخرك تحت تصرفنده اولق اوزره بر چوق امارتله



تقسیم اولندیغی حالده امرای مرقومه دن بری اولان (رنجیت سنک) بالاخره فرانسز جسنرالی (آلار) ک معاونیتله بورایی یدتو حیدینسه آلوب قوتلی بر حکمدارلق تشکیل ایلدی و (۱۸۴۰ م ۱۲۵۶ هـ) ده مومی الیهک وفاتندن صکره وزیر (کلاب سنک) ک اداره سنه دوشدی ایسه ده اختلالدن کوز آچه مدیغه بناء انکلیرلرله بر مقاوله یامغه و موجنجه لاهوری انکلیرلر و یروب و مقابلنده کشمیر حکمدار لغی آلوب چکمه که مجبور اولدی . اسکی لاهور حکومتنه (پنجاب) حکومتی دخی دیرلر ایدی .

§

﴿ لبنان ﴾ — لسان عبرانیده بیاض دیمکرد سوریه ده بر سلسله جبالدر حلب ولایتک جنوب غربی سندن وانطاکیه جوارنده عاصی نهرینک صول جناحی قربندن بدأ ایله دمشق و طرابلس شام اراضیسنی یکدیگردن تقریب و عکناک شمالندن مرور ایدرک صیدایه قریب محله ختام بولور امتداد طولیسی درت یوز الی کیلومترودر . لبنان طغانی ایکی شعبه یه منقسمدر برنجی شعبه غربیه درکه اصل لبنان ایکنجی شعبه شرقیه درکه بوکا جبل شاهق دخی دیرلر . لبنان ک مرتفع تپه لری درت ییک سکز یوز مترویه قدر واصل اولور بوایکی شعبه جبال بیننده کائن وادیلره و قتیله سلیسیری ویا چقور سوریه دیرلر ایدی بوراسی اولوقت چام اغاجیله مشهور اولدیغی حالده شمدی بوندن خالی اولوب یالکز انجیر دفته میشه سروی اغاجلری بولنور . لبنان بربرلینه قتماداً محارب بولنان مارونیلر درزیلر متوالیلر و سائر ایلر مسکوندن خیلی زمان شهاب الدین فامیلیاسی طرفندن اداره اولندی که بونلرک صو کنجیسی امر بشیر ایدی .

لبنانده موجود اقوام

|            | عدد    |
|------------|--------|
| مارونی     | ۲۶۰۰۰۰ |
| درزی       | ۵۸۰۰۰  |
| ملکی و روم | ۴۷۰۰۰  |
| متوالی     | ۱۶۰۰۰  |
| سنی اسلام  | ۰۶۵۰۰  |
| یهودی      | ۰۱۰۰۰  |
|            | ۳۸۸۵۰۰ |

﴿ لیبید ﴾ — مشاهیر شعرای عربند در قبل البعنه  
عرب شاعر لری حصر ذهن ادعا ایله نظم وانشاد ایتدکاری اشعاری بیت  
مکه قیوسنه آصارلر و جلّه ارباب بلاغت و فصاحت برر برر پیش نظر  
تدقیق و تصدیقه الدقدن صکره معلق قالمسنى تجویز ایدرلر ایدی اشته  
اوجله دن اولق اوزره موئی الیه دخی ( الا کل شیء ما خلا الله باطل .  
وکل نعیم لاحاله زائل ) قصیده سنی تعلیق و کافه ادبا و شعرا درجه بلاغتی  
فوق العاده تقدیر و تصدیق ایلدکاری صرده افصح انام علیه الصلوة  
والسلام افندمز طرفندن دخی مشاهده و تحسین بیورلش و متعاقباً شرفنازل  
اولان ( اقرأ ) سورة جلیله سی فرمان جناب پیغمبری ایله قصیده مزبوره  
مقابلنه تعلیق اولندقدنه لیبید معرفت بدید کورمسلیله برابر بو کلام مخلوق  
دکلدر دیه رک همان رخسای خاکپای نبوی اولوب عرض ایمان اینلشدر  
وفاتی ( ۶۶۱ م و ۴۱ هـ ) .

§

﴿ لیبینس ﴾ — ( دی فرانسیل ) تقسیمه دائماً و کتدجکه کوچیلان  
بر حساب هندسینک موجد و مخترعیدر بو حسابی ( ۱۶۸۵ م و ۱۰۹۷ هـ )  
تاریخنده اختراع ایتش واسقوچیلی ( قراغ ) انکلتزیه کتورمش ایلی .  
مومی الیه خرستیان مذهبک مستند اولدیغی دلائل قوتک هر بار تناقض ایتکده  
اولسنه نظراً ( ۳۱۵۰ ) تاریخنده صفره منحصراً قالدیجی حساب ایدرک  
بر کتاب یازمشدر .

§

﴿ لختیعه ﴾ — ین حکمدارلرندن ژوشنازک مخلصیدر .  
( ۶۰۲۲ خ ) ده یعنی میلادک درتیوز یکرمی سکزنجی سنه سنده جلوس  
ایلدی . مقالودن خبر الدیغی کنج چوجق لری دائماً سراینه کتوردوب  
فعلی بعدالاجرا صالیورمک عادی اولدیغندن اهالی منفعل ایدی . برکون  
ینه خلوتخانه سنه آلدیغی بر کنج یاننده کیرلیدی قا ایله مرکومی تلف ایتکله  
اهالی طویلانوب اشبو چوجی حکمدار نصب ایلدیلر .  
بو چوجق صاچلری ایکی بلوک و اوموزلری اوزرینه یایق اولدیغی جهته  
( یوسف ذونواس ) لقبیه مشهور درکه تفاسیرده صاحب اخدود دیو

ذکر اولنور . نختیعه نك مقالو چو جقلرینی بویله بجرمسی مفعولك حكومتی بین الاهالی ممنوع اولدیغندن کسه یرینه حکمدار اوله مابق ایچون ایمش .

§

﴿ ل ر ﴾ عجمستانده شیرازك جنوب شرقیسندن ایکی یوز طقسان کیلومترو مسافده اون ایکی یك نفوسی حاوی بر شهر اولوب لرستان ایالتك مرکز اداره سیدر . ایك قاشلری وسلاحلری و اعمالات سائره سی واردر . وقیله يك معمور اولوب بحریندن هرمن اطه سنه قدر ممتد بر حکمدارلغك مقری ایدی . بر ارهلق شاه عباس طرفندن ضبط اولمشدر . ﴿ لرستان ﴾ ایالتی — فارسستانك جنوب شرقیسنده واقع و شمالاً و غرباً بصره کورفرزی ایله محدود اولوب طولاً درت یوز الی عرضاً یوز التمش کیلومتر وسعتی واردر وهواسی غایت صیحاو وصوی نادر و سواحلی عربلر ایله مسکوندر .

بورانك نام قدیمی (آلاماید) اولوب اهاالیسی وقیله سام بن نوحك بیولك اوغلی (آلام) ه منسوبیت دعواسنده بولنور لر ایدی .

هجرت نبویه نك بشنجی عصرنده خورشید شجاع الدین نامنده بر ذات اتابك نامیله بر حكومت تشکیل ایدوب اخلاقی یوز قرق التی سنه پایدار اولمشدر .

§

﴿ لسان ﴾ — کندو قطعاً ثابته سیله جدار سفلی فك قسم اعظمی تشکیل و قطعاً متحرک سیله جوف فده تموج ایدن لطم پاره مبارکک اسمیدر .

لسانك وظیفه سی يك چوق اولوب جله دن بلع و تقطیع اصواتده کی خدمت و سرعتی حیرت افزای عقول و قدرت صمدانیه بی اثباته بر برهان معقولدر . عضو مذکورك فك اسفلی حوالیسنده و هر جانبنده ( لعاب ) اسمیله متعارف برمایعی افزاز ایتکه مخصوص اوچ عدد ( غده ) سی بولنور .

علمای فن طبیدن ( ورنیه ) و ( غیوت ) و ( ادیرولت ) نام ککسنه لرک تجربه لرندن استنتاج اولندیغنه کوره حس ذوق قسم خلئی لسانده یعنی ثقبه عورانك خلفنده و بتون محیطنك ذروه سنده مستقر و وجه ظهرینك وسطی ایله وجه سفلیسی یالکز حس عمومی ایله مزیندر .

✽ لسان ✽ — اقوامك كندولرينه مخصوص اولان لغت وسوزلرينده  
اطلاق اولنور .

ار باب تحقيق اليوم مستعمل اولان السنه نك طائنه بيلان اصول وشعباتنى  
شوجھله بيان ايتديلر .

هندستانك قديم ومتروك ( پالى ) و ( پراقریت ) و ( اسكى سانسقري ) و ( يكي  
سانسقري ) لسانلرندن مأخوذ ومتشعب واليوم مستعمل اولان لسانلرى شونلردر .

---

|   |                |
|---|----------------|
| ۱ | اردو لسانى     |
| ۲ | يرلى هند لسانى |
| ۳ | ماهرات لسانى   |
| ۴ | بنكاله لسانى   |

روايت كوره ذكر اولنسان اردو لساننى جنكيز خان هندستانى محاصره  
ايتديكى زمان اردوسى خلقنى هندولرله اختلاطدن وجاسوسلر يله مكالمه دن  
منع ايچون اسكى ايران و ترك لسانلرندن مركب اوله رق يكيدين ايجاد وتعليم  
ايتمش وارديو ايچنده بوندن بشقه لسانله تكلم ايتاملرينى وايدنلرك قتل  
جزاسيله مجازات اولنه جققرينى قطعياً امر و اعلان ايلشيدى . صكره  
بولسان هندستانده برنجى لسان اولدى .

ايرانك قديم ومتروك ( زند ) و ( كونيفورم ) و ( پهلوى ) و ( قديم فرس ) لسانلرندن  
مأخوذ ومتشعب واليوم مستعمل اولان لسانلرى شونلردر .

---

|   |                |
|---|----------------|
| ۱ | جديد فرس لسانى |
| ۲ | افغان لسانى    |
| ۳ | كورد لسانى     |
| ۴ | ارمن لسانى     |

رك لسانى ديديكمزك مباديسى ( اويغور ) ( جغتائى ) ( قالمق ) ( قيرغيز )  
( نوغاي ) ( قالموق ) ( تركان ) ( جواج ) ( جنوبى سيبيريا ) طائفه لر ينك  
لسانلريدركه اليوم كاشغرايله كامول ييننده و مستقل تركستان و خوارزم



وبخارا وماوراء النهرده استعمال اولمقده در و (قونغوز) و (مانجور)  
و (فينوا) و (مغول) لسانلری دخی بشقه جه اولوب بونلردن زيړده محرر  
لسانلر تولد وتشعب ايتلشدر .

---

|   |                 |
|---|-----------------|
| ۱ | ژوت             |
| ۲ | اسطودنی         |
| ۳ | لیوونی          |
| ۴ | لاپونی          |
| ۵ | جرمرنیس بلغارجه |
| ۶ | پرمیهن          |
| ۷ | مجارلرک اوغریه  |
| ۸ | وغول            |
| ۹ | اسیناق          |

اسکی لاتین لسانیه فروعاتندن اولان قدیم ومتروک (اوسق) و (اومبریه) ن  
لسانلردن مأخوذ ومتشعب والیوم مستعمل اولان لسانلر شونلردر .

---

|   |            |
|---|------------|
| ۱ | ایتالیان   |
| ۲ | پرو وانشال |
| ۳ | فرانسزجه   |
| ۴ | اسپانیول   |
| ۵ | پورتکیز    |
| ۶ | اولاح      |

اسکی الینوز لسانیه فروعاتندن اولان قدیم ومتروک (یونان) و (دوریه) ن  
و (ایوتی) ن (و آتیکی) لسانلردن مأخوذ ومتشعب اولان لسانلر شمدیکی  
یونان روم لسانلدر .

اسکی ویکی المان لسانلری که (انکلز) و (فریزون) و (فلامان) لسانلری  
دخی شاملدر . جله سی قدیم (توتونیک) لسانلردن تفرع ایلدی . فلنک

لسانی دخی ( غوتیک ) و ( قدیم ساقسون ) و ( انکلیر ساقسونی ) لسانلری  
 حاوی و ( دایمارقه ) و ( اسوج ) و ( ایزلاند ) لسانلری قدیم ( اسقاندیناوا )  
 لسانی محتویدر .

اسلاو لساننک منقسم اولدیغی ( لیت ) و ( له ) شعبه لرندن ز پرده محرر  
 السنه تولد ایلدی .

| لیت شعبه سی  | له شعبه سی |
|--------------|------------|
| ۱ لیتوانیه ن | ۱ لوزایه ن |
| ۲ قولاند     | ۲ بوهمیا   |
| ۳ لیتی       | ۳ روس      |
| ۴ لیوونی     | ۴ صرب      |
|              | ۵ خروات    |

اسکی سامیرک لسانلری ( اولاً ) آرام و کردستان نسطوریلرینک ( ثانیاً )  
 کلدانی و نینوه و بابلونیا اهالی قدیمه سنک لسانلری دیمکدر . و عربلرک  
 لسانی ( حبش ) ( غزی ) ( بربر ) ( قبط ) لسانلرینه و عبرانیلرک لسانلری  
 ( تورانی ) یعنی یهودیه و ( سامری ) یعنی اسرائیلیه و ( فارتاجنه ) و ( فنیکه )  
 لسانلرینه منقسم و ( تامول ) و ( غانزه لبق ) و ( لوهیدیه ن ) و ( طایه ن )  
 لسانلری سامویه ن لسانندن متشعب و ( سیام ) لا اوس لسانلری دخی بورایه  
 داخلدر . ( مالیزیا ) و ( ژاپون ) و ( قوره ) و ( قفقاسیه ) لسانلری  
 هیچ برصنف لسانه داخل اولمادیغی کبی ( چین ) و ( افریقای قدیم )  
 و ( امریقای قدیم ) لسانلرینک دخی قنغی لسانلردن تشعب ایلدیکی هنوز  
 اکلاشله مامشدر .

§

﴿ لسیوس ﴾ — مدالو جزیره سنک نام عتیقیدر .

§

﴿ لطائف الاشارات ﴾ — ابن قاضی سمانونه لقبيله معروف  
 اولدیغی حالده ( ۱۴۱۵ م و ۸۱۸ و ) تاریخنده مصلوباً وفات ایدن شیخ  
 بدرالدین محمودک فروعه دائر بر اثر مفید و معتبریدر .

( لطائف الکلام فی احکام العوام ) فارسی — محمد بن حسین سید منجمک  
مدلولات بروج وکواکبی متضمن اثریدر .  
( لطائف الافکار وکشف الاسرار ) — احکام سیاسیات تاریخ ادبیات  
اخلاق و عجایب مخلوقاتدن باحث برکتابد .

§

﴿ لطیف ﴾ — علوم ریاضیه و فنون غریبه یه مالک برذاتدر سلطان  
بازید حضرتلرینه فوق الغایه تقریری رقیلرنجه بادئ حقد و حسد اولدیغندن  
خطیب زاده و طرفدار لرینک حضور شاهانه ده الحادینه ایتدکاری شهادت  
اوزرینه ( ۱۴۹۴ م و ۹۰۰ هـ ) تاریخنده آت میداننده اعدام اولندی .  
شرح مطالعه و سید شریفک مفتاح نام کتابنه حاشیه سی و اقسام علومی  
محتوی بر رساله سیله خیلی تعلیقاتی وارددر . تربه سی ایوبده یل و دود اسکله سی  
جوارنده در . اصلی توقادلی و شهرتی صاری لطیف ایدی .

§

﴿ لطیف پاشا ﴾ — سلطان سلیمان زماننده اوچ سنه صدارت  
و کسب شرف مصاهرت ایدوب ( ۱۵۴۰ م و ۹۴۷ هـ ) تاریخنده بر فاحشه  
عورت حقنده کوستردیکی جزای فاحش سیبیه عزل و نفی اولمشدر .  
دعوای فضل و عرفانه مجبور و خود رأی و خود پسندلکله مشهور بر ذات  
ایدی در سعادتده لطیف پاشاده یالکز بر چشمه سی وارددر . اوراده بولنان جامع  
شریف ( ۱۵۳۴ م و ۹۴۱ هـ ) ده وفات ایدن دفتر دار احمد چلبی نکدر .

§

﴿ علی فنایی ﴾ — مشایخ خلوتیه اولولرندندر و اسمی احمد  
و ذاتی قسطنطونلی اولوب تقریباً ( ۱۶۸۸ م و ۱۱۰۰ هـ ) تاریخنده وفات  
الیشدر .

اولا مملکتنده طریق شعبانیه رونق افزای انتساب و شعبان ولی در کاهنده  
اون بش سنه فراشلقله کامیاب اولدقدن و ادرنده و در سعادتده سنبلی  
در کاهنده دخی خیلی زمان چله چیقاردقدن صکره کاشنی در کاهی پوست  
نشینی اولدی . دائماً فوق الغایه ریاضت و مجاهده اوزره بولنور و بعض  
کره صمداسی بیله ایشیدیلور ایشیدیلنر راده یه کلور ایدی . حضرت

سزایی کبی کال ستایش و توقیر سزا نیجه خلفا یشدیر مشدر • علم خواصده  
دخی ید طولاسی نقل اولنور •

§

﴿ لقلق ﴾ — لیلک دیدیکمز معروف قوشدر غاغه لری اوزون  
سیوری و مخروطی شکل و بویلری و یاقلری کذلک غایت اوزون اولوب  
هر آاغنده دردر پرمنی واردر • ویراوزرنده مشی و حرکتلی غایت بطائت  
واندازه ایله در و غاغلرینک طاقردیسندن بشقه برصداری یوقدر دائماً  
نهر بویلرنده و بالقان و بطاقلقرده یشارلر و یوالرینی یوکسک اغاجلرده و بنارک  
اک مرتفع نقطه لرنده پیارلر • لیلکله هر نقدر وسط جسمامته برقنده  
مالکسه لده برحرکتلرنده نهایتسز مسافات قطع ایده ییلورلر و هر موسم صیف  
نهایتده افریقاه چکلک ایچون اقطار شماله یی ترک و اکثریا نیلک کنارلری  
اوزرنده توطن ایلرولولطیف الطبع اولدقلر ایچون انسانلره ک قولای آیشورلر  
بو حیوانلرک یاورولرینه کوستردکلری شدتلی محبت شایان دقتدر • لیلکله  
حیوانات مضره و سائر حشرات ایله مقاتله وانلری اکل ایتدکلر ایچون و قتیله  
تعبدیه یقین بر احترامه مظهر اولشلر ایدی حتی قدما لیلکی اولاد محبتنک  
شکل مرموزی عدایتشلر و برچوق یرلرده صید و تلفنی تحت ممنوعیه آلمشدر •  
غاغلرلی و یاقلری قرمز یی نوع بیاض لیلکله دخی اولوب بونلرک برمترو  
۲۰ سانتیم یوکسکلری کورلدی و سیاه لیلکله اوبرلرینه نسبتله وحشی ایدوی  
اثبات اولندی •

لیلکک حس و فراستی خصوصنده وارد اقوال جله سندن اولق و رئیس  
حکما ابن سینادن منقول بولنق اوزره قزوینی نام ذاتک کتاب الاشکال آدلی  
اثرنده محرردرکه لیلک ایکی یووه اتخاذایدوب هر برنده ییلک بعضیسنی  
امرار و حدوث طاعون و وباده هوانک تغیرینی حس ایتدیک کبی برینی  
براغوب دیکرینه النجس ایدر و کاه اولورکه بو ائشاده ییورطه لرینی دخی  
براغورکیدر • لیلکک قسغانجلغنه دائر بعض حکایات دخی سرد ایدرلر از جله  
حریفک بری بر لیلک یواسنه خفیاً برقاز ییورطه سی قویوب یاوریلر چیقدیغی  
آنده ایچلرندن برینک قاز یاوریری اولدیغی ارکک لیلک کورمکله  
درحال جوارده کی همچنسلرینی طویلایه رق لسان حال ایله کیفیت اکلادیر



بونك اوزرينه بر مدت لقلقه مذاكراتدن صكره بسبلى هيئت ديشينك براجنى  
ايه اجتماع ايدرك بويه برياورى حاصل ايتديكنه حكم ايلدكارندن يچپاره  
قوشى باشنه قاقه قاقه تلف ايدرلر . وسبب اولان حريف دخى بحكمة الله  
تعالى بر قضايه اوغرايوب بلاسنى بولور .

§

﴿ لقمان ﴾ — قدماى حكمدان و صلحاى قومدن برمبارك ذاتر  
جناب حق قرآن كريمده (ولقد آتينا لقمن الحكمة) بيوردى بعضيلرى نبوته  
دخى قائل اولورلر قنغى عصرده اولديغى قوياً معلوم دكل ايسه ده بعض  
مفسرين كرام (داود) عليه السلام عصرنده وبعضيلرى (ايوب) عليه  
السلام قز قزنداشى ياخود تيره سى اوغلى ايدوكنى و بر عبد حبشى اولوب  
عتقندن صكره درزيلكله تعيش وهر كسه وعظ و نصيحت و مقيلك ايلديكى  
ويك چوق مهمر اولديغى بيان ايتشلردر . قبرى على روايته طرسوسده در .  
حضرت لقمان اكر ثريا نصايحى كندو اوغلنه خطاباً سويلر ايدى بردفعه  
دخى (او غلم حنظلى ييدم و صبرى طاندم فقر اضطرار ايدن زياده آجى بر سننه كوردم  
مقتضاي قدر اكر فقير اولور ايسك صاقين حالكى ناسه سويلمه تاكه سنى تقيص  
و تحقير ايتدله سن مقصودينى يانكز الله تعالادن طلب ايله قنغى كيسه دركه  
الله تعالادن سؤال ايتمش ده نائل مقصود اولماش) ديدى . بوكى دها پك  
چوق نصيحتلى كتابلرده مسطور اولديغندن صرف نظر اولندى .

§

﴿ ايكام ﴾ — جبل دروزك عربان بيننده شهرت بولان اسم عتيقيدر .

§

﴿ لمظات ﴾ — اولياء الله كرام حضراتنى ذاكر بر رساله در .  
(حلوى) كلمه سنه نظر بيوريه .

§

﴿ لوبون ﴾ — غاز اشعالك موجديدر ( ۱۷۸۵ م و ۱۲۰۰ هـ ) ده  
احتراق اخشايدن حاصل غازلى تنوير بيوت و سائر ده قوللانمق فكرى  
برنجى دفعه اوله رق ذهننه سنوح ايلديكندن ۱۷۹۹ ده بوكشفنى  
دارالقوننه بيان ايدرك برسنه صكره تنوير و تسخيندن هرايكيسنده مستعمل

التلرك امتيازینی الدی و ۱۸۰۱ ده برنجی تجر به سنی هاورده یاپدی ایسه ده قبول عمومی یه مظهر اولدیغندن دها برچون تجر به لردن صکره کشقنی نهایت انکساره یه کوتورمکه مجبور اولوب اوراده اکتساب موقعیت ایلدی.

§

﴿لوتر﴾ — المانیاده سر بستی مذهب افکارینی یعنی پروتستان مذهبینی میدانه چیقاران ذاتر (۱۴۸۳ م و ۸۸۸ ه) ده ساقس ده ایسلین شهرنده تولد ایلدی (۱۵۱۷ م و ۹۲۳ ه) تاریخنده پایا بولنان اوننجی (لئون) المانیایه عفو و غفران معنوی بی مبشر اوله رق برکاغد کوندروب فقط بونده مغرتی ایکی فرقه اولان المانیا اهالیسندن یالکز دومنیکنلره تخصیص ایلدیکنندن فرانسیسکنلر کمال درجه منفعل اولشلا ایدی بونلر بو وقوعات اوزرینه کندو فرقه لرینه داخل اولان (لوتر) ی دلیل اتخاذا ایدرک پاپانک معامله واقعه سنی رد و تزیفه باشلادیلر لوتر دخی بونی فرصت عدا ایدرک پاپانک خلافنده طقسان بش تکالیف مذهبییه شامل برجدول اعلان ایتدی و بونک اوزرینه المانیاده بولنان پایا و کیلی لوتری چاغرته رق تکالیف مذکوره سندن رجوعنی بیان و تکلیف ایتدیسسه ده لوتر بوکا بردرلو احتمال ویره مدیکنندن فراره مجبور اولوب بالاخره ساقس الیکتوری حایه سنده بولندیغنی حالده (۱۵۲۹ م و ۹۳۶ ه) تاریخنده مذهبی کمال جسمارت و سر بستی ایله تکرار اعلان و تذکاره باشلادی بونک مذهبه (لوتریه) دیرلر.

باشلیجه اعتراضاتی روما کلیساسنه و پاپایه و مناسترلره نذر ایتک کبی شیلره و پاپاسلرک تأهل ایتاملرینه و هیئت رهبانیه مراتبنه ورهبان هیئتک اموال دنیویه بی تصرفنه اعتقاد مثللو عقائد خرسستیانیه اوزرینه در (عقائد کله سنده یکرمی برنجی نمویه دخی مراجعت بیوریه) پولیس و پیتروس کبی قدما ی خرسستیانییه احترام و رعایتی دخی رد ایشیددی.

اوننجی لئون (۱۵۲۰ م و ۹۲۷ ه) ده لوتری آفروز ایلدیسسه ده لوتر بوکا اهمیت ویرمدکن بشقه مقابلنده اولوقته قدر پایا طرفندن صادر

اولوب زندنده بولنان اوراق لاجل التحقیر آتشه یاقدی و مؤخرأ تکرار مجبور فرار اولهرق حامیسی بولنان ساقس الیکتوری زندنده طقوز آی اختفا ایندی و بویام اختفاده عمرینی بوشنه بکور میوب اختراع ایتدیکي مذهب جدیدینه دائر برطاقم کتابلریازدی وایام احتجایی آتلاتقدن صکره (وتبرخ) ه تکرار کیرهک اوراده وعظ ونصایحی اوزرینه برچوق طرفدارلر قزاندی که بونلرک ایچینده اسوج دانیمارقه براندبورخ هس حکمدارلری کبی برطاقم بیوک ذوات دخی بولنقده ایدی بناء علیه لوتر بوقوتلی طرفدارلرینک سایه سنده کیندو مذهبداشرینک حریتی میدانده قودی مومی الیه فطرة غضوب و حدید مشرب اولدیغندن خصماسنی تحقیردن چکنز ایدیسده اهالی حقنده غایت فصیح و بلیغ برخطیب عذیم الاقران ایدی برچوق تألیفات براقشدر.

§

﴿لودره﴾ — اوزان عتیقه دن اولهرق بر قنطاری یوز لودره اعتبار ایتشلردر بو صورتده برقیه  $(\frac{3}{11})$  لودره و برلودره (۱۷۶) درهم اولمش اولور. لودره رطلک غلطی اولقی احتمالی واریسده اصل رطل بطمان دیمکدر واکثری تمالکده متخالف الوزندر.

§

﴿لورد﴾ — انکاترده مستعمل بر عنواندر عن اصل مالکانه اصحابنه وریلور ایدی اولوقندن برونجابتک لفظ مترادفی اولدی الیوم بو عنوان لورد قاره سی دنیلان مجلسک اعضالرینه مخصوص صدر بعضاً عدلیه و خارجهیه و بحریه ناظرلری کبی بیوک مأمورلرک عنوان رسمیملری اوزرینه دخی علاوه ایدیه بیلور.

§

﴿لوری﴾ — اون ایکی بیک کشیدن مرکب بر جمعیت مطربه آدیدر فرس پادشاهلرندن بهرام کور هندستانی ضبط ایتدیکي زمان اوراده بویه بر جمعیتک طوپدن اجرای آهنگ ایتدیکي کوره رک بکنوب عودتده برابر کتورمشیدی. (لوری) طیور بحریه دن برقوشک دخی اسمیدر.

حتى

عاقبت اندیش اول ای دل چابک  
یتشمر می سکا بو نمونه لک  
چن لوری قوشی بولسه بریک  
پشین اولچر صکره یو طار دیمش

در

§

﴿لوزیان﴾ — مرعش وحوالینسده حکومت ایدنله مخصوص  
برلقبدر بونلر برمدت قبریس جزیره سنی دخی حوزۀ تصرفه الوب  
( ۱۳۰۰ م و ۷۰۰ هـ ) تاریخی اثنالرنده منقرض اولمشلر ایدی .

§

﴿لوط﴾ علیه السلام — حضرت ابراهیم علیه التحیه والتسک  
برادرزاده سیدر مشارالیه ایله برلکده ممالک کلدانیه دن فلسطینه هجرت  
ایدوب فقط اورانک اراضیسی موجود دواب ومواشی به کافی اولدیغندن  
( ۳۵۵۸ خ ) تاریخنده یعنی میلادک ایکبیک اوتوز الی سنه مقدمنده عم  
اکرمی طرفندن سدوم اراضیسنه کوندرلمش ومؤخرأ سدوم نواحیسی  
اهالیسنه پیغمبر بعث بیورلمشیدی . اهالیء مرقومه مشارالیهک دعوت  
ووعظ ونصیحتنی عدم اصغادن بشقه بیک درلو معاصی ومناهی به جرأت  
ایلدکلرندن ( فامطرنا علیهم . الی آخره ) آیت کریمه سی منطوق منیفی وجهله  
غضب الاهی به اوغرایوب ( ۳۵۷۵ خ ) تاریخنده یعنی میلادک ایکبیک  
اون طقوز سنه مقدمنده زیر وزیر اولدیلر مشارالیه اشبو وقعه هائله دن  
براز اولجه حضرت ابراهیم نزدینه معاودت بیوروب سکسان یاشنده ترک  
عالم فنا ایلشدر .

§

﴿لوفاریتمه﴾ — فن هندسه وحساب اربابنه مدارسه ولت اولق ایچون  
ترتیب اولمش جدولردر بونی انکلیز ریاضیلرندن ( ژان ناپیه ) وجوده  
کتوروب ( ۱۶۳۰ م و ۱۰۴۰ هـ ) تاریخنده وفات ایدن مهندس ( هازی  
بریغس ) اصلاح واکمال ایلشدر بوفنی اکالده مشاهیر ریاضیین



اسلامیه دن کلبوی اسماعیل افندینک دخی خیلی معاونتی کورلمشدر .  
کلبوی کله سنه نظر بیوریه .

§

﴿لوقسانبورغ﴾ — فلنک دولته اداره مختاره مالک  
بردوقه لقدر (۱۸۶۶ م و ۱۲۸۳ ه) تاریخنه دکین المانیا اتفاقنه داخل  
ایدی جنوباً فرانسه شمالاً و غرباً بلجیقا و شرقاً پروسیا مالکیله تحدید  
اولنور شرقدن غربه یوزاون و شمالدن جنوبه یوزاون ایکی کیلومتر و وسعتنه  
اولوب یوز طقسان بش بیک نفوسی حاوی و مقر اداره سی لوقسانبورغ  
شهریدر و طاعری اورمانلری چوق بر محل اولوب صغوغی شدید  
واراضیسی غایت منبتدر .

بوراسنی برآره لقی فرانسرلر الوب (۱۷۹۷ م و ۱۲۱۲ ه) ده (ده فوره)  
نامیه کمدو ایالتلری عدادینه ادخال ایلشدر ایکن (۱۸۱۵) ده یاپیلان  
ویانه معاهده سی صورت مستقله ده المانیا اتفاقنه صوقدی و متعاقباً یوک  
دوقه لقی نامیه فلنک دولتی اداره سنه ویریلوب ۱۷۶۷ ده لوندره معاهده سی  
موجبجه بیطرفلغی اعلان ایدلی .

(لوقسانبورغ) — لوقسانبورغ یوک دوقه لغنک مقریدر بروکسلک  
جنوب شرقی سندن سکسان بش کیلو متروده اون ایکی بیک بش یوز نفوسی  
حاوی اولوب آوروپانک المستحسن شهرلرندن بریدر .  
(لوقسانبورغ) — بلجیقا دولتی تابعیتنه بریالتک دخی نامی اولوب  
درتیوز اوتوز بیک نفوسی حاوی و مرکزی (آلون) شهریدر .

§

﴿لوقه﴾ — اناجیل اربعه صاحب لرندن بری اولوب اوچنجی  
انجیلی یازمشدر اصلی انطاکیه لی ایدی . حضرت عیسانک رفعندن  
صکره (پولیس) واسطه سیله خرستیانیلغی قبول ایلدیکی ظن اولینور  
وعظ ایچون ۵۶ میلانده یونانستانده واقع قورینت شهرینه کیدوب  
۶۱ ده پولیسک روماده اسارته حصه دار اولدی صکره برچوق مملکتلر  
طولاشه رق ۸۴ یاشنده اولدینگی حالده یونانستانده آقایی شهرنده قتل

اولندی • بهر سنه تشرین اولک اون سکنجی کونی یورطیسی طو تلقده در •  
علامتی اوکوز •

§

لومباردیا — قرون وسطاده لومباردیا ایتالای شمالی  
و وسطانک بر قسمی و همان ایتالای جنوبیدن مرکب اولوب اوتوز ایکی  
دوقه لغه منقسم ایدی ایوم ایتالیهاده کائن قدیم قول سزالین و ایتالای  
جنوبی خاصه بونامه مسمادر • اشو لومباردیا شمالا اسویجره غرباً مازور  
جنوباً (پو) نهری شرقاً منسیوا به محدود اولوب اوچ ملیون نفوسی حاوی  
و مقری میلان شهر یدر • متعدد نهر لری و مازور و سائر بومثللو خیلی کوللری  
و قناللری واردر هواسی طاغلرده صغوق و صحرا رده صبحاق و فقط عموماً  
صاغلاندر و اراضیسی غایت منبت اولدیغندن زراعتده کمال ترقیسنه مبنی  
نفیس بر باغچه شکلی المشر اعلای یتشدر ر آرلری و سنوی ایکی  
ملیون کیلو ایک حاصلاتی و باقر تیمور قورشون کور شاب مرمر معدنلری  
و سائر معادن نافعهسی واردر و صناعتی ترقیده در •

لومباردیا قطعهسی غولو او رومالیلر طرفندن اشغال اواندیغی حالده  
لومباردلر طرفندن (۱۵۶۸ م) تاریخنده ضبط اولندی و مؤخرأ  
(۸۸۴ م و ۱۵۸ هـ) ده شارلمان الوب کیلف و ژبیلن لک محارباتی ائاسنده  
مستقل اولدی لکن بواسعتلال ملوک طوائف حالنده بر استقلالدن  
عبارت اولدیغنه بناء داخل قطعده بولسان بالجمله لومباردیا حکومتلری  
اکثریا بربر لیه محاربه دن خالی قالدیلر و اون دردنجی عصرده اکثریسی  
ایمپراطورلرک قوته قارشو دائرة اتفاقه کیره رک (۱۱۶۷ م و ۵۶۳ هـ)  
تاریخنده اوچنجی الکساندر نام پاپانک جایه سی تحتده اوله رق برنجی لومباردیا  
اتفاقنی تشکیل ایلدیلر و بواسفاق سایه سنده فردریق بارباروس نام المانیا  
ایمپراطورینی بوزهرق استقلالرینی تصدیق ایتدیردیلر و اتفاق خارجنده اولان  
لومباردیا حکومتلری دخی استقلال قزانان اشو میلان و ونیدک دوقه لقرینه  
تبعیت ایتدیلر و اشو دوقه لقر نیجه انقلاباته اوغراقمله برابر برحقو زمان  
استقلالرینی محافظه ایتدیلر سده جایه لری مسئله سی فرانسه ایله آوستریا  
بیننده خیلی زمان منازعات شدیدیه بی موجب اولدقدن صکره (۱۷۴۸ م و

۱۱۶۱ هـ) ده آوستریایه ویرلدى و بواشاده دخی برقاچ انقلابه اوغرايوب  
نهایت ( ۱۸۵۹ م و ۱۲۷۶ هـ ) تاریخنده ناپولیون واسطه سیله ساردنیا  
قرالیتنه ترك اولندی .

§

❖ لوند ❖ — ایٹالیانجه ده شرقی معناسنه اولوب وئدیكلورك ممالك  
شرقیه دن الدقلى تفنكجی عسكیره علم شهرت اولمشیدی دولت عثمانیه  
دخی مؤخرأ بونامله بر صنف عسکر تنظیم ایلدیسده بونلر صكیره ممالك  
محروسه ده صیانت یرینه اجرای خیانت و شقاوته باشلادقلدن نظر دولندن  
دوشوب ( ۱۷۶۴ م و ۱۱۷۸ هـ ) تاریخنده طاعیدلدىلر .  
بك اوغلنك اوته سندده و قبیله قشله لری اولان محل الیوم لوند چفتلكی نامیله  
متعارفدر .

§

❖ لوندردہ ❖ — انكلتره دولتنك مقریدر . ( تائمس ) كهر ایکی  
ساحلی اوزرنده مبنی اوله رق آوروپانك الك زیاده معهور و بیوك شهریدر .  
ایکی یوز کیلومتر و مربعی اتساعنده اولوب اوچ ملیوندن زیاده اهالی بی  
حاویدر . معارفه دائر لایعد تأسیساتی و باخصوص اون الی حقوق مكتهبی  
و مكاتب طبیه و عسكریه و سائر هسی و برچوق جمعیات علمییه سی و اون سكز  
كتبخانه سی و موزه خانه لری و ملت بانچه لری و متعدد جسر و تونل و لیمانلری  
و تائمس نهری النده اولان دیوانخانه سی شایان تماشادر . سواقلری و او  
و چارشولری منظم ایسه ده مملكت غایت مغموم اولوب چوق آیلر برقالین  
سیس ایله انتظار ناسدن احتجاب ایدر و فابریقه لرده بنان كورلرك دومانى  
ایسه شهرى بشقه جه تلویث ایلر . صناعتی خیر كاله و اصل و تجارتی  
بتون كره ارض اوزرنده منتشردر .

لوندردہ رومالیلر زماننده اوفاق برقصه ایکن ( ۵۲۶ م ) ده ایسقی قرالیتنك  
موسسی اولان ( ایركنوین ) بورابی مقر اتخاذ ایدرك ( الفرد ) زماننده بتون  
انكلتره نك كرسى اداره سی اولدی و اخیرأ برچوق فلاكتله دوچار  
اولوب ( ۱۲۵۸ م و ۶۵۶ هـ ) ده فوق الغایه بر قحط و ( ۱۶۶۵ م و ۱۰۷۶ هـ )  
تاریخنده یوز بك نفوس تلفنه بادى اولان بر طاعون ایله نهایت درجه حال

خرابی به کلدی و برسنه صکره اوتوز بیک خانه بی احراق ایدن دهشتلی بر  
حریق طوتلدی و دواهی مذکورده دن صکره مملکت همان مجدداً انشا  
اولوب اولوقدن برو رفته رفته شمیدی درجهٔ معمریه واصل اولدی .  
انکیزر لوندریه ( لوندون ) و ( لاندن ) دخی دیرلر .

§

﴿لوی﴾ اوندردنجی — فرانسه قرالیدر . ( ۱۶۳۸ م ۱۰۴۸ هـ )  
تاریخنده تولد ایدوب ۱۶۴۳ ده بش یاشنده قرال طاندی اوند سکر سنه  
صکره بالنس ادارهٔ امور به بلایه رقی اسپانیا مصالحه سی عقبنده قراندیغی ایام  
فراغ و مسالمتی تجارتی تأسیس ویر کولری تقیص صنایعی ترویج اداره بی  
اصلاح و قوانین معقوله وضعی مثلاً اصلاحات داخلیه حصرو تخصیص  
ایلدی بعده ( ۱۶۶۷ م ) ده اسپانیایه تابع فلاندر ممالکنی و برسنه  
صکره فرانسه قوتلغنی ضبط ایدوب مؤخرأ فلنک وانکتره واسوج  
دولترینک اسپانیا ایله وقوعبولان اتفاق و حرکاتی اوزرینه ( ۱۶۶۸ م ) ده  
فرانسه قوتلغنی اسپانیایه تارک برعهدنامه امضاسنه مجبور اولدی و متعاقبأ  
بیطرفلغنه کوکنه رک ( ۱۶۷۲ م ) ده فلنک دولته و براز صکره اسپانیایه  
قارشو آچدیغی محاربه لری کال غالبته برحسن نتیجه ایصال ایلدیکندن  
بیوک عنوانی اکتساب ایلدی و ( ۱۶۸۶ م ) ده اسپانیا وانکتره و فلنک  
تکرار فرانسه قارشو اشغال نأره کاروزار ایلرله ( ۱۶۹۷ م ) ده کی ( ریسویق )  
معاهده سی حکمنجه مشارالیهک استرازبورغدن ماعدا کافهٔ ممالک جدیده سی  
دول متفقه ویرلدی و درت سنه صکره اسپانیا ایله یکی باشدن برارث  
محاربه سی ظهور ایدرک بونک نتیجه سننده ( لوی ) فلنک و ایالتابی دخی  
غیب ایتدیسه ده مؤخرأ برطاقم موقیعات عدیده ایله تلافی مافاته نائل اولوب  
( ۱۷۱۵ م و ۱۲۲۷ هـ ) تاریخنده وفات ایلدی . مشارالیهک زمان  
اداره سی فرانسه جه ال بیوک بر دور اقبال ترقی ایدی . خارجاً اعلای  
شان و شوکته صرف وسع و غیرت ایلدی کی داخلأ دخی بتون فنون  
و صنایع و ارباب معارفی تشویقه بذل مقدرت ایلشدر . عالجنا و شجیع  
و وقور ایدی . مع ذلک استبدادکارانه حرکتدن کیرو طور میوب دائماً  
( دولت بنم ) دیر و ذوق و صفایی سور ایدی .

§



﴿لوی آلودس﴾ — فرانسه مورخ ننددر • ترتیب ایتدیکی  
روما تاریخنده حضرت عیسی علیه السلامک روما ایمپراطوری (تیر)  
زماننده حاشا صلب اولندیغنی واولوقت قدس حاکمی (پیلاتوس) ایدوکنی  
ویلاطوس حضرت عیسانک احوال و معجزاتندن تیره معلومات وروب  
اودخی آنک کندو آلهلری عدادینه دخولنی تکلیف ایتدیکنی یازمشدر •  
رومالور حکمدارلرینه و متغلبینه آله و نصف آله عنوانی ویره رک پرستش  
ایتدکلرندن مورخ دومی الیه تیر دخی کویا حضرت عیسی علیه السلامی  
پیلاتوسک اشعاری اوزرینه بو عنوان ایله قبول ایتدی دیماک استر •  
حضرت عیسانک اولوقت سمایه رفع اولوب مصلوبک حضرت عیسیایه  
شیه دیگر برکسه ایدوکی لوندره کتبخانه عومیسندن محفوظ برانجیلده  
نحرر و بو دخی قرآن کریمی مصدق ایدوکنی بر تاریخده (الجواب) غزته سی  
یازمشیدی •

§

﴿لهراسب﴾ — کیانیانن کیخسروک اوغلی و خلیفدر قامبوس  
نامیله دخی یاد اولنور (۵۶۰۳ خ) ده یعنی میلادک بشیوز اوتوز بر سنه  
مقدمنده جلوس ایلدی سکر سنه تمتد اولان سلطنتنده یکریمی عصردن  
زیاده تمتد اولان سلاله فراغندی محو و نابود ایدرک ممالک مصریه بی ید نظمنه  
آلیدیغی صرده و قتیله پدرینی بر قز ماده سندن طولایی آلداتمش اولان  
فرعون رامسی قبرندن چیقاروب دو کدیره رک کویا اخذ انتقام ایتش  
و مؤخرأ حبشستانه کیدرکن عسکری آجلقندن هلاک اولغه باشلادیغندن  
قرعه ایله بر برلرینی یکه مساعده ایدوب بو حال ایله ناچار مصره عودت ایلد کده  
او کون اهالینک تصادفی اوله رق علی الاصول یایدقیری یورطیی کنیدی  
موقیتسز لکنه رغماً یاپورلر ظنیله بر چوق آدمیری اولدیردکن صکره  
کوردیکی بر رؤیا یا خود الیدیغی بر خبر مو حش اوزرینه فارسه عودت  
و بولده وفات ایتدی • لهراسب غایت خونی و سفک دماء مجنونی اولوب  
حیاتنده تحت ازدواجنه آلدیغی همشیره سی و قرنداشنی و ده ها بر چوق  
کیسه لری تلف ایتش ایدی •  
لهراسبک مصر لوره غلبه سی عسکرینک اوکنه بر چوق اوکوز و اینسک

دیزه رك هجوم ايتكله اولمشدر . زيرامصرلور اولوقت اوکوز و اينكه پرستش ايدرلر وزیاده سيله مقدس طوتوب هيچ بروجهله تلف ایده منزل ایدی .

لهراسبك سبب عودتی اولان خبر مو حشاك نه اولديغنی بيلك ايچون ( سمرديس ) كله سنه نظر بيوريه .

§

﴿ لهستن ﴾ — ( پولونيا ) كله سنه نظر بيوريه .

§

﴿ ليئونيداس ﴾ — جاهر يونانيه دن اسپارت قراليدر . عجملك يونانستانه هجومنده آتله ليلرله متفق اولديغندن يدي بيك كشي ايله ترموپل دربنديني بكمكده ایدی . فارس پادشاهی سرخس عساكر كليه ايله دربند مذكوره كلوب ( اكر بكا تسليم سلاح و اطاعت ايدر سئ سنی عموم يونان قرالی نصب ایدرم ديه رك خبر كوندرمى اوزرينه ( سلاجی كل ده آل ) سكا خدمت ايتكدن وطنم ايچون اولك خيرلوردر ) جوابيله مقابله ايدوب ( ۵۱۱۴ خ ) تاريخنده يعنی ميلادك درتيوز سكسان سنه مقدمنده عسكريه برابر محو اولنجيه قدر چالشمشدر . ليئونيداس غايت حيتمند و غيرت و شجاعتهه بينند بر ذات ایدی . معيتمده بولنان عسكر كندولرينك برقاچ بيك قاتی اولان فارسولور دن اوركوب دشمن پك چوق مزراقلری كوشی طوتوش ديملرينه جواباً مومی اليه ( اشته دها اعلايا حاضر كولكده محاربه ايدرز ) ديمشدر .

§

﴿ لييريا ﴾ — كينه شماليده واقع امريقا مستملكتندن اولوب انكليز مستملكتندن سيرائون و پالماس بورنی بيننده واقع و اوچ يوز بيك نفوسی جامعدر . مقری مونرو ويا شهريدر . بوراسی امریقای مجتمعه طرفندن اطلاق اولنان سياه اسرانی اسكانه تخصیص ايدليكنه دن سربست یری معناسنه اوله رق لييريا تسميه ايدلمشدر . اشبو مستملكات ( ۱۸۲۰ م و ۱۲۳۶ هـ ) ده تأسيس اولندی ( ۱۸۴۸ م ) ده بر قانون اساسی وضع

ایدوب اشبو قانونی سنه مز بوره ظرفنده انکیز و فرانسر و بلجیقا دولتری  
دخی تصدیق ایلدیلر . بو قطعه یه ذخیره ساحلی دخی دیرلر .

§

﴿ لیبی ﴾ — افریقانک نام یونانیسیدر خصوصاً بونا مدن مصرک  
غربنده واقع ممالک یعنی برقه چولی طرابلس ولایتی کردغان دارفور و سائر  
اکلاشیلوردی مؤخرأ لیبیای داخلی و خارجی ناملری ظهور ایدوب اولکندن  
اطلسک جنوبده واقع فاس جنوبی و صحرا و ایکنجیسندن فلسطین و یاسوریه  
سواحلی مراد اولمغه باشلادی مؤخرأ بودخی علیا و سفلا نامرله ایکی یه منقسم  
اولشدر . الیوم طرابلس غرب و تونس و مصرک کیر و سنده اولان و صحرای  
کبیرک جهت شرقی و شمالیسنده بولتان اراضی یه منحصر قالدی .

§

﴿ لیبی ساس ﴾ — ککبوزه و ملحقاتنک نام قدیمیدر .

§

﴿ لبدیا ﴾ یاخود ( لیدی ) — آیدین و صاروخان سنجاقلرندن  
وحوالیسندن عبارت بر قطعه نك احمیدر اشبو قطعه ده و قتیله متشکل  
لیدیا حکومتی برارهلق اناطولینک قزل ایرماغه قدر تمتد اولان ممالکنی دخی  
ید اداره یه آلمشیدی . لیدیا حکمدارینک مقر اداره سی سارت شهری اولوب  
بورانک اهالی قدیمه سنه ماوونی نامی ویریلور ایدی بودروم از میر میلاس  
ساقز سیسام لیدیانک مشهور شهرلرنددر . بوراده ( آتیدیان ) نامنده بر سلاله  
حکمرانی دهاکلوب ( ۴۰۱۳ خ ) ده یعنی میلادک بیک بشیموز سکسان بر سنه  
مقدمنده شهرت بولش واشبو سلاله دخی ایکی یوز سکسان یدی سنه دوام  
ایشدکن صکره حکومت هر اقلیدره یکمشددر . ( سارت ) کله سنه نظر  
بیوریه .

§

﴿ لیزاندر ﴾ — اسپارت جمهوری سرعسکرلرنددر . یکرمی  
یدی سنه دوام ایدن ( پلوپونیسو ) محاربه سنک نتیجه سی اولمق اوزره  
( ۵۱۹۰ خ ) ده یعنی میلادک درتوز درت سنه مقدمنده آتیدی ضبط و اداره  
مملکتی ارخون نامیهله اوتوز نفر معتبرانه تودیع ایدوب آتیه لیلری پیره

استحكاماتك هدمى واون ايگىدن زياده حرب سفينه سنك تركى كې بر طاقم شرائط ثقيله مصلحانه يه ربط ايتش و اتسه لولرى اسپارتيليرك اولكى صلح رجاسنى قبول ايتدك رينه نادم وپشيمان ايتلشدر .

§

﴿ ليزبون ﴾ -- پورتكيز دولتك تاج نهري اوزرنده ايكي يوز طقسان بيك نفوسى جامع مقر حكومتيدر ودرجه درجه يانلش اولديغىدن غايت كوزل برمنظره سى واردر واستحكاماتى وتجارت موقعلى وقرال سرايلرى وترسانه سى شايدان نشردر وفنون و بحرى آقاديملى و رصده خانه سى وطوپ ورسم واستحكامات آقاديمى واصلزادكان مكته ودرت كتبخانه سى وبانقه لى وطوپ وباروت وپورسلين بيوك فابريقه لى اولوب سائر هر نوع تأسيساتى يولنده در وتجارتنى غايت جسيمدر . افسانه يه كوره ليزبونك ( اوليس ) طرفدن تأسيس اولنديغى مروى ايسه ده فنيكه ليرك تأسيساتى جله سندن اولسى قويان اولنور .

ليزبون ( ۷۱۶ م و ۹۸ هـ ) ده اندلس حكومت اسلاميه سى طرفدن ضبط اولندقدن صكره كسب اهميت ايتلشيدى مؤخراً يعنى ( ۱۱۴۷ م و ۵۴۲ هـ ) تاريخنده پورتكيز قرالى برنجى القونس اسلامدن استرداد ايلدى . ليزبون برچوق حركت ارضه دوچار اولوب خصوصيله ( ۱۷۵۵ م ) زلزله سنده كاملاً منهدم اولمشدر . عربلك ( اشبونه ) ديدكلى بودر .

§

﴿ ليشتن ستن ﴾ -- اوستريا نيم مستملكاتندن مستقل برلككدر مالك اولديغى يوز يتمش سكر كيلومترو مري اراضيده طقوز بيك نفوسى وقرق درت بيك فيلورين واردات سنويه سى واردر اوستريا عموم كركرلى اتحادينه داخل بولنديغى ايچون اوستريا دولتى اشبو بلككه سنوى اون التى بيك فيلورين اعطا ايدر .

§

﴿ ليغوريوس ﴾ -- ارباب نفاقدن بريدر روم فترتنى اتاشنده يعنى ( ۱۸۲۰ م و ۱۲۳۶ هـ ) تاريخنده يونانستاندن ممالك عثمانيه منتشر فساداتده



اشتراکی واستانبولده دخی براختلال احداثه انهامکی تبین ایلدیکندن قوش اطهسی وادرنه متره پولیدرلیله برابر اعدام اولندی .  
روسیه سفیری بوباده کی اعتراضه مقابل هر دولت کندو تبعه سنی تریه ده مختاردر جوابنی المسی اوزرینه قطع مناسبات ایدرک بوغاز ایچنه چکلدیسه ده ایلروسنه کیده میوب انجق بوحرکتک روملر حقنده عفوعمومی اعلانه برارمداری اولدی .

§

﴿ایفا اوینا﴾ — قونیه سنجاغندن عبارت برقطعه قدیعه در رومالوره انتقالنندن اول برادره خصوصیه مالک ایدی .

§

﴿لیقورغ﴾ — اسپارت حکمداری متوفی پولیدتک قرنداشیدر متوفان مرقومک زوجه سی بوکا (ا کر بنی تزوج ایدرسکز قارنده کی چوجنی تلف و سلطنتک سزه توجیهی تسهیل ایدرم ) دیمش ایسه ده قبول ایتیوب وطنک سعادت حالتی التزاماً کرید و مصرده اون سنه سیاحتدن صکره ایرالرک قانوننه موافق برقانوننامه تنظیم ونشر ائلش واک صکره برماده دن طلوالایی کمال درجه متأثر اولمغله کندی کندیسنی تلف ایتشدر . نواماما خلاصه سی قانون کلمه سنده محرر بولنان قانون مزبور اسپارت جهوری بیلنده لیقورغون نامیله بر چوق زمانلر مرعی الاجرا ایدی .  
(قانون) کلمه سنه نظر بیوربله .

§

﴿لیکتور﴾ — روماده باشلیجه حاکمری محافظه ایتک و اوکلرنده کیتک ایچون مأمور ضابطلردر دیکتاتورلرک اوکنده یکریمی درت وقونسالارک اوکنده اون ایکی و پرتورلرک اوکنده التی نفر لیکتور یورر وهربرینک بلنده برر بالظه والرنده برر دسته چبوق بولنور و حاکمرک یولی اوزرنده بولنان غلبه لکی بونلر دفع ایدر و حاکمک زیارتنه کیتدیکی قیوی اودستدلرله بونلر جالار وطیاق ییه جکری بونلر دوکر و باشی کسילה جکری بونلر کسر الحاصل بزم اسکی قواصلریز کبی هربر اجرائی بونلر پیار ایدی . لیکتور لاتیججه باغلا یچی معناسنه در .

§

﴿ لایلا خانم ﴾ — شاعرهٔ مشهوره در صدور عظامدن موره لی زاده حامد افندینک کریمه سی اولوب اقباسندن کیچه جی زاده عزت منلا واسطه سبیله تحصیل معارف ادبیه ایلش وبر مرتب دیوان براغوب ( ۱۸۳۰ م و ۱۲۴۶ هـ ) تاریخنده وفات ایتشدیر .

§

﴿ لیموس ﴾ یاخود ( لیمنی ) — بحر سفیدده ایمروس وسمادرك اطه لری جنوبنده بر جزیره در . وقتیه وولقانلری شامل اولدیغندن یونانلرك اعتقادنجه وولقان و آتش آلهنك مقری عد اولنور ایدی . لیمنی عن اصل پلازیلر طرفندن مسكون اولدیغی حالده هنوز معلوم اولمیان بر سببه مبنی بونلر بر کیچه ده قاریلری معرفتیه کاملاً قتل ایدلشلردر . اشبو وقعهٔ مدهشه اوزرینه اورایه ارغنوتلر نقل وتوطن ایتدیلر . بوراسی ( ۵۰۸۳ خ ) تاریخنده یعنی میلادك بشیوز اون بر سنه مقدمنده برنجی دارا و بر سنه صكره آتله لیلر طرفندن ضبط اولنوب دردنجی اهل صلیب محاربه سنه قدر دخی شرق ایمراطورلرینه تابع قالدیغی حالده ( ۱۴۷۸ م و ۸۸۳ هـ ) ده وندیكلره و آنلردن صكره حالا متصرفی اولان دولت علیه عثمانیه اداره سنه انتقال ایتدی . ایوم ایکی بیک نفوسی حاوی وغیر مزروع وخراب بر حالده در وستمه سی چوق ایسه ده همت اولندیغی حالده هواسنك اصلاحی وزراعت وحرثله اهااليسنك اقداری ممکندر .

§

﴿ لیمیا ﴾ — بعض حیوانات بریه وبحریه یاغلری واجزای سائر ايله اعمال اولنان قتیل و یوارلاقلرك اشعالندن عبارت بر طاقم او یونلردرك بوكا آتشبازلق ناھی ویرلسه مناسب اولور بونلرك بعضیسی یاندیغی محله بولنلری ملکه صورتده کوستر و کیمسی دخی صواچینده وسائر بو کبی مانع احتراق واشتعال یرلده ینار و تحف تحف شکلور ورنكلر کوستر ایش .

سیمیا کرانك وقتیه غایت مکتوم طوتوب درلو اشاراته ستر ایلدکری خلطیاتدن اولمق اوزره ( اسفیداج ویمورطه آنی وسخاذن مرکب ايله قارشیدیریلوب برکتان بزینه صارلدیغی حالده روغن زیبق ايله یا قیلور ایسه غریب شکلور مشاهده

اولنور) ایش و (قرمزی زرنیخ ایله شب یمانی بر مقدار او کوز اودی و (حی العالم) عصاره سیله خیر ایدیلوب ال آیه لرینسه سوریلور ایسه اله آتش آلنور یانمز) ایش . شمعی دخی بو یولده ترکیبات موجوددر .  
از جله (شیی آموزانت) ده محرر اولدیغی اوزره مرجک قطعه ده اوفادلس متعدد فوسفور دانه لری سونماش کرج توزندن معمول خیردن پیوجک نخود قدر یاپیلان حبلر درونسه برر جهتی آزاجق خار جده قالمق اوزره صوقیلوب اشبو حبلر دخی اشاغیسی ککیش یوقاروسی طارواوزنجسه بر شیشه درونسه بر طبقه کرج توزی و بر طبقه حب اوله رق وضع و شیشه نك اغزی منطار ولوله جی چاموریه محکم سد و منطارك اورتیه سنده بر اغیله جق اینجه دلیکدن ایچنه بر قومناستیق بوری ادخال ایدیلوب بورینك او بر اوجی دخی صو طولو بر کاسه نك ایچنه قونیلور و بورینك اغزی صویك سطحنه قریب بر محمله بر اغیلور و بو حال اوزره مذکور شیشه خفیف آتش اوزرنده تسخین ایدیلور ایسه دروننده حاصل اولان هوا بوریدن طولاشه رق صویك یوزینه چیقهرق هوا ی نسیمی ایله بر ایشه جکی جهته نوره مشابه و بر برینی متعاقب بر چوق حلقه لر چیقمهغه باشلار . بونك دها تحفلی واردر .

§

﴿لینه﴾ — اسوج طبعیونی مشاهیر ننددر (۱۷۰۷ م و ۱۱۱۹ هـ)  
ده راشولد تولده و (۱۷۷۸ م و ۱۱۹۲ هـ) تاریخنده وفات ایلدی فقیر بر چوبانك اوغلی و قونده جی شا کردی ایدی مؤخرأ درجه ذکاوتنی تقدیر ایدن بر قریبی واسطه سیله تدرس علومه مشغول اوله رق خصوصافن نباتاته اکتساب نصاب فیض و کمال ایلدی بنا برین (۱۷۳۲ م) ده لاپونیا مالکی نباتاتی نظر تدقیقندن کچورمکه مأمور اولوب بر مدت صکره فلنکه کیده رك اوراده علم طبی دخی او کړندی بعده انکتره و فرانسه یی کزه رك مملکتنه کلوب قرال حکیمی و (۱۷۶۱ م) ده اوبسال مکتبه نباتات معلی نصب اولندی . او توزیدی سنه امتداد ایدن بو مأموریتی اشاده نباتاتی صنوفه تقسیم و علم نباتاته مخصوص سهل الحفظ قاعده لر وضع و علم حیوانات و معادنی اصلاح المشردر .  
باشلیجه تألیقاتی (اولا) اصول طبیعیه . که بونده مواید ثلثه نك اصول

تقسیماتی بیان ایدر . ( ثانیاً ) فن نباتاتک اساسنه دأثر اثری که بو واسطه ایله علم نباتاتی تشکیل ایدن قواعدی تعریف ایلر . ( ثالثاً ) نباتات کتبخانه سی که بونده نباتاته دأر اولوقته قدر انتشاره چیقان آثاری تعداد ایدر . ( رابعاً ) تقسیمات میوه که بو اثرنده نباتاتک انواع ومیوه سنی تقسیم و بیان ایدر . ( خامساً ) فلسفه نباتیه که بونده دخی کافه تألیفات وآثارینی بربرینه ربط والحاق ایلر . تألیفاتک اکثریسی طبع اولمشدر .

مومی الیه رطوبت هوا و سیاله الکتریقیه و حرارت و ضیا کی بر طاقم اسبابدن ناشنی دائماً آچیلوب قیامتده اولان ازهارک اشبو آچیلوب قیامتده بربرینه تدقیق وساعات یومیه دن قنغیسنه مصادف اولدیغنی ضبط ایدرک ( تقویم الازهار ) نامنده بر جدول دخی تنظیم ایتمشدر .

( جدول مذکور زوالی ساعت حسابیله شویله در )

| کوندر ساعت          | کیجه ساعت              |
|---------------------|------------------------|
| ۱ بقلة اليهودیه     | ۱ اوبلیت ( قرنفیل )    |
| ۲ چکی صفالی         | ۲ قره پیداجر           |
| ۳ بقرید کبیر        | ۳ هندبا بیراقلی        |
| ۴ چادر چیچکی        | ۴ الیس ( سله مذهب )    |
| ۵ قره پلید سققی     | ۵ کیجه صفا             |
| ۶ اسقورچینا         | ۶ ابره الراعی          |
| ۷ نیلوفر            | ۷ زعفران               |
| ۸ استلاریا          | ۸ فیقوید لیلی          |
| ۹ بیانی نرکس        | ۹ نیکطانت              |
| ۱۰ فیقوید پالولیتان | ۱۰ ارغوانی چادر چیچکی  |
| ۱۱ ساعت اون برخانمی | ۱۱ سلیق ( قرنفیل )     |
| ۱۲ بوز چیچکی        | ۱۲ بیوک بیراقلی قاقنوس |

§

لیوادیآ — یونانستانده برشهردر کندو نامیله مسمی بر کوچک ایرماق اوزرنده اولوب آتیه نك غربدن طقسان کیلومتروده کائن واون



بيك نفوسى حاويدر دولت عليه اداره سنده ايكن والى مقرى ايدى وقتيله خيلى معمور اولوب يونانيلرك اختلال و محاربه سى اشاده خرابه يوز طوتمشدر اسكى يونانيلر زنده شهر تشعارترو فونوس مغاره سى بوشهر جوارنده بوانور.

§

﴿ ليورپول ﴾ — انكلتره ده بر شهر شهيردر لاتقاسترك جنوبندن التمش بش لوندرك شمال غريسنندن ايكي يوز سكرسان كيلو متر و مسافه ده ومرسى نهرينك صاغ جناحى اوزرنده مبنى اوله رق درت يوز بيك نفوسى حاويدر ومرسى نهرندن متشكل ليماى اولوب اطرافى استحكام ايله محاطدر بونلردن بشقه مملكته برقىمى تحتندن مرور ايدر بيك سكر يوز متر و طولنده برتونلى و مانجستره شندوفرى و علمى جعيتلى و مصر آثار عتيقه سنده مخصوص موزه خانه لرى و نباتات باغچه لرى واردر و تجارتى واسع و صنايعى زياده و متنوع اولوب شكر و چوملك و انكلتره جه المشهور اولان جام و صابون قابريقه لرى مكملدر.

اون اوچنجى عصرده ليورپول بالقجيره مخصوص برقصه جقدن عبارت اولوب ( ۱۷۰۰ م و ۱۱۱۲ هـ ) تاريخنده بش بيك نفوسى وار ايكن ( ۱۸۰۰ م ) ده يتش بش بيكه بالغ اولدى و ( ۱۸۴۲ م ) ده قسماً محترق اولديسه ده يته سرعتله تلافى مافات ايلدى.

§

﴿ ليويانغ ﴾ — ( ۵۳۹۲ خ ) ده يعنى ميلادك ايك يوز ايكي سنه مقدمنده چينده خان سلاله سنى تشكيل ايدن ذاتك اسمى اولوب عنوانى ( قاو ها آفتى ) در اشو سلاله درت يوز يكرمى سكرسنه پايدار اوله رق چين ممالكنى بحر حزه قدر توسيع ائمشدر. مؤسس موخى اليه ارباب معارفه چوقر رغبت ايدرايدى زماننده چين اها ليسنك ذهنه علوم و معارف هوسى كيرمش و آصمه كوپرلر احداث ائمشدر.



( ل ) حرفنده اولان ممالك دولت عليه

| اسم واعتباری | در قضا   | در لوا    | در ولایت       |
|--------------|----------|-----------|----------------|
| لاپسکی       | قضا      | بغا       | قره می         |
| لادیق        | قضا      | اماسیه    | سیواس          |
| لازقیه       | مرکز لوا | لازقیه    | سوریه          |
| لازستان      | مرکز لوا | لازستان   | طرزون          |
| لاشید        | مرکز لوا | لاشید     | کرید           |
| لجون         | ناحیه    | عکا       | سوریه          |
| لحیه         | قضا      | حدیده     | بن             |
| لد ( رمله )  | ناحیه    | قدس       | قدس            |
| لریوس        | قضا      | ساقز      | جزایر بحر سفید |
| لستویک       | ناحیه    | پایه      | پایه           |
| لش           | قضا      | اشقودره   | اشقودره        |
| لفکه         | ناحیه    | بروسه     | خداوندکار      |
| لمنی         | مرکز لوا | لمنی      | جزایر بحر سفید |
| لنقطه        | ناحیه    | سلانیک    | سلانیک         |
| لوادیه       | ناحیه    | سرفیجه    | سرفیجه         |
| لوک          | ناحیه    | بنغازی    | بنغازی         |
| لوله برغوسی  | قضا      | قرق کلیسا | قرق کلیسا      |
| لومه         | قضا      | مناستر    | مناستر         |
| لیت          | قضا      | جده       | حجاز           |
| لیجه         | قضا      | دیاربکر   | دیاربکر        |



## حرف م

﴿ مائده ﴾ — حواریونك امر دینده قلوبنی تأمین ایچون حضرت عیسی علیه السلامه نازل اولان سفره در کتب تفاسیر و سائرده نقل اولدیغنی اوزره بوسفره حضرت عیسی و اصحابی سمایه نظر ایدرلر ایکن ایکی بلوت اراسنده اینوب اوکلرینه قوندی عیسی علیه السلام دمان صکره اوزرندن اورتوسنی آچدقدده دروننده پولسز و قیلچسز یاغی طاملر پشمش بالق ظهور ایدوب اشبو بالغك باشی اوجنده طوز و قوبروغی طرفنده سرکه و اطرافنده پراصه دن ماعدا جله سبروات وار ایدی بوندن بشقه بش عدد یوققه اکیکی دخی اولوب برینك اوزرنده زیتون ایکنجیده بال اوچنجیده یاغ دردنجیده پیاز بشنجینك اوزرنده پاصدیرمه موجود ایدی حواریوندن شمعون دیدی که ( یاروح الله بونلر دنیا طعامندنی یا آخرت طعامندمیدر ) عیسی علیه السلام ( هیچ برندن دکلدر بلکه الله تعالی بونلری قدرتیله اختراع ایتشددر استدیکنکزی بیک واللهم شکر ایلک که از دیاد نعمتی موجبدر ) پیوردی انلر تکرار ( یاروح الله بو علامتدن بشقه بزه بر نشان دها کوستر مکز ییسترز ) دیدکلرنده حضرت عیسی سفره ده اولان بالغه باذن الله تعالی دیریل دیمکله فی الحال بالق حرکت کلوب بعده ینسه اولکی کی اول دیدکده پریان اولدی بوسفره کون آشوری قرق کره نازل اولوب اندن هرکس تساول طعام ایدرلر ایدی وزوال وقتنده اوکلرندن اوچوب باقه قالورلر ایدی بیک اوچ یوز کیمسه نك مذکور سفره دن اکل ایلدکلری



حاله دروننده کی طعامه قطعاً نقصان کلامشدر اکل ایدنلرک فقراسی غنی و مریض و علیلاری شفایاب اولورلرایدی بعده عیسی علیه السلامه (بنم مائده می فقرایه ویر اغنیایه ویرمه) وحی جلیلی وارد اولغله بو حکمدن منفعل اولان کیمسه لر مائده می سحره حل ایلدکارندن سکسان اوچ کیمسه خنزیر صورتنه مسیح و اوچ کون صکره جله سی هلاک اولدیلر .

§

﴿مائده سیامانی﴾ — اسپانیاقرانلک پای تختی اولان طلیطله شهرینی (۷۱۱ م و ۹۳ هـ) تاریخنده قبضه تسخیره بکورن عساکر اسلامیه نك اولوقت اغتنام ایتدکلری زمرددن مصنوع التمش ایاقلی برسفره نك اسمیدر موسی بن نصیر ایله طارق اشبو مائده ماده سمندن طولای شامه جلب و محاکمه اولنش ونهایت طارق حقلی چیقوب موسانک سبب عزلی اولمشیدی . اول وقتکی روایت کوره اشبو مائده حضرت سلیمانن قلله بر اثر نادیده ایمش .

§

﴿مالون﴾ — (۴۰۱۵ خ) تاریخنده یعنی میلادک بیک بشیوزیتش طقوز سنه مقدمنده لیدیا حکومتی تشکیل ایدن ذاتدر بونک اوغلی آسیادخی حکومت مذکوره یه (آتیس) نامنی ویرمشیدی . (مالون) زماننده لیدیا ده بر قحط ظهوری مناسبیله تبعه سنک اکثریسنی طرد ایلدیکندن اهالی مطروده دخی تدریجاً اطهره و افریقا و ایتالیا یه طاعمشلدر .

§

﴿ماتم﴾ — سوکیلی بر شخصک فقدانیه یورکده بر اقدیغی اثر حزن و کدرک صورت اظهاری اولوب بوده زمان و محله نظراً مختلفدر اسرائیلیر اقربا و یا دوستلرینک وفاتده البسه لرینی بیرته رق و باشلرینه کل و یا طپراق سر به رک و اذای نفس ایچون چیلاق تنلری اوزرینه سرت قوشاق قوشانه رق و ناله فریاد ایدرک کیدرلر ویرله یاتوب کوکسلرینی دوکرلر و صقال و صاچلرینی یولارلر و بوماتمی یدی کوندن یتش کونه قدر سوردریرلرایدی مصرلیلر یهودیلرک عین ماتملرینی اجرادن فضله بتون قاشلرینی تراش ایلرلر و اجرته متعدد (نوحدرک) لر طوتوب جنازه نك اوکی صره نالان و کریان

وميتك برطاقم اوصافنى ذكر ايله حقنדה ثناخوان اولورل ايدى بونوحه  
كرلك ايچنده اوچ بش يك غروش اجر تيليرى دخی بولنور ايدى .

( بردفعه مصر خاندانندن بر كيمسه وفات ايتكله بر معتاد اجراى مراسم فریاد  
ايچون اك مشهور بر نوحه كره آدم كوندردل كده « بن بوكون صنعتى لایقیله  
اجرايه مقتدر دكلم بنا برین كیدوبده شهرتمى ضایع ایتك استم زیرا بوكون  
زوجدهم وفات ایتشدر بو مسرت اره سنده لایقیله ماتم اجرا ایتك قابل  
اوله مز » جوابنى ویرر )

یونانلیلرده ارککار صاچلرینی اوزادیرلر وقادینلر ایسه بالعکس صاچلرینی  
تراش ایدرلر ایدى رومالیرك ماتمی اون آی تمتد اولوب بو ائشاده شیون  
وماتم اصحابی شلکک و یوم مخصوصلر و او بونلردن امتناع ایدرلر و صقال  
ویقیرینی بر هیئت غیر منتظمده براغیرلر ایدى قرون وسطاده علامت ماتم  
اولمق اوزره قادین وارکک کور کسز کز لر و صر تری اوزرینه ایندیرلش بر نوع  
تاقیه کیرلر ویوک ماتلمده اوچ آی یوگدن معمول البسه کیوب ماتمک نصفی  
اولان بر بیچق آی ظرفنده رنگنی سیاهه و دیگر نصفی اولان بر بیچق آینه بیاضه  
تحویل ایدرلر ایدى . الیوم فرانسه ده ماتملرک مدت معینه سی بر زوجک  
وفاتنده برسنه الی هفته ویدر ووالده و زوجهنك فقدانده الی آی و بر جدك  
وفاتنده درت بیچق آی و همشیره و برادر ایچون ایکی ماه و عوجه و تیره  
ایچون اوچ هفته و عوجه زاده ایچون اون بش کوندر . حکمدار دأره سنده  
مدت ماتم اراده حکمداری ايله تعیین ایدیلور ویوک ماتم ایکی ماهیدن  
الی ماهه و کوچك ماتم اوچ کوندن یکر می بر کونه قدر تمیدد اولنور .  
بالجمله آوروپا و آمریقاده ماتلمده اکتسا اولنان رنگ سیاه ایسه ده ماتملرک  
ایلك زمانلردن صکره سیاه برینه پارلاق رنگر کیلسی مجازدر . مصرده  
ماتم اثوابلرینك رنگی صاری و ممالک زنجیه ده کل رنگی و چینده و ژاپونیده  
بیاض ایمش .

§

﴿ ماتم کربلا ﴾ — عید غدیر کله سنه نظر بیوریه .

§

﴿ماجوج﴾ — ماغونك ياخود مانجئونك معربى اولقى كرك كله رينه  
مراجعةت بيوريله .

§

﴿ماد﴾ — يافت بن نوحك دردنجى اوغليدر آوان تفرقه  
منسوبائيله ايرانك جانب شماليسنه كيدوب خراسان الكاسنى مقراتخاذ ايتشيدى  
ماد ديلم وامثال قبائل بونسلدندر .

§

﴿ماداره﴾ ياخود ( ماده را ) — شمنى داخلنده برجسيم قريه نك  
وپورتكىز مستلكاتندن افرىقيه منسوب برطاقم اطهرك نام مشتر كيدر قريه  
مزبوره و قيله منابع خشيادن بر موقع مشهور اولديغى جهته شمنى به كيدنله  
( ماداره به واردكى ) ديو طاقيلورلر ايدى . تركيسى دىخى واردر .

§

﴿ماداغشقار﴾ — بحر محيط هنديده واقع جزائر دن برى والك جسيمى  
اولوب افرىقاي شريقدن التيزو كيلومترو عرضنده اولان و موزامبيق  
قنالى دنيلان بوغاز ايله فصل و تفريق اولمشدر الان بش مليون نفوسى  
واوچبيك مترو دن درتبيك مترويه قدر مرتفع طاغلى حاويدر هواى حار  
وسواحلنكى مهلك در طپراغى منبت ايسه ده اهايسى اصول زراعتى بويله  
بيلدكلرندن منافعى استحصال اولنه مامقده و كثرت اوزره بولنان باقرو قورشون  
وقلاى و تيمور و جيوه معدنلرندن يالكز تيمور معدنى ايشلدلىكده در . جزيره  
مزبوره ( ۱۵۰۴ م و ۹۱۰ هـ ) تاريخنده پورتكىرلو قپودان ( لورانزو )  
طرفندن كشف اولشميله فرانسه نك مطمح نظرى اوله رق اون التجى عصر  
ميلاديه دردنجى هازرى نام فرانسه قرالى جزيره نك ( تلتنك ) و ( تاماناو )  
و ( قووالپوانت ) كې باشليجه مواقعى اله بگوردى و ( درفين ) موقعده  
برقله دىخى تاسيس ايلديسه ده ( ۱۸۳۱ م و ۱۲۴۷ هـ ) تاريخنده انكليزلك  
تخريكيله ( اوواس ) نام عشيرتك واقع اولان هجومى اوزرينه مواقع مزبوره  
فرانسزلك يدندن چيقدى ومؤخرأ دىخى ( راداما ) نام ريلسك اثر وريت

ودر ایتی اوله رق حکومت متفرقه برلشدر لکله بر حکومت جسیه و مستقله  
عدادینه داخل اولدی . ( حکومت ) کله سنه نظر بیوریه .

§

﴿ مادر اس ﴾ — هندستانده بر شهر در بوشهر مادر اس ایالتنک  
مرکزی اولوب قورومندیل ساحلی اوزرنده واقع و پوند شیرک شمالندن  
یوز اوچ و قالکوتنه ک جنوب غر یسندن یک الی یوز اوتوز کیلو متروده  
و بیاض و سیاه قصبه لیه برابر بشیوز یک نفوسی جامعدر . اطرافنده  
بولنان اراضی غایت قوراق اولدیغندن قابل زراعت دکل ایسه ده نباتات  
باغچه لری و صنعتی و باخصوص اقشه قطنیه سی رواجلیدر تجارتی  
واسع اولوب اینجو صدف چوید خام پموق توتون اخراج ایدر و متعدد  
غزته لر چیقار . جوامع و کلیسا و پتخانه و رصده خانه سی مکملدر . مادر اس  
وقیله هند حکومتلرندن بری اولان ( قارناتیق ) ک مقری ایدی صکره یعنی  
( ۱۶۳۹ م و ۱۰۴۹ هـ ) ده انکلیزله یکدی که الیوم انکلیزلرک هندجه برنجی  
مستلکاتی عدولنور .

§

﴿ مادرید ﴾ — اسپانیا دولتک مقری و یکی قستل و مادرید  
ایالتک کرسی اداره سیدر درت یوز التمش بش یک نفوسی جامع اولوب  
اطرافی اون بش قپولی بر سوا یله محاطدر سو قاقلری کنیش و منظم ایسه ده  
قالدرملری بوزوقدر . موزه خانه سی ترسانه سی ضربخانه سی متعدد  
شمندوفرلری فنون آقادمیسی صنایع نفیسه آقادمیسی یدی کتبخانه سی بر  
رصدخانه سی نباتات باغچه لری مکاتب متنوعه سی فابریقه لری مطبعه لری واردر  
و تجارتی وسط خالده در .

مادرید رومالیلر زماننده برقریه دن عبارت اولدیغی حالده اهل اسلام  
ضبط و تحکیم ایدوب ( بحر یط ) نامی ویرمشر و صکره اسپانیولر تحریف  
الیشلردر . ( ۱۰۸۳ م و ۴۷۶ هـ ) ده التجی الفونس طرفندن اخذ  
واسترداد و ( ۱۵۶۰ م و ۹۶۸ هـ ) ده ( تولید ) ه بدل بتون اسپانیانک مقر  
حکومتی اتخاذ اولندی . ( ۱۸۰۹ م و ۱۲۲۴ هـ ) تاریخنده فرانسزلر  
بوریه کیروب برسنه صکره ینه تخلیه الیشلر ایدی . بوراسی اندلس



دولت اسلامیہ سی اندہ ایکن حکمای اسلامیہ دن امام الریاضیین ابو محمد  
مسئلہ کی مشہور ذاتر یتشدیدی •

§

﴿مأرب﴾ — یمندہ و قتیلہ مشہور شمڈی مفقود برشہردر ہونی  
علی روایۃ (سباء بن یثحب) بنا و مقر حکومت اتخاذ ایدوب اوست طرفندہ  
ایکی طاغ اراسندن کلان (سیل عرم) کہ تہلکہ سنی دفع ایچون دخی  
برطاغدن برطاغہ زفت ایلہ ملصوق عظیم طاشلرلہ سد یادیردی دیگر  
روایتہ کورہ سد مذکورک تملرینی مومی الیہ آتدیروب اخلافی معرفیلہ  
تدریجاً اکال اولندی بعضیلری دخی اخلافندن یعنی ملوک جیریہ دن  
(بلقیس) نام خاتون یاخود (لقمان بن عادیا) یادیردی دیرل •

مأربك حوالیسی فوق الغایہ منبت و بساتین و مذارعی معمور و میوہ سی  
مبذول و مشہور ایدی اہالی ہونلرک شکرینی ادا ایتدکلرندن حکمداران  
مومی الیہمدن (عرومزیقیا) زمانندہ سد مذکور یقیلوب مملکت و اہالی  
و حیوانات و مزارع کاملا صو التندہ تلف اولندی •

ہوراسی بعضاً اہلنک اسمیلہ یعنی (سبأ) نامیلہ دخی یاد اولنور یوخنسہ  
سبأ بشقہ و مأرب بشقہ دکلدر •

شمڈی ہونام (مأرب) صنعانک جہت شرقیسندہ و قرق ساعت بعدندہ  
برسجناقلق اراضی یہ ویرلشدرکہ اہالی (بلاد مأرب) دیرلر ایچندہ کی  
جبل ملحدہ اولان طوز معدندن بللورکی اعلا طوز چیقار لکن اورالری  
ہنوز دولت علیہ ادارہ سنہ یکمڈی •

§

﴿مارتابان﴾ — ہندستاندہ برمان حکومتی داخلندہ جاری  
(سالوؤین) نہری منصبدن الی<sup>۱</sup> درت کیلومترو مسافندہ و پغونام  
شہرک یوزقرق اوج فرسخ اعشاری شرق جنو یسندہ قدیماً معمور و شمڈیکی  
حالدہ یالکز الی بیک نقوسی حاوی برشہردر •

سیام و برمان ممالکیلہ مارتابان کورفرزی بینندہ اولان مارتابان اراضیمی  
و قتیلہ مستقل برحکومتہ منسوب ایکن (۱۷۴۵ م و ۱۱۵۸ ھ) تار یخندہ

برمانیلرک زیر حکمنه و ( ۱۸۵۲ م ) ده دخی قسم اعظمی انکلیرک ید  
ضبطنه یکمشد . الآن برمانیلرک حاکم اولدقری قسمک مرکز اداره سی  
مذکور ( مارتابان ) شهری اولوب انکلیرک ضبطنه اولان قسمک مرکزی  
دخی ( آهرستوو ) شهر مشهوریدر اقسام مزبورہنک شرق و شمال جہتری  
طاغلق و هواسی جید و ترابی محصولدار وایک ویموق منسوجاتی  
مشهورددر . و قبیله اغنیا خانہ لرنده قوزی طولہ سی قونان و شمدی اسکی  
معدن نامیلہ انتقہ حکمنده بولنان بیوک مرتبانی طبقر ہب اورانک معمولاتندن  
ایدی .

§

﴿ مار دین ﴾ — آسیای عثمانیدہ دیار بکرک سکسان برفر سخاشاری  
جنوب شرقیسنده اسکی برقلعہ ایلہ بر مدرسہ و برقاج جامع و کلیسائی ویکرمی  
یدی بیک نفوسی شامل و جزریہ حاکم و یک قدیم و مهم برشہر در ( ۱۳۰۰ م  
و ۷۰۰ هـ ) تاریخندن یعنی تاتارلرک ہجوم و استیلا سندن اول کرکی کبی معمور  
بر شہر ایدی .

§

﴿ مارس ﴾ — اساطیر یونانیہ دن محاسبہ الہی و ژوپیتر یا خود ژنونک  
اوغلیدر سناتورلده باشند ایاغہ مسلح و شدت و جرأت نشانہ سی اولق اوزرہ  
ایاغنک آلتندہ بر خروس مرتسم اولہرق تصویر اولنور ایدی ( تراکیا ) لولر  
ایلہ ( روما ) لولرک معبود اتخاذ ایتدکری اشبو مارس سی رومالولر روملوزک  
اوغلی ظن و اعتقاد ایتدکلرندن سنہنک ایلک کونیلہ ہفتہنک ایلک کوننی  
( مارس ) دیو توسیم ایتشدرکہ ( مارت ) انک غلطی اولہرق حالا برنجی  
شہر رومیہ اطلاق اولتقدہ در .

§

﴿ مارسلیا ﴾ — فرانسیہنک ( بوش دو رون ) ایالتنک مقر  
ادارہ سی اولوب آق دکز ساحلی اوزرنده و پارسک سکز بیک یکرمی کیلومترو  
جنوب شرقیسنده ایکوز الشمس بیک نفوسی شامل برشہر جسم و معموردر  
فرانسیہ فرق عسکر یہ سندن برینک موقعی اولدیغی کبی تجارت و صنایع  
و طب مکتبلرینی و برچوق جمعیت علیہ بی حاوی و کثرت ادخالات و اخراجات

ایله مشهور ویک ایکیوز کی استیعاب ایده جک صورتده واسع برلیمانی  
 حائر در . شهر مزبور ( ۱۹۹۴ خ ) تاریخنده یعنی میلادک التیوز سنه مقدمنده  
 برچوق قراسیله برابر تأسیس اولدیغنده بیله حائر اهمیت اولدیغندن  
 اهاالیسی تجارت خصوصنده ( قارتاج ) و ( فیکه ) اهاالیسیله رقابت  
 ایدرلر ایدی مارسیالیلر ( ۱۵۳ م ) تاریخنده رومالورله اتفاق ایدرک  
 رومالورله غول ممالکنک قیوسنی آچلریله بیوک ایش کوردیلر و رومالورک  
 تعرضندن قورتلدیلر .

شهر مزبوره خرسیتیانلق اوچنجی عصرده داخل اولمش ویدنجی عصرده  
 عربلر طرفندن ضبط اولمشدر .

§

﴿ مارغراف ﴾ — آندره سیچموند دخی دنیلور . المانیا مشاهیر  
 کیمیا کراندندر ( ۱۷۰۹ م و ۱۱۲۱ ه ) تاریخنده تولد و ۱۷۸۲ ده وفات  
 ایلدی . بو ذات برلین آقادیمسنده اعضا و حکمت طبعیه شعبه سنک رئیس  
 و پارس انجمن دانشنده اعضای فخری اولمشدر پانچاردن شکر استحصالی  
 و موادعضویه تحلیلنده مایع استعمالنی ابتدا کشف ایدن و خرده بینی تدقیقات  
 فنییه تطبیق ایلیان بودر .

§

﴿ ماروق ﴾ — فاس ولایتک آوروپالیرجه نامدیگریدر مرا کشدن  
 غلط ظن اولنور ( فاس ) کله سنه سنه نظر بیوریله .

§

﴿ مارونی ﴾ — سوریه اهالی خرسیتیانیه سنک بر قسمی و بوقسمک  
 نامیدر مارونیلر شمالاً نصیری و جنوباً دروز طاغیری اراسنده و جبل لبنان  
 و طرابلس شامده ساکنندرلر و ایکیوز التمش بیک نفوسدن عبارت اولدقلى حالده  
 برصورت متمازده اداره اولتمقده درلر عربلرک ایلك استیلاسی زماننده یوسف  
 نامنده بربک تبعه سیله برابر جبله النجا ایتمش و کندولرینه برابرلنده و ( مارون )  
 نامنده اولان بر باباس خرسیتیانلغی تعلیم ایش اولمغله مذکور پایاسک نامنه  
 و یاخود قدیماً موجود و مؤخرأ مندرس و نابود اولان ( مارونیا ) نام شهره  
 نسبت اولنده رق تبعه مزبوره یه مارونی نامی ویرلش اولدیغی مرویدر

مارونیلر الان مذهباً روماکلیساسنی طایفده ومکتبلرنده برچوق زکی کیمسه لر  
یتشدیرمکده درلر مع مافیه برابر بر موقعده یشامقده اولدقلری درزیرله نزاع  
چیقارمقدن خالی اولمزله نته کیم (۱۸۶۰ م و ۱۲۷۷ هـ) تاریخنده چیقاردقلری  
نزاعده اوروپانک مداخله یه قیامی بیله واقع اولدی . مرقوم پاپاس مذهب  
مذکوری ابتدا (۷۸۰ م و ۱۶۴ هـ) تاریخنده ایتالیه ندر نشر ایدوب پاپا  
طرفندن آفروز ایدلیدیکنه بناء سوریه یه صاوشمش ایدی . بومذهب  
(۴۴۹ م) تاریخنده افسده تشکل ایدن جمعیت رهبانیه معرفتیه تدقیق اولنان  
(اوتیشست) مذهبی شعباتسندرکه صکره قبط ویعقوبی فرقه لرینه آیرلمش  
وجله سنه بردن (مونوفیریت) دینلشدیر .

§

❖ ماریاندینی ❖ — سقاریه نهری حوالیسندنه مسکون بر صنف  
اهالینک قدیماً معروف اولدیغی نامدرکه دهسا اول بونلره (بریس) نامی  
ویریلور ایدی .

§

❖ ماریوس ❖ — روماجنراللری ایچنده حکومت عوام طرفدارلغیه  
معروف برذاتدر (۵۴۹۳ خ) تاریخنده یعنی میلادک یوز برسنه مقدمنده روم  
ممالکنه یوریش ایدن سیمیر و طوتون طائفه وحشیه سنک خدنک مهاجراتنه  
دلیرانه کوکس و یره رک ثابتقدم مرکز ثبات اولمش و بوسایه ده افس  
وورسل محاربات عظیمه سنی قزانهرق طوائف مرقومه یی مغلویت بینهایه یه  
دوچار ایلشدیر .

§

❖ مازندران ❖ — عجمستانک شمالی برولایتیدر بحر حزر  
ساحلنجه تمتد اولوب عراق عجمک شمالنده وکیلان ولایتک شرقنده واقع  
ویدی یوزیک نفوسی جامعدر بلاد مشهوره سی (استراباد) و (بالقروش)  
شهرلرندن عبارت اولوب اراضیسی طاعلق و بعض جبالنک زروه لری  
قارایله مستور و اقلیمی حار و رطوبتلی و اهالیسی سلحشورلقده مشهوردر  
لکن مهمانوازلق و غریب دوستلق کبی شیریلزلر . مازندران غزنویلرایله



سجوقیسرک ایران علیه آید قلی محاربانک اکثر یسنه میدان ظهور  
اولشیدی .

§

﴿ماسقاره﴾ — جزایر ده (اوران) دیلان (وهران) ولایتده  
ساحلی بر شهر مستحکمر و نام صحیحی (مسقاره) در بر قایچ جامع شریفی  
و بورنوس و قلیچ دستکاهلری وارد ویدی یک قدر فنوسی حاویدر شهر  
مزبور و ملحقاتی فرانسزلر (۱۸۳۵ م و ۱۲۵۱ هـ) تاریخنده امیری شیخ  
عبدالقادر دن حرباً ضبط ایدرک ایکی سنه صکره (تافنا) معاهده سی  
موجنبجه شیخ مومی الیه ترک ایلدیلر سهده بو ترک اهالی بی بدن بره  
اورکو تمامک ایچون بر زمین اولدیغندن درت سنه صکره یعنی (۱۸۴۱ م  
و ۱۲۵۷ هـ) تاریخنده تکرار آلدیلر و شیخ مومی الیه بش الی سنه فرانسه ده  
حبس ایدوب اندن صکره موافقیله ممالک دولت علیهیه کوندردیلر  
(عبدالقادر) کله سنه نظر پیور یله .

§

﴿ماصون﴾ یا خود (فرماصون) — انکتره و فرانسه و المانیا  
و سائر ممالکده منتشر یرجیت خفیه در بونلرک وظیفه سی خیرخواهلق  
واخلاق عمومیجه حسن اتحاد خدمت و ابناى جنسنه معاونت ایمش .  
برکسه ماصونلرک جعیته داخل اولق استدیکی زمان سیاحت تعبیر اولنان  
بعض تجربه لر اجرا اولنور و اسرارلرینی افشایتمیه جکنه یمین ایتدیریلور  
وبعدالقبول بررلرینی طایبق ایچون مرتب اولان اشارات تعریف و بعض  
اسرارلری تلقین ایدیلور ایمش . ماصونلرک بیوجک مملکتلرده لوجهلری  
ودیشیجه آدمردن رئیسلری وارد و منقسم اولدقلری اوتوزاوج  
مراتبدن اوتوزی مبتدی نامیه یرنجی و اوچی ملازم و رفیق و معلم ناملریله  
متبی اعتبار اولنور و اک یوکسک درجه ده واقف اسرار اولنلرک تحت  
ریاستنده بیوک شرق مجلسی نامیه بر مجلسلری و هر سنه انقلاب صیفی  
و شتائیده ایکی ششکلری اولور فرانسه ماصونلرینک اک بیوک شرق  
مجلسلری پارس ایچنده در . پوتیقه سنی ترویجه ماصونلغی مداراتخا زایدن  
اوچنجی ناپلیون زماننده ماصونلق کرکی کبی شهرت بولش ایدی .

ماصونلغك ابتدای ظهوری پكده معلوم اوله میوب بعضیلری مصردن  
یاخود یونانستاندن چیقدی و بعضیلری حضرت سلیمان علیه السلام  
زماننده و قدس شریف معبدینك تأسیسی صرهده (تیر) یعنی (صور)  
ملکی حیرام معرفتیه اختراع اولندی دیدیلر و اخیراً برچوق کسه لر دخی  
سکزنجی عصر میلادیده معابد و مکاتب انشاسی امتیازاتنه نائلیتله تشکله  
ایدوب مؤخرأ بینلرنده معهود برخصوصك ترو یخنه چالیشان هیئت معماریه  
اتحادندن النمش فقط کیده رك مقصد دکیشوب (دیدکری کبی ایسه)  
وقتیله اناتولیده ظهورایدن اخیلر مسهلکنه کیرمشدر دیدیلر . نشان  
واعتمادنامه لرنده پرکار و کونیه کبی الات معماریه مرتسم اولدیغنه باقیلوا یسه  
ذکر اولنان هیئت معماریه دن اله برشی اولدیغی مأمولدر . هر نه حال ایسه  
برکسه ماصونلغك پك ایلر وسنه واردیغی حالده اوکنه برشمس پرستلک  
حقیقه جغی ظن اولنور (اخیلر) کله سنه دخی نظر بیوریه .

§

﴿ ماغو ﴾ ویا (ماغوس) — یافت بن نوحك اوچنجی اوغلیدر  
ماغوغ دخی دینور حین تفرقه منسوباتیله تاتارستان طرفنه کیتکله تاتارستان  
سندچین خطای چاپون اهاالیسنك و (۵۴۳۲ خ) تاریخنده یعنی میلادك  
یوزالتمش سنه مقدمنده چیندن مطرود (دیوش) نام ترك قبیله سنك اصلی  
اولمشدر . (مأجوج) کله سنك ماغوغدن مغرب اولسی ظن اولینور  
ایسه ده (مانجور) دن مغرب اولسی دخی خاطره کلور .

§

﴿ ماقسیمیلین ﴾ — المانیایا ایمپراطورلرندن بری و بونامده اولان  
حکمدارلرک برنجیسیدر و ایمپراطور اوچنجی فردریقك اوغلیدر .  
(۱۴۵۹ م) ده وجوده کلوب (۱۴۸۴ م و ۸۸۹ ه) تاریخنده پدیری  
مقامنه جلوس ایلدی . جلوسندن مقدم شارل تمورك قزی وارثه تخت  
اولان ماری دو بورغونی ایله ازدواج ایلدیکنه بناءً وراثت دعواسی  
ایدن اون برنجی لوبی ایله پك چوق محار به لر ایتدی . مشارالیه غایت

مقدم اولوب حتی محاربانده بيله ملككنك اصلاح احوالنى دوشوندىكى  
تحقيق اولمشدر .

§

﴿ ما قسيمين ﴾ — المانيا امپراطورلرندن برى و بونامده اولان  
حكمدارلرلك ايكنجيسيدر و امپراطور برنجى فرديناندك اوغليدر ۱۵۲۷ ده  
وجوده كلوب ( ۱۵۶۴ م و ۹۷۲ هـ ) تاريخنده پدى مقامنه جلوس  
ايلدى . ترانسولوانيا يعنى اردل بكى شيرسوند و سلطان سليان و سلطان  
سليم ثانى حضراتيله ايجه محاربه سى واردر . مشاراليه صلح و معارفى  
سور و اعمار ملك ايدر بر ذات ايلدى .

§

﴿ ما كيدونيا ﴾ — تساليانك شمال و تراسك غرب و ايلير يانك  
شرق طرفنده و اردار نهري بونجه واقع اولان اراضيدن عبارت بر قطعه در  
تراسلور ايله يونانلوردن عبارت اولان اهاليلى مقدم بدوى ايكن فليب  
نام قرالك زمان سلطنتنده طريق تمدنه قدم باصمشدر .

ما كيدونيا ( ۵۱۰۲ خ ) تاريخنده يعنى ميلادك درت يوز طقسان ايكي سنه  
مقدمنده فرس حكمدارى دارانك يد استيلاسسنه دوچار اولمغله اهاليلى  
بالضروره عجملك داخل دائره اتفاق اولديلر ايسه ده اون اوچ سنه  
صكره واقع اولان ( پلاته ) محاربه سى ختامنده سمرى ينه يونانلور دويرديلر  
و مؤخرأ جالس سرير حكمرانى اولان ايكنجى فليب حال فترتى اسايشه  
تحويل و غيب ايديلان ممالكى استرداد و يونانستانى كاملاً ما كيدونيا به اخاق  
ايدرك عجم اوزرينه اسباب سفر تداركيله مشغول اولديغى صهرده مقتولاً  
وفاتى و قوعبولمغله اسكندر رومى باباسنك قورديغى عجم سفرى پلانى  
اجرا و متعاقباً تكميل اسياى استيلا ايلدى . ( اسكندر كله سته نظر بيوريله )  
مؤخرأ اسكندر دى وفات ايتديكنده ممالكى متغلبه بيننده تقسيم اولتمسيله  
ما كيدونيا دى رومالورلك استيلاسسنه قدر بر متغلبك زير حكمنده قالدى  
ودها صكره ( ۵۴۶ خ ) تاريخنده يعنى ميلادك يوز قرق سكر سنه  
مقدمنده رومالور استيلا ايتكله بر ولايت تشكيل اولدى و روما ممالككنك

انقسامنده دخی شرق ایمراتورلخی ونهایت اون بشخی عصر میلادیه عثمانلو اداره سنه یکدی • (سلانیک) کله سنه دخی نظر بیوریه •

§

﴿مالابار﴾ — هندستانده غانر نهری فی یقینندن بدأ ایله جنوبه طوغری تمتد اولان ساحل غریبنک اسمی اولوب ایکی ملیون قدر نفوسی ویوز یکر می میل اعشاری قدر تمتد اراضی بی شاملدر •  
اوته دنبرو مشهور اولان معدنلرندن شمعی یالکرتیمور معدنی ایشلدیلکده در •  
بوراسنی (۱۴۹۸ م و ۹۰۴ ه) تاریخنده پورتیکرلر استیلا ایلدیسده طاغرده ساکن اهالیسی انقیاد ایتماش ایدی صکره یعنی (۱۷۷۴ م ۱۱۷۸ ه) تاریخنده حیدر علی نام امیر تحت انقیاده الوب ده صکره انکلیزلرک ید ضبطنه یکدی • انکلیزلر قطعه مز بوره دن زوجی وفات ایدن قادینلرک زوجلرینک نعشی اوزرنده کندولرینی یاقق عادت مکروهه سنی قالدیره بیلشدر •

§

﴿مالاقوف﴾ — قریمه سیواستپول شهرینی مدافعه ایدن قلاعلک الک جسیم ورسینیدر (۱۸۵۵ م و ۱۲۷۲ ه) تاریخنده فرانسه جنزالی (پلیسیه) طرفندن سسوق اولنان هجوم قولی طرفندن ضبط اولمشدی بتون شهرک بالاستیمان تسلیمه سبب اولدی و جنرال مرقومک رتبه سی مارشاللقه ترفیع و (دوق دو مالاقوف) نامیله تلقیب ایدلدى •

§

﴿مالاقه﴾ — هندستانده غانرک اوته سننده برشهردر • مالاقه ایالتنک کرسی اداره سی اولوب کندو نامنه اولان شبه جزیره نك منتهای جنوبیسنده واقع وچینلی و مالیز و آوروپالی اولمق اوزره اوتوز بیک نفوسی جامعدر و برکوزل لیمانی وارددر • بوراسی (۱۲۵۲ م و ۶۵۰ ه) ده مالیزلر طرفندن تأسیس اولمشدی •

﴿مالاقه شبه جزیره سی﴾ — هندده غانر نهرینک اوته سننده و بنکاله وچین دکزلری بینده بیک یوز طقسان کیلومترو طول ویوز طقسان کیلومترو عرض اتساعنده بر قطعه اولوب (تناسیریم) دلی ایله بره



التصاق ايدر ونفوس موجوده سی اوچ یوز تیش بش بیکه بالغ اولور .  
طاغلری چوق هواسی صیچاق ووخیم وزراعتی تدبیده در . صاری صبر  
و صندال وامثالی نباتات والماس وسائر اجحار ثمینہ سی والتون قلائی تیمور  
معدنلری وارد در . اشبو شبه جزیره همان بالکلیه سیام قرالیتنه تابع  
صایلور .

§

﴿مالدیو﴾ — هندستان غربیده وقومور برونی آچیقلرنده بربرینه  
قریب برقاج یوز اطه نك نام عومیسیدر بواطه لرك انجق الی قدری مسکون  
وقصوری خالی عن العمران والسکون اولوب کافه سی مخوف ومدھش قیار  
ایله احاطه اولمشدر اهالی اسلام وبرحاکک زیر اداره سنده اوله رق هند  
وچین طرفلریله اخذ واعطا ایدرلر .

§

﴿مالطه﴾ — آق دکرده انکلتزیه تابع ویوز اوتوز بیک نفوسی  
جامع براطه در اکثر اراضیسی قیالقی وزراعتنه غیر صالح ایسه ده  
اهالیسی سچیلیدن طپراق طاشینیوب ایچمه ترلا تدارک ایتدیلر بوراسی  
مقدما مالطه شوالیدلری نامیله مشهور (سن ژان) لرك قرارکاهی ایکن  
(۱۸۰۰م و ۱۲۱۵ه) تاریخنده انکلیرلره یکمشدر .

§

﴿مالک﴾ بن انس — ائمه مذاهب اربعه نك ایکنجیسی اولان  
امام مالک حضر تلیدر ولادتلی (۷۱۳م و ۹۵ه) تاریخنده مدینه  
منوره ده ووفاتلی (۷۹۵م و ۱۷۹ه یاخود ۱۷۴) تاریخنده اولوب  
(بقیع) نام محله مدفن آرای احترامدرلر .

علومی زهری ویحیی بن سعید ونافع وهشام بن عروه وزید بن اسلم وربیعہ  
ابن ابی عبدالرحمن وسائر ذواتدن اخذ واستماع ایدوب امام شافعی ومحمد بن  
ابراھیم بن دینار وابوهاشم وعبدالعزیز بن ابی حازم ومعز بن عیسی ویحیی  
بن یحیی وعبدالله بن مسله وعبدالله بن وهب کبی ذاتلر دخی کندولرندن  
مستفید اولمشلردر . تعلیم علم شریفده فرط اعتنا واحتراملری اولوب حتی  
نقل حدیثه مباشرت مراد ایلدکلرنده تجدید وضو وتسبیح حلیه واستعمال

برلرینی ضبط و او توز ایکی سنه خاقان ایله مشترکا اجرای حکومت ایلدکاری  
حالده ( ۱۶۴۱ م و ۱۰۵۱ ه ) تاریخنه قدر وقوعبولان اختلاللردن  
بالاستفاده قصور ممالکی دخی زیر تسخیره الهرق تاریخ مذکورده نائل  
استقلال اولدیلر . ورئیس اختلال ( لیچونخ ) ی پکینه تخت چین  
اجلاس ایتدیلر . وقتیه چینلور چین دیارینی مانجوریا جهتمدن محافظه  
ایچون سد بنا ایشلر ایدی . مأجوج لغظی اشبو مانچودن معرب اولق  
کرکدر . ( چین ) کله سنه دخی مراجعت پیوریه .

§

﴿ مانغانه ﴾ — اسپانیاده ( خولوا ) ایالتنده چیتار برنوع معدندر  
قولرا ووبا و قتلرنده اوطه ایچنده حفظی هوایی اصلاح ایله بقای صحتیه مدار  
اولور ایمش .

§

﴿ مانومترو ﴾ — اجسام هوا ئیه نك الاستیقیه سنی استعمال ایچون  
یابلیش برآلتدر . بوالنك برقاچ نوعی اولوب اکثریا واپور قزغانلرنده و غاز  
فابریقه لرنده کی غاز خزینه لرنده و تیمور اوجاقلرنده قوللانیلور . انواع  
مذکوردن بریسی ایکی طرفی اچیق و برقوی دوز و دیگر قوی نصفندن  
یوقارو خزینه لی واکری شیشه بوریدن عبارت اولوب درونلرینه قونه جق  
اولان جیوه مساوی ارتفاعده طوردیغی حالده خزینه لی واکری قوی بر  
واپور یا خود غاز قزغانه صوقیلور اکر قزغانك دروننده اولان بخارك و غازك  
قوه الاستیقیه سی هوا ئی نسیمك قوه الاستیقیه سنه مساوی ایسه کیروده کی  
قول دروننده اولان جیوه اصلا حرکت ایتیموب لکن زیاده اولدیغی حالده  
صعوده باشلار . وجیوه بووجهله یکرمی درت پرمغه قدر صعود ایدر ایسه  
قزغانك دروننده اولان بخار و یا غازك قوه الاستیقیه سی هوا ئی نسیمك  
تضییقنك ایکی مثلی و قرق سکز پرمغه قدر صعود ایدر ایسه اوج مثلی اولدیغی  
اکلاشیلور . دیگر نوعلری دخی برطرفی مسدود و دیگر طرفی آچیق  
وامنیت بوریسی و سائر نامرلیه تفریق و هر بری بر بشقه صورتده ترتیب  
اولنمشدر .

§

﴿مانی﴾ — (۲۴۰ م) تاریخنده تولد ایتش بر کیمسه در اون ایکی یاشنده سودای تنبیه دوشدرک لسان سریاییده باشلی باشنه اون ایکی کتاب یازمشدر بری خالق و عقل یاخود ضیا آبی دیکری شیطان و ماده یاخود ظلمت کونی اولوق اوزره زعمجه ایکی مبدأ اثبات ایدرک ازلی انکار و روح الله کندوسی اولدیغنی ادعا ایله نبوت عیسی علیه السلامی رد ایدوب فقط آدم شیت نوح ابراهیم و موسی علیهم السلامک رسالتلرینی تصدیق و اقرار ایلرایدی بوندن بشقه کندوسیه و پیرولری هرکون درت وقت نماز قیلارلر و کذب و قتل و زنا و بخل و تحری نهی ایدرلر ایدی. مذهب مذکور اربابندن عصر سعادت ییتیشان کیمسلر حضرت محمد علیه الصلوٰه و السلامی دخی صفت رسالت و نبوتله توصیف و تجحیل ایلشدر .

مذهب مذکور چوق کیشیلر زنده خصولیه شاه شاپور بن اردشیر عندنده رهین قبول و مانی او توز بش سنه صکره بهرام شاهک سیف جلادیتله بلامان مقتول اولشدر .

§

﴿مانیاتیمو﴾ — مقناطیس حیوانیه — کله سنه نظر بیوریه .

§

﴿مانیات﴾ — لهستان دوقه لرینک اسکی عنوانیدر بونلره پالاتین دخی دیرلر ایدی مقدمأ اسلا و شعبه سندن متفرق اوله رق سارمات نامیه بنام بولندقلری حالده طونه نک شمالنده واقع و یستوله نهری وسطنده بر دوقه لق تشکیل ایدرک (۸۴۲ م و ۲۲۸ ه) تاریخنده ییفاست نامنده برینی دوقه تعیین ایلشدر ایدی مؤخرأ اونجی عصرده اشو دوقه لق لهستان قرالغنه تحویل اولندی .

§

﴿ماوردی﴾ — اسمی علی بن حبیب کنیه سی ابی الحسن وفاتی (۱۰۵۸ م و ۴۵۰ ه) تاریخیدر .

کبار فقههای شافعیه دن اولوب فقهی بغدادده ابی حامد اسفرائی و ابی القاسم ضمیریدن اخذ ایلدی . حافظ مذهب شافعی ایدی برچوق بلده لرده حاز منصب قضا اولوب نهایت الامر بغدادده توطن ایلشدر .

مذهب شافعی به دائر (حاوی) نام بر کتابی و تفسیری و (کتاب النکت والعیون) و (کتاب ادب الدین والدنيا) و (کتاب الاحکام السلطانيه) و (قانون الوزاره) و (کتاب سياسه الملك) و (کتاب الاقناع) نامبرنده خیلی آثار مفیده سی واردر .

§

✽ **ماورو قورداتو** ✽ — فنارلی مشهور بروم فامیلیاسنک نامیدر بوفامیلیدان خیلوجه معروف آدملر یتشدی ازجمله (علکساندری) سرای همایون طبابت خدمتده بولندیغی حالده اوستریا دولتی نزدینه و (۱۶۹۹ م و ۱۱۱۱ هـ) تاریخنده (قارلوویچ) معاهده سی مکلمه سننه مأمور اولمش ومومی الیهک اوغلی (نیقولا) اولاً دیوان همایون ترجانلغنه ومؤخراً افلاق ومتعاقباً بغداد و بوده لغنه تعیین اولمش ومؤخراً کوریلان بعض صداقتسرلکی اوزرینه بدرجه یه قدر نظر دولندن دوشمش ایدی . اندن صکره دولت علیه نزدنده بوفامیلیانک اعتباری قللدی وانلره منسوب اولان دیگر برعلکساندری دخی یونانستان اختلافات معلومه سننده الک غیور محرک صرهنه بکچمکه (۱۸۲۳ م و ۱۲۳۹ هـ) تاریخنده یونستان (اتریا) ریاستنه نائل اولدی .

§

✽ **ماورومیخالی** ✽ — یونانستانده پتروبوک دینککه معروف بر محرکدر بوآدم یونان اختلالی اثناسنده مشاهیر رؤسای عصاتدن اولسنه مبنی حکومت موخته اعضالغنه نائل اولدی ورئیس (قاپودیستریا) ایله عسدم امتزاجنه مبنی مأموریتندن عزل وحبس اولنوب مؤخراً رئیس مرقوم اوغلی و برادری معرفتلیله قتل اولندیغنه بناء (ماورو) حبسدن قورتلدی وقرال (اوتون) زماننده هم جزاللق رتبه سننه وهمده سناتو اعضالغنه نائلیتله ارکان یونانیه دن اولدی .

§

✽ **ماهان** ✽ — فرس پادشاهی (سرخس) وزیریدر . کندیوسی عمالقه دن اولدیغی ایچون منفیاً فارسلده بولنان یهودیلره خصومت ایدرایدی . فقط بوخصومتک سیئه سنی ینه کندو نفسنده مشاهده ایدوب شویله که برکون یهودیلرک سوء حالندن بختله شاهه قناعت ویره رک بجه سنی اعدامه



امر آلدیغی حالدہ اجرا سندن براز اول قضیه نك ساده بر غرضدن عبارت اولدیغی اکلاشلدیغندن بالعکس کندوسی صلب اولندی .

هرکه کند نيك و بد . آخر بنفسش کند

( استیر ) کله سنده نظر بیوريله .

§

﴿ ماهرات ﴾ یاخود ( مہرات ) — هندستانك و سطنده بش يك ساعت مساحت سطحیهی و درت ملیون نفوسی حاوی بر حکومتدر . اشبو حکومت جوانب اربعه سی انکایر لرنده اولدیغی حالدہ مستقلاً اداره اولنور . مقری یوز یکر می یک نفوسی وسکسان درت باب یتخانه و بر رصد خانه یی جامع اولان ( عجین ) شهر یدر . حکومت مرقومه یه بعضاً سندیا حکومتی دخی دیرلر ایسه ده انکایر جایه سنده اولان اصل سند بشقه در .

§

﴿ مایانس ﴾ — هس دارمستاد دوقه لغنك بلاد مشهوره سندن رن نهری ساحل یساری اوزرنده التمش يك نفوسی حاوی بر شهر در و مواقع مستحکمه دندر . یوک و یوق منسوجاتی و مصنوع اینجو والات موسیقیه معمولاتی مشهور در . بر مدت پورتو فرانق اعلانی مناسبه کرکی کبی معمور اولدی . شهر مزبور ( ۵۵۸۱ خ ) تاریخنده یعنی میلادك اون اوچ سنه مقدمنده تأسیس اولتمش ورومالور زماننده برنجی درجده مستحکم برحاله قونیلوب موخرأ یعنی ( ۴۰۶ م ) تاریخنده اقوام وحشیه طرفندن تخریب ایدملکه شارلمان زماننده ینه معمور یتنه چالیشلدر .

§

﴿ مایسور حکومتی ﴾ — هندستان اقسام متازه سندن بر یدر و بالاغانك جنوب و قو و اماتورك شمال و قنارا و مالابارك شمال شرقی جهتلرنده واقع و سطح بحردن يك ذراع مرتفع اولدیغی حالدہ اوچ ملیون بشیوز يك نفوسی حاوی و هواپی معتدل و ترابی نابت اولوب منطقه حاره یه مخصوص اولان محصولانك كافه سنی حاصل ایتکده در و پك چوق تیور معدنلری اولوب همان كافه سی ایشلدلکده در . بر قاچ عصر راجدر

اداره سنده بولندقدنصکره (۱۷۴۰ م و ۱۱۵۳ ه) تاریخنده حیدر علینک ید تعلبنه یکدی و مومی الیهک خلنی و اوغلی تیو صاحب انکیرلرک هجو منه فرانسزلرک یاردیمیله اییجه مقابله ویکرمی بش سنه مدافعه ایتدیسده غلبه میسر اوله مدیغندن عاقبت (۱۷۹۲ م و ۱۲۰۷ ه) تاریخنده ممالکنک نصفنی و مصارف سفریه بی وروب یقانی قورتاردی و (۱۷۹۹ م) تاریخنده وفات ایلدیکنه بناء اهالی اسکی راجه لردن برینک اوغلنی تخته کچوردیلر سده اسکی نفوذلی قالدی و مرکز اداره لری اولان الی بیسک نفوسی جامع نفس مایسور شهری انکیرلره کچدی . بو شهر سرهنک ابارک اون بش میل غرب جنوبیسنده بولنور .

### §

﴿ مبارز الدین ﴾ — شیرازده بنو مظفر حکومتک واضع اس الاسایدیر . نسلی خراسان فتحنده کلوب اورایی مسکن اتخاذ ایدن عرب امراسندن امیر غیاث الدین نام ذاته منسوبدر . پدری مظفر ملوک ایلخانیه یه ویزد حاکم لینه چوق خدمت لر کوروب طبل و علم المش و کندوسی ( مبارز ) دخی ابو سعید جنکیرنی طرفندن یزد والیسی اولش ایدی . مؤخرأ ( ۱۳۱۸ م و ۷۱۸ ه ) تاریخنده دوشوردیکی فرصت اوزرینه استقلالنی اعلان ایلدی و اخلافی شیرازده ۹۴ سنه حکومت سوردی .

مبارز غایت مرحمتسز و متجسس بر آدم اولدیغندن جزئی بر تهمله متهم بولدییی کسه بی ولو اقباسی اولسون کندو الیه قتل ایدر کیدردی و بو سببه منی ( محتسب ) لقبی آلمشیدی .

### §

﴿ مترنخ ﴾ — اوستریانک مشهور دیپلوماتلرنددر . مومی الیه بریوک فامیلیاه منسوب اوله رق ( ۱۷۳۳ م و ۱۱۴۶ ه ) تاریخنده قوپلنج شهرنده تولد ایتش و ۱۸۵۹ ده وفات ایلشدر . اوائل حالنده استرازبورغ شهری مشاهیر معلمیندن قوش نام ذاتن تاریخ و حقوق درس لری تعلم و مشهور دیپلومات قونچیک کریمه سنی تزوج ایدوب مأمور اولدیغی راستادقونقره سی کتابتنده ایکن ایکنجی فرانسوانک نظرینی جلب ایتکله درست و برلین سفارتلرینه و ۱۸۰۴ ده دخی بارس سفارتنه تعیین اولندی و اعلان حرب

اولنجه يه قدر دولت متبوعه سنك پوتيقه سندن ايمپراطور ناپليونه بر سر رشته بيله ويرماسنه بناءً ويانه يه ورودنده باش وكالت مقامنه چكورلدى واغرام مغلوبيتنى متعاقب اوستريا ارشيدوشه سنى ناپليونه ترويج وپوتيقه سنى ترويج وناپليون عليه نه اولان آورو پا اتقاقتنه دولتنى دخى تشرىك ايدرك ليسيپى محاربه سنى قزاندردى ومكافأاً پرنس عنواننى الدى وپارسك دول متفقه اردولرى معرفتيله ضبطنده ناپليون خاندانى عليه نه ده وپوربون خاندانى له نه ده بولندى واوستريا اختلالى وقوعنده اداره اموردن چكيلوب ( ۱۸۵۱ م و ۱۲۶۸ هـ تاريخنه قدر گذران ايدن اوقاتنى اوستريا خارجنده چكوردى .

موحى اليه تجردات وسر بستی افكارى سومز وحكومت مطلقه اصولنى بكنور بر ذات ايدى ومصر غائله سى حقه نه ده اورو پا دولتريله وقوعبولان مخبراتى دولت عليه يه طرفدارلندن وحق كولكندن عبارت اوله رق حسن نتيجه حاصل اينش واواشاده دولت عليه نك ويانه سفيرى بولنان رفعت پاشا ايله پك كوزل پكمشدر .

### §

﴿متنبى﴾ — اسمى احمد بن حسين بن حسين بن عبد الصمد الجعفى كوفيدر بعضير احمد بن حسين بن مره بن عبد الجبار ديدلر لفي ابى الطيدر . هنكام صباوتنده شامه قدوم واقطار سائرده جولان ايله تحصيل علوم ايدرك بتخصيص فنون ادبيه ده بالغ ما بلغ اكتباب مهارت ايلدى . متنبى اكثر اوقانده نقل لغات ولغاتك غريب و وحشيسنه اطلاع ايدن ثقاتدن برى اولوب شعرى دخى فصاحت وبلاغت وسائر جهته حد نهايته واصل اولمشيدى . بعضيرى متنبى بى ( ابى تمام ) ه برطاقى دخى ابى تمامى متنبى به ترجيح ايدرلر . علمادن بر چوق ذوات ديوانى شرحه اعتنا ايدوب حتى اولبايده مطول ومختصر قرقلن زياده شرح تأليف اولنديغى متواتردر .

متنبى ايله اشتهارينك وجهى حاشا دعواى نبوته قيام ايلسى ايديكه بوكامبى حبس اولنوب بعده توبه ايلديكى جهته اطلاق اولمشيدى .

بعضيرى ( انا اول من تنبى بالشعر ) ديسمندن ناشى متنبى ايله شهرت بولدى

ودیکر لری بعض اشعار نده ( انافی امة تدار کها الله غریب . کصالح فی نمود )  
دیمسنه مبنی اولدی دیدیلر .

قبیله وتوابعیله بغداددن کوفه یه رجوعی ائشاده ( فانک ) بن ابی جهل الاسدی  
نام شخص یوللرینه حیقه رق بعض مقاتله دن صکره اوغلی ( مجد ) وکوله سی  
( مفلح ) ایله برابر صافیة نام محله قتل اولمشدر .

مرویدر که اثنای مقاتله ده متنبی بالآخره مغلوب اوله جغنی اکلابوب فراره  
قرار ویردکه کوله سی مرقوم لایقمیدر که یار و اغیاره قارشو اختیار فرار  
ایده سک مع هذا شوبیتک ( الخیل واللیل والبیاء تعرفنی . والسیف  
والرحم والقرطاس والقلم ) قائل سن دکلیم سک دیدکه کیرو دونوب مقتول  
اولنجیه قدر اعداسنه مقاومت ایشلدر که بوییت سبب مستقل قتلی اولمغه  
مشهوردر .

ولادتی ( ۹۱۵ م و ۳۰۳ هـ ) ده کوفه ده کند ناملحه ده و قتلی . ( ۹۶۴ م  
و ۳۵۳ هـ ) تاریخنده در .

§

﴿ متوشلخ ﴾ یاخود ( ماتوشلخ ) ادريس عليه السلامك اوغلی  
ونوح عليه السلامك والدی اولان ( لامك ) ك پدری اولوب حضرت  
ادريسك رفعندن صکره خلیفه اولمشدر .

§

﴿ متوکل علی الله ﴾ — خلفای عباسیه دن اولوب ( ۸۴۶ م و ۲۳۲ هـ )  
تاریخنده تختہ یکمش و ( ۸۶۱ م و ۲۴۷ هـ ) تاریخنده بعض احوال غیر  
لایقه سنه بناء وکلا ووزرا ایله علماسی طوپلاشوب خلع واعدامیله بغدادی  
دارالسلام ایشلدر .

مومی ایله اسلام ایله خرسه تیانلری تنزیق ایچون خرسه تیانلرک بالرنکنده  
طیلسان کیملرینی وعموماً زنار قوشانملرینی امر ایشلدر . مقدا حبش  
نجاشیدشدن زبیر بن عوام حضر تیرینه و انلردن علیه الصلاة والسلام  
افندمره کلوب ( ۸۵۸ م و ۲۴۴ هـ ) تاریخنده بعض شرائطله کندوسنه  
( متوکل ) واصل اولمش اولان بر حربیه بی هر سوقاغه چیققدقجه اوکی



صره کز دیرمک عادتی ایدی . متوکاک غضب و حسرت و سکر و عیشی  
تاریخچه مشهور در .

§

﴿مٓی﴾ — حواریوندن طبریته تولدایتمش و انجیل جمع ایش  
برذاتدر اوائل حالنده روما حکومتی نامه ویرکو تخصیص دارغی ایدرایکن  
عیسی علیه السلامک دعوتنه اجابت و خدمت عالیرینه ملازمت ایدوب  
طبریته وعکا طرفلمرنده ومؤخرأ ایران طپراغنده نشر دین وآیین ایتدیکی  
صرهده عجملر طرفندن قتل اولمشدر . مومی الیهک کلدانی لسانی اوزره  
عروجدن سکزسنه صکره جمع ایتدیکی انجیل اناجیل اربعدنک الکقدیمیدر  
بوانجیل مؤخرأ رومجهیه ترجمه اولندیغی حالده نسخه اصلیدسی حالا  
مفقوددر .

§

﴿مثقال﴾ — اوزان عتیقه دندر بریحق درهمه یعنی الی دنکه  
اطلاق اولنور . (درهم) کلمه سنه نظر بیور یله .

§

﴿مثلث﴾ — علم هندسهده برسطح مستوی اوزرنده اویچ عدد خط  
احاطه سندن حاصل اولان شکله اطلاق اولنور اضلاع ثلثه سی مساوی  
امتدادده اولان مثلثه (متساوی الاضلاع) ایکی ضلعی مساوی اولان مثلثه  
(متساوی الساقین) اضلاعی مختلف اولانه (مختلف الاضلاع) تسمیه اولنور  
کندوسنده برزاویه قائمه بولنان مثلثه (قائم الزاویه) وبوزاویه نک قارشوسنده  
واقع ضلعه (وترقائمه) دنیلور .

هر مثلثک ضلع اسفلند اول مثلثک قاعده سی دنیلوب زاویه رأ سندن قاعده سنه  
نازل اولان خط عمودی دخی ارتفاعی اولور وکندوسنده زاویه منفرجه  
بولنان مثلثک خط ارتفاعی دائماً خارجلمرنده بولنور .

(ذوا اربعة اضلاع) برسطح مستوی اوزرنده درت عدد خط مستقیم  
احاطه سندن حاصل اولان شکدر ذوا اربعة اضلاعدن ضلعین متقابلینی  
متوازی اولان شکله (شبه منحرف) وهر ضلعین متقابلینی متوازی اولان  
شکله (متوازی الاضلاع) وزویاسندن هیچ ری قائم اولوب جمیع اضلاعی

متساوی اولان شکله (معین) وهر زاویه سی قائم اولان شکله (مربع) وهر ضلعین متجاورینی مختلف و جمیع زاویاسی قائم اولان (مستطیل) دیرلر .

اشکال ذوایا اربعة اضلاعه هرایکی زاویه متقابله بیننه واصل اولان خطرله (قطر) دنیلور و اشکال مذکورده ایکیشر قطر رسم اولنه ییلوب بونلر نقطه تقاطعه یکدیگرینی تنصیف ایدرلر و معین ایله مربع شکلرینک ایکی قطرلری بری برینه عمود اولور .

§

﴿مشنوی﴾ — مولانا جلال الدین رومی حضرت تیرینک فارسی منظوم و مزاحفات رمل مسدس اسلوبی اوزره مرقوم الی جلد اثر حقایق رهبر لیدر . و کتاب معجز خطاب مذکور ترکیه و فارسیجه برچوق ذوات معارفیمات طرفلرندن شرح اولمشدر اوجهل دن اولو فارسیجه شاعر معروف سروری و ترکیه شمعی و سودی و فاتح الایات نامیله شیخ اسماعیل انقروی و درویش علی و درویش علی نك منتخب شرحی اولمق اوزره (کتاب المعنوی فی انتخاب المشنوی) نامیله واعظ بهق و مصنفک و (جواهر الاسرار و زو اهر الانوار) نامیله امام فاضل و اعظ حسین بن حسین و (ازهار مشنوی و انوار معنوی) اسمیله شیخ سیواسی حضراتی شرح و مشکلاتنی حل و ایضاحه همت ایتمشدر .

§

﴿مجارستان﴾ — اوستریا دولته تابع برقطعه جسمه در اسقلانویا و ترانسیلوانیا یعنی اردل و میلیت غرانسه ایله قرواتیایا نامنی آلان خرواتلق باشلیجه اقسامندن صایلور مجارستانک نام عمومی لایتانهرینک اوته طرفی معناسنه اولان (ترانس لایتانیا) اولوب الیوم طقوز ملیون نفوسی واردر و بودین پشته سکدین و ارادین طمشوار اردل بلاد معروفه سندندر اراضیسی محصولدار اولوب طونه و تیس و دارو و صوا نهرلیله اسقا اولتور مجارلر عثمانلیلر کبی (اویغور) جنسندن اولوب غایت شجیع و غریبنواز و صادق برملندرلر .

مجارستان مقدما برقرالاق ایدی اهاالیسی یقینلره طوغری آوستریا لولره

غلبه ایلہ اعادہٗ استقلال ایلدیر سہ دہ ( ۱۸۴۹ م و ۱۲۶۶ ھ ) تاریخندہ روسیہ نیک یوز بیک عسکرلہ اوستریا لولرہ وقوعبولان معاونت کایہ سی جہتیلہ ینہ انتیادہ مجبور اولدیلر و او اتنادہ بر چوق معتبران دولت علیہ ممالکنہ فرار والتجا ایلدیلر . شوقدرکہ مجارستانک ادارهٗ داخلہ سی الیوم مستقل اولوب کندوسنہ مخصوص بردیت مجلیسی واردر . مجار کندو لسانلرنجہ ہبہ وجہاز معاسنہ در ( ہون ) گلہ سنہ دخی نظر بیوریلہ .

### §

﴿ مجدالدین ﴾ فیروز آبادی — مشہور قاموس محیط صاحبیدر کنیہ سی ابوطاہر اسمی محمد بن یعقوب مسقط رأسی شیرازدہ فیروز آباد ملحقاتندن ( کازرون ) قصبہ سی وفاتی ( ۱۴۱۴ م و ۸۱۷ ھ ) تاریخیدر سلسلہٗ نسبی صدیق اکبر حضر تترینہ منہی اولور یدی یاشنہ قدر قرآن کریمی از برایلدی بعدہ شیراز بغداد بلاد شرقیہ ہندیہ شام مصر یمن روم طرفرندہ سیر و سیاحت ایلہ کیندہ تعلم و کیندہ تعلیم علم و معرفت ایدوب نہایت معقولات و منقولاتہ واصل اقضای درجات اولدی . ہر کردیکی پرلرہ ولادہ و حکام طرفرندن مظهر حسن رعایت اولور ایدی خصوصاً آذربایجان حکمداری شاہ شجاع و سلطان مصر اشرف و امیر تیمور کرکانینک غریب لطف و احسانلری اولمش و سلطان بایزید خان تختکاہ بروسدہ فرمانفرما ایکن کلوب طرف شاہانہ دن فوق النہایہ اکرام و التفات کورمشدر . یمن حکمداری ملک اشرف ( اسماعیل ) زندندہ ایسہ ہپسندن زیادہ رعایت کوروب مشار الیہک کریمہ سیلہ تزوج شرفنہ نائل و مرکز اداره اولان ( زبید ) شہرندہ یکریمی سنہ قدر شیخ الاسلامقلہ ممتاز امثال اولدی تألیفاتی حد و احصادن بیروندر ازجلہ اصل قاموس اولان ( اللامع العلم العجائب الجامع بین المحکم والعیاب ) نام تألیفی کہ التمش جلدن عبارت اولدیغی خالدہ تلخیص ایدوب اشبو تلخیصندن قاموس محیط وجودہ کلشدر ۲ جلد ( تنویر المقیاس فی تفسیر ابن عباس ) ۲ جلد ( بصائر ذوی التمیز فی لطائف کتاب اللہ العزیز ) ۱ جلد ( الدرالنظیم المرشد الی مقاصد القرآن العظیم ) ( شرح قطبۃ الخشاف فی شرح خطبۃ الکشاف ) ۴ جلد ( شوارق

الاسرار العلیه فی شرح مشارق الانوار النبویه ( ۲۰ جلد ) شرح صحیح بخاری ( ۳ جلد ) ( الاسعاد بالاصعاد الی درجه الاجتهاد ) ۲ جلد ( عدة الاحکام فی شرح عدة الاحکام ) دخی جله آثار نفیسه سندندر . صحیح مسلمی اعلام محدثین ناصرالدین ابو عبدالله محمد بن جهیل حضر تلرندن بطریق الضبط والاتقان اویچ کون ظرفنده قرائت و اخذ ایلدیکنی کندوسی اشبو ایاتنده اشعار و بیان ایتشد .

قرأت بحمدالله جامع مسلم بحوف دمشق الشام جوفاً لاسلام  
علی ناصرالدین الامام ابن جهیل بحضرة حفاظ مشاهیر اعلام  
وتم بتوفیق الاله وفضله قرأة ضبط فی ثلاثة ایام

§

﴿ مجد الدین ﴾ — مشایخ کرامندندر ( نجم الدین ) کله سنه نظر بیوریه .

§

﴿ مجریطی ﴾ — حکمای عربدن امام الریاضین ابو محمد مسلمة بن احمد شهرتیدر . مومی الیه اندلسده مادرید شهرنده تولد و ( ۱۰۰۴ م و ۳۹۵ هـ ) تاریخنده وفات ایلدی .  
( اخوان الصفا ) ( رتبة الحکیم فی الکیمیا ) ( روضة الخدائق ) ( غایة الحکیم ) کبی پک چوق آثار بر کزیده سی واردر .

§

﴿ مجسطی ﴾ — علم هیئته دائر بر کتابک مؤلفیدر ( بتولومه ) کله سنه نظر بیوریه .

§

﴿ مجنون ﴾ — قبيله نبي عامردن اولوب اسمی قیس بن ملوح در بین العرب شعر و شعور ایله مشهور بر ذات ایکن معشوقه سی اولان لیلی بیچاره بی مجنون اولوق اوزره تشهیر ایتدی ومدت عمری بادیده پکوب آخر کار دولت نبی امیه ده یعنی ( ۶۸۴ م و ۶۵ و یا خود ۶۸ هـ ) تاریخنده وفات ایلدی .  
( لیلی ) قبيله مذکوره دن لیلی بنت سعددر بونلر ده طفل نارسیده ایکن الفت و بر برلینه علاقه و محبت ایدوب بیود کارنده لیلایی ابوینی قاچیر مغنه باشلاقلرندن مجنون اولوقت شو بیتلری سولشد .



تعشقت لیلی وهی ذات ذوابة ولم تبد للاتراب من ثديها حجم  
صغيرين نزعی اليهم ياليت انا الى الآن لم تنكبر ولم تنكبر اليهم

قزك باباسی كمال عنادندن قزینی قیسه و برمیوب نهایت بر چركین عربیه و بر مكله  
بیچاره قیس او آندن اعتباراً مجنون اوله رق و او یلا كننان صحرای جنونه  
دوشمش و بویه غدار و دلازار آدم لرله بولمقدن ایسه و حوش و طیور ایله  
القت و انسیتی دهها معقول كور مشدر .

حکمداران عربدن بری قیسك حالندن خبردارا اولدقده مرحت ایدرك بر بشقه  
قز و یرمك اوزره جلب و لیلایی دخی احضار ایدوب لیلانك سیفهام وضعیف  
اندام بر قز اولدیغنی كورنجه متعجبانه بر طور ایله مجنونه ( سكا بوندن یك  
قات اعلاسنی بولهیم بوقز چكدیك سلسله جنونه ذكر بر شیمیدر ) دیمكله  
مجنون بنم كوزمله باق كه لیلاده اولان سرجهاله مطلع اوله سكا دیهرك  
بیابانه صاوشمشدر .

مجنون امام حسن رضی الله عنه حضرتلرنك رضاعاً قرنداشی اولدیغنی دخی  
مرودیر .

### §

﴿ مجوزه ﴾ — اسطوانوی الشكلی بر صاریقدر و قتيله بو صاریغی  
پاشا ايام عادیهده صارارلر ایدی مجوزه کیمک امتیازینی قانونی سلطان  
سلیمان حضرتلری ابتدا اوق آتمقده ماهر بر عربیه و یرمش ایکن صکره لری  
یکچیرلرک تعلیمخانه ناظری اولان و سائر اورته لرك ضابطلرندن ممتاز بولنان  
ذاتلرك امتیاز مخصوصی اولدی ودها صکره بعض پاشا دخی ايام عادیهده  
صار دیلر . ( اجوزه بی بیلم )

### §

﴿ مجوس ﴾ — هندوچین و بعض ترکستانده مرعی بر مذهباک اسمیدر  
اصحابنه مجوسی دیرلر ظن اولندیغنه کوره بو مذهب ( صابئی ) مذهبنندن  
آزمه برشی اوله رق ابتدا چینیه اذر بایجان و بعض ممالک ایرانیه دن متشر  
اولش و ملوک فرسدن برنجی ( دارا ) زمانده ( زردشت ) نام کسه معرفتيله

ایرانده بر بشقه قالبه وچینه (بودا) و (لامه) وسائر نامرله درلو درلو  
قالبه افران اولنه رق تشعب ایتشد.

۳۱۹۴ خ) تاریخنده یعنی میلادک ایکبیک درتوز تاریخنه طوغری جزیره  
العربه یله نشر اولندی. مجوسیلر تمثال مشخص آتش اولق اوزره برصانع  
قدیمک وجوددینی وروحک بقاسنی اعتقاد و آتشکده لرده هیچ سویتامک اوزره  
آتش دائمی ایقاد وهر صباح حین طلوعده شمسی تقدیساً برطاقم دعا ایلراد  
ایدرلر. وبعد الموت ارواحک بوعالم سفیلدن بشقه بشقه معدنلره منسوب  
اولان وهر برینه سیاراتدن بری حاکم بولنان یدی عدد قپودن یکده مک مرسعدا  
اولان شمسه واصل اوله جغی ذهابنده بولنورلر و بناء علیه پاپاسلری علم  
هیئت و نجومی اوکرمکه چالیشورلر.

(بودا) و (زردشت) کله لینه دخی مراجعت پیوریه.

مجوس شعبه لرینک تنوع ایدن اعتقاد اتسدن برطاقی مؤخرأ اسلام ایچنده  
(قرامطه) (باطنیه) (اسماعیلیه) (بابکیه) (مجریه) و امثالی خوارج  
نامرله ظهور ایدن فرق باطله لیه دخی ساری ایدی.  
عربلر مجوسیلره (کبر) دخی دیرلر.

### §

﴿محاضره﴾ — غیرک کلامندن ترکیب خاصی یا خود معانی  
وضعده سی جهتیله مقامه مناسب اولانی محلیده ذکر و ایراده ملکه ویر  
بر علمدر. فائده سی غیردن منقول کلامی معانی اصلیه سی و یا خود ترکیبک  
کندی ذاتی وجهله مقام مخاطب مقتضاسنه تطبیقه خطادن احترازدر.  
محاضره ایله معانی بیننده اولان فرق (معانی) ده متکلم کلامی مقتضای  
حاله و غیرک کلامی دخی کندی حالنه لایق خواصه تطبیق ایتمکدن  
(محاضره) ده متکلم بلغا کلامی اوکلامه مناسب محلیده علی طریق الحکایه  
استعمال ایتلکدن عبارت کورینور.

علامه زمخشرینک (ربیع الارار) و راغب اصفهانینک (فنون المحاضره)  
و علامه ابن جردونک (تذکره جردونیه) و ابن سعدک (ریحانة الادب)  
و ابن عبد ربه نک (کتاب العقد) و تیفاشی نک (فصل الخطاب) و آبی نک

( نثر الدر ) و ابو الفرج اصفهانیست ( اغانی ) و ابن ابی جملة نك ( كتاب السكردان ) و ثعالبی نك ( مونس الوحيد ) نام کتابی فنی محاضره ده مؤلف آثارك الك باشلیجه لری اولوب دها بونلردن بشقه حد و احصادن خارج نیجه کتابلر تألیف اولمشدر .

§

﴿ محمد ﴾ صلى الله تعالى عليه وسلم — نبی سنی آخر الزمان و رسول مطلق انس و جاندر و قطب وجود و مدار عالم شهود اولمغله مظهر اسم اعظم یعنی اسم رحماندر . قول مشهور اوزره سلسله نسب شریفی ( محمد بن عبدالله بن عبد المطلب بن هاشم بن عبد مناف بن قصی بن كلاب بن مره بن كعب بن لوی بن غالب بن فهر بن مالك بن نضر كنعان بن خزیمه بن مدركه بن الیاس بن مضر بن نزار بن معد بن عدنان ) اولوب بوندن اوتیهسی بین المورخین مختلف فیه در .

خلقتك ( ۶۱۶۴ ) و میلادك ( ۵۷۰ ) سنهسی ربیع الاولك اون ایكنجی بازار ایرتسی کیجهسی شرفبخش صفحه عالم وجود اولدی . تواریح اجنبیه ده تاریخ ولادت علیه لری ( ۲۷ نیسان ) در .

شب ولادت نبویه لرده بپرسترك پترلنده و آتشكده لرده ارهاصات قبلندن اولق اوزره علامات انكسار و انطفاء كورلدی و ( حضرت عیسانك هنوز طوغمش بر طفل شیر خواره ایكن تكلمی كبی ) خورشید وجودی مطلع سعادتین طوغار طوغماز مبارك فم عالیلرندن كوش لطافت منكوش مادره درر صلوٰه و سلام شرفصادر اولدی و والدۀ محترمه لری حضرت ( آمنه ) نه قیر و نه اركل مشارالیه حضرتلرندن بشقه هیچ بر مولود دنیایه كتورمدی .

حضرت فخر كائنات ایكنجی دفعه اوله رق یكرمی درت یاشنده تجارت طریقله شام شریف جوارینه قدر كیدوب عودت ایتدكدن صكره ( خدیجه الكبری ) حضرتلرینی تزوج بیوردیلر و فرق یاشنه و اصل اولدق لرده التی آی قدر رؤیا الیه مظهر و حی الهی اولوب اندن صكره اره صره منزوی اولدق لری جبل حراده پایۀ قدر و جلالت لری سلطنت ابدیه رسالتله اشعه پاش عیون اصناف امت بیورلمغله اوسنه ایچنده زوجه محترمه لری مشار الیها خدیجه الكبری

و عمزاده لری علی المرتضی و ابوبکر و عثمان حضراتی و سائر بعض اصحاب کرام اظهار دین اسلام ایلدیلر بونک اوزرینه درت سنه صورت خفیه ده تبلیغ احکام الهیه دن صکره شرف صدور ایدن (فاصدع بما تؤمر) نص جلیلی موجبجه امر دعوتی میدان علانیه چیقاردقلرنده بتون اهالی مکه و قبیله قریش حق عالی نبویلرنده ابولهب (و کعب) ه همکعب اولدیلر و کیتدیجه اذانی آرتیروب بعض اسلامه کلنلری تهدیده و بعضیلرینی اشکنجه و اعدامه قالدیلر نهایت اسلام رخصت نبوی ایله حبشستانه هجرته مجبور اولدی مکه لیلر حبش نجاشیسنه دخی عرض شکایتله اسلامک مملکتنه عدم قبولی رجا ایلدیلر سنده نجاشی کاردان اول امرده ایشی اکلامق اوزره مسافرین موئی الهمی حضورنده ورهائین و امراسی مواجهه سنده زیور مجلس امتحان ایدوب کیفیت اسلامدن و من قبل الرحمن نازل اولان کلام عظمت اتسامدن سؤاله باشلادقده اجوبه لایقه ایرادنن صکره ایچلرنن دادر عالیقدر حیدر کرار جعفر طیار حضرتلری سورده شریفه (کهیمص) ی تشفی ساز مسامع حضار ایلدی و نجاشی کال تاثیرندن اغلیه رق (والله بو کلام ایله حضرت عیسیاه نازل اولان کلام ایکیسی برچراغک نوریدر) دیوب جلله اهل اسلامی زیر حایه و صحابنه آلدی صکره اسلامده حضرت عمر ظهوره کلکله فرقه موحدین قوت بولدیسده غلوی ارباب تعاند دخی اونستده اثرنمای تزاید اولوب برطرفدن دخی مدینه منوره اهالیسی شرف قدوم مسعدتملوم جناب نبوی به ازدل و جان تحسرو آرزو درمیان ایلدکلرنن بعشک اون اوچنجی یعنی میلادک الی یوز یکریمی ایکنجی سنه سنده مدینه منوره به هجرت سینه وقوعبولدی و درحال رسم بیعت اجرا سندن صکره یوز ذراع طولنده و براز نقصان عرضنده برعالی مسجد بنا ایلدیلوب اوراده اجتماع وادای فریضه صلاته شروع قلندی .

آنفاً بیان اولندیغی وجهله نبی مشار الیه صلی الله علیه و سلم حضرتلرنک اون اوج سنه ایچنده چکدکلری بونجه محن و مشاقه تحمللری و حق عالیلرنده هر درلو شناعت و فضاحتدن چکنمیان ار باب بغی و فساد کال حمله



معامله‌لری معجزات جلیله نبویه لرینک الی باشلیجه سی عد اونغه سزار  
کیفیت اولوب طوغریسی حیرت افزای عقول و شایان تحریر سر دفتر  
نقولدر .

بر امر کریمه منظور چشم عالی‌لری اولدیغده در عقب کل رخسار نبویلری  
عرقیز حجاب اولور و بر کیمسه نک یوزینه دقتله باققدن و کوتولکه کوتولکه  
مقابله دن و رفع اصواتدن محترز بولثور و هر کسی حال و شانده کوره تعظیم  
و کولر یوز و لطیف سوز ایله تطیب بیورر ایدی حتی مجلس عالی‌لرندن  
چیقان اصحاب کرام بر برلینه ( حضرت پیغمبر بو کون چله کزدن زیاده بکا  
التفات ایتدی خیر بنی سندن زیاده تلطیف بیوردی ) دیو اظهار حبور  
و بشاشت ایدرلر ایدی . کمال تواضع نبویلری آنارندن اولق اوزره بردفعه  
حبش حکمدارندن لمصلحه کلش اولان ایلچیلره کندولری بالذات خدمت  
ایتمکه قالفوب اصحاب کرام ( یار رسول الله بز خدمت ایدرز سز راحت  
بیورک ) دیدکارنده ( بنم اصحابم و قتیله حبشه هجرت ایتدکارنده بونلرک  
پادشاهی طرفندن مظهر قبول و احترام اولمشلرایدی اکا مبنی بو کون بالذات  
مکافاتی ایتک استرم ) بیورمشلردر . هیچ بر کون یان اوستی اوتور مدقلری کبی  
بغداش دخی قورمیوب و تشریفلرنده کیمسه یه قیام ایتدیرمیوب مجلسلرنده  
نفس نفیس نبویلری ایچون تعیین مقام ایتماشلر و متعدد خدمتچیلری  
اولدیغی حالده بر شیلرینی کیمسه یه طاشتدیر مامشلردر . و خزینه‌لری مال  
غنایله مالامال و هر کون سکرین طعام اکنده اقتدار بر کال ایکن اکملیت  
زهد و اتقارندن ناشی مدت عمرلرنده بری بری اردنجه اوچ کون اتمک ایله  
قارنلرینی طوبور مامشلردر .

ابتدای هجرت ایله داربقای تشریفلری ارمسندنه بکن اون سنه ظرفنده قریش  
و طرفدارلرله یکرمی بش دفعه غزالری و قوعوبولوب انجق بوغزالرک کافه سی  
( غزوه ) کله سنده محرر اولدیغی اوزره مخالفین مرقومدنک شر و مکیدتنی دفع  
و تهدید ایچون وقوعه کلش تدافعی و تحفظی محارباندن عبارت ایدی .  
مخالفت و اعتراض یالکیز مشارالیه حقنده اولمیوب انبیاء کرام سالفین حقلرنده  
دخی نیجه نیجه مخالفلر ایقاع ایدلدیکی و بوجهتلرله نه مرتبه قانلر دو کولدیکی  
تواریخشناسان نزدنده آزاده برهاندیر .

عليه الصلاة والسلام افندمرك ارهاصات ومعجزات جليله وسائر اوصاف واحوال سنه لری کتب سیرده محرر و جله یه معلوم اولدیغندن اوباده تفصیلاته کیریشلدی .

### اولاد کرامی

|                     |   |               |   |
|---------------------|---|---------------|---|
| جناب خدیجه الکبرادن | { | حضرت قاسم     | ۱ |
|                     |   | حضرت عبدالله  | ۱ |
|                     |   | حضرت طیب      | ۱ |
|                     |   | حضرت طاهر     | ۱ |
| ماریه نام جاریه دن  |   | حضرت انزاهیم  | ۱ |
| جناب خدیجه الکبرادن | { | حضرت زینب     | ۱ |
|                     |   | حضرت فاطمه    | ۱ |
|                     |   | حضرت رقیه     | ۱ |
|                     |   | حضرت ام کلثوم | ۱ |

§

﴿ محمد اول ﴾ چلبی — سلاطین عثمانیه نك بشنجیسی اولوب یلدریم سلطان بایزیدك اوغلی و مراد خان ثانینك پدریدر ولادتق (۱۳۷۹ م و ۷۸۱ هـ) جلوسی (۱۴۱۵ م و ۸۱۸ هـ) وفاتی (۱۴۲۱ م و ۸۲۴ هـ) تاریخنده در .

پدری اسیر اولدقن صکره قرداشی سلیمان چلبی ادرنده و عیسی چلبی بروسه ده تخته کچوب اشبو چلبی سلطان محمد دخی ولایتی اولان اما سیه یه چکیلرک دیگر قرداشی موسی چلبی ایله برلشمشیدی . بروسه ده کی قرداشیله بر محاربه دن صکره موسی چلبی واسطه سیله سلیمان چلبی بی مغلوب ایتدیسه ده موسی چلبی ادرنه تختنی قبوللندیغندن دلکیر اوله رق ایکنجی دفعه استانبولدن کچوردیکی عسکر واسطه سیله ذاتاً امرای عسکریه بی کندوسندن خشنود ایده مامش اولان موسی چلبی دخی بالتعقیب بوزوب تخته جلوس ایلدی . اثنای سلطنتنده از میددن استانبوله قدر اولان سواحلی روملردن ضبط وجانیک وکنغری بی استرداد ایدوب صاحب علم شقاوت بورکاوچه مصطفی غائله سنی دفعه موفق اولمش و حرمین الشریفینه صره ارسالی عادت مستحسنه سی زمان مسعدنشانندن قالمشدر .

§

﴿ محمد ثانی ﴾ ابو الفتح — کزیدکان سلاطین عثمانیانک یدنجیسی  
اولوب سلطان مراد ثانیانک اوغلی و سلطان بایزید ثانیانک پدریدر • ولادت  
( ۱۴۲۹ م و ۸۳۳ هـ ) ایکنجی جلوسی ( ۱۴۵۱ م و ۸۵۵ هـ ) وفاتی  
( ۱۴۸۱ م و ۸۸۶ هـ ) تاریخنده در •

افق سلطنت شرف قدومیله مطلع انوار سعادت اولدقده دولت علیه علیه  
اتفاق ایدن قرمان و کرمان و آیدین و منتشا اوغلارینی صدمه کذار پنجه  
غالبیت ایدوب قونیه بی آلدی بعده ایکی یوزیک عسکرله ادرنه دن در سعادت  
کلوب برأ و بحرأ اللی درت کون محاصره دن صکره ( ۱۴۵۳ م و ۸۵۷ هـ )  
تاریخنده فتح استانبول دولت جهان مشمولنه نائل اولدی • اشبو مظفریت  
جسمیه عقبنده اینوز طاشوز سمادرك و صربستانده نوه برده کی برچوق  
قلاع متینه بی دخی الده ایتدی اوزرینه ( ۱۴۵۵ م و ۸۶۰ هـ ) تاریخنده  
یوز اللی یسک عسکر ایله بلغراد فتحنه کیدوب بحارلری مهم برصوریده  
مغلوب ایدرك ایکی سنه صکره آتیه بی استرداد و بعض موره ممالکنی تهدید  
ایله صربستانده واقع سمندره قلعه سنی فتح و کشاد ایلدی و کردستان و ایران  
حکمداری اوزون حسنه غلبه سندن صکره یعنی ( ۸۶۴ هـ ) تاریخنده  
طربرزون و سینوب و قسطنیونی بی و متعاقباً مدلولو و بوسنده بعض قلاع ایله  
هرسک قطعه سنی ضبط و تسخیر و بواره ده برقاج دفعه ارناودلنی تهدید  
ایتدی • اخیراً یعنی ( ۱۴۷۳ م و ۸۷۸ هـ ) تاریخنده ایران حکمداری  
اوزون حسنک ایکنجی اچدیخی محاربه بی بعد المغلوبیه قزانمغه اجرای  
شهر آیین ایتدیردی و اهالیسنک طلب و استدعاسنه بناء قریم ضمیمه ممالک  
و کدک احمد پاشا واسطه سیله ارناودلغه و برقاج ایتالیا ممالکنه و خیلی کافترله  
اشقودریه دخی مالک اولدی • در سعادتده نام نامرینه منسوب جامع شریفی  
( ۱۴۶۲ م و ۸۶۷ هـ ) تاریخنده بنا ایتدیرمشددر •

§

﴿ محمد ثالث ﴾ — دولت عثمانیه ده اون اوچنجی پادشاه اولوب  
سلطان مراد ثالثک اوغلی واحد خانک پدریدر • ولادت ( ۱۵۶۶ م  
و ۹۷۴ هـ ) جلوسی ( ۱۵۹۴ م و ۱۰۰۳ هـ ) وفاتی ( ۱۶۰۳ م و ۱۰۱۲ هـ )  
تاریخنده در •

مشاراليه فاتح اكرى ديمكله مشهور اولوب جلوسى عقينده ايجاب زمانه مبنى اون طقوز شهزاده يى بردن سفر آخرته كوندر مشدر . اوائل سلطنتنده وكلاسنك اتفاق سزلغى ثمره سى اوله رق مملكتين و مجارستانده خيلى محاربه لر دن صكره استرغون قلعه سى الدن چيتوب بو صره ده يكرمى اوتوز بيك قهرمان ونسوان وصيبان اياقلر اتنده قالدى وشاه مشاراليه بالذات كيدوب مشهور (اكرى) قلعه سنى الديغى اتنده دخى اوستريالور ك خطوانده مغلوب ايتديكى عساكر عثمانيه واهالى يه امان ويردكدن صكره جله سنى قليچدن كچورديكنى خبر الديغندن كندوسى دخى بالمقابله اكرى اهاليسنى قتل عام ايتدى و (۱۵۹۶ م و ۱۰۰۵ هـ) ده اوستريالور تكرار اوچيوز بيك كشى ايله كلوب عساكر اسلاميه يى رجعت و فراره مجبور ايلدى .

اعدانك اشبو غلبه و هجومنده ذات شاهانه اوتاغ همايونك ايچنده خرقة سعادتى لابس و قصيب نام سيف نبوى ديزلى اوستنده اولديغى حالده اوتوروب اعدانك خزينه چادرلر يته و ارنجه يه قدر نصل يغما ايتدكلرينى سير ايدر وشيخ الاسلام خواجه سعدالدين افندى وسائر مقربين دخى كمال وله و حيرتله صبر و ثباته متعلق سوزلر سويلوب تسالى ويرمكه چاليشور ايدى او ائنده يعنى ذات شاهانه وكلاسيله برابر اسيردوشمك راده سنده آت اوغلانى واشجى وسايس . مقوله لرى صوپه لر و او دونلرله يغما كرلى قاچيرملريله اعدا بوزلدى سوزى و بو سوز شايع و فرار ايدن و ايتمكده اولنلر ك سمعنه و اصل اولديغى كې هر كسه يكيدين بر جسامت كله راك طو پلانوب ايلك هجومده اعدايى پوسكور تدبيلر و بالتعقيب بوزاللى بيك قدرينى قير ديلر . و ترياقى حسن پاشا قانزله قلعه سنده بيوك بر مظفر يت قزاندى لكن اناطوليده يكيچير يلر ك ادب سزلكى سيئه سيمله روان و تبريز ولاياتى حوزه تابعيتدن چيقدى .

§

﴿ محمد رابع ﴾ آوجى — ملوك عثمانيه نك اون طقوز نجيسى اولوب سلطان ابراهيمك اوغلى و سلطان احمد ثالثك پدريدر ولادتى (۱۶۴۱ م و ۱۰۵۱ هـ) جلوس (۱۶۴۸ م و ۱۰۵۸ هـ) خلعى (۱۶۸۷ م و ۱۰۹۹ هـ) تاريخنده در .  
پدرينك شهيد آرتحالندن صكره يدى ياشنده اجلاس اولنوب اولوقت امور



دولته مداخله به قدر ادبسنز لکده قطع مسافه ایتش اولان یکچیری کروهی  
ایکی دفعه اختلال چقاره رق خیلی کیمسه لک قاننه کیرمش و سپاهی طاقی  
اعتباردن دوشوب یکچیریلک کسر علم شقاوتلری اغورنده لواء سعادت  
میدانه چیقارلمشیدی هله (۱۶۵۵ م و ۱۰۶۶ ه) تاریخنده صدر صدارته  
کچن کو پرلی محمد پاشا شمره غیرت و تدبیر به ایشلر ایچیچ بولنه قویوب  
برسنه صکره شمده به قدر مسدود اولان چناق قلعه بوغازینی فتح و کشاد  
و بوزجه اطه و لمنی اطه سنی استرداد ایلدی و بونی تعقیب ایدن مجارستان  
مظفریتندن صکره (۱۶۶۹ م و ۱۰۸۰ ه) ده قنده قلعه سی دخی ضبط  
اولندی لکن بوراده کرک فرانسه و ایتالیا و مالطه و ونیک عساکر  
متفقه سندن و کرک عساکر اسلامیة طرفندن یکرمی اوچ سنه ظرفنده پک چوق  
تلفات و وقوع بولدی و (۱۰۸۹ ه) ده مشهور چهرین قلعه سی روسلردن  
النوب قریم خانی بو محاربه ده قلیچدن کچوردیکی یکرمی بیک روسدن بشقه  
الی بیک ده اسیر الدیغندن شهر آیین یاپلدی و (کلوار) آوستریا لوردن  
استرداد ایلدی مؤخرأ المانیا روسیه له ونیک و آوستریا متفقاً دولت  
علیه علیه یوریه رک پشته و آق کلیسا محاربه لرینی قزاندیلر و مجارستان  
و مورده و طوننه نک یوقارولورنده برچوق پرلر الدیلر. یکچیریلک کرک  
اردولرده و کرک در سعادتده بایدقلمی خسارات دخی بو حسابا صوقلدیغی  
حالده دولت علیه نک اولوقشکی ضایعاتی بک کیتیلدر.

یکچیریلر طونه بوزغوننه و بردکاری سببیتی ستر ایچون قباحتی صدر اعظمه  
تحمل و بویولده محضر تقدیم ایتدکدن صکره اطاعتی بتون بتون سلب  
ایدک ادرنه به رجعت و قباحتلک کافه سی صدر اعظمندن بشقه ذات شاهانه  
و کلایه عائد اولدیغنی مبین دیگر بر محضر عمومی ارسال ایشلرایدی بو محضر  
ایا صوفیده او قونوب کو پرلی زاده قائم مقام مصطفی پاشانک تدبیر به سلطان  
محمد رابع خلع اولندی اندن صکره یکچیریلر ادرنه دن در سعادتده دخی کلوب  
درلو درلو ادبسنز لکره قالشیدیلر و صدر اعظم سیواش پاشانک قوناغنی  
باصوب کندوسنی اعدام و مالی یغما و جاریه لرینی آچیق صاچیق صرتلرنده  
قشله ره کوندردیلر و اهالی استانبول دخی قیام ایدوب نیجه قانلر دوکلدی.

﴿ محمد ﴾ بن ابابکر الصدیق رضی الله عنه — حضرت علی رضی الله عنه ایام خلافتند مصر و البسی ایکن ( ۶۵۷ م و ۳۷ هـ ) تاریخند معاویه طرفندن ( معاویه بن مدیح ) قومانداسنده کوندریلان شام عسکرینک مصره استیلاری ائشاده طوتیلوب بعض روایتہ کوره کویا بر مرکب لاشه سی دروننده احراق ایدلشد . مصرک بروجه محرر استیلا و موحی الیهک شو ابتلاسی مصر والی سابق عمر و بن العاص تشویق یله و قوعبولدیغی و عقیب استیلاده موحی الیه عمر و بن العاص حضرت معاویه طرفندن مصره والی تعیین اولندیغی مضبوط صحایف نقولدر .

§

﴿ محمد ﴾ بن ابی بکر بن ایوب بن سعد الرزعی الدمشقی — ابن قیم الجوزیه ایله مشهوردر فقه تفسیر حدیث اصول و نحو ده ریاست کند و سنه منتهی ایدی محبت و انابت و افتقار الی اللهده امثالی کورلما مشدر عبادتده نهایت درجه مفرط اولوب کرک دیانت و کرک علومده براعتی ابنای زماننی بحق مستفید ایتشد فنون عیدیه اولیق اوزره برچوق مصنفاتی وارد ( ۱۳۵۰ م و ۷۵۱ هـ ) تاریخند شامده سر نهاده بالین لحد غفران اولدی قبری شام شریفده الان معروف زیارتگاهدر .

§

﴿ محمد ﴾ بن ابی عبدالله الحسین — کتیه سی ابو الفاضل شهرتی ابن العمیددر ملک آل بویه نک صدر و زراسی و عضدالدوله نک پدری رکنالدوله ابوعلی الحسنک وزیر معارف سمیری ایدی . مشار الیه خصوصیه کتبات و انشاده اوحد عصری و زماننک استناذ و رئیس علی الاطلاق اولوب نفاست معانی ایلہ برابر جزالت و سلاست الفاظ و حسن ترسل و بلاغتده ضرب مثل اولنور ایدی . حسن تدبیر و سیاست ملک و کتابت و ادب و اشعار عرب و محاضراتک جامع اولدیغی معلوماتی هیچ کیمسه اکتساب ایده مامشددر سلامت اعتقاد ایلہ برابر علوم اوئلده دخی ماهر ایدی و اصحاب و احبابی ایلہ حسن معاشرت اوزره اولوب شجاعت تامه صاحبی و الحاصل کافه فضائل جوهر ذاتنده سر نمای تجلی اولمش بر نسخه کبری ایدی . شعرا دن برچوق ذواتک و بالخصوص شاعر اعجاز مأثر ابو الطیب متنبی نک ممدوحی اولمشدر

متنی نك مشار اليه حقهده كي قصائدي مشهور اولوب بونلردن المشهورى ايسه اولايين فرات حقهده يازمش اولديغي حالده مؤخرأ مشار اليه نامنه چورديكي قصيدهء رائيه دركه حين تقديمده اوج بيك ديسار جائزه آلمشدر ابن عيمدك مجارء امثاله جارى سوزلرندندر ( متى خلصت للدهر حال من اعتوار اذى وصفا فيه شرب من اعتراض قذى . خير القول ما اغناك جده والهالك هزله . الرتب لا تبلغ الابتدرج وتدرج ولا تدرك الا بتجشم كافة وتصعب . المرء اشبه شئ بزمانه وصفه كل زمان منتسخة من سجايا سلطانه . المرء يبذل ماله فى اصلاح اعدائه فكيف يذهب العاقل من حفظ اوليائه . هل السيد الامن تهابه اذا حضر وتغنايه اذا ادر . اجتنب سلطان الهوى وشيطان الميل ) .

ابن عيمد علم نجوم ومسلک فلاسفه يه ميلان اليه متهم ايدي عمر اخيرنده قولنج ونقريس علتلرينه مبتلا اولدى . مومى اليه باغچه نك برنده بر رنجبرك صوغان وبوغورت اليه اتمك يديكني كورد كده بر مدت مفتونانه دقتدن صكره ( كاشكى شوا دم بن اوليددمه هراشتهما ايتديكم شئي ييدايم ) ديمشدر . وفاتى ( ۹۷۰ م و ۳۶۰ هـ ) تاريخنده در . مدت وزارتى يكرمى درت سنه يه بالغ اولدى . وفاتندن صكره اوغلى ابوالفتح على بدرينك يرينه قائم اولمش وسيف وقللى بر آريه جمع ايتديكنندن ذوالكفائتين تلقيب اولمشدر .

§

﴿ محمد ﴾ بن ابى محمد — ابن ظفر لقبيله معروف و ( حجة الدين ) تعبيري اليه موصوف بر ذات فضائل نهاد ايدي مولدى ( سچليا ) و منشى مکه مکرمه در .

سچلياده بعض امرا ايچون تاليف ايتديكي ( سلوان المطاع فى عنوان الاتباع ) نام كتابدن بشقه ( خير البشر بخير البشر ) و ( نجباء الانباء ) نامنده ايكي تاليف لطيف و ( يذروع ) آدلى بر تفسير كبرى و حريرينك ( درة الغواص ) نام كتابنه بر حاشيه سى ومقاماتنه برى بيوك ديكرى كوچاك ايكي شرحى و بعض آثار شعريه سى واردر .

بر چوق مالمكده دور وسياحتدن صكره آخر عمرنده حياه كلهرك اوراده توطن ايلديكي حالده ( ۱۱۶۹ م و ۵۶۵ هـ ) تاريخنده وفات ايلدى .

مومی الیه قیصه بویلی وغایت چرکین بر آدم اولوب زمان موته دکن  
تعاقب سهام فقر و فاقه دن بر آن کوز آچامش ایدی حتی کمال احتیاج  
و ضرورتدن قزینی کفوی اولیان بر شخصه تزویج ایلدیکی حالدہ شخص  
مزبور قزی حادن چیقارہرق دیار آخرده صائمشد .

§

محمد ابوالمظفر ناصرالدین — هندستان مغول پادشاهلرندندر  
وجلوسی (۱۷۱۷م و ۱۱۳۰ه) تاریخنده در ایران تختک غاصبی اولان مشهور  
نادر شاه بونک زمانده حدود ہندیہ بی تجاوز ایدرک زیر تصرفندہ اولان  
ولایات غریبہ بی دخی استیلا ایلدی وفاتی (۱۷۴۷ م و ۱۱۶۱ ه)  
تاریخنده در .

§

محمد بن احمد — اجلہ علمادندر ابن کیسان لقبیلہ مشهور  
ومتعارف اولوب (۹۳۲ م و ۳۲۰ ه) تاریخنده وفات ایلدی مجلس  
تدریس و مصاحبتنده رؤسا و کباردن هر کون یوزی متجاوز ذوات حاضر  
بولور ومع هذا کندوسی فقرا و مساکین الیہ اختلاط و مواسستن دها  
زیاده محظوظ اولور ایدی .

علم نحوہ (مہذب) (غلط ادب الکاتب) (السلامات) (البرہان)  
(غریب الحدیث) (معانی القرآن) (علل النحو) (مصایح الکتاب)  
نام کتابلر جلہ آثار مقبولہ سندندر .

§

محمد الادریس — عرب جغرافیونسندن مشهور بر ذات  
اولوب (۱۰۹۹ م و ۴۹۳ ه) ده سوتہدہ ادریس خاندانندن ساحۃ  
وجودہ کلشدر کنیہ سی ابو عبد اللہ در . افریقادہ متصرف اولدیغی  
اراضیدن طرد اولدیغنه بناء دور و دراز بر چوق سیاحتلر ایتدکدن صکرہ  
برای توطن سچلیاہ کلوب اولوقت سچلیا قرالی بولنان ایکنجی (روژر)  
طرفندن الک عالی بر صورتلہ حسن تلقی اولندی بنا برین اشہو قرالک سراینده  
امرار وقت ایدوب (۱۱۵۳ م و ۵۴۸ ه) تاریخنه طوغرو درتیوز لیبرہ  
ثقلتمندہ کومشدن اولوق اوزرہ بر کرہ اعمال ایلدی کہ زمانجہ جغرافیایہ دائر



اولان معلوماتك كافه سی اوكره اوزرنده محكوك ایدی بوكره جغرافیا تحصیل و تعلیمه خیلی زمان اساس اتخاذ اولمشدر .

§

﴿ محمد الامین ﴾ — خلفای عباسیدنك التجیسیدر ( ۷۸۶ م و ۱۷۰ هـ ) ده رصافده تواد و ( ۸۰۸ م و ۱۹۳ هـ ) ده جلوس ایدوب بش سنه صكره قتل اولمشدر .

اوزون بویلی کوچك یوزلی لهو و لعب و عیش و نوشه منهك کیمه اولوب کیمه کوندز سیاه طواشی و عورتلره دوشور قالفار و اطراف و اکنافدن چنکیلر و خوانندهلر کتوردوب امور مملکتدن کمال مرتبه غفلت ایلر ایدی حتی نقل ایدرلرکه برادری مأمونك هجومه قارشو کوندریلان عسکرینك مغلوب و سرعسکری علی بن عیسی نك مقتول اولدیغی خبری کلد کده بالق اولاردی خبر کتورن آدمه ( بنی حالمه قوارقداشم ایکی بالق طوندی بن هنوز بر بالق طوته مدم ) دیمشدر .

§

﴿ محمد بهاء الدین ﴾ بن محمد البخاری — طریقت نقشبندیه صاحبیدر . مشار الیه باطناً خواجه عبد الخالق غجدوانی حضرتلرینك روحانیتلرندن و ظاهراً سید امیر کلال حضرتلرندن کسب فیض و معرفت ایدوب ( ۱۳۸۸ م و ۷۹۱ هـ ) تاریخنده وفات ایلشدر .

خواجه اعظم بهاء الحق والدین نقشبند  
آنکه مشهور ولایت شد کال ملتش

مسکن و مأوای او چون بود قصر عارفان  
قصر عرفان زین سبب آمد حساب رحلتش

قطعه سنده کی ( قصر عرفان ) ترکیبی وفاته تاریخدر قصر عارفان ایسه مفاد قطعه دن مستبان اولدیغی اوزره بخسارادن بر فرسخ اوتده شیخ مشار الیهک مسکن و مأوای اولان برقصه در . نقشبندیه طریقه بوندن اول یعنی عبد الخالق غجدوانی به کججه به قدر طریق خواجکان دینلور ایدی .

اساس ادا ب نقشیه ( هوش دردم . نظر در قدم . سفر در وطن . خلوت در انجمن . یاد کرد . باز کشت . نگاه داشت ) دن عبارتدر بر روایت کوره مولانا جلال الدین رومی حضرتلری لفظه جلال ذکرینی شاه نقشینده تبلیغ اولنق اوزره ( عزیزان ) دیمکله معروف خواجه علی رامیتینی حضرتلرینه تلقین و مشار انیه دخی کذلک امیر کلال حضرتلرینه تفهیم ایدوب اوده شاه نقشینده حضرتلرینه تبلیغ ایشدر .

علاء الدین عطار و حافظ بخاری محمد پارسا صاحب طریق مشار الیهک اخص خلفاسندن اولوب دها پک چوق خلیفه و مریدلری واردر .

§

﴿ محمد افندی ﴾ — یازیمچی زاده ( یازیمچی زاده ) کله سنه نظر

بیوریه .

§

﴿ محمد پاشا ﴾ طویل — دولت علیه ده عصر سلطان سلیمان

وسلم ثانی و مراد ثالثه اون بش سنه صدارت ایتیش و داماد شهر یاری دخی اولمش ایکن نهایت ( ۱۵۷۹ م و ۹۸۷ هـ ) تاریخنده دیوانده بولندیغی اثناده بر جرار مجنوب یدیه شهید اولشدر . عزب قیوسی جامعی بجله خیر اتندندر اصلی صوقلالی ایدی .

§

﴿ محمد پاشا ﴾ کوپرلی — اصلی ارناود ایسه ده اناطولیده

کوپرلی قصبه سنه نقل مأوی ایتیشیدی سلطان محمد رابع زماننده یعنی ( ۱۶۵۵ م و ۱۰۶۶ هـ ) تاریخنده دارالسعاده اغاسنک حقوقه مبنی والده سلطانه اخطاریله صدر اعظم اولشدر .

صدارتی وکلاده اتحاد مأمورلرده اعتماد عسکرلرده انقیاد ترسانده دوتما خزینده پاره اولمدیغی وآق دکر مسدود و ذخیره مفقود والحاصل اسباب سعادت ملک و دولت هر یوزدن معدوم و نابود بولندیغی بر زمانه تصادف ایلدیه ده ( همه الرجال تقلع الجبال ) مفهومنجده حسن تدبیری سایه سننده هر بر شعب امور و اداره بی تنظیم و اصلاحه موفق اولدی وابتدا چناق قلعه دن قیوی آچهرق لمنی و بوزجه اطه بی الدقدن صکره ( ۱۶۵۸ م

و ۱۰۶۸ هـ) ده اردل ولایتی حرباً تنظیم و (محمد پاشا صدارتدن عزل اولندجه سفره کیده میر) دعوای جاهلانه سیله بر هیئت متفقہ تشکیل ایدوب شو غرض واهیلبنی اجرا ایچون قونیه دن اوتوز یک عسکرله درسعادتہ یوریان حلب انقره دیار بکر والیرینی قارشو چیقاریلان بغداد والیسی مشهور مرتضی پاشا همیله حلب جوارنده حرباً اخذو اعدام و دائماً علیهنده بولنان و بو آدم وکلای دولت علیه بی تماماً ازاله ایده جک صکره حال مشکل اوله جق کبی سوزرله ذات شاهانه بی اغفالہ چالیشان شیخ الاسلام بولوی محمد افندی بی نئی ایدرک مصالح دولت علیه بی تمام بولنه قویدقدن و کرید سفرینی تازه لدکن صکره تصمیمانی اجرایه میدان قلمسزین (۱۶۶۱ م و ۱۰۷۲ هـ) تاریخنده طقسان التی یاشنده وفات ایتکله برینه اوغلی احمد فاضل پاشا تعیین بیورلدی .

### §

﴿ محمد پاشا ﴾ بالطه جی — زماننده تبردار محمد پاشا دینکله معروف ایدی سرای همایون بالطه جیلغندن کله و قسطنطیندن یتشمه در سلطان احمد ثالث دورنده ایکی دفعه صدر اعظم اولوب ایکنجیسینده یعنی ( ۱۷۱۱ م و ۱۱۲۳ هـ ) تاریخنده پروت وادیسینده روسیه چاری بیوک پترووی تکمل اردوسیله برابر ابلوقه و قبول اسارته مجبور ایتدیکی حالده چارک زوجه سی قترینه نك بالذات تقدیم ایتدیکی هدایا و سائر یه طیانہ میه رق مرقومه نك قلمه الدیغی مصالحه نامه بی امضا ایله بویله بر بیسوک فرصتی قاجردیغندن درسعادتہ کلدکده اعدام اولندی .

مومی الیهک، صدارتنی مقدماتی دولت علیه الیجا و بوجاقده اقامت ایدن اسوج قرالی مشهور ( شارلو ) توصیه ایتش ایدی حتی قرال مشارالیه مصالحه دن برایی کون صکره کال ممنونیتله پروتہ کلوب انجق رقیبی اولان روسیه نك بویله بر طوزاقدن پک اوجوز قورتلش اولدیغنی یعنی مصالحه اولمش تمش ایدوکنی کورنجه بالطه جی بی آشوری درجه ده تحقیر ایدرک ( بن ده سنی بر آدم ظن ایتدم ایدی ) دیمش و کال حدتله قلقوب کیدرکن چزمه سی پاشانک کورکنه طاقیلوب بیرتمشدر . روسیه نك مصالحه مذکورده ده

امضای التذہ بولنہان تعہداتی برطاقم سفسطدرلہ یکیروب جہلہ سندن  
قورتلدیغی توارینخده مقیددر.

§

﴿ محمد بک ﴾ — متغلبین مصر یہ دندر متفاندن علی بک  
کولہ سی اولدیغی حالده کولمن سلکنہ داخل و علی بک قزینی  
الہرق مصر جہ بر قوماندانلغہ نائل اولدی و (۱۷۷۳ م و ۱۱۸۷ هـ)  
تارینخده متغلباً ولی النعمتی علی بکی قاہرہ دن اخراج و پاشالق عنوانیلہ مصر  
والیلکنی استحصال ایلدی و طرف دولت علیہ دن سوریدہ خروجایدن  
طاہرک رفع وجودینہ مأمور اولغلہ کیدوب غزہ ویافہ و عکابی مرقومک  
ید غصبندن قور تاردی . تاریخ مزبور دن برسنہ صکرہ عکادہ و بابہ  
طوتیلہرق وفات ایلشد.

§

﴿ محمد چلبی ﴾ — مجاذیب الہیہ دن کشف و کرامتہ مالک بر ذات  
اولوب (اون قپانلی) دیمکلہ شہرت آلمشیدی وفاتی تخمیناً (۱۶۸۸ م  
و ۱۱۰۰ هـ) تارینخده در .

زمانندہ قطب جہان اولان ذاتک وقوع ارتحالنہ مبنی اظہار آرزوی قطبیتلہ  
جناب حقہ ( یاربی بونجہ سنہ دن برو محضار ضای شریفک ایچون چالیشہرق  
نفسی ازدم و کرم و سرمد عالمہ قارشو برعبا ایلہ عریان و بی مکان کزدم ارتق  
کمال عنایتکدن مرتبہ قطبیت شرفنی احراز ایتک استرم ) دیو تضرع و نیاز  
ایلدکدہ و رای پردہ غیبندن ( سن دہا بوادرا کدہ میسک ) ( محمد چلبی )  
( طلب ) ( عریان ) بو قدر و آرق و کثرتلہ قطبیتہ نائلیت نصل اولور  
خطابنی آلمقلہ همان کندوسنی اورادہ بولنن بر لغمہ آتوب نجاست آلود  
ایتمش ایسہدہ در حال اعوان و اتباعی طرفندن چیقاریلوب برجامدہ کندوسی  
و عباسی تطہیر ایدلدکدن صکرہ قطب الاقطاب شمس الدین سیواسی  
حضرتلری جلب ایدرک البسہ اکسا ایتمش و مسکن و مأوی پیدا ایتدیرمشدر .

§

﴿ محمد بن حسن الشیبانی الواسطی ﴾ — اجلہ علمای کرامدن  
(و مبسوط) (جامع الصغیر) (جامع الکبیر) (کتاب الزیادات) (سیر کبیر)



(نوادری) نام کتابی بجله آثارندندر (۸۱۳ م و ۱۸۹ هـ) تاریخنده  
(ری) قاضیلغی ائشاده واللی درت یاشنده متوجه سمت بقا اولدی .  
مشار الیه امام اعظم حضرتلرینک بجله اصحاب کبارندن بر علامه جلیل  
الاعتبار ایدی . هرون الرشیدک تکلیف ایتدیکی قاضیلکی عدم قبولندن  
ناشی ایکی آی قدر حبس اولندیسه ده مؤخرأ چیقار یله رق خواه ناخواه  
(رقه) یه قاضی نصب اولندی بعده نزد خلیفه ده قضایه رضا و یروب  
وفاتنه قدر برابر بولندی .

امام شافعی و امام احمد بن حنبل حضراتی فضل و کالنی تصدیق و تسلیم  
ایدرلر و امام ابو یوسف حضرتلری نظر خلیفه ده قزاندیغی رفعت شان  
و اعتباری بحسب البشریه راز قسقا نورلر ایدی . حین وفاتنه هرون  
رشید (دفن الفقه العربیة) دیمشدر .  
قوام الدین یحیای شیبانی و یحیی بن عمار الشیبانی بشقه در (یحیی) کله سنه  
نظر بیور یله .

§

﴿محمد حسن خان﴾ — الآن ایرانده حکمران اولان قاپچار  
خاندانک مؤسسیدر مشار الیه مازندران والیرندن برینک اوغلی اولوب  
نادر شاه و خلفی عادل شاه زمانلرنده اردو قوماندانلقرنده بولمش و (۱۷۴۸ م  
و ۱۱۶۱ هـ) تاریخنده عادل شاهک وفات ایتیمیله رفع علم استقلالیت ایدرک  
مازندران و خراسان و کیلان و اصفهان ایالتلرینی ضبط ایلدیه ده اون سنه  
صکره کریم خانک اینه دوشمکله قتل اولمش و مخدومی محمد اغا خان پدر یله  
برابر طوتلدیغی حالده قتل اولنموب یالکز طواشی ایدیلرک حبسیله اکثفا  
ایلدلیکنندن برارهلق محبسدن قورتیلوب پدری ممالکنه و بتون ممالک  
ایرانیه مالک اولمشدر چه فائده که بودخی (۱۷۹۷ م و ۱۲۱۲ هـ)  
تاریخنده کر جیلر الیه ایتدیکی محاربه ده مغلوب و مقتول اولغله چکدیکی  
آجی ایتدیکی سلطنته دکامشدر .

§

﴿محمد﴾ بن رشد — علوم نقلیه و حکمیه و ریاضیه و طبیعه ده زمام  
تفردی اله آلمش بر ذات ایدی مولدی اندلس مضافاتندن قرطبه و کنیه می

ابو الولید اولوب (۱۱۹۸ م و ۵۹۵ هـ) تاریخنده مرا کشده وفات ایتمش و تألیفاتندن سکر جلدی جامع اولان (خلیجه) و اکا مماثل آثاری السنه اجنبیه ترجمه و مأخذ علوم اتخاذ اولنوب سائر ترجمه اولنان کتابلری پایا طرفندن منع و احراق ایدلمشدر .

§

﴿محمد الرضی﴾ بن طاهر بن حسین بن موسی بن محمد بن ابراهیم بن موسی الکاظم — کنبه سی ابوالحسن اولوب سادات علویه دن و بلغای شعرا دندر . پدرندن صکره بغدادده نقیب علویه اولدی حضرت علی رضی الله عنک خطب و احکام علیه سندن عبارت اولان (نهج البلاغه) بی جمع و (تعلیق خلاف فقها) و (مجازات آثار النبویه) نام کتابلری تألیف ایلدی . بونلردن بشقه ابو علی فارسی نیک ایضاحی اوزرینه حاشیه سی و درت جلد دیوان اشعار ی واردر سنی اوئی آز کجکی صرده اشعار نظمیه باشلامشیدی وفاتی (۱۰۱۳ م و ۴۰۴ هـ) تاریخنده در .

§

﴿محمد بن - جماعه﴾ — کنبه سی ابو عبدالله اولوب کبار ثقاتدن بریدر ولادت (۷۴۷ م و ۱۳۰ هـ) وفاتی (۸۴۶ م و ۲۳۳ هـ) تاریخی اوله رق یوز اوچ یاشنه وارمش اولدیغی حالده آته بیز قیز آلور و کیجه و کوندزده ایکی یوز رکعت نماز قیلار ایدی . مأمون خلیفه زماننده بغداد قاضی سی ایکن ضعف بصرندن ناشی ترک مأموریت ایلشدر .

فقهه دائر (اصول) و (کتاب ادب القاضی) و (کتاب المحاضره) و (سجلات) تألیفات معتبره سندندر .

§

﴿محمد﴾ بن سیرین — مشاهیر معبرین و کبار تابعیندندر (ابن سیرین) کلمه سنه نظر بیوریه .

§

﴿محمد﴾ بن عبدالله — حضرت حسن رضی الله عنک اولاد کرآمدندر خلیفه منصور مدینه ده ساکن اولاد حسندن اون برذاتی زنجیر بند اوله رق عرافه کتورتدیکی زمان بونی غایت کنج اولدیغی حالده اومیانه ادخال ایدرک دیکر لر یله برابر زندانه آتدیرمشیدی وجهنده او قدر

صباح و اندام پاکنده بر درجه تناسب و لطافت و ار ایدی که ایشیدن اهل عراق زندانه کلوب کمال حیرتله حسن جهان آراسنی تماشا ایدرلر ایدی منصور خباتمشور ایسه بویله بر نور مجسمک زندان بلیه سیله دلخون و بهخضور اولدیغنه دخی قناعت ایتیه رک بر کون یوز اللی قامچی ضربنی امر ایله کلبرک وجودینی لعله دوندردیکی صره ده قامچینک راست کلدیکی بر کوزینی نعمت نوردن محروم بر اقش و براز صکره یعنی (۷۶۳ م و ۱۴۶ هـ) تاریخنده دخی اول نونهال روضه حسنی ایکی اسطوانه ارسنده از دیره رک ثمره حیات عزیزینی اقتطافه میدان ویرماشدر .

§

محمد بن علی الحکیم الترمذی — کنیه سی ابو عبداللهدر .  
طبقة ثانیه اصحابندن و خراسان کبار مشایخندن کراماتی ظاهر و علوم و فنونده کالاتی باهر بر ذات اولوب ( ختم الولاية ) و ( نهج ) و ( نوادر الاصول فی معرفة اخبار الرسول ) ی ودها نیجه متعدد کتابلری یازدی و بر تفسیر دخی باشلادیسه ده عمری وفا ایتدیکنندن اتمامی نصیب اولیوب ( ۸۶۸ م و ۲۵۵ هـ ) تاریخنده اللی بش یاشنده وفات ایلدی .

§

محمد بن علی الشلمغانی — ابن ابی الغراق دینکله معروفدر .  
زماننده بغدادده تشیع و تناسخه دائر بر مذهب سخیف احداث ایدرک خلقی اخلاص یلتندیکی جهته حکومت طرفندن ارانمی اوزرینه موصله قاچوب ناصر الدوله حسن بن عبدالله بن جلدان زندنده بر قاچ مسنه اکلندی .  
مؤخرأ بغدادده عودتله بر مدت اختفادن صکره ربوبیت دعواسیله ینه اورته لغی افساد و اخلاص باشلادی . اشبو دعوای مجنونانه سنه آلدانان بر طاقم ساده دلان ایچنده مقتدر بالهک وزیر ی حسین بر قاسم و ابو جعفر و ابو علی و ابراهیم بن محمد بن ابی عون و ابن شیبب الزیات و احمد بن محمد بن عبدوس کبی اصحاب عقل و دهانک موجود بولنمی غرائب احوال دن ایدی . بونلرک شو حال غراجمالی بالاخره آچیغه چیمغله ( ۹۳۳ م و ۳۲۲ هـ ) ده ابن مقله نکر ارضی بالهه وزارت ی اتاده در دست اولغری ایچون تعزیراته باشلانوب چوق یکم دین ابن الشلمغانی مشارالیه ابن مقله طرفندن اله یکوریلرک

تسجین و خانه سی تفتیش اولندقدہ مذهب مردودی اوزرینہ برچوق اوراق و کتب بولندی . اوراق مذکورہ میانندہ سالف الذکر حسین بن قاسم خط دستیلہ محرر برطاقم اوراق دخی موجود ایدی . بونلر کتور یلوب ابن الشلغانی یہ کوسرلدرکده کندو یازولری اولدیغنی اعتراف و فقط مذهب فکرینی انکار ایدرک ظاهراً عرض اسلام ایلدی . بونک اوزرینہ ابن ابی عون و ابن عبدوس اخذ واحضار ایدیلوب معبودلریلہ برلکده حضور خلیفہ یہ چیقارلدقدہ خلیفہ بونلرہ حققرندہ دوران ایدن کفتکودن بر اثر بی اثبات ایتک اوزرہ آہلرینہ بر توقاد اورملرینی امر ایتدکده ابن عبدوس امتناع ایتسہ جانندن اولہ جغنی تیقن ایدرک ناچار بر توقاد اورہ بیلدیسده ابن ابی عون توقاد اورمق اوزرہ الی قالدیردقدہ مقدا کوکلندہ بر طومش اولان اعتقاد باطل اثری اولہرق الہ بر رعشہ کلکلہ همان کتب ید و ابن الشلغانینک صقالنی و باشنی اوپہرک آلهی و سیدی و رازقی دیوعرض عبودیت ایلدی و رازق بالله ابن سلغانی یہ ( ہائی یا سن الوہیت دعواسی ایتیمور ایدک بو آدمک سویلدیکی نہدر ) دیدکده مرقوم ( ابن ابی عونک سویلسندن بکانہ ترتب ایدر الله بیلورکہ بن اصلا الوہیت دعواسی ایتدم ) دیدی و مرقومک شہ افادہ سی براہین قاطعہ ایلہ ثبوت بولمش اولان فضاحت مذکورہ سنہ برفائدہ و برہمدیکنندن فقہانک فتواسی ایلہ کندوسی و عبد صادق اولان مرقوم ابن ابی عون ( ۹۳۲ م و ۳۲۲ ھ ) تاریخندہ صلب و جسدلری احراق اولندی .

بومثللو الکہلق ادما ایدنلر ( ملائکہ ہر بر نفسنہ مالک و حق عارف اولانلردر و جنت بزى بیلک و مذہبزی قبول ایتک اولوب جہنم ایسہ بزى بیلماک و مذہبزدن عدول ایتکدن عبارتدر دیرلر و صلوة و صیام و بوکا بمائل عباداتی ترکلہ امر ایدرلر و تناککی طانییوب زنا بی مباح طوتارلر ایدی . بر مدت صکرہ خبیث مرقومک سرکرده لرندن اولان سالف البیان وزیر حسین بن قاسم دخی رقدہ قتل اولنوب باشی بغدادہ کتورلمشدر .



عديده و باخصوص علم نحو يدطولا صاحبی ایدی ( ۹۵۶ م و ۳۴۵ هـ )  
تاریخنده وفات ایلدی .

( شرح کتاب سیویه ) ( شرح شواهد کتاب سیویه ) ( شرح الاحفش )  
( النحو المجموع علی العلل ) ( العیون ) ( التلقین ) ( الجاری ) ( صفة شكر المنعم ) ( جله تألیفاتنددر .

منقولدرکه مبرمان کتاب سیویهی یوز دینار المدقجه کیمسه به تعلیم ایتز  
ایدی ابو هاشم جبائی نام ذات برکون موی الیه کلوب کتاب مذکور  
کندوسنه او کرتیکی حالده کل یوز دینار براقچ یوز دینار و بره جکنی و فقط  
بونی ختام تحصیله قدر کندومندن استماسنی افاده المسی اوزرینه موی الیه  
کال ممنونیتله قبول ایدوب تدریسه باشلار ایش بیتدکدن صکره ابو هاشم  
برکوچک زنبیل العرق طیشنی سختیان وسارء ایله کوزلجه تزین و ایچنی  
مال یرینه طاشلرله مالامال ایدوب ( بعداددن اچه مرک و رودینه دکن  
یانکزه رهن طریقیله طورسون ) مالنده برپوصله ایله مبرمانه کونددر مبرمان  
دخی زنبیلک ثقلتنی کوردکده ایچی التون کوش ایله مملوطن ایدرک کونلرنی  
کال شادی ایله کچورمکنده ایکن ابو هاشم منتظر اولدیغم مالک الان عدم  
ورودینه مبنی بغداده کیده یورم یانکزده کی امانتی سزه هبه ایتدم کیف مایشاء  
تصرف ایدیکز ) دیو بر مکتوب دها کونددر مکه مبرمان علی العجله  
وفوق العاده برسونجله همان زنبیلی بیرترق معدن امیدو تحجر ایتمش  
اولدیغنی کورنجه ابو هاشم دیدکاری ظالم بکا سحر ایتمش دهرک بددعا ایدر .

§

محمد علی پاشا — ( ۱۷۶۹ م و ۱۱۸۳ هـ ) تاریخنده قوالهده  
تولد ایتشددر اوائل حالنده یاغی بر اصناف ایکن خدمت عسکریه به کیره رک  
برمدت بیر اقدار لقی ایله تپه دنلی علی پاشایه خدمت و مؤخرآ طایفه سیله  
مصره عزیمت ایدوب ( ۱۷۹۹ م و ۱۲۱۴ هـ ) تاریخنده فرانسزلرله  
وقوعبولان ابو قیر محاربه سنده ایچمه ایش کورمش و مصرجه خیلی نام  
المشدر . موی الیه ( ۱۸۰۵ م و ۱۲۱۹ هـ ) ده مصر والیسی خسرو پاشا  
علیهنه کولنرله اتفاق ایدوب پاشایی مصردن دفعه موفق اولدی و متعاقباً  
کولنلری دخی رئیسلری علیهنه تحریک ایله برابر هر نصل ایتدیسه ایدوب

عیون الاثر فی فنون المغازی و السرائر و المنقح الشنزی فی شرح الترمذی  
و سمر البلیب بذکر الحلیب و منح المدح تألیفاتندندر . شعری غایت رقیق  
سهل التركيب منسجم الانفاظ عذب النظم و عاری عن الکلفه ایدی .  
اوجله دندر .

ان غص من فقرنا قوم غنی منخوا فکل حزب بما اوتوه قد فرحوا  
ان هم اضاعوا لحفظ المال دینهم فان ما خسروا اضعاف مار بحوا

§

﴿ محمد ﴾ المنصور — بر بریلردن اندلس ملکی اولان سلطان  
هشامک حاجبی یعنی صدر اعظمیدر کمال مظفریت و فتوحاته مبنی  
( المنصور ) عنوانیه یاد اولنور ایدی قشاله سنجاغی و شلمکه و رستموره  
واشتورغه شهرلرینی فتح و اهالیسنی طاغله فراره مجبور ایلدکن صکره  
بر محاربه ده عساکر اسلامیه ضعیف و فتور کله رک هربری بر طرفه طاغله  
باشلادقده همان رجعت ایدن سپاه موحدینک یوللری اوزرینه قلیجینی  
قویوب و کندوسی دخی اورایه بوبلی بوینه یاتوب ( بنی چیکنیوب کچمک  
دنائتنی قبول ایدرسه کز یازقدر ) یولو بر چوق مؤثر سوزلر ایراد ایلکله  
عساکر متفرقه بی چار چاپک باشنه طویلایه رق ( ۹۸۰ م و ۳۷۰ یاخود  
۳۷۱ هـ ) تاریخنده ینه دشمنی فنا حالده بوزمشدر . اوج سنه صکره  
لیون قرالنک پای تختی اولان لیون قلعه سنی دخی بش کونده ضبط ایدوب  
انجق ( ۱۰۰۱ م و ۳۹۲ هـ ) تاریخنده قلعه النسر محاربه سنده مظفریت  
اعدا طرفنده وقوع بولهرق الی بیک اسلام عرصه قتاله شهید دوشدیکندن  
مشار الیه شمدی یه قدر الی ایکی دفعه ایتدیکی محارباتک جله سنده غالب  
کلوبده بودفعه مغلوب اولدیغنه و بوقدر اهل اسلامک نوش جام شهادت  
ایلدیکنه نهایت درجه تأسف ایدرک مقدحه قامش اولدیغی جریحه نک باغنی  
چوزوب قانی آقیده آقیده میدان محاربه بی قانرله کلکون ایدن شهدای  
سائر عدادینه داخل و بوجهله دنیا و مافیهای دکر بر شرف ایدی یه نائل  
اولشدر .

﴿ محمد المهدی ﴾ بن حسن العسكري — أئمة اثني عشر كاون  
ایکجینی اولوب کنیه لری ابو القاسمدر ( ۸۶۸ م و ۲۵۵ هـ ) تاریخنده  
دنیا به کلدی اوزمان حکمدار لر محافظه سلطنت ایچون اولاد رسولی محو  
سوداسنده بولندقلرینه بناء پدرلری کسه به خبر و یرمیه رک کیرلی بودوب  
اون بر یاشنه بالغ اولدقده وفات یاخود غیوبت و دیگر روایتسه کوره یمش  
بش یاشنه قدر معمر اولوب ( ۳۳۰ هـ ) تاریخنده رحلت ایتشدرد . شیعیلردن  
اثنی عشریه فرقه سنک قیامته قریب بر زمانده اصلاح احوال اسلام ایچون  
کله جک دیدکاری مهدی بوذا تدر و بوبلده دها بر چوق اقوال مختلفه واردرد .  
§

﴿ محمد المهدی ﴾ — خلفای عباسیهدن ابو جعفر المنصورک  
اوغلی و خلفی اولوب ( ۷۷۵ م و ۱۵۹ هـ ) تاریخندن ( ۷۸۵ م ) سنه سنه  
قدر بغدادده خلافت ایتشدرد رومله غلبه و قسطنطینییه تی تضییق ایدرک  
ضربخانه عامره اتصالننده الا آن اسلحه انباری اتخاذ ایدلمش اولان ( ابارنه )  
کلیساسنک بانیه سی ( رنه ) نام امپراطور یچه تی و یر کو اعطاسنه مجبور  
ایتشدرد مشارالیه زبردستانی حقنده شفقت و مرحمتی مبذول و عالم اسلامیه  
حسن خدمتی مسبوق اعظمدن بر ذات ایدی . کعبه مکرمه به دخی پک  
چوق خدمتی واردرد مصردن بالخاصه درت یوز سکسان عدد مرمر  
دیرک کتوردوب حرم شریفی توسیع و تزین و بیت مکرمه بر کسوه کرانها  
اعمال واکسا والتون زنجیرلره قنبدیلار تعلیق ایلدی . ( ابراهیم بن ادهم )  
حضر تلی بونک زماننده وفات ایتشدرد .  
§

﴿ محمد ﴾ بن نصرالدین بن نصر بن الحسین بن عنین الانصاری —  
کنیه سی ابوالحسن لقبی شرف الدین و لقب معروفی ابن عنیندر مومحی الیه  
شعرا ی عربک خاتمی اولوب کندوسندن صکره و کرک عصری اوائلنده  
مشبلی کلامشدر . شعری جودت افاده الیه برابر بر اسلوبه مقصور اولوب  
نظم اشعار خصوصنده تقنی ایتشدرد کندوسی ظریف لطیف سبککروح  
وقفط صاحب مجون و هجویات ایدی . رؤسای شامدن بر چوق ذواتک  
ذمنی مشعر یوز بیتدن عبارت یازدیغی و مقراض الاعراض نامی و یردیکی

قصیده اوزرینه سلطان صلاح الدین طرفندن یمنه نفی اولندی . شامدن  
خروجی اثناده

فعلام ابعدم اخا ثقة لم یقترف ذنباً ولا سرقاً  
انفوا المؤذن من بلادکم ان کان ینفی کل من صدقاً

قطعه خنده انکیزی قرائت ایدر ایدی یمنه وصولنده حاکی اولان  
طغتکین بن ابوی مدح ایدرک مشارالهدن اموال جزیه استحصال ایلدیکندن  
آنی سرمایه تجارت اتخاذله مصره توجه ایلدی اولوقت مصر حکمداری  
بولنان عزیز عثمان بن سلطان صلاح الدین ابن عنیندن زنده کی اشیانک  
زکاتی ( یعنی رسمی ) آلسی اوزرینه عزیز مشارالیه حقنده دخی  
شوقطعه بی سولشدر .

ماکل من یتسمی بال عزیز لها اهل وماکل برق سحبه غدقه  
بین العزیزین بون فی فعالهما هذان یعطی وهذا یأخذ الصدقه

اورادن شام عراق الجزیره آذربایجان خراسان غزنه خوارزم ماوراء  
النهر حوالیسند دخی برطاق شهرلر کزه رک هنده مواصلت و بعده ینه شامه  
عودتله تکرار هنده مسافرت ایدرک سلطان صلاح الدینک وفاته قدر  
اوراده قالدی .

مشار الیه وفات ایله زمام ملکه ملک العادل مالک اولدقده ینه شامه کلوب  
درون شهره دخولی مستدعی بر قصیده تنظیمله ملک عادلّه تقدیم ایلدی که  
بونده شام شریفی و اطراف و اکنافی بر طرز دلر بایی اوزره توصیف  
وغربته چکدیک آلام واکداری تحریک رقت ایدرجه سنه تعریف ایده یوردی  
قصیده سنده وصف شامدن فارغ اولدقدن صکره صورت نفینه واشتکا  
عن الغربته نقل کلام ایله شو وادیده اداره لجام مرام ایتشدر .

فارقتها لاعن رضی وهجرتها لاعن قلی ورحلت لامتخیراً  
اسعی لرزق فی البلاد مشقت ومن العجائب ان یکون مقترأ  
واصون وجه مدایحی متنعاً واکف ذیل مطامعی متسترأ



اشكو اليك نوى تمدى عمرها      حتى حسبت اليوم منها اشهرآ  
لا عيشتي تصفو ولا رسم الهوى      يعفو ولا جفنى يصافحه الكرى  
اضحى عن الاحوى المريع محولا      و ابيت عن ورد الندير منفرآ  
ومن العجائب ان يقبل بظلمكم      كل الورى ونبت وحدى بالعرآ  
الى آخره

ملك العادل كيفيت حالته واقف اولدقده دخولنه رخصت و يروب شامه  
كبر دكده ينه شو بولده فتح دهان كفتكو اولمشدر .

هجوت الاكابر فى جلق      ورعت الوضيع بسب الرفيع  
و اخرجت منها و لكننى      رجعت على رغم انك الجميع

حل و صنعت الغازده دخى يد طولاسى وار ايدى      طبيعت لا اباليانه سى  
حسبيله اشعارينى جعه اهميت و برمديكندن مدون بر ديوانى بولنه ميوب  
يا لكز ايدى خلقده بر طاقم آثار متفرقه سى قالمشدر . فنون سائر ده دخى  
تأليفاتى اولوب تاريخ العزيزى ولغتندن مختصر الجمهوره سى او جله دندر  
موى اليه ادبار مشرو حندن صكره نائل درجه عال العال اولوب شامده  
( ملك المعظم ) ك او اخر حكومتنده مسند وزارتہ صاعد و ملك الناصر ك  
ختم مدتته قدر سربر اقبالده قاعد اولدى مؤخرآ ملك اشرفك جلوسى  
اوزرينه خانه سنده اقامتله امرار اوقات ايدوب فيما بعد بر خدمتله مقيد اولدى  
ولادتى ( ۱۱۵۴ م و ۵۴۹ هـ ) ده شامده و وفاتى ( ۱۲۳۲ م و ۶۳۰ ويا  
۶۳۴ هـ ) ده كذالك شامده وقوع بولهرق ارض مزده انشا اينديكى مسجد  
شريف دروننده دفن اولمشدر .

§

محمد بن الوليد \* ابن محمد بن خلف بن سليمان بن ايوب الفهرى  
الطرطوشى — سراج الملوك و سائر كتب نافعه مؤلفى اولوب كنيه سى ابو بكر  
و شهرتى ابن ابى رندقه در اندلسدن نشأت ايدوب قاضى ابو الوليد باجى دن  
مسائل خلافى تحصيل و فرائض و حسابى و طننده تكميل ايلدكدن صكره  
شرقه توجيه سمند مرام ايله بغداد و بصره يه داخل و بورالده علوم و فيره

اكتسابه نائل اولدى . بعده بر مدت شامده اوتوروب تدريس طلابه اشتغال وشهرتى اقطار بعیده به ایصال ايله برچوق لبشمنكان معارفی سیراب زلال کمال ایلسی اوزرینه اسکندریه به کیده رک اوراده توطن ایلدی .

زاهد عابد متورع صادق بر آدم ایدی . دیر ایدی که ( امر دنیا وعقبادن هرایکسی سکا عرض اولندیغی حالدہ عقبایی ترجیح ایت که اولوقت امر عقباودنیا هرایکسی تحصیل ایش اولورساک . مشارالیه ملوک وامرا قیوسندن دائماً متجانب اولوب حتی بردفعه لاجل المصاحبه حکمدار طرفندن استندیکی حالدہ اجابت ایتماشیدی . برکون افضل نام امیر جیشک حضورینه کیره رک مومی الیه وعظ وپند طریقله دیمشدرکه ( دنیاده حال حیاتکده اولان شوملک وحشتک حین موتکده دخی بعینه ید تملککده اولسی عديم الامکاندر . اولیه ایسه نائل اولمش اولدیغک نعمت ودولتک شکرینی ایفایه مسارعت ایت . محققدرکه جناب عزوجل یارین بونلرک حسابنی سندن نقیر وقطمیر استیه جکدر . الله تعالی حضرتلری سلیمان علیه السلامی سرتسر ملک دنیایه مالک وائس وجن وشیطاین وطیور ووحوش اوزرینه حاکم وروزکاری کیف مایشاء امرینه رام ایتدیکی وبونلرک حسابندن تمت عطاایای الهیه سی اوله رق کندوسنی معفو طوتدیغی حالدہ مشارالیه بونی سزک عد ایتدیکنکز کبی نعمت وظن ایتدیکنکز وجهله کرامت عد ایتیموب بلکه راستدراج اولسندن خوف ایدر . وکمال خضوع وافتقار ايله « هذا من فضل ربی لیبلونی أشکر ام کفر » دیره رک باب عدالتی کافئه عجزه مخلوقاته کشاده طوتار ایدی ) .

سراج الملوك کتابنی نعم فراوانه مظهر اولدیغی مأمون البطائحی نامنه تألیف وبوندن بشقه مختصر تفسیر ثعالی ومسائل خلافته کتاب الکبیر وکتاب بدع الامور ومحدثاتها وسائر بومثالو کتابلر دخی تصنیف ایتشد . اشعارینک لطافت وجیادتنه سراج الملوك کتابنی اهدا ایتدیکی صروده اوزرینه نازدیغی قطعه آتیه دلیل کافیدر .

الناس يهدون على قدرهم      لكنني اهدى علا قدری  
يهدون مايقضى واهدى الذى      يبقى على الايام والدهر

﴿محمد بن هانی﴾ الازدی الاندلسی - شاعر مشهور اولوب  
کنیه سی ابوالقاسم و شهرتی ابن هانیدر پدری هانی افریقیده برقریه  
اهالیسندن ایدی مؤخرأ اندلسه انتقال ایدوب اوغلی شاعر موحی الیه  
اشبیلیه ده وجوده کلدی و اوراده اشتغال علومه باشلاوب خصوصیه  
ادیاتده مهارت کامله تحصیل ایلدی فی الواقع ابن هانی هر برنده  
صاحب وقوف اولدقدن بشقه غواص بحر ادب و عارف اخبار و اشعار  
عرب اولوب شعرى بلاغت و دقت معانی وجودت اسالیب و انتظام تراکیبی  
جهتیه شعرای اندلسک مابه الافتخاری ایدی اقتدار مشروحنه و شاعر  
مشهور متنبی الیه معاصر اولدیغنه بناء متنبی غرب تسمیه ایدلمشدر .  
حروف معجم اوزرینه مرتب بر دیوان اشعارى واردر . لکن لذائذ انهماک  
و مذهب فلاسفه یه اتباع الیه متهم ایدی اشبو حالری بین الناس شهرت  
بولغه باشلاقدده اشبیلیه اهالیسی علمینده نمایشلره قیام ایتدکلرندن متنبی  
اولدیغی اشبیلیه ملکی درون بلده ده نامی اونودیلنجیه قدر غیوبتی ایچون  
امر ایلدی و بناء علیه یکرهی یدی یاشنده اشبیلیه یی ترکه مجبور اوله رق  
زابه کیدوب جعفر بن الاندلسی یه انتساب و مدحنی متضمن قصائد غرا  
تقدیمیه نزدنده نعم فراوان اکتساب ایلدکدن صکره مصر حاکمی معزابی  
تمیم طرفندن اولنان دعوت رغبتکارانه یه اجابه مشارالیه طرفنه یارکاب  
شتاب اولدی نزدینه وصولنده مشارالیه انعامنده مبالغه ایدوب صکره معز  
مصره توجه ایتسی اوزرینه ابن هانی مشارالیهی براز تشییدن صکره  
عالمه سنی الوب کتورمک اوزره ینه مغربه رجعت ایلدی و کیجه سرخوش  
اولدیغی حالده کیدرکن وفات ایتکله صباحلین یول اوزرنده میتی بولندی  
دیگر نقله کوره برقه اهالیسنک کندو علیه نه چیقاردقلى برعربه ده قتل  
اولندی . تاریخ قتلى ( ۳۶۲ ) سنه هجریه سی اولوب اولوقت اوتوزالتی  
و بعضیلرینه کوره قرق ایکی یاشنده ایدی وفاتی معزه خبر ویرلده  
زیاده تأسف ایدوب ( بزاسر ایدک که بوآدمله شعرای مشرقه تفاخر ایدلم  
حالبو که مقدر اولدی ) دیمشدر . ابن هانی مشارالیه معز حقنده برحق  
غرر مدایح نظم ایتمشدر . نظمده تشبیهات بدیعه صاحبی ایدی . نمونه  
اولق اوزره برقاچ بیتى ایتمشدر .

كان السماكين الذين تراهما على لبدتيه ضامنان له حتفاً  
فذا راح يهوى اليه سناناه وذا اعزل قد عض انمله لهفاً  
كأن سهيلاً في مطالعه افقه مفارق الف لم يجد بعده الفاً  
كان نبي نعش ونعشاً مطافل بوجرة قد اضللان في مهمه خشفاً  
كان سهاها عاشق بين عود فأونه يبدو وأونه يخفى

مومی الیہمک دیوان اشعارى مدحہ کفرى مؤدى برطاقم غلو وافرط ایلہ  
آلودہ اولسہ دیوانلرک الک کوزلی عد اولنہ ییلور ایدی مغاربہ دہ  
نہ متقدمین ونہ دہ متأخریندن ابن ہانی طبقہ سندہ شاعر کلامشدر .

§

﴿ محمد ﴾ — امرای مصر یہ دن ابوالذہب کنیہ سیلہ شہرتشعار  
برذاتدر امرادن علی بکک کولہ سی ایکن محضاً شجاعت وروی  
سایہ سندہ امیرالامرا مسندرفیعنہ ارتقا ایتشیدی مصردن شام والیسی  
عثمان پاشانک اوزرینہ ہجومہ کوندردلکدہ دولت علیہ ازالہ تسلطچیون  
درت وزیر تعین ایتدیسدہ داریا اوہ سندہ وقوعبولان محاربہ دہ عساکر  
عثمانیہ یی مغلوب دوشوردیکندن ( ۱۷۷۱ م و ۱۱۸۵ ھ ) تاریخندہ شام  
اھالیسی بلامدافعہ مملکتی النہ تسلیم ایدرک اورادہ جزئی برمدت اوتوردقن  
صکرہ بعض ملاحظاتہ مبنی شامی ینہ عثمان پاشایہ براغوب مصرہ دوندی  
انجق افندیسی اولہ جق علی بک شام کبی یری نیجون براقدک دیو تکدیر  
وطردینہ یوریہرک ارہ لرنده کی مودتی مبدل خصومت ایتکلہ ابوالذہب  
صعیددن طوپلادیغی عسکرلہ ہمان مصرہ کیروب علی بکی مجبور فرار  
وبعض محارباتدن صکرہ زنجیر اسارتہ کرفتار ایدرک برسطوت قاھرہ ایلہ  
مصر والیلکنہ اوتوردی بوصرہ دہ دولت علیہ دخی ولایتک تصدیقنی  
وعد ومظہر تلطیف ایتسنہ مبنی مقابلندہ دولت علیہ نامنہ عمر طاھری  
عکادہ محاصرہ ودر دست ایدوب باغی مرقومک شرور مفاسدینہ نہایت  
ویردی . والیلکی فرمانی وارقمسزین ( ۱۷۷۵ م و ۱۱۸۹ ھ ) تاریخندہ  
وفات ایشدر .



﴿محمودخان﴾ اول — ملوک عثمانیه نك یکر می دردنجیسی  
 اولوب سلطان مصطفای ثانینک اوغلیدر ولادت (۱۶۹۵ م و ۱۱۰۸ هـ)  
 جلوس (۱۷۳۰ م و ۱۱۴۳ هـ) وفاتی (۱۷۵۴ م و ۱۱۶۸ هـ) تاریخنده در  
 جلوسنده یکچیریلرک نفوذ باغیانہ سی حددن تجاوز ایشیدنی برسنه صکره  
 موصلی و پاطورنه کبی رؤسای اهل فساد و کلا طرفندن خفیاً سرای هما یونه  
 جلب و اعدام اولندی و اون بش کون صکره بعض سرکشان مقتوللرک  
 قاننی دعوی ضمنده اجتماع و اغا قیوسنی یغما به اجتسار ایلدیلر سده اهالی  
 سنجاغ شریف التمه دعوت اولندیغی کبی پایدار اوله مدیلر . دیگر طرفدن  
 سنه مزبوره ایچنده بغداد والیسی احمد پاشا بر مکمل اردو ایله کیدوب  
 (کرمان) (همدان) و سائر بعض قلاع ایرانیه یی و حکیم اوغلی علی پاشا  
 دخی (تبریز) ی ضبط و استرداد ایلدی و (۱۷۳۳ م و ۱۱۴۶ هـ) ده  
 بغداده هجوم ایدن ایران بیوک اردوسی بیوک برهنه دوجار اولوب  
 مجروح و اسیردن بشقه اوتوز بیک عجم قلیچدن کچورلدی و (۱۷۳۵ م) ده  
 روسیه لیلر بغته نقض عهد ایدرک (آزاق) قلعه سنی تحت محاصره یه الدیلر  
 و برسنه صکره قریم زادکانی ییننده موجود اختلافدن بالاستفاده تاتارلری  
 مغلوب و قریمی ضبط ایلدیلر سده مؤخرأً بارینه مدقلرندن رجعتیه مجبور  
 اولدقلری اشاده تاتارلر طرفندن تعقیب اولنه رق یوز بیک قدر روس عسکرلی  
 تلف و اسیر ایلدی وینه سنه مزبوره ظرفنده ایران شاهی (نادر شاه)  
 ایران حاجیلرینه طوقلماق و عجم اسیرلری النوب صاتلماق شرائطیه  
 رجامند صلح و مسالمت اولغله بالذا کره قبول اولندی و (۱۷۳۷ م) ده  
 روسیه لیلر یوز سکسان بیک کشتی ایله (اوزی) و (در بند) قلعه لرینی  
 محاصره و ضبط ایلدی و متقلری اولان آوستریا دولتی دخی نقض عهد  
 ایله سوق ایتدیکی اردو معرفتیه (ایزورنیک) (استرومیچه) (پوژن) و  
 (وچتین) قلعه لرینی تحت محاصره یه الدیسه ده قلاع مذکورده متحصن ذکور  
 و انات اهالی کافه سلاح مقاومتیه صار یله رق آوستریا لیلری کلدکلرینه پشیمان  
 ایتدیلر . بوسنه والیسی قهرمان علی پاشا ایسه موجود معیتی اولان یری  
 عسکر ایله (بنالوقه) مظفریتنی قزاقوب کذا آوستریا لیلری اون بش بیک

واریل باروت و مهمات و ذخیره ترکیه فراره مجبور ایلدی و (ودین) فرقه عثمانیه سی (تیوق) نهری کنارنده کی اوستریا اردوسنی مغلوب و صوفیه اردوی همایونی (شهر کوینی) و (نیش) قلعه لرینی استرداد ایدوب (۱۷۳۸ م) ده (اوزی) اوزرینه کوندریلان عساکر عثمانیه دخی اوزی قلعه سنی بر مدت محاصره ایله اخذ واسترداده موفق اولدی و روسیه نك قریه ایکنجی دفعه اوله رق کوندردیکی بیوک اردو تاتارلرک ضربه انهرامنه اوغرایوب اثنای کیرودارده مشهور طوپال (یوانوف) و امثالی جنرالردن پک چوق آدم قتل و اعدام اولندی. وینه بوسهرده آوستریالیلر اوزرینه اکتساب ایدیلان مهاده مظهریت مشهوره سنندن صکره (۱۷۳۹ م) ده بلغراد ایله سمندره اره سننده واقع (حصار جق) نام محله و قوعبولان میدان محاربه سننده دخی آوستریالیلر بوزیلوب اوچده ایکیمی انجق تخلیص جان ایده یلدی.

نهایت فرانسه ایمرطورینک توسطی اوزرینه روسیه و اوستریا دولترلیه عقد مصالحه اولنوب حسب المعاهده (صربستان) (خرسوه) (افلاق) (بلغراد) (سپاج) و (بکوردلن) قلعه لری اوستریا طرفندن و (ازاق) قلعه سی هدم اولنق و (اوقوچقه قوفی) قلعه سی قریم اداره سننده بولنق شرطیله روسیه طرفندن دولت علیه به ترك اولندی بونرله برابر روسیه سفیره لرینک قره دکزده کزمامسی و قبار طای قبیله لرینک قریم اداره سنندن چیقاریلوب سربست بر اعلیمی شرط قلندی و (۱۷۴۱ م و ۱۱۵۴ ه) تاریمخنده اوستریا قرالرندن متوفی التنجی (قارلوس) ک روماده تربیه اولان کوچک اوغلی درسعاده کلوب شرف اسلامله مشرف اولدی و ایران حکمدازی (نادرشاه) اکر دولت علیه مذهب جعفریه بی تصدیق ایدر و ایرانلر ایچون مکة مکرمه ده بر موقع تعیین ایلر ایسه تجدید مصالحه وتشیید مخاندیه حاضر ایدوکنی ایلچئی مخصوص واسطه سیله استفسار و بوخصوصک ملت اسلامیه اراسنده حکم سورن اختلافی اتحاده تحویل ایده جکنی اخطار ایلدیسده استانبول علماسی حیفاکه اول وقت شو تکلیف سلامت ردیفک درجه اهمیتنی تقدیر و موافقتی تجویز ایتماش

اولدیغندن باب عالی بالضروره جواب رد ویردی و ( ۱۵۷۰ م ) تاریخنده شط العرب قوماندانی میر میراندن مصطفی پاشا دعوی سلطنته قیام و ( مناوی ) قلعه سنی دخی استیلا ایلدیه ده بغداد دن و ولایات متجاوردهن برآونهرآ کوندریلان عساکر شاهانه طرفندن برمدت محاربه ایله غائله سی بتورلدی و نهایت ( ۱۷۵۴ م ) تاریخنده سلطان محمود اول حضرتلری خسته و غایت ضعیف اولدیغی حالدده جمعه نمازینه چیقوب عودتده ( تیمور قیو ) آره سنده وفات ایلکله یرینه سلطان عثمان ثالث حضرتلری اللی یدی یاشنده جالس تخت سلطنت اولدی .

§

محمد ثانی — جالس تخت عثمانیان اولان ملوک عظامک اوتوزنجیسی سلطان عبدالحمید اولک اوغلی و سلطان عبدالحمید و عبدالعزیز حضراتک پدریدر ولادت ( ۱۷۸۴ م و ۱۱۹۹ هـ ) جلوس ( ۱۸۰۸ م و ۱۲۲۳ هـ ) وفاتی ( ۱۸۳۹ م و ۱۲۵۵ هـ ) تاریخیدر .

اولجه خلع اولنان سلطان سلیم ثالثی اجلاس ایچون سرای همایونه کیرن علمدار مصطفی پاشا سلطان مشار الیهی مقتول بولوب نه یاپه جغنی و کیمدن اخذ انتقام و کیمه بیعت اولنه جغنی کال غضبه دوشینور ایکن سلطان محمود ثانی حضرتلری حفظ اولنان محلدن اخراج و احضار اولمغله درحال امر بیعت اجرا اولندی . و پادشاه مشار الیه بر طاقم و صایان صکره پاشای مومی الیهی صدر اعظم نصب بیوردی . زماننده سکبان جدید عسکری یازلدیه ده برقاج آی صکره علمدار یکچیرلرک آتش غسدریه کباب اولدیغنی متعاقب لغو ایلدی و روسیه محاربه سنه کریمت و بریلوب انکلتزه ایله عقد مصالحه اولندی روسیه ( ۱۸۱۰ م و ۱۲۲۵ هـ ) تاریخنده وارنه یی محاصره و سلسره و روسجخی ضبط و اوته طرفدن صرپلور دخی بلغرادده استیلا ایدرک شوبله بر مشکلات ایچنده برده یکچیری غائله سی چیقدیغندن بالضروره ( ۱۸۱۱ م و ۱۲۲۷ هـ ) ده صرپلورلرک مختاریت اداره سی تصدیق اولنده رق بوججه ده ایلروده ظهوری مختل ولان بعض خوانله برسد متارکه چکادی و ( ۱۸۱۸ م و ۱۲۳۴ هـ ) تاریخنده وهابی غائله سی مصر والیسی محمد علی و اوغلی ابراهیم پاشانک همبیله حرباً برطرف ایدیلوب دره بکلرینک ازاله

وجودینه حصر مرام اولندی و ( ۱۸۲۰ م و ۱۲۳۶ هـ ) تاریخده تپه‌للی علی پاشا و متعاقباً یونانستان غائله‌سی میدانہ چیتوب علی پاشانک غائله‌سی برسنه صکره حرباً بتورلدیسه ده یونانستان ایله اوغراشیلور ایکن ( ۱۸۲۵ م و ۱۲۴۱ هـ ) ده یازیلان نظام جدید عسکری علیهنه یکچیریلر قیام ایلدکلرندن همان سنجاغ شریف سلطان احمد جامعنه چیقاریلوب ات میدانده اولان جمعیتلری پریشان ایلدکلدن صکره عساکر منصوره نامیله یکیدن عسکر تحریرینه باشلانلدی و ایکی سنه صکره انکلتزه فرانسه روسیه دوتخاسی یونانلوره معاونت قصصیده دوستلق یوزندن ناوارین لیماننه کیروب دولت علیهنک الی قطعہ دوتخاسنی یاقدی و دولت علیهن دول متفعه‌نک یونانستان سربستیسنی تکلیفنی قبول ایتدیکنندن روسیه اعلان حرب ایدوب اخسجنه‌یی و وارانه‌یی الهرق بالقاندن ادرنه‌یه و اناطولیده ارضرومه قدرکلدی و یونانستان و جزایر الدن چیقدی و ( ۱۸۳۱ م و ۱۲۴۷ هـ ) تاریخده مصر والیسی محمد علی پاشانک امتیاز دعواسی میدانہ کلوب محمد علی پاشا برنجی محاربه‌ده رشید پاشایی ویدی سنه صکره حافظ پاشایی بوزدی و دوتخای همایون قپودان احمد پاشانک و هم و جہانیتله اسکندریه لیماننه کیره‌ک مصرلوره تسلیم اولدی . پادشاه مشار الیهک بونجه غوائل ارسنده قلب جمعیت اسلامییه صوقلش اولان و هایلرک تنکیلی و حکومت سنیه‌نک بیاغی فنو ذینی غصب ایتش و اطاعتدن چیتمش اولان دره بکلریله یکچیریلرک ازاله‌سی کبی خدمتلی انکار اولنه‌مز .

§

﴿ محمود غزنوی ﴾ — غزنه حاکمی سبکتکنینک اوغلی و خلفیدر پدیری ( ۹۹۷ م و ۳۸۷ هـ ) تاریخده وفات ایلدیکی زمان کندوسی خراسان والیسی ایدی پدیرینک وفاتنی و برادری اسماعیلک جلوسنی خبر الدیغی کبی عسکرله غزنه‌یه کیدوب قرنداشتی حرباً تختدن ایندیره‌ک کندوسی اوتوردی و ماوراء النهرده آل سامان ایله برچوق محاربه‌لردن صکره الارنده قالان مالک متباقیه‌یی دخی ضبط ایدوب شوکت و قوتی کیتدیکجه متراید اولغسله بغداد خلیفه‌سی قادر بالله مشار الیه یمین الدوله عنوانی اعطا و خلعت اهداسیله بارانغه مجبور اولدی مشار الیه هندستان مجوسیلریله هر سنه بر محاربه آچار ایدی . وفاتی ( ۱۰۳۰ م و ۴۲۲ هـ ) تاریخده غزنه‌ده در لقبه قره بلا



معناسنه اوله رق (قرا بچکم) دیرلر ایدی . اصللی ترک نسلندندر بونلرک  
دولتنه آل سبکتکین و ملوک غزنه تعبیر اولنور .

اسلامده (سلطان) لقبیه یاد اولنان پادشاهلرک برنجیسی ترکلردن اشبو محمود  
سبکتکین اولوب اکا بولقب ایله خطاب ایدن برنجی آدم دخی عباسیه دن  
مشار الیه قادر بالله در محمود غزنوی اعیان قفقهای شافعیه دن ایدی فروعه  
دائر التمش بیک عدد مسائل مرغوبه بی جامع اولمق اوزره (تفرید) نامنده  
برکتابی واردر .

و مشهور فردوسی شهنامه سی و عتبی تاریخی آثار الطاف کریمانه سندندر .  
شعراء ادبیه کمال مرتبه اعزاز و اکرام ایدردی جیحون نهری اوزرینه  
برجس برسا ایلدی که کندودن نه اول و نه صکره بر پادشاه اوله بر اثر  
ابقاسنه موفق اولماشدر هندستانده طولاً و عرضاً الی ایلق بول مملکت  
فتح ایتدی عسکرنده درت بوز جنکاور فیلی وار ایدی و فاتنده یرینه اوغلی  
جلال الدوله پادشاه اولمشدر .

### §

﴿محمود غازان﴾ — چین و مغولستان قائی قبلی خانک وزیردر  
واصل اسمی احمد بتاکی در خطه چین و خطایده اسلامک تکثرینه سبب  
بودات اولوب خان مومی الیهک اصحاب اغراض سعایتیه دین اسلامه ایتک  
استدیکي اهانت و حقارتی حسن تدبیر و غیرتی سایه سنده منع و ازاله وحید  
الدین سمرقندی حضر تریله مشترکاً خانه نصیح و پند اجراسنه جالیشه رق  
بالآخره مومی الیهی اسلام طرفه جلب و اماله ایشدر .

### §

﴿محمود پاشا﴾ — سلطان محمد الثانی عصرنده ایکی دفعه  
اون الی سنه صدر اعظم اولوب خیلی یارارلقر ایتش بر ذات عالیقدردر .  
هرسک قطعه سنی فتحدن صکره (۱۶۶۴ م و ۸۶۹ هـ) تاریخنده بعض اوروپا  
دولتلی معاونه (کرمه) قلعه سنی استرداد ایدن و ندیکلیر اوزرینه یوریوب  
دها ایلک هجومده قلعه مذکوره ایله برابر دیکر الی عدد قلعه بی اخذ  
و کشاد ایلدی و برسنه صکره (ازوورینق) محاصره سنه قویلان مجارلری  
طوب و مهماتلرندن بر شی قور تلامق اوزره کاملاً مجبور فرار و عودتسنده

ارناودلق حاکمی اسکندر بکی تأدیب و ویر کو کذار ایدرک مقری اولان شهرک کوبکنه ایلبصان قلعه مشهوره سنی یاپدیردی ( ۱۴۶۸ م و ۸۷۳ هـ ) تاریخنده ینه و ندیکلورک یتش سکسان سفینه ایله کلوب ( اینوز ) قلعه سنی تسخیر و اهاالی سنی اسیر ایتدکاری شایع اولدیغندن وزیر مشار الیه دکزدن و فاتح حضر تلی قره دن در عقب هجوم ایله بر ساعت ظرفنده قلعه بی استرداد ایلدیر .

مشار الیه محمود پاشا دور فاتحده دولت عثمانیه یه بونجه خدماتی کچمشیکن نهایت غز اعدایه اوغرایه رق عزل و مؤخرأ ( ۱۴۷۴ م و ۸۷۹ هـ ) تاریخنده قتل اولمشدر . سبب اعدامی ( بابورد ) مظفر یتندن صکره پادشاهی ایلرو کیمتکدن منع ایتسی . یاخود شهزاده مصطفانک وفاته بمنون اولدیغندن خانه سنده ماتم اثوابی کیماسی ایش . اصلی خروات اولوب بین العوام نائل رتبه ولایت و کرامت اولدیغنی ظن ایدلدیکنندن محمود پاشای ولی نامیله شهرت بولمشدر .

### §

محبی الدین ۶۶ العربی — شیخ الامام المحقق رأس اجلاء العارفين والمقرين ابو عبد الله محمد بن علي بن احمد العربي المغربي الطائى الخاتمی الاندلسیدر که علوم ظاهره و باطنه ده ید بیضا صاحبی اولوب ( شیخ الاکبر ) عنوانیله یاد ایدلمکده در ( ۱۱۶۴ م و ۵۶۰ هـ ) تاریخنده مرسیده تولد و ( ۱۲۴۰ م و ۶۳۸ هـ ) تاریخنده شامده وفات ایدوب جبل قاسیون اتکنده یعنی ( صالحیه ) ده آرایش لحد غفران اولدی .

مشار الیه وحدت وجوده قائل اولنرک قدومه سی اولوب محققون جمیع علومده جلالت قدرینی تصدیق ایتشلردر حق عالیرنده بعض منکرلر واریسه ده آنرده شیخ حضر تلینک دقت کلامندن و یاخود کندولرینک طریق ریاضته عدم وقوفلرندن ناشی مراعی اکلایه مدققلرندن معتقلرینی عوارض شهادتن محافظه ایچون اعتراض ایتشلردر محبی الدین عربی حضر تلینک تصوفده طوتمش اولدیغنی موقع جلیله کیمسه واصل اوله مامشدر و شعر وادبه مهارتی ایسه حاز اولدیغنی مقام عالی ایله متناسب بر صورتده در . تألیفات جلیله سی بشیوزدن متکثر و قسم اعظمی تصوفه دأر اولوب بونلرک ایچنده

الذیاده دقیق (فصوص الحکم) در • مشار الیه حضرت لرینک کلامده  
وسعت و ذکاء و قوه حافظه سی دخی بشقه جه شایان حیرتدر اول (۵۶۸ ه)  
تاریخنده وطنی اولان مرسیه دن اشیلویه انتقال ایدوب اوراده (۵۹۸ ه)  
تاریخنه قدر اوتوردقن صکره مشرق جانبیه توجیه وجهه ارتحال ایدرک  
مصر حجاز بغداد موصل بلده لرینی زیارت و برمدت دخی قونیه ده طرح بساط  
آرام ایله نهایت شامده اختیار اقامت ایلدی و قونیه ده اقامتی ائنده مشاهیر  
علمدان شیخ صدر الدین قنوی حضرت لرینک والد لرینی تزوج ایتدی و مشار  
الیه خلافت و یردی • شیخ الاکبر حضرت لرینک طریقت صوفیه ده منسوب  
الیه یرواسطه ایله عبد القادر کیلانی حضرت لریدر • شامده اوتوردیغی  
مدتجه برچوق مال و منال و ایقه هدیه ایتدک لری حالده بر حبه سنی ادخاره  
رغبت ایتوب جله سنی محتاجینه ایشار و تصدق ایدر ایدی • اکثر مصنفاتی  
مکاشفات و انشای نومده و قوعبولان الهامات اثری اولدیغنی بر کتابنده بیسان  
یور مشدر •

ابیات آتیه اشعار لطافه شعار حکیمان لری جله سندندر •

بین النذل و التذل نقطة فیها یتبه العالم التمجیر  
هی نقطة الاکوان ان جاوزتها کنت الحکیم و علمک الاکسیر  
دیگر ایا حاراً ما بین علم و شهوة لیتصلا ما بین ضدین من وصل  
و من لم یکن یستنشق الريح لم یکن یری الفضل للمساک الضیق علی الزبل

تألیفات معالی آیات لرندن بر بنده سی دخی بروجده آتی کشیده سالت سطور ایدلادی  
تفسیر کبیر الی سورة الکف • فتوحات مکیه عشرین مجلدات • تدبیرات  
السمیه و تنزلات موصلیه • فصوص الحکم • تاج الرسائل و منهاج الوسائل •  
کتاب العظمة • کتاب السبعة • تجلیات • مفتاح الغیب • کتاب الحق •  
مراتب علوم اوهب و الاعلام بأشارات اهل الالهام • العبادة • المدخل  
الی معرفة الاسماء • حلایة الابدال • الشروط فیما یلزم اهل طریق الله •  
اسرار الخولة • عقیده اهل السنة المقنع فی ایضاح سهل الممتنع • اشارات  
القولین • کتاب الهویة و الاحدیة • اتحاد العشق • الجلالة • الازل •

القسم . عنقاء مغرب . ختم الاولياء . شمس المغرب . شواهد . مناقحة  
النفس . اليقين . تاج التراجيم . القطب . الامامين . رسالة الانتصار .  
الجب . الانفاس العلوية . ترجان الاشواق . مواقع النجوم . مطالع  
اهلة الاسرار . المواعظ الحسنة . خطبة ترتيب عالم . الجلال والجمال .  
مشكاة الانوار . شرح اصطلاحات صوفيه .

§

﴿ محيي الدين ﴾ محمد بن ابی الحسن علی بن محمد بن یحیی بن علی بن  
عبدالعزیز — نسبی عثمان بن عفان رضی الله عنه حضر تلزیه منتهی اولور  
کنیه سی ابولعالی شهرقی ابن زکی الدین در فقه و ادب و سایر ده فضائل  
عده صاحب اولوب اشعار لطیفه ورقیه سی و برطاقم خطب و رسائل  
نفیسه سی واردر ( ۱۱۹۲ م و ۵۸۸ هـ ) تاریخنده شام قاضیسی اولدی  
سلطان صلاح الدین ایوبی زنده غایت عالی بر موقع اقبال و اعتباره مالک  
بولنوردی سلطان مشارالیه ( ۵۷۹ هـ ) ده حلبی فتح ایتدکده موحی الیه  
اولبابده بر قصیده بایه یازمشدر که تمایل فضل و کمالنه یکانه آینه در  
قصیده مزبور سندن .

( و فتح القلعة الشهباء فی صفر . مبشر بفتح القدس فی رجب )

یبتی ایسه کندوسنک « قلوب الشعرا خزائن الرجن » مضمونه ماصدق  
بر شاعر اعجاز مآثر اولدیغنی کوستر که فی الحقیقه بیت مذکور ده دیدیکی  
قدس شریف دخی ( ۵۸۲ هـ ) سال هجریسی رجبده فتح اولمشدر .  
فاضل موحی الیه ( ۱۱۵۵ م و ۵۵۰ هـ ) ده شامده تولدو ( ۱۲۰۱ م  
و ۵۹۸ هـ ) ده شامده یه وفات ایلدی ایوم جبل قاسیون اتکنده مدفن  
آرای احترامدر .

§

﴿ محیی الدین ﴾ اسکلیبی — پادشاه شیخی دیمکله مشهور بر ذات  
اولوب کثرت زهد و کراماتله اتصاف ایتش و ( ۱۵۱۴ م و ۹۲۰ هـ )  
تاریخنده داربقایه کیتشدر . حدیث شریف نقلنه علی قوشیدن مأذون  
ایدی ( واردات ) نام کتابه شرحی واردر .

§



﴿محيي الدين﴾ كافيحي — اسمي محمد بن سليمان بن سعد بن مسعود  
روحي مسقط رأسي برغمه ولادت (۱۳۸۶ م و ۷۸۸ هـ) تاريخيدر .  
كرك علم كلام و اصول فقهده و كرك نحو و تصنيف و اعراب و معاني  
و بيان و جدل و منطق و فلسفه و هيئت و سائرده صاحب يد طولايدي  
اولا بلاد عجم و تاتاره ارتحال ايدوب شمس الدين فناري و برهان حيدر  
و شيخ واجد و ابن فرشته و حافظ الدين بزازی کي اجله علمان اخذ و اكمل  
فتون و معرفت و بعده قاهره به عزيمتله الى نهاية العمر نشر علومه همت ايتدي  
و مؤخرأ ابن همامك ير ينسه قاعد كرسى مشيخت اولوب حلقه تدريس  
فيوضات انيسندن سيوطى كبي نيجه متبحرين علما نشأت ايلدى .  
فقه و تفسير و حديث و علوم سائرده خيلي تأليفاتي و باخصوص علوم عقليه ده  
حوصله تعريفدن بيرون تضيفاتي واردر .  
وفاتي ( ۱۴۷۴ م و ۸۷۹ هـ ) جادى الاوليسنك در دنجى جمعه كيجه سنده  
شهيدا واقع اولشدر .

§

﴿مخا﴾ — يمن ولايت جليله سى مضافاتندن بحر اجر ساحل  
شرقيسى اوزرنده و صنعناك ۲۸۰ ميل اعشارى غرب جنوبيسنده يدى بيك  
نفوسى حاوى بر شهردر . خارجاً منظره سى لطيف ايسنده داخلأ غير  
منظم و هواسى غايت سيحاق و حواليسى چول و قومسالدر . سنوى بوز  
بيك قنطار قدر قهوه اخراج ايدر و كاتيلو ضمخ عربى و كونلك  
تجارتى اولور .

§

﴿مختار﴾ بن عبدالله — دهات عربدن بر مشهور ذاتدر مسقط  
رأسي اولان كوفه دهه محبوس ايكن بر تقريب قور تيلوب امام حسين  
حضر تزيينك مخدملرى عمرو عبدالله و منسوب تيله برلكده خون جناب حسينى  
دعوايه قيام و موصل و ملحقاتنى اله پكوره رك ( جازر ) محار به سنده قتل  
حسيندن يمش بيك كشي بي قتل و اعدام ايلدى لكن مختارك اختيار ايلش

اولدیغی شو حرکت هر فصله حریمده ادعای خلافت ایدن عبدالله بن زبیرك دخی ایشنه الوبرمدیکندن ( ۶۸۵ م و ۶۶ یا خود ۶۷ هـ ) تار یخنده اوزرینه عسکر کوندروب اردوسنی محو و نابید و یاننده بولنان اولاد حسین شهادت بیدردی .

§

﴿مد﴾ — عربستانده مستعمل براولچکدر ترکستانده موط درلر اشبو اولچک مختلف الوزن اولوب بعض محلولده ایکی رطل و بعض طرفرده بروثل رطل ذخیره استیعابنه کافی صورتده استعمال اولنور ایکن مؤخرأ ۲۶۰ درهمدن عبارت وزنه تحویل اولندی فقط عراقده مستعمل اولان مد ۱۷۳ درهم اولوب (من) دنیلان وزن دخی بومقداردن عبارتدر .

§

﴿مدارات﴾ — خط استوایه موازی اولان دوائر صغیره ایچنده مدارات تسمیه اولنور درت عدد دوائر اولوب ایکیسی خط استوانک شمال و جنوب طرفلرنده و یکریمی اوچ بیق درجه مسافده و دیگر ایکیسی دخی کدالک قطبلردن یکریمی اوچر بیق درجه بعدده واقعدر . خط استوانک شمال طرفنده واقع اولان مداره (مدار سرطان) و جنوب طرفنده بولنان مداره (مدار جدی) دنیلوب قطبلره قریب اولان مدارلرک برینه (مدار قطب شمالی) و دیگرینه مدار قطب جنوبی تسمیه اولنور و منطقه البروجک مدار سرطان ایله تماس ایدن نقطه سنه (مدار رأس سرطان) و مدار جدی ایله تماس ایدن نقطه سنه (مدار رأس جدی) دنیلور .

اشبو مدارلرک اره سنده واقع قسملره منطقه تسمیه اولنور بناء علیه کره ارض بش منطقه یه منقسم اولوب مدار سرطان ایله مدار جدی اره سنه (منطقه حاره) و مدار سرطان ایله مدار قطب شمالی و مدار جدی ایله مدار قطب جنوبی اره لرنده واقع قسملره (منطقه معتدله) دنیلوب مدارین قطبین ایله قطبلر بیننده واقع قسملره دخی منطقه بارده اطلاق اولنور . منطقه حاره ده هوا غایتله سیحاق و منطقه بارده ده زیاده صغوق اولوب منطقه معتدله لده ایسه حرارت و برودت درجه اعتدالده در .

§

﴿مداین﴾ — بغدادك اوتوز بش فرسخ اعشاری جنوب شرقیسمنده و فرات نهری ساحل یساری اوزرنده الان آثاری موجود بر شهر قدیمدر قبل الاسلام یعنی ساسانیانك اواخر سلطنتنرنده پای تخت اکاسره ایكن (۶۳۷ م و ۱۶ هـ) تاریخنده یاد اسلامیانہ یکوب جوارنده بشقه شهرلر و قصبه لر تأسیس اولمغله اولکی اعتبارندن دوشدی . بوکا یونانیلر کته سیفون دیرلر .

§

﴿مداین صالح﴾ — شام شریفدن مدینه منوره یه کیدرکن دار حرا نام قوناقدن اون طقوز ساعت ایلروده بر موقعدر بورایه (حجر) دخی دیرلر . و قتيله بوراده هلاك اولان قوم ثمودك یكپساره طاشلردن اویمه خانه لری و حضرت صالح علیه السلامك طاشدن اولش مسجدی حالا کورلمکده در . علیه الصلاة والسلام افندمز بورانك صویندن ایچلسنی منع یورمشلر ایدی . مداین صالحك طقوز ساعت ایلر وسمنده کی (علا) نام قصبه نك صوی و بغچه لری پك کوزلدر .

§

﴿مدالو﴾ — آق دکرده قدیمأ (لسیوس) دنیلان اطه نك اسمیدر . بوراسی آتله لورك باشلیجه مستملکاتندن ایکن اسکی موره محاربہ سی ائاسنده اهالیسی عصیان اتمکله تأدیب اولمشلر و (۸۶) تاریخ میلادیسمنده (مهرداد ایله) عقد اتفاق اتملرله رومالورك دخی خیلی سله سنی یمشلر و بو مناسبتلرله مملکتلرینی ویرانه یه دوندرمشلر ایدی . مؤخرأ جنرال پومپه اعمارینه فالنیشوب بر طاقم تیاترو و مکاتب و معابد کبی شیلر یاپدیردی و اهالی دخی تازه جان بوله رق تحصیل معارفه چالشدی .

§

﴿مدینه﴾ منوره — یثرب . اثرب . ارض الله . مدینه الرسول دخی دینور . مکة مکرمه نك شمال غربیسمندن سکمان ساعت مسافه ده وجبل احد ایله جبل بئر اره سمنده کنیش بر صحرا اورته سمنده بر شهر شریفدرکه اوتوز بشییک نفوسی حاوی اولوب قرق قلہ لی وجبل احد طرفی اوتوز وقصور طرفلری ده ها نقصان مترو ارتفاعنده برسور ایله احاطه

اونمشدر . بوسوری ( ۹۷۸ م و ۳۶۸ هـ ) تاريخنده عضدالدوله بنا ويا  
 تعمير ايلدى . مدينه منوره نك باب القبله ( اليوم باب مجيدى ) باب المصر  
 باب الشام باب الجمعه نامرندهدرت قپوسى اولوب حرم شريف نبوى ملكتك  
 قلكاهنده واقعدر . حرم مزبوره عمر بن عبدالعزيز درت مناره احدات  
 ايلديسهده مؤخرأ سليم ان بن عبدالملك بونلردن بريى ( مروانك خانه سى  
 جهتنه دوشمش ديو ) هدم و صكره مصر ملكى محمد بن قلاون تكرار انشا  
 ايتيردى . بشجى مناره سليمانى دخى ( اليوم مجيدى ) ناميله ياد اولنور .  
 درون حرم شريفده برده محراب سليمانى واردر . مدينه منوره نك هوا سى  
 غايت لطيف ومعتدل اولوب لذته نظيرى ناياب و ( عين زرقا ) ناميله  
 شهر تنصاف اولان ايرماغى ايسه بوكا برقات دها آب وتاب ويرمكهدهدر .  
 ( نهر مذكورك مجراسى اشاغى اولديغيچون كنار ينه نردبان ايله اينيلور  
 بوصوبى حضرت معاويه نك امريله مروان اجرا ايتيرمشيدى ) خرماسى  
 فوق الغايه نفيس وسبره نار قاوون قاربوز اوزوم ترنج شقالو انجیر  
 وفواكه سائر هسى دخى اعلا ولنديدر . خارج قلعهده ببيع شريف  
 دنيلان محله آل واصحاب وشهدا وسائر صالحين وصالحاتك مراقده منوره لرى  
 موجود اولديغندن محل مزبور ايله بر ساعت مسافهده وجبل احد قربنده  
 بولنان عمر رسول جناب حزه وقبنه جهتنده واقع ( مسجد قبا ) زيارتگاه  
 عشاق وعرفادر . مسجد شريف مذكورك اساسنى عليه الصلوة والسلام  
 افندمز اصحاب كراميله برابر وضع بيورمشلر ايدى .

#### بيت

صاقين ترك ابدن كوى محبوب خدادر بو  
 نظر كاه آلهيدر مقام مصطفىادر بو  
 بوخاكك پرتوندن اولدى ديجور عدم زائل  
 عبادن آچدى موجوات چشمن توتيادر بو  
 مراعات ادب شرطيله كير نابى بودر كاهه  
 مطاف قدسياندر پوسه كاه انبيادر بو



﴿مدینه الزهراء﴾ — اندلس حکومت قدیمه سنک پاتختی اولان قرطبه یه اوج ساعت مسافه ده سلطان عبدالرحمن ثالث بنا ایتدیکی سرائیک اسمیدر . بوسرای درت بیک اوج یوز مرمر ستون رنکارنک اوزرینه مینی اولوب بهر سنه اوج یوز بیک دینار صرف اولمق اوزره یکرمی بش سنه ده اکیال اولمشیدی . مؤخرأ خرسیتانلرک الله کجدهده خاکله یکسان ایتدیلر فقط ملک ابن احمرک غرناطهده بنا ایتدیردیکی مشهور ( قصر الحمراء ) هرصلسه حالا هدم اولنماشد .

§

﴿مدیا﴾ یاخود (مادی) — الان آذربایجان وعراق عجم دنیلان قطعهنک نام قدیمیدر . حدودی غربأ آتوریا دنیلان شمیدیکی کردستان قطعهنک شمالأ بحر حزری محیط اولان طاغیر وجنوبأ کوهستان و (حرقانیا) یعنی مازندرانک قسم جنوبیسی بینهده محصور ومحدود وحدود سائرهمی غیر معیندر . هواسی معتدل وجیددر . موقع جغرافیسی اقتضاسنجه مدنیت الک اول بوقطعهدن انتشاره باشلادی . مدیا اهالیسی اولاد یافتدن اولدقلری حالده نینوس وسیرامیس نام حکمدارلر زماننده آتوریلره تابع ایدی صکره ( ۴۸۳۵ خ ) تاریخنده یعنی میلادک یدیبوز الی طقوز سنه مقدمنده رفع ربقه اطاعتله رئیسلی اولان آریاسه قرال نامی ویرهک جسیم بر حکومت تشکیل ایلدیلر ومؤخرأ کاه غالب وکاه مغلوب اولهرق یشایوب نهایت ( ۵۹۶ م ) تاریخنده عجملرک تحت حکمنه کیردیلر ایسهده بیوک اسکندرک آسیا فتوحاتنی بالاکال وفات انلمی اوزرینه استقلالرینی اعاده ایلدیلر . بوندن صکره اشکانیان وکیانیان حکومتلری تبعه سندن معدود طاینورلر .

§

﴿مدیق﴾ — قدیم فرس دولتی جایه سنده اولان (اوتی) جمهورینک عصیانیه آتدیلرک بونلره اعانهسی ومقدما ایرانه انجبا ایتش اولان آتیه حکمدار سابق ( هیپاس ) ک آتدیلردن اخذ انتقام ایچون وقوعبولان تشویق مقامیسی سبیلله ایران شاهلی ( دارا ) طرفندن ( ۵۱۰ خ ) تاریخنده یعنی میلادک درت یوز طقسان سنه مقدمنده آتیه اوزرینه کوندریلان بر جسیم

اردو ايله آتله ليلر بيننده ظهوره كلان محاربه نك و آندن صكره متكون ديكر بر محاربه نك اسميدر كه مقدمي برنجي ومؤخرى ايكنجى مديق محاربه سى ناميله بين الانام متعارف و بنام اولمشدر . اشبو برنجى مديق محاربه سى بر سنه ظرفنده عجملك مغلو بيتيله و ايكنجيسى (۵۱۱۴ دن ۵۱۴۵ خ) تاريخنه يعنى درت يوز قرق طقوز سنه ميلاد مقدمه دكين سوروب كذلك عجملك انهزاميله نهايت بولدى . عقد اولنان مصاحله فرس كيلرى يونان دكرينه كيرمانك وقردهن ساحله نهايت بر ساعت مسافه يه قدر اينيله بيلك كى بر طاقم شرائطى متضمن ايدى .

✽ مديق ✽ — جا مضافاتندن بر قصبه نك دخى اسميدر . بو قصبه جايه اون ايكي ساعت مسافه ده و نهر عاصى اوزرنده واقع اولوب بر قلعه سى وجوارنده بر كوچك كولى واردر .

§

✽ مدين ✽ — بحر احرك شمال شرق سينده وعقبه كورفرى نهايتنده عربستانك اك قديم بر شهريدر . شمديكى حالده يرينه عقبه قصبه سى قائم اولمشدر . صالح و شعيب عليهما السلام حضراتى بو شهره مبعوث اولمشر ايدى . حضرت موسى قائن پدرلرى مشاراليه شعيب عليه السلام نردينه مهاجرتله قرق سنه بو شهرده ساكن اولمشدر .

§

✽ مرآة الاخلاق ✽ تركى — (۱۶۴۰ م و ۱۰۵۰ هـ) تاريخنده وفات ايدن يحيى بن محمد بستانينك اخلاق ممدوحه يى جامع يازديغى مجموعه در .

✽ مرآة الاخلاق و مرآة الاشواق ✽ تركى منظوم — (۱۵۹۵ م و ۱۰۰۶ هـ) ده وفات ايدن شمس الدين احمد بن محمد سيواسينك اخلاق حيده و ذميه يى شعر اثريدر .

✽ مرآة الادب ✽ منظوم — (۱۴۵۰ م و ۸۵۴ هـ) تاريخنده وفات ايدن ابن عرب شاه احمد بن محمد دمشقيك معانى و بيانه دائر اثريدر .  
✽ مرآة الادوار و مرآة الاخبار ✽ فارسى — مصلح الدين محمد

لارنيك اول خلقندن (۱۵۶۶ م و ۹۷۴ هـ) تاريخنسه قدر اولان وقايى  
جامع اثريدر .

✽ مرأة الزمان في تاريخ الاعيان ✽ — (۱۲۵۶ م و ۶۵۴ هـ) ده  
وفات ايدن شيخ ابى المظفر ك قرق جلد اثريدر . مومى اليه سبط ابن جوزى  
ديمكله معروف ايدى . بو اسمده بر تاريخ دها وار .

✽ مرأة صفا ✽ — فارسى — مير خسرو دهلويك يوز اللى  
يبتدن عبارت قصيده سنيه سيدر .

✽ مرأة شفا ✽ — (فاضل ركن الدين استرآباديك فن طبه دائر  
اثريدر .

✽ مرأة عوالم ✽ تركى — على افنديك ابتداى خلقى شارح واندن  
اولنه مسند بر طاقم اوهمام وابطيل جاهلانه بي نقل صحيح اوزره موضع  
اثريدر .

### §

✽ مراد اول ✽ — سلاطين عثمانيهك اوچنجيسى اولوب سلطان  
اورخانك اوغلى و يلديرم بايزيك پدريدر . ولادتى (۱۳۲۵ م و ۷۲۶ هـ)  
جلوسى (۱۳۵۹ م و ۷۶۱ هـ) شهادتى (۱۳۸۸ م و ۷۹۱ هـ) تاريخنده در  
ايام سلطنتنده قرمان اوغلى و اخيلر غائلهسى بتوريلوب انقره وحواليلى  
و آيدن و بولى ضبط ايدلدكن صكره روم ايليده اولان فرقه لر واسطه سيله  
ادرنه زغره كوملجنه واردار يكجهسى فلبه ديمتوقه قبضه فتح و تسخير بكدى  
و (۱۳۶۴ م و ۷۶۶ هـ) تاريخنده پاپا اورنيك تشويقيله اتفاق ايدن بلغار  
و خروات و مجار و رومانلر ك يوز بيك عسكرله ادرنه اوزرينه هجومى كركى  
كبي دهشت و يروب تداركات كليده تشبث اولنديغى صرهده لالا شاهين  
پاشا رفاقنده اولان حاجى ايل بك استكشاف ايجون بر قاچ بيك عسكرله  
كيدوب متقين اردوسنى مريخ كنارنده حال غفلت و مستيده كورديكى كبي  
جسارت آلهرق همان بر شخونله ايشلرني بتوردى و (۱۳۶۸ م و ۷۷۰ هـ)  
ده پاى تحت عثمانى ادرنيه نقل اولندى و ايكي سنه صكره لالا پاشا قپولى  
دريندينى خيلى زحمله مرور ايدرك اهتمان و صماقوى و تيمور طاش پاشا

قرق کایسا وسوزه بولی بی ضبط ایلدی وسیروز درامه قواله کوستندیل زینخنه وحوالیسی غازی اورانوس بکک همئیله آلتوب نیش صوفیه سلسره نیکبولی قلعه لری وسائرہ بلانجاربه ضمیمه ملک عثمانی اولدی وتوابعیله مناسرترواشتنب وقومانوه واصلاتوزیدی مملکتک فتحی میسر اولسی اوزرینه اوروپا لیلر دولت عثمانیه نك سلطنتی تصدیقه مجبور اولدی واستانبول ایمراطوری (یانی باله لنوس) ایکی قزینی شاه مشارالیهک اوغلرینه وبر قزینی کندولرینه قبول ایتدیرمکله بیوک برجعت ازدواج اجرا اولندی و (۱۳۸۸ م و ۷۹۱ هـ) تاریخنده اولکی متفقنر لهستان وجهستاندن دخی عساکر معاونه کتوردهرک جله سی اوچیزو بیسک کشی به بالغ اولدیغی حالده روم ایلی به یوریدیلر وسلطان مراد حضر تلی دخی قرق بیس قدر عسکر جمع ایدرک قوصوده قارشولوب مشهور (قوصوه) محاربه سی قزان دیسه ده عقبنده صرپلو (میلوش قویلو ییج) نامنده بر فدا بی یدیه شهید اولدی . نیش عالیلی برو سده وامعاسی قوصوده تربه مخصوصی دروننده مدفوندر .

مناره لده صلوة وسلام ویرلسی و دولت عثمانیه بیراغنک شکل ورنکی و طغرا بونک امریله تنسیب واتخا ذ اولتمشدر .

§

﴿ مراد ثانی ﴾ — دولت علیه عثمانیه ده التنجی پادشاه اولوب چلبی سلطان محمدک اوغلی و ابو الفتح سلطان محمد الثانی حضر تلی نیک پدریدر ولادت (۱۴۰۳ م و ۸۰۶ هـ) جلوسی (۱۴۲۱ م و ۸۲۴ هـ) فراغتی (۱۴۴۳ م و ۸۴۷ هـ) دفعه ثانیه ده جلوسی (۸۴۸ هـ) وفاتی (۸۵۵ هـ) تاریخنده در .

اوائل سلطنت سنیه لرنده امرای عثمانیه دن اورانوس بک زاده لرله ده سائر بر چوق کیمهلر مقدا غیوبت ایدن شهزاده مصطفی چلبی بنم دیهرک استانبول ایمراطورینک دسیسه سیله میدانه چیقاریلان شخصک باشنه طوپلانو ب عادتاروم ایلی بی استیلا ایلدکن صکره اناتولی به یوریدیلر ایسه ده شاه مشارالیه حسن تدبیر ایله جمعیتلرینی پریشان و کدردنکش اطاعت اولان برادرینی ازینقه طوتوب قتل و بی نشان ایلدیکی کبی از میر ومنتشا حاکرینی اورته دن رفع و نابید و سلا نیک و کوتاهیه وقونیه وقره



حصاری و دیگر براردو واسطه سیله دخی صرپلورلی یوزوب الاجه حصار  
سجاغسنی و نیکبولی و سمندرہ بی فتح و افلاق و صوا نهرینک اوتہ طرفنی  
بالدفعات تهدید ایلدی . مؤخر آبخار لر ایلہ افلاقلور دولت علیہ علیہ  
اتفاق ایتکله بونلرہ دخی ایکی دفعہ بیوک غلبہ چالدی .

اورنک نشین سلطنت عثمانی مشار الیہ سلطان مراد ثانی حضرتلری  
( ۱۴۴۳ م و ۸۴۷ هـ ) تاریخنده تخت حکومتی اوغلی سلطان محمد فارغ  
اولدقلرینی متعاقب ایستان و صرپ و محار و افلاق عسا کر متفقہ سی قرمان اوغلی  
خبیشک و پاپا حضرتلرینک تشویقیلہ وارنہ اوزرینہ یورید کارنرندہ کارآشنایان  
امرای عثمانیہ اعدانک بوکلیشنی بکنیوب و پادشاه نوجاھک تجربہ سزلکنی  
دوشینوب ہر حالده پدیری سلطان مراد ثانیکن ینہ جلب و اجلاسندن بشقہ  
چارہ اولدیغی اکلادقلرندن درحال اوغلی طرفندن دعوتنامہ لارسالیلہ جلب  
واجلاس و اولدم اولہ سی یہ اعدانک اوزرینہ هجوم ایدرک جملہ سنی فنا  
حالده پریشان ایلدیلر . روایتہ کورہ اعدانک بوسفر اوچیوز بیکدن  
متجاوز اولدیغی و سکسان بیکی زرہلی ایدوی و عسا کر متفقہنک باش  
قوماندانی اولان ( لادیسلاس ) قتل اولنوب باشی بال ایچندہ بروسہ یہ  
کوندردیکی و ہر طرفدہ شہر آیینلر اجرا اولندیغی توار یخندہ مقیددر .  
مشارالیہ مورده کریمہ و بالیا درہ بی دخی اخذ و تسخیر وارناودلغی تهدید  
ایتدیکی کبی ( ۱۴۴۸ م و ۸۵۲ هـ ) تاریخنده وارنہ مغلو بیتنک آجیسنی  
چیقارمق اوزرہ کلان عسا کر متفقہ بی دخی قوصوودہ اوتوز ساعت دوام  
ایدن بر بیوک محاربه نتیجہ سندنہ پریشان ایلدی بو محاربه دہ دخی یکریمی  
بشیکن عبارت اولان اعدانک انجق سکر بیکی قورتیلہ بیلشدر .  
شیخ الاسلام نصبی سلطان مشار الیہ زمانندن بدأ ایلر . بروسدہ بر جامع  
شریفی واردر .

### §

﴿ مراد ثالث ﴾ — دولت علیہ دہ اون ایکنجی پادشاه اولوب سلطان  
سلیم ثانیکن اوغلی و سلطان محمد ثالثک پدیردر ولادت ( ۱۵۴۶ م و ۹۵۳ هـ )  
جلوسی ( ۱۵۷۴ م و ۹۸۲ هـ ) وفاتی ( ۱۵۹۴ م و ۱۰۰۳ هـ )  
تاریخنده در .

زماننده فاس امیری (مولامحمد) اعاده تختی ایچون دولت علیه دن استمداد ایلدیکندن جزایر والیسی معرفتیه مطلوبی حاصل اولوب بو صورتله فاس نو عمارت دولت علیه جایه سنه کچدی و ترانسیلوانیا و یوده سی (اتین پاتور) لهستان قرالی تعیین اولندی و امرای بسالت اتما سندن لالا مصطفی پاشا چلدیر محاربه سنی قزانقدن صکره تفلیس شکی و توابعلیه شماخی و روانی تسخیر ایدوب اشبو فتح اخیره یعنی روان فتحنده نفوس ذکوری قتل عام و سردار عثمان پاشا عجم سفرنده و قریمه غلبات عظیمه نائل اوله رق هله مشهور تیور قپو محاربه سننده پک چوق غیرت و اقدام و بری طرفدن آوستریا لور ایسه سسق قلعه سی محاربه سننده حسن پاشانک اردوسنی فنا حالدله بوزوب عساکر اسلامیه بی کاملاً اعدام ایلدیلر .

متعاقباً سنان پاشا سنان ظفر جانستانیله اشبو یاره ننگ اجیسنی آوستریا لوردن چیقار دیسه ده نه چاره که براز صکره و قوعبولان (کلوا) بوزغونی او یاره بی برقاق فات دهادرینلشدیروب قرق بیك اسلام شهید واسیر و مملکتین عصیاننک ایقاع ایلدیکی خسارت دخی بشقه بر امر عسیر اولدی سلطان مشارالیه استراحتی ملتر م بر ذات اولوب یوز اون بش اولاد یتشدیرمش و زماننده یکچیریلر اون دفعه عصیان ایلدکلری حالدله حسن تدبیرایله باصدیرلشدیر . (ایران سر عسکری مشارالیه عثمان پاشانک مظفر آدر سعادتله عودتنده حقنده اولان التفات شاهانه ننگ درجه سنی اکلامق ایچون (عثمان) کله سنه نظر بیوریه .

### §

﴿مراد رابع﴾ — دولت عثمانیه ده اون یدنجی پادشاه اولوب سلطان احمد اولک اوغلی و سلطان عثمان و سلطان ابراهیمک برادریدر ولادتق (۱۶۰۹ م و ۱۰۱۸ هـ) جلوسی (۱۶۲۲ م و ۱۰۳۲ هـ) وفاتی (۱۶۳۹ م و ۱۰۴۹ هـ) تاریخنده در .

زماننده بغداد سرچشمه سی بکر صوباشینک خباتی نتیجه سی اوله رق عجملر بغدادی الدیر سه ده مشارالیه برقاق سنه صکره بالذات کیدوب استرداد ایلدی . و کرجستانده خیلی مقاتله وقوعه کلدی و (۱۶۳۴ م و ۱۰۴۴ هـ) تاریخنده ینه بالنفس ایران سفرینه کیندیه ده استرداد ایتدیکی روان قلعه سنی

انجق عودتنه قدر محافظه ایده یللوب اندن صکره تکرار ایرانسلر الدیلر و قریمک اداره سی خانلریک اختلاف ورقابتله یواش یواش بوزلغه باشلادی و بودین والیسی مرتضی پاشا استرغونده نمچه لیلر اوزرینه بیوک برغلبه یه نائل اولوب یمن قطعسه سی دوات علیه اداره سندن چیقدی و قره دکزدن برقاج قزاق یغما کرلری کلوب بوغاز ایچنده زروه خساراتک بالاسنه عروج ایتدی . و قهوه و دخان ایچمک قطعاً منع و متجاسر لرندن بعض تریاقلر اعدام اولندی .

سلطان مراد رابع حضرتلری راز پرهیزسز و زور بازویه مالک برذات اولوب قرق بش اوقه لقی بر کرزی ایکی یوز الی آدیم مسافیه قدر فی رلاتیر ایمش .

§

﴿ مراد ﴾ شیخ مراد افندی — مشایخ طریقت نقشیه دن عبدالحلیم افندی زاده در ( ۱۷۸۸ م و ۱۲۰۳ هـ ) تاریخنده دنیایه کلوب بعد التحصیل اخر عمرینه قدر چهارشنبه بازارنده مراد منلا تکیه سی مشیختنی ایفایه همت و بعضاً مشوی شریف تدریس لیه قلوب اهل و فانی تنویره سعی و غیرت و ( ۱۸۴۷ م و ۱۲۶۴ هـ ) تاریخنده فجأة اخرته رحلت ایلدی ( خلاصه الشیوخ ) ( شرح پند عطار ) ( شرح تحفه شاهی ) کبی بعض اناری و مرتب بردیوانی واردر .

§

﴿ مراد افندی ﴾ — صلحای امتدن برذات اولوب کشمیری یاخود کابلیدر . هندده کبار نقشیه دن شیخ محمد المعصوم حضرتلرندن اخذ فیض ایتد کدنصکره سیاحتیه چیه رقی حجه و آندن درس عادتیه کلمش و برمدت صکره یه شاهه و حجه کیدوب بردفعه دخی عریان اوله رقی عزیمت و عودت ایتش و ( ۱۷۱۹ و ۱۱۳۲ هـ ) تاریخنده وفات ایلشدر .

تربه سی اوتاجیلرده واقع مدرسه سی دروننده در .

§

﴿ مراد پاشا ﴾ — قیوجی دیمکه مشهوردر خرواتی الاصل اولوب سلطان احمد زماننده درت سنه صدارت و ( ۱۶۱۱ م و ۱۰۲۰ هـ ) تاریخنده عالم بقایه رحلت ایلشدر .

(۱۵۸۳ م و ۹۹۳ ه) ده ایرانلیلر سردار عثمان پاشا اردوسنی بوزدقلى زمان مومى اليه دخی رفاقته فرقه قوماندانی ایدی رجعت ایدرکن قبویه دوشمکله اسیر و قهقهه قلعه سنده حبس ایدیلوب بالاخره کوچ حال ایله قورتیله بیلدیکندن قیوجی لقبیله شهرت الدی . مغنیا و حلب و ایچ ایله توره یوب اوزرلرینه بالدفعات اردولر کوندردیکی حالده قابل تأذیب اولیان قلندر اوغلیله جانیولاد اوغلنک و یوسف پاشا و موصلی چاوشک اوزرلرینه (۱۶۰۷ م و ۱۰۱۶ ه) تاریخنده تعیین اولنوب جمعیتلرینی طاغمش و قلندر اوغلنک غیرتنی کودن متفاندن قره سعید و کینکلی خلیل و کرد حیدر و میمون و چپلاق و اغاجدن پیری و طویل نام اشقیایی دخی انفره و قره حصار حوالی سنده صیقشیدروب کذلک جمعیتلرینی بر باد و پریشان ایتشد . دیگر روایتیه کوره ذکر اولنان اشقیایی تأذیب صره سنده طوتدیغی حریفلی قویولر حفریله درونده اعدام ایلدیکچون لقب مذکور ایله یاد اولمقده در . تره سی بایزید جوارنده وزنه جیلر ایچنده در .

§

﴿مراد رئیس﴾ — دولت عثمانیه مشاهیر امرای بحریه سندن اولوب (۱۶۰۳ م و ۱۰۱۲ ه) تاریخنده ردوسده وفات ایتشد . پیری رئیس دونما ایله مسکتی دوکدیکی زمان برلکده بولنوب مؤخرأ پیری ایله هر نصله خوفه تابع اوله رق دونمای ترک و مصره عودت ایلدکده طرف شاهانه دن تکرار مسکته کوندرلمش و بوجهته شهرت المشیدی . فتوحات و خیراتی چوقدر جله خیر اتدن بری دخی اسکدارده یاپدیردیغی جامع شریفدر .

§

﴿مرج﴾ — چایرلق یا خود اووه معناسنه اوله رق راهط دمشق شرق جهته در موضع آدیدر .

§

﴿مرحله﴾ — ترکیه برقوناق تعبیر اولنان مسافه که سکن فرسخدن وهر فرسخ اوچ میلدن یعنی بر ساعتدن عبارتدر (میل) کله سنه دخی نظر بوریله .

§



﴿مرزبان﴾ — ارمنستان قدیم نیم مستقل والیرینک عنواندر  
ارمنیلر (۴۲۸ م) تاریخنده اختلالات داخلیدن اوصانه رق فارس  
حکومتدن برمرزبان طلب ایشلر و بوجهله استقلال لرینی ضایع ایشلر ایدی  
ارمنستانک مرزبانلق وجهله اداره سی خیلی زمان سورمشد.

§

﴿مرزوق﴾ — طرابلس غرب ولایتده فیزان سنجاغنک مرکزیدر.  
(فیزان) کلمه سنه نظر بیوریله .

§

﴿مرعش﴾ — حلب شهرینک یوز قرق کیلومتر و شمال غریبسنده  
اسکی ذوالقدریه ممالکینک کرسیسی و حالا برمتصرفلغک مرکز اداره سیدر.  
اسکی مرعش حکومتی طولاً اوچیوز اون وعرضاً ایکیوز یکرمی کیلومتر و  
اتساعنده اراضی و ایکیوز الی بیک نفوسی و طروس سلسله سی شعباتندن  
قزیل الما سلسله سی و فرات نهرینک بر قسمی شامل ایدی . بورانک تراب  
و اقلیمی متنوع و میوه سی مبذول فقط صنایعی مفقوددر .

مرعش مقدما دولت علیه حایه سنده اولدیغی حالدده اهالیسی کاه مصرلیلرک  
و کاه ایرانلرک غیرتنی کودمکه باشلابوب حتی حاکی بولنان علاءالدوله  
ایران علیه آچیلان محساربه یه کلککدن امتناع ایلدیکندن (۱۵۱۵ م  
و ۹۲۱ هـ) تاریخنده سلطان سلیم حضرتلری عسکر کوندروب مرعش  
والبستانی حرباً ممالک عثمانیه یه الحاق و مرعشلی اردوسنده بولنانلرک بردل  
بیله قورتلماق اوزره کافه سی حاکم مومی الیه و متعلقایله برابر قتل و اعدام  
ایشیددی .

§

﴿مرقات الرافعه فی طبقات الشافعه﴾ — قاموس صاحبی  
محمدالدین فیروز آبادی حضرتلرینک جله تألیفات معتبره لرندن اولوب  
(مرقات الوفیه فی طبقات الحنفیه) اسمنده برکتابی دها واردر .

§

﴿مرقس﴾ یاخود (سن مارق) — الیوم خرستیانلرخه معتبر  
طوتیلان اناجیل اربعه دن برینک مؤلفیدر مولدی طرابلس غرب اولوب

کنج یاشنده سن پترویه ملاقی ورومایه عزیمتسده رفیق و ترجانی اولدی  
وانجیلی وعظ ایچون سیره نایق و مصر مالکنی طولاشه رق ( ۵۲ م ) تاریخنده  
امکندریه کلیسایی تأسیس ایلدکن صکره ( ۶۸ م ) ده مصرده پترستل  
طرفندن اعدام اولدی . مومی الیهک صورت مثالیه سی قنادلی ارسلاندر  
وهرسنه شباطک یکر می بشنجی کونلرنده یورطیسی طوتلقده در .

انجیلنی رفع جناب عیسی علیه السلامدن اون سنه صکره پترو ایله ایشدیکی  
مکله قوتیله ولسان یونانی اوزره یازمشیدی که ( ماتیوس ) ک یازدیغی انجیلک  
مختصری دیمک اولور . ونیکلور ( ۸۱۵ م و ۲۰۰ هـ ) یاخود ( ۸۲۷ م )  
تاریخنده جسمدینی مصرنوا حیسنندن ( معره ) ده مکشوف برقردن چیقاروب  
( نه دن بیلشیر ) ونیکه کوتور مشلر واوراده اوزرینه سنت مرقوس نام جسم  
کلیسایی یاعشلردر .

ونیک جهوریتی وقتیهله ( سن مارق ) ک صورت مثالیه سی اولان قنادلی  
ارسلانه نسبت ایدیلور ایدی حتی برتصویری الیوم ونیک چارشوسنده  
برعود اوزرنده موجوددر .

§

﴿ مرکز افندی ﴾ — مظنه کرامدنر اسمی مصلح الدین مسقط  
رأسی دکرلی قضاسی اولوب ( ۱۵۵۱ م و ۹۵۹ هـ ) تاریخنده وفات الیشدر  
اولا شیخی حضرت سنبل سنان افندیسن استخلاف ایدرک مشار الیهک امریله  
سلطان سلیمانک والده سی ایچون یاپدیردیغی شمدیکی مرکز درگاهنه پوستنشین  
اولدی وشیخی وفات ایلدکن صکره قوجه مصطفی پاشا تکیه سی مشیخته  
کلدی غایت حلیم ولطیف برذات اولوب کیسه یی انجیمک استه مز وداماً وعظ  
ونصیحت وتفسیر قرآن ایله اشتغالدن بشقه برشی ایله مشغول اولمز ایدی .

§

﴿ مرمره ﴾ — من القديم پروپونتس دنیلان وآق دکرله قره دکر  
بوغازلری ییننده بولنان دکر در طولاً ۲۶۰ وعرضاً ۸۵ میل اعشاری  
اتساعنده بولنور حاوی اولدیغی جزائرک مشهوری مرمره ارجاتیه معروف  
اولان مرمره اطه سیدرکه بواطه نک مرکز اداره سی دخی مرمره قصبه سیدر .  
مغنیسا سنجاغنده ( طاغ مرمره سی ) نامیله بر ناحیه دخی وارددر .

§

﴿ مروان ﴾ — عهد سعيد نبویه تبعید اولندیغی حالده بحسب القراه حضرت عثمان زماننده کتوردیلوب بعض مصالح مهمده استخدام قلنان عبدالحکم نام کسه نك اوغلیدرکه حضرت عثمان رضی الله عنہک سرکاتبی اولوب وقعه معلومه یه سبیت ویرمیشدی .

حین ولادتده حضور سعادتہ کتوردلکده حضرت پیغمبر افندمزك ( هو الوزغ بن الوزغ الملعون بن الملعون ) یوردقلری منقولدر . مرقوم ایکنجی معاویه نك بلاولد وفاتی اوزرینه شامه کیدوب برچوق یلان طولانله پیدایتدیکی طرفدارلر سایه سنده ( ۶۸۳ م و ۶۶ هـ ) تاریخنده تخت حکومتہ یکدیسده اون التي آی صکره زوجہ سی طرفندن بلاسنی بولدی غایت فحاش و بد زبان برحریف ایدی حتی سبب موتی اوکی اوغلی خالده ( یا ابن الرطبة الاسف ) دیمسی اولمشدر . عمری التمش اویچ برروایتده التمش بش یاخود سکسان برسنهدر کندوسی قصیر القامه قزل بوزلی اینجه بیونلی بیوک باشلی چوق صقالی برآدم اولوب ( خیط باطل ) لقبيله ملقب ایدی عبدالمالك عبد العزيز ومعاویه وسائر ناملرده متعدد اولادی کلوب کندوسندن صکره اوغلی مومنی الیه عبدالمالك خلیفه اولمشدر .

#### §

﴿ مروان ﴾ بن محمد — شامده ملوک امویه نك آخریدر کنیه سی ابو عبد الملك ولقبی قائم بحق الله اولوب برکرديه جاریه دن تولد ایتمشدر ( ۶۹۱ م و ۷۲ هـ ) ده پدری جزیره والیسی ایکن اوراده طوغدی اورته بویلی سمیز چوق صقالی مهیب پهلوان وصاحب شجاعت برآدم ایدی شجاعته مبیدرکه مروان الحمار دیو معروف اولمشدر زیرا عرب برآدمک شجاعتنی وصف ایتسدر فلان آدم جنکده جاردن زیاده طیانور دیرلر مروان دخی زماننده اوزرینه خروج ایدن کیمسدرک جنکنندن اوصانوب یورلماشدر بعضیلر دخی دیرلرکه عرب طائفه سی هر یوزسنده جار تسمیه ایدرلر بنوامیدنک دخی مدتلی یوزسنده قریب اولدیغی هنگامده مروان خلیفه اولغله جار نامنی ویرمشدر هر یوزسنده جار تسمیه سنی ایسه عربلر ( وانظر الی حمارك ) آیت کریمه سندن اخذ ایتمشدر . مومنی الیه خواجه سی اولان ( جعد بن

درهم) ه نسبتله مروان جعدی دخی دیرلر خلیفه اولزدن اول پك چوق  
ایالتلر ضبط ایتشدلر .

( ۷۴۹ م و ۱۳۲ ه ) تاریخنده ابامسلم خراسانینك یاورى شمشیری سایه سنده  
عباسیلر شامی ضبط ایتدکارنده مروان صولک محاربده ده ناچار قحارکن نواحی  
مصریه دن ابوصیر ناحیه سی جوارنده بولی صیقشدیردیغندن بالاخره باشنه  
سایل بلا اولان شو دشمن طبیعی بی دفع ایچون آندن ایندکده آت قاجوب  
کورن عسکری دخی کندوسنی اورلش ظن ایدرك طارمه طاغین اولمغله بیچاره  
نهایت صیغندیغی برکایساده یقایی الویره رك اعدام اولندی و بو وجهله  
سلطنت عباسیلره انتقال ایلدی . مروانك معهود بول قضیه سنی عربلر  
( ذهب الدولة بالبوالة ) دیره رك ضرب مثل ایتشدلر . مروانك سنی التمش  
طقوز حکومتی بش سنه ایلدی .

قتل اولندقدن صکره اوغلاری عبدالله و عبیدالله حبشستانه قاجدیلسه ده  
حبشیلر عبیداللهی اولدردیلر فقط عبدالله یاننده اولان کیمسه لرك برمقداری ایله  
قورتیلوب ( مهدی ) نك خلافتی وقتنه قدر صاغ قالدی صکره فلسطین  
عالمی نصر بن محمد بن الاشعث طرفندن طوتیلوب مهدی یه کوندرملکله  
مهدی قتل ایلدی حاصلی بنی امیه هر طرفدن کرتار بلای قتل عام اوله رق  
شهراده لرندن یالکزمده اولان برمعموم ایله اندلسه فرار ایدن عبد الرحمن  
باشنی قوتاره بیلدی .

### §

﴿ مروان ﴾ یاخود ( ابو مروان بن عبد الملك ) — ابو علی  
سینا و فخر رازیدن صکره حکمای اسلامیه نك پك یوکلرندلر اون ایکنجی  
واون اوچنجی عصر واسطنده برحیات اولوب ( ۱۲۶۲ م و ۶۶۲ ه )  
تاریخنده طسقان ایکی یاشنده وفات ایلدی .

فرانسز کتابلرنده ( اوان زوعار ) نامیله محرر و مشهوردر او یوز علتناك  
موجبی اولان هوام جربی ابتدا بو ذات کشف التمش و علاجنی دخی بولشدلر .

### §

﴿ مریخ ﴾ — صکره شمسك ( ۵۸۱، ۱۷۸، ۶۰۰ ) فرسخ بعدنه  
برسیاره در . حول شمسده یکرهی اوج ماه ظرفنده یعنی ۶۸۶ کون



۲۲ ساعت ۱۸ دقیقه دور سنو سی و کنندی محورنده دخی ۲۳ ساعت ۳۹ دقیقه ۲۱ ثانیه دور یومیسی اکل ایدر فقط دور قریسی یعنی براستقبالدن دیگر استقباله ورودی ۲۶ ماهدن عبارتدر . مریخک بعضاً آن استقبالنده کره ارضدن اولان بعدی اوتوز درت ملیونه قدر تنزل ایتدیکی حالده اجتماع زمانده دخی ایکی یوز قرق بش ملیونه قدر آرتار قطر حقیقیسی ۱۵۵ و ۴ میلدر . مریخ دخی کره ارض کبی هوای نسبی طبقه یله محاط اولوب بعض کره قطب طرفلرنده قارلر و بلوطلر کوریلور و بزه اولدیغی کبی سطح سیاریه منتشر اولور . سطح مریخه برقوتلی تلسکوپله باقلدقده اوزرنده منطقه واری برطاقم جسیم لکهلر و بولکلرک کاه و بیکاه تخلف ایتکده بولنان ظار یله هیئت اصلیه وجسامت قدیمهلر بی محافظه ایتدکاری کورلمکده درکه بونکله مریخده برطاقم بحار و قطعانک وجودینه حکم ایدیلور . مریخ دائماً قرمزی و یا آتشین برضیا ایله لامعه نثار اولقده و ضاسنده کی اجرارایسه دورین ایله باقلدیغی زماندن زیاده دورینسز کوزه دهایی کورنمکده در . ذکر اولنان قرمز یلغ ارض کوکبه کی طو پراغک لون عومیسندن بشقه برشیئک اثری اولماسی مظنوندر .

مقدما حول مریخده پیک اولدیغی ارباب هیئجه مجهول ایدی مؤخرأ ( ۱۸۶۷ م و ۱۲۸۴ هـ ) تاریخنده کوکب مذکورک اطرافنده دایر ایکی عدد پیکک وجودی پارس و واشینگتون رصدخانه لرندن مشاهده اولمشدر .

§

﴿ مریم ﴾ — حضرت عیسی علیه السلام والدۀ محترمه سی اولوب داود علیه السلام نسلندن امام القوم عالم ملت ( عمران ) ک قزیدر . عمرانک زوجه سی ( حنه ) نک دار دنیا به هیچ بر اولادی کلدیکی اجلدن اگر جناب حق بزه بر اولاد احسان بیوررایسه بیت المقدس خدمته تعیین ایدهرم دیمش و حق تعالی حضرت مریمی احسان بیور دیسه ده عمران وفات ایتدیکنندن والدۀ سی حضرت مریمی کوتوروب احباردن حضرت ذکریا به تسلیم و او دخی بیودوب درون مسجدده بر جهریه اسکان ایشیدی مشارالیه اوارده

عبادت ایله مشغول ایکن بقدره الله تعالی حضرت عیسیاه حامله اولوب دنیاه کتوردی .

قدس والیسی ( هردوس ) عیسی علیه السلامک دها طفولیتی آوانده بعض احوال غریبه سنی ایشدیکندن بیودیکنده باشمه برایش آچار مطالعه سیله بیت الحمد کی ارکاک چوجقلمی قتل عام ایچسون بر مأمور کوندردیسه ده مشارالیه ایا مخدومیه برابر اولجه مصره هجرت المیش اولدیغندن مأمولنه موفق اوله مدی ونهسایت مصرده اون سنه قدر اوتوردقندن صکره ناصریه عودت ایدوب بعد الرفع یعنی ( ۳۹ م ) تاریخنده وفات ایلدی .

§

﴿ مزدك ﴾ — ساسانیانندن فرس ملیکی قباد زمانده اباحیه مذهبنی احداث ایدن آدمک اسمیدر یومذهب مجوسلرک چوقندن برو متروک اولان برهمیه وصائبیه مذهب لرندن النمش بر مذهب باطل اولوب یونی مزدک اولکندن زیاده توسیع ایدرک والده و همشیره وارنجیه قدر زنایی حلال طوتمش واشترک امواله لزوم کوسترمشدر . مذهب مزبور ی شاه قباد دخی قبول ایلدیکندن اکثر بلاد فرسه منتشر اولدیسه ده مؤخرأ یعنی ( ۵۳۵ م ) تاریخنده قبادک اوغلی کنج نوشیروان طرفدن منع و ابطال و مرقوم ایله عونہ سی اخذ و اعدام اولندی لیکن پوشدت اوزرینه اباحیه مذهبی کلیاً محو و نابود اولوب بر مدت صکره ( بابکیه ) نامیله ینه میدانہ چیقیدی . اشتراک زوجات و اموالی مباح طوتمقده سبب ندر دیو مرقومه صودقلمنده ( اکثر یا نزاع و اختلاف بونلرک اوزر ینه اولدیغندن اوزاعی بر طرف ایتمک ایچون ) سوزندن بشقه جواب بوله مامشدر . ( اعتقاد ) کله سنه نظر بیوریله .

§

﴿ مزموور ﴾ — جمعی مزامیر اوله رق داود علیه السلامه نازل اولان کتاب ( زبور ) ک سورهلرینه اطلاق ایلدیلور سورمزبور یوزاللی عدددن عبارت ایدی ( زبور ) کله سنه دخی نظر بیوریله .

§

﴿ مزوپوتامیا ﴾ یا خود ( مسوپوطامی ) — ( الجزیره ) کله سنه

نظر بیوریله .

§

﴿مزیا﴾ — الان قره‌سی دنیلان و آسیای صغرا نك غرب شمالي طرفنه دوشن ولايتدر حدود قديمه‌سی هر طرفدن يك معين دكاسه ده جنوباً لیدیا و شرقاً پنی و شمالاً پرو پونتیس و غرباً اثره دنیلان دكر ايله محدود ایدی مزیا لولر تراکیان منتشر و مزیا به مستولی اوله رق اولاً ترووا حاکمه و مؤخرأ مدیا و ما کدونیا حکمدار لرینه تابع یکمشر و خبلی مدت صکره دخی برغمه ممالکیله برابر رومالولر اداره سنه یکمشر و دها صکره شرق امیر اطورلغی و سلچوقیده حکومتی اداره لرینه و نهایت دولت علیه عثمانیه اداره سنه انتقال انیشلردر .

§

﴿مساحه﴾ — علم هندسه ده بر مقياسك كندی و اجزاسی و یا خود كندی ايله اجزاسی مجموعی امثالندن مقادیر مسو حده ده حاصل اولان كیت عددیه به اطلاق اولوب اوچ نوع اوزره تصور اولنور . نوع اول مساحه خطدر كه ذراع و قدم و دها بونرك امثالی مقياس مفروض ايله تقدير قنور نوع ثانی مساحه سطح در كه مقياس مفروضك مربعيله تقدير ایدیلور نوع ثالث مساحه جسم در كه مقياس مفروضك مكعبيله تقدير اولنور . بو صورتده مساحه خطده ذات مقياسی و مساحه سطحده مربع مقياسی و مساحه جسمده دخی مكعب مقياسی استعمال اولندیغی آشكار اولور . ايمدی مربع و مستطیل شكلرينك مساحه سطحده لری قاعده لرینی عمودلرینه یعنی طوللرینی عرضلرینه ضربدن حاصلنه و مثلثاتك مساحه سطحده لری دخی قاعده لرینی عمودلری نصفنه ضربدن حاصلنه مساویدر . متوازی السطوح اولان اجسامك مساحه جسمیه سی دخی قاعده لری سطحینی ارتفاعلرینه ضربدن حاصلنه مساوی اولور .

﴿مساحه دائرة﴾ — بردارئك محیطی كندی قطرینك تقريباً  $\frac{3}{4}$  یعنی اوچ مثل و برمثلك سبعنه مساوی اولمعله قطری ۷ ذراع اولان دائره نك محیطی تقريباً ۲۲ ذراع اولمش اولور و بر دائره نك نصف محیطی نصف قطریه ضرب اولندقه حاصل ضرب اول دائره سطحنك مقدار مساحه سی اولور . مثلاً قطری ۱۴ و محیطی ۴۴ ذراع اولان بردارئك مساحه سی ۷ نصف قطر  $22 \times$  نصف محیط  $= 154$  ذراع اولور . بردارئك

مقدار قطری معلوم و محیطی مجهول اولسه قطر معلوم مذکور اشبو  
(۳،۱۴۱۶) ارقامه ضرب اولندقدده حاصل ضرب محیط مجهولك مقدارى  
اولور . مثلاً کره ارضك قطرى ۳۱۸۳ فرسخ فرانسوى اعتبار اولنق  
اوزره محیطى نه مقدار فرسخ اولدیغى استخراج مراد ایدن کیمسه قطر  
ارضى (۳،۱۴۱۶) ارقامه ضرب ایدوب حاصل ضربدن اون بیک فرسخ  
ایدوکنی اکلار .

✱ مساحه سطح کره ✱ بر جسم کروینك مساحه سطح محدبى كندى  
قطربى دائرة عظیمه سی محیطنه ضربدن حاصلنه مساویدر مثلاً کره  
ارضك قطرى اولان ۳۱۸۳ فرسخ محیطى بولنان اون بیک فرسخ ایله  
ضرب اولندقدده حاصل ضرب سطح ارضك مقدار مساحه سی اولور .  
کذا ۳۱۸۳ قطر ارض  $\times ۱۰,۰۰۰$  محیط ارض  $= ۳۱,۸۳۰,۰۰۰$   
مقدار مساحه سطح کره اولور .

✱ مساحه جسمیه کره ✱ — بر جسم کروینك مساحه جسمیه سی سطح  
محدبك ثلثی نصف قطرینه ضربدن حاصلنه مساویدر مثلاً کره ارضك  
مساحه سطح محدبى اولان ۳۱,۸۳۰,۰۰۰ فرسخك ثلثی بولنان  
۱۰,۶۱۰,۰۰۰ فرسخ نصف قطر ارض ایله یعنی ۱,۰۵۹ عددیه  
ضرب اولندقدده حاصل ضرب فرسخ حسابیله ارضك مساحه جسمیه سی  
اولور .

هكذا ۱۰,۶۱۰,۰۰۰ ثلث سطح ارض  $\times ۱,۰۵۹$  نصف قطر ارض  
 $= ۱۶,۸۶۹,۹۰۰,۰۰۰$  مساحه جسمیه کره ارض اولور .

### §

﴿ مستقیم زاده ﴾ — اسمی سلیمان سعدالدین افندیدر در سعادتده  
(۱۷۱۸ م و ۱۱۳۱ هـ) تاریخنسنده دنیایه کلوب (۱۲۰۲ هـ) سالنده  
آخرته انتقال ایلدی . موهمی الیه عالم عامل بر فاضل کامل ایدی زیرکده  
صغوق قیو نام موقعده دفین خاک عطرناك اولان کبار مشایخ نقشبندیه دن  
مشهور توقادی امین افندی حضرتلرندن اخذ دست انابتله نائل رتبه  
خلافت اولوب اندن صکره خلفله الفتی ترک و گوشه انزواده تألیفاتله



اشتغال ایشدر . التي جلدی شامل ( ترجمه مکتوبات احمد فاروقی )  
( شرح دیوان جناب علی ) ( تحفة الخطاطین ) ( دوحه المشایخ ) ( مجله  
النصاب ) ( ترجمه قانون الادب ) ( ترجمه فقه کبیر ) ( رساله خصال عشره )  
( رساله جوهر خسه ) و امثالی اوتوز یدی عدد کتاب جله آثار ننددر .

§

مستنصر بالله ✽ ابو جعفر منصور — عباسیه دن اوتوز النجی  
خلیفه در ( ۱۱۹۲ م و ۵۸۸ هـ ) ده تولد و ( ۱۲۲۶ م و ۶۲۳ هـ ) ده  
جلوس ایدوب ( ۶۴۰ هـ ) سنه سنده وفات ایلدی پادشاهلغنی رعایایه  
عدل و داد و مصاحبت اهل علم و مسجدلر خانلر مدرسهلر بیمارخانلر  
بناسیله و اقامه منار دین وقع مقرر دین ایله بکورمش و سنن فخر کائناتی اجرا  
و نوار فنی اطفا ایدوب اعلاى کلمه الله ایچون غزا و جهاده قیام و فتح بلاد  
و محافظه ثغوره اهتمام کوستر مشدر . شجیع و عالی همت ایدی . دجله نك  
جانب شرقیسنده مدرسه مستنصریه بی بنا ایلدی که آنک کبی بر مدرسه جلیله  
بنا اولمندی دینسه بچادر مدرسه مذکوره التي سنده تمام اولوب دروننه  
یوز اتمش بولک کتاب وضع و مذاهب اربعه دن بر مدرس و بر شیخ حدیث  
و بر شیخ نحو و بر شیخ طب و بر شیخ فرائض تعیین و اداره سیچون اوقاف  
جسمیه تخصیص ایتدیرمش ایدی .

§

مسروب ✽ — ارمنستان هنور رانندن بر راهبک اسمیدر .  
تخمیناً ( ۴۰۶ م ) تاریخنده خط ارمنی بی بو ذات ایجاد یاخود اصلاح  
و تنظیم ایلدی .

§

مسعود ✽ — نام دیکری ابو سعید در . مشهور سلطان محمود  
غزنو نيك بیوک اوغلیدر . سلطان مشارالیه قبل الوفات یعنی ( ۱۶۱۸ م  
و ۱۲۰۸ هـ ) تاریخنده ممالکنی اشبو مسعود ایله دیکر اوغلی محمد یئنده  
مناصفه تقسیم ایش ایلده پدیرلر نيك وفاتندن صکره مسعود برادرینه  
اعلان حرب ایدوب و بعد الغلبه طوتوب کوزلرینه میل چکمش و هندستان  
ایله عجمستاندن عبارت اولان ملکنده مستقلاً حکم ایشدر .

مؤخرأ مكران قطعده سنی دخی ضبط ایتش ایسه ده خراسانی سلچوقیلره  
 قایدیرمش و کندیبسی برادری محمدك اوغلی طرفندن قتل ایدلمشدر .  
 مسعود شجاع کریم صاحب فضائل محب علما بر پادشاه اولوب نامه نیجه  
 کتابلر تصنیف اولنمشدر . ازجمله ( قانون مسعودی ) که استاد ابوریحان  
 کتاب مزبوری هیئات مبرهنه ونجوم فنلرنده مشارالیه نامه تألیف ایلشیدی  
 ارباب احتیاجه ماورای تخمینده صدقه لر وشعرا وادیابه بیوک جائزهلر  
 احسان ایدردی . رعایادن ظلم مال آلماز ایکن برچوق مساجد ومعابد  
 بنا ونیجه آثار خیریه انشا واجیا ایلشدر . کوزل خطاط ایدی .  
 حاصلی احوال حسنه سنه نهایت اولیوب مناقبنده مستقل کتابلر تصنیف  
 اولنمشدر .

§

﴿ مسعود غیاث الدین ﴾ — ال سلچوقیدندر . ( ۱۱۳۴ م  
 و ۵۲۹ هـ ) تاریخنده همدانی پایتخت اتخاذا ایدرك ایران شاهلغنی اعلان  
 و خلیفه رشیدی خلع و مکتفی باللهی مقام خلافته اجلاس ونفوذینی  
 مرتبه کاله ایصال ایدوب اون سکر سنه صکره وفات ایلشدر .  
 سلچوقیلردن قویه تختنه جالس اولمش ایکی ( مسعود ) ده اولوب برنجیبسی  
 ۱۱۱۷ م و ۵۱۱ هـ دن ۱۱۵۶ هـ ) سنه سنه قدر اجرای سلطنت ایدرك  
 روم امپراطوری ( ژان قومن ) واهل صلیب رؤسانندن اوچنجی  
 ( قونرادولوی لوژون ) ایله محاربه و غلبه ایتشدر . ( ۱۲۸۳ م  
 و ۶۸۲ هـ دن ۱۲۹۴ هـ ) سنه سنه قدر اجرای حکومت ایدرك عامر خان  
 ایله محاربه و مرقومك یدنده مقتول اولغله سلطنت سلچوقیه رومیه قرین  
 زوال اولمشدر .

§

﴿ مسکت — مسقط اماملغی ﴾ — عربستانك شرق جنوبیسنده  
 و عمان اراضیبی اوزرنده تأسس ایتش برحکومتدر . امامی روحانی  
 وجسمانی امور اداره بی حازدر . اراضیبی ۵۷،۵۰۰ طول شرق ایله  
 ۲۶،۲۷ عرض شمالی بینده و طولاً ۵۴۰ و عرضاً ۲۸۰ فرسخ اعشاری  
 اتساعنده در و همان ثلثی اسیر اولق اوزره برملیون الی یوز بیک نفوسی

حاویدر و تجارت امام طرفندن تحت انحصاره النشدر . بصره کورفرزنده  
هرمز اطهری و افریقهای شرقیده زنکبار اطهرینک بعض اقسای  
و غارداوینی دیلان رأس الحد برونندن اشاخی زنکبار طوغری اولان  
سواحل مذکور اماملغه عائد اولوب بوحالده مقدار نفوسی برقاج ملیونه  
بالغ اولقدهدر . عمان کورفرزی اوزرنده اولان مسکت شهرینک لیانی غایت  
امین و معتبر اولوب هندستان و عجمستاندن اخراج اولنان اشیانک مخزن  
و مقیمی حکمندهدر . مسکت اهلایسی اباحیه خارجیلرندن اولدقلرچون  
حکمدارلرینه (امام) دیرلر . (۱۵۰۷ م و ۹۱۳ هـ) تاریخنده بوراسی  
پورتکیرلورلریدینه دوشدیهده مؤخرأ یعنی (۱۶۴۸ م و ۱۰۵۸ هـ) تاریخنده  
اهالیسنک قیامیه استرداد اولندی . (حکومت) کله سنه دخی مراجعت  
پوریه .

§

﴿ مسکوکات ﴾ — مسکوکاتک ایجادی تخمیناً میلاددن یک  
درتیوز سنه مقدم فراغه مصریه دن (رامسس) زمانندهدر . یونان  
وروما سکه لرنده تصاویر و اشجار و نباتات و ابنیه و ملوک یهودیه سکه لرنده  
اشجار و ازهار و اشکال سائر و ملوک ساسانیه سکه لرنده آتشکده رسملری  
منقوش و اشکانیان سکه لری حروف یونانیه و ملوک ساسانیه سکه لری  
خطوط پهلویه ایله مرقم ایدی . دولت امویه زماننده شرق و البیری  
کوش اوزرینه حروف پهلویه ایله سکه ضرب و برکنارینه حروف عربیه  
ایله کندو اسملرینی و دوره سنه بسمله و تهلیل یازدیلر . بونلرک برنجیسی  
حجاج اولوب (۶۹۴ م و ۷۵ هـ) تاریخنده بدأ ایدی و عباسیلر کوفه ده  
سکه ضربنه (۷۴۹ م و ۱۳۲ هـ) تاریخنده باشلادی . دولت علیه ده  
دخی سکه ضربنه سلطان اورخان زماننده مباشرت و ضرب ایدیلان کوش  
و باقرک بریوزینه کله شهادت دیگر یوزینه (اورخان خلدالله ملکه) تحریر  
اولندی و مراد خان اول سکه لرنک بریوزینه (کله شهادت) دیگر یوزینه  
(مراد بن اورخان خلد الله ملکه) یازلدی .  
دولت علیه ده التون سکه ضربنه سلطان محمد الثانی زماننده استانبولک  
فتخندن صکره بدأ اولنوب ابتدا بجار التونی وزن و عیارنده کیلان التونلرک

بر یوزینه (ضارب النضر صاحب العز والنصر فی البر والبحر) دیگر یوزینه (سلطان محمد خان بن مراد خان ضرب فی قسطنطنیه) تحریر اولندی و سلطان محمد الثالث زمانه قدر بوضوئورته کیدوب مشار الیه سیم سکه سنک بر یوزینه محل ضربک اسمی و دیگر یوزینه طغرا ایچنده کندو نامی یازدیردی .

سلطان احمد اولک کوش سکه لرینک بعضیسنده (سلطان البرین و خاقان البحرین) و بعضیسنده (ضارب النضر صاحب العز والنصر) یازولی اولوب اندن صکره کیلر اکثر یا سلطان البرین و خاقان البحرین عباره سنی و طغرا یازدیردیلر .

سلطان سلیمان ثانی عصرنده الی درهم وزننده غروش و فاتح زماننده و نندیک دوقاتی وزن و عیارنده و (فلوری) نامنده یالدرز التونی و سلطان سلیم ثانی زماننده (شریفی) التونی و سلطان احمد ثالث زماننده بر درهم ویش بغدای وزننده و یکریمی اوچ عیارنده (فندق) وینه او وزن و عیارده (زرمحبوب) و (استانبول) التونلری و دور محمود اولده بر یچق درهم وزن و یکریمی اوچ عیارنده (محمودیه) التونی ضرب اولندی . دولت عثمانیه ده (اچقه) بر مدت اوچی بر درهم وزننده و طقسان عیارنده و صکره ینه او عیارده و دردی بر درهم وزننده طوتیلوب قرق اچقه یه معادل اولان کوشه غروش ویدی درهم وزننده طقسان اچقه یه معادل اولان کوشه (زولاته) و اوچ اچقه یه معادل اولان کوشه (پاره) و بر قیه نك سکر یوز جزؤندن بر جزئی وزننده اولان باقره (مانغر) دنیلوب ابتدا اوچ مانغر بر اچقه صکره ایکی مانغر بر اچقه اعتبار اولندی .

مسکوکاتک انواع و مقادیر وزن و سائره سی بونلردن عبارت اولیوب دول اسلامیه و اجنبیه نك اسکیدنبرو متعدد نام و عیار و وزنلرده ده پک چوق مسکوکاتی وار ایسه ده پک اسکیلرینک تحقیق کیفیاتی فن آثار عتیقه یه عائد و صکره کیلرک بو مختصرده تفصیلی غیر قابل اولدیغندن یالکز شمعی متداول اولان عتیق و جدید مسکوکاتک تحقیق اولنه ییلان نوع و وزن و عیار و اسامیسنی تحریر ایله اکتفا اولنشدیر .



❖ دولت علیه مسکوکات عتیقه و جدیدہ سی ❖

|                 |      | قاج فرانکہ مساوی |       | عیاری |
|-----------------|------|------------------|-------|-------|
|                 |      | سانم             | فرانق |       |
|                 |      | میلگرام          | پیکدہ |       |
| بش لیرا         | جدید | ۹۱۶۳۶            | ۰۰۰۸۲ | ۱۱۳۹۲ |
| ایکی بچق لیرا   | جدید | ۹۱۶۱۸            | ۰۰۰۴۱ | ۵۶۹۶  |
| پر لیرا         | جدید | ۹۱۶۷             | ۰۰۲۱۶ | ۲۲۷۸  |
| نصف لیرا        | جدید | ۹۱۶۳             | ۰۰۶۰۸ | ۱۱۳۹  |
| ربع لیرا        | جدید | ۹۱۶۱             | ۰۰۸۰۴ | ۵۶۹   |
| اسکی عدلیہ      | عتیق | ۸۳۰              |       | ۱۰۲۵  |
| یکی عدلیہ       | عتیق | ۷۴۸              |       | ۹۲۴   |
| خیریه و مصر     | عتیق | ۸۷۳              |       | ۱۰۷۵  |
| فندق            | عتیق | ۹۷۰              |       | ۱۱۹۵  |
| استانبول و رومی | عتیق | ۸۰۰              |       | ۹۸۵   |
| اسکی محمودیہ    | عتیق | ۹۵۲              |       | ۱۳۳۰  |
| مجیدیہ          | جدید | ۸۳۰۲۴            | ۰۰۰۵۵ | ۴۴۴   |
| نصف مجیدیہ      | جدید | ۸۳۰۱۲            | ۰۰۰۲۷ | ۲۲۲   |
| ربع مجیدیہ      | جدید | ۸۳۰۶             | ۰۰۰۱۳ | ۱۱۱   |
| جہادیہ          | عتیق | ۷۳۰۲۵            | ۰۰۶۵۶ | ۴۶۵   |
| اسکی یوزلک      | عتیق | ۴۶۵۳۲            | ۰۰۰۷۰ | ۳۷۶   |
| اسکی ایکیلک     | عتیق | ۴۶۵۲۵            | ۰۰۶۵۶ | ۲۹۷   |
| اسکی غروش       | عتیق | ۴۶۵۱۲            | ۰۰۸۲۸ | ۱۴۸   |
| التیلق          | عتیق | ۴۴۵۱۴            | ۰۰۴۳۱ | ۱۲۸   |
| بشلک            | عتیق | ۲۲۵۱۶            | ۰۰۰۳۵ | ۶۴    |
| یارملق          | عتیق | ۲۲۵۱             | ۰۰۰۶۲ | ۶     |

❖ مصر مسکوکات عتیقه و جدیدہ سی ❖

|            |      |     |        |      |
|------------|------|-----|--------|------|
| لیرا یوزلک | جدید | ۸۷۵ | ۸۰۰۵۰۰ | ۲۵۶۲ |
| نصفی       | جدید | ۸۷۵ | ۴۰۰۲۵۰ | ۱۲۸۱ |
| ربعی       | جدید | ۸۷۵ | ۲۰۰۱۲۵ | ۶۴۰  |

|              |      | عیاری | ثقلی    | فاج فرانشه مساوی |     |
|--------------|------|-------|---------|------------------|-----|
|              |      | بیکنه | میلگرام | سانتم فرانق      |     |
| یکرمیلک سکین | C. = | عتیق  | ۷۵۰     | ۲۰,۶۰۰           | ۶۷۲ |
|              |      | عتیق  | ۷۵۰     | ۱۰,۳۰۰           | ۳۳۶ |
|              |      | عتیق  | ۷۵۰     | ۰۰,۶۵۰           | ۱۶۸ |
| اونلق        | C. = | جدید  | ۹۰۰     | ۱۲,۰۵۰۰          | ۲۵۰ |
|              |      | جدید  | ۹۰۰     | ۲۵               | ۵   |
|              |      | جدید  | ۹۰۰     | ۶۰,۲۵۰           | ۱۲۵ |

\* تونس مسکوکات جدیدہ سی \*

|           |      |      |     |         |       |
|-----------|------|------|-----|---------|-------|
| ابو مائہ  | C. = | جدید | ۹۰۰ | ۱۹,۰۴۶۰ | ۶۰,۳۳ |
| ابو خسین  |      | جدید | ۹۰۰ | ۹۰,۷۳۰  | ۳۰,۱۶ |
| ابو عشرین |      | جدید | ۹۰۰ | ۳۰,۸۹۲  | ۱۲,۰۶ |
| ابو عشرہ  |      | جدید | ۹۰۰ | ۱۰,۹۴۶  | ۶,۰۳  |
| ابو خسه   | C. = | جدید | ۹۰۰ | ۱۵۰,۸۴۰ | ۳۱۴   |
| ابو اربع  |      | جدید | ۹۰۰ | ۱۲۰,۶۷۲ | ۲۵۲   |
| ابو ثلثہ  |      | جدید | ۹۰۰ | ۹۰,۵۰۴  | ۱,۸۹  |

\* انکیز مسکوکات عتیقہ و جدیدہ سی \*

|                       |      |      |     |         |        |
|-----------------------|------|------|-----|---------|--------|
| بش استرلین            | C. = | جدید | ۹۱۶ | ۳۹,۰۹۳۵ | ۱۲۶,۱۰ |
| ایکی استرلین          |      | جدید | ۹۱۶ | ۱۵۰,۹۷۴ | ۵۰,۴۴  |
| براسترلین             |      | جدید | ۹۱۶ | ۷۰,۹۸۷  | ۲۵,۲۲  |
| اون بش روپی مهر ہندیہ |      | جدید | ۹۱۰ | ۱۱۰,۶۶۴ | ۳۶,۸۲  |
| اون روپی ہندیہ        |      | جدید | ۹۱۰ | ۷۰,۷۷۶  | ۲۴,۵۵  |
| بش روپی پاغوت ہندیہ   |      | جدید | ۹۱۰ | ۳۰,۸۸۸  | ۱۲,۲۷  |
| مهر سرانقہ پتان       |      | عتیق | ۸۵۸ | ۱۳۰,۷۳۶ | ۴۰,۵۸  |
| مهر مادراس            | C. = | عتیق | ۹۱۶ | ۱۱۰,۶۶۳ | ۳۶,۸۲  |
| مهر مقول              |      | عتیق | ۹۹۳ | ۱۲۰,۳۷۰ | ۴۲,۲۹  |
| مهر قالکوٹہ           |      | عتیق | ۹۱۶ | ۱۳۰,۲۶۴ | ۴۱,۸۸  |

|  |                    | عیاری | تقلبی   |         | قاج فرانقه مساوی |
|--|--------------------|-------|---------|---------|------------------|
|  |                    |       | میلگرام | بیکنده  |                  |
| یکرمی بر شیلین غینه<br>پاغوت سرانقه پتان<br>پاغوت ییلدیزلی             | ج. $\frac{1}{100}$ | عتیق  |         |         | ۲۴ ۳۶            |
|  |                    | جدید  | ۸۵۸     | ۳۰۰,۴۳۴ | ۱۰ ۱۴            |
|  |                    | جدید  | ۸۰۰     | ۳۰۰,۴۰۶ | ۹ ۳۸             |
| ایکی شیلین<br>بر شیلین   | ج. $\frac{1}{100}$ | جدید  | ۹۲۰     | ۱۱۰,۳۱۰ | ۲ ۳۲             |
|  |                    | جدید  | ۹۲۰     | ۵۰,۶۵۵  | ۱ ۱۶             |
|  |                    | جدید  | ۹۱۰     | ۱۱۰,۶۶۴ | ۲ ۳۸             |
| برروبی هندیه<br>روپی سیهه هندیه<br>روپی تیارس هندیه<br>روپی ارقو هندیه | ج. $\frac{1}{100}$ | عتیق  | ۹۱۶     | ۱۲۰,۴۳۵ | ۲ ۵۸             |
|  |                    | عتیق  | ۹۶۵     | ۱۱۰,۳۳۹ | ۲ ۴۳             |
|  |                    | عتیق  | ۹۴۴     | ۱۱۰,۴۲۹ | ۲ ۴۰             |

✽ فرانسر مسکوکات عتیقه و جدیده سی ✽

|   |                    |      |     |         |       |
|---|--------------------|------|-----|---------|-------|
| بوز فرائق<br>اللی فرائق<br>یکرمی فرائق<br>یکی لویی<br>اسکی لویی<br>دوبل لویی<br>سلطانی جزایر    | ج. $\frac{1}{100}$ | جدید | ۹۰۰ | ۳۲۰,۰۲۶ | ۱۰۰   |
|   |                    | جدید | ۹۰۰ | ۱۶۰,۰۱۳ | ۵۰    |
|   |                    | جدید | ۹۰۰ | ۶۰,۰۴۵  | ۲۰    |
| بش فرائق<br>بر فرائق<br>برقرون آکو<br>ایکی قرون آکو<br>غروش جزایر<br>بیچق غروش جزایر<br>اوتوزسو | ج. $\frac{1}{100}$ | عتیق | ۹۰۱ | ۷۰,۶۴۹  | ۲۳ ۵۵ |
|   |                    | عتیق | ۹۰۱ | ۸۰,۱۵۸  | ۲۵ ۳۲ |
|   |                    | عتیق | ۹۰۱ | ۱۵۰,۲۹۸ | ۴۷ ۲۰ |
| بش فرائق<br>بر فرائق<br>برقرون آکو<br>ایکی قرون آکو<br>غروش جزایر<br>بیچق غروش جزایر<br>اوتوزسو | ج. $\frac{1}{100}$ | عتیق |     |         | ۸ ۷۱  |
|   |                    | جدید | ۹۰۰ | ۲۵      | ۵     |
|   |                    | جدید | ۸۳۵ | ۵       | ۱     |
| برقرون آکو<br>ایکی قرون آکو<br>غروش جزایر<br>بیچق غروش جزایر<br>اوتوزسو                         | ج. $\frac{1}{100}$ | عتیق | ۹۰۶ | ۲۹۰,۴۸۸ | ۵ ۹۴  |
|   |                    | عتیق | ۹۰۶ | ۵۸۰,۹۷۶ | ۱۱ ۸۸ |
|   |                    | عتیق |     |         | ۳ ۷۲  |
| اوتوزسو   | ج. $\frac{1}{100}$ | عتیق |     |         | ۱ ۸۶  |
|   |                    | عتیق | ۶۶۰ | ۱۰۰,۱۳۷ | ۱ ۴۹  |
|   |                    | عتیق |     |         |       |

\* المانیا مسکوکات عتیقه و جدیدہ سی \*

|                           | عیاری | ثقلی | فاج فرانقہ مساوی |       |
|---------------------------|-------|------|------------------|-------|
|                           |       |      | سانم             | فرانق |
|                           | بیکنہ | پ    | میلگرام          |       |
| یکرمی مارق                | جدید  | ۹۰۰  | ۷۰,۹۶۵           | ۲۴ ۶۹ |
| اون مارق                  | جدید  | ۹۰۰  | ۳۰,۹۸۲           | ۱۲ ۳۵ |
| بش مارق                   | جدید  | ۹۰۰  | ۱۰,۹۹۲           | ۶ ۱۷  |
| برقرون پروسیا اوستریا     | عتیق  | ۹۰۰  | ۱۱۰,۱۱۱          | ۳۴ ۴۴ |
| نصف قرون                  | عتیق  | ۹۰۰  | ۵۰,۵۵۵           | ۱۷ ۲۲ |
| ایکی فرہدریق              | عتیق  | ۹۰۳  | ۱۳۰,۳۷۲          | ۴۱ ۵۶ |
| برفرہدریق                 | عتیق  | ۹۰۳  | ۶۰,۶۸۱           | ۲۰ ۷۸ |
| نصف فرہدریق               | عتیق  | ۹۰۳  | ۳۰,۳۴۰           | ۱۰ ۳۹ |
| قارولین - باویرا ورتنبورغ | عتیق  | ۷۷۱  | ۹۰,۷۴۰           | ۲۵ ۸۶ |
| ماقس - باویرا             | عتیق  | ۷۷۱  | ۶۰,۴۹۴           | ۱۷ ۲۴ |
| دوقات باویرا              | عتیق  | ۹۷۹  | ۳۰,۴۸۹           | ۱۱ ۷۷ |
| بش فلورین - باد           | عتیق  | ۹۰۳  | ۳۰,۴۳۸           | ۱۰ ۶۹ |
| اون فلورین - باد          | عتیق  | ۹۰۳  | ۶۰,۸۷۶           | ۲۱ ۳۸ |
| بش طالر - باد             | عتیق  | ۹۰۳  | ۵۰,۷۳۰           | ۱۷ ۸۲ |
| اسکی دوقات - بادورتنبورغ  | عتیق  | ۹۸۶  | ۳۰,۴۸۹           | ۱۱ ۸۵ |
| ایکی دوقات رینہ - باد     | عتیق  | ۹۳۷  | ۳۰,۶۷۰           | ۱۱ ۸۵ |
| اسکی دوقات - مکلمبورغ     | عتیق  | ۹۸۶  | ۳۰,۴۹۰           | ۱۱ ۸۳ |
| پستول فرہدریق مکلمبورغ    | عتیق  | ۸۹۶  | ۶۰,۶۵۷           | ۲۰ ۵۰ |
| برونسویک ولہم قارلو       | عتیق  |      |                  | ۲۰ ۶۹ |
| بش مارق                   | جدید  | ۹۰۰  | ۲۷,۷۷۷           | ۵ ۵۶  |
| ایکی مارق                 | جدید  | ۹۰۰  | ۱۱,۱۱۰           | ۲ ۴۶  |
| برمارق                    | جدید  | ۹۰۰  | ۵۰,۵۵۵           | ۱۲ ۳  |
| ایکی طالر                 | عتیق  | ۹۰۰  | ۳۷,۰۱۲۰          | ۷ ۴۲  |
| برطالر                    | عتیق  | ۹۰۰  | ۱۸,۰۵۶۰          | ۳ ۷۱  |
| برطالر ۱۸۵۷               | عتیق  | ۹۰۰  | ۱۸,۰۵۱۹          | ۳ ۷۰  |
| طالر ماری تریز            | عتیق  | ۸۸۳  | ۲۸,۰۰۶۴          | ۵ ۲۰  |



|                      | عیاری | ثقلی    |        | فاج فرانقه |
|----------------------|-------|---------|--------|------------|
|                      |       | میلگرام | سانم   | مساوی      |
|                      |       | بیکده   | بیکده  |            |
| فیلمورین             | عتیق  | ۹۰۰     | ۱۰۵۸۲  | ۲۱۲        |
| طالر - باویرا        | عتیق  | ۸۳۳     | ۲۸۰۵۲  | ۵۱۹        |
| قرون طالر - باویرا   | عتیق  | ۸۶۸     | ۲۹۳۳۱  | ۵۶۶        |
| کلدن - باد           | عتیق  | ۷۵۰     | ۱۲۷۲۲  | ۲۱۲        |
| کلدن                 | عتیق  | ۸۳۳     | ۱۴۰۰۲۶ | ۲۶۰        |
| کلدن - مکلمبورغ      | عتیق  | ۷۵۰     | ۱۷۰۳۱۶ | ۲۸۹        |
| طالر - مکلمبورغ      | عتیق  | ۷۵۰     | ۲۲۰۲۷۲ | ۳۶۷        |
| کلدن - مکلمبورغ      | عتیق  | ۱۰۰۰    | ۱۲۰۹۲۲ | ۲۸۹        |
| طالر - باد           | عتیق  | ۸۷۵     | ۱۸۰۱۴۱ | ۳۵۳        |
| قرون - باد           | عتیق  | ۸۷۱     | ۲۹۰۵۰۵ | ۵۷۱        |
| قرون طالر - ورتنبورغ | عتیق  | ۸۷۰     | ۲۹۰۴۱۹ | ۵۶۹        |
| طالر ریشٹس           | عتیق  |         |        | ۳۹۰        |
| طالر ریشٹس           | عتیق  |         |        | ۳۲۵        |
| کلدن                 | عتیق  |         |        | ۲۱۷        |
| فیلمورین هس          | عتیق  |         |        | ۱۲۷        |

✽ اوستریا مسکوکات عتیقه و جدیدہ سی ✽

|                    |      |      |         |      |
|--------------------|------|------|---------|------|
| سکز فیلمورین       | جدید | ۹۰۰  | ۶۰۰۴۵۱  | ۲۰   |
| درت فیلمورین       | جدید | ۹۰۰  | ۳۰۰۲۲۵  | ۱۰   |
| ایکی فیلمورین      | جدید | ۹۰۰  | ۱۰۰۰۶۱۳ |      |
| درت دوقات ادله چین | عتیق | ۹۸۶  | ۱۳۰۰۹۸۴ | ۴۷۴۴ |
| ایکی دوقات         | عتیق | ۹۸۶  | ۶۰۰۹۹۲  | ۲۳۷۲ |
| بر دوقات           | عتیق | ۹۸۶  | ۳۰۰۴۹۱  | ۱۱۸۶ |
| قرامیس             | عتیق | ۹۹۰  | ۳۰۰۴۹۱  | ۱۱۹۰ |
| سفورین - لومباردیا | عتیق | ۹۰۰  | ۱۱۰۰۳۳۲ | ۳۵۱۳ |
| سد کن - ونڈیک      | عتیق | ۱۰۰۰ | ۳۰۰۴۹۵  | ۱۱۹۴ |
| نصف سد کن - ونڈیک  | عتیق | ۱۰۰۰ | ۱۰۰۰۷۴۷ | ۵۹۷  |

|                  |      | عیاری | ثقلی  |         | فاج فرانقه مساوی |
|------------------|------|-------|-------|---------|------------------|
|                  |      |       | پیکده | میلگرام |                  |
| برفیلورین        | جدید | ۹۰۰   | ۱۲۰   | ۳۴۵     | ۲۴۷              |
| نصف فیلورین      | جدید | ۹۰۰   | ۶۰    | ۱۷۲     | ۱۲۳              |
| ایکی فیلورین طار | عتیق | ۸۸۹   | ۲۹    | ۰۲۲۱    | ۵۷۷              |
| ایکی فیلورین طار | عتیق | ۸۸۳   | ۲۸    | ۰۰۶۴    | ۵۲۰              |
| کلدن             | عتیق | ۸۸۳   | ۱۴    | ۰۰۳۲    | ۲۶۰              |
| زوات زیرر        | عتیق | ۵۸۳   | ۶۰    | ۶۸۲     | ۸۷               |
| زهر              | عتیق | ۵۰۰   | ۳۰    | ۸۹۸     | ۴۳               |

❀ روسیه مسکوکات عتیقه و جدیدہ سی ❀

|                         |      |      |    |       |     |    |
|-------------------------|------|------|----|-------|-----|----|
| بش روبلہ ایمپریال       | جدید | ۹۱۶  | ۶۰ | ۵۴۵   | ۲۰  | ۶۷ |
| اوج روبلہ ایمپریال      | جدید | ۹۱۶  | ۳۰ | ۹۲۷   | ۱۲  | ۴۰ |
| دوقات ۱۷۵۵              | عتیق | ۹۷۶  | ۳۰ | ۴۹۲   | ۱۱  | ۷۸ |
| دوقات ۱۷۶۳              | عتیق | ۹۶۹  | ۳۰ | ۴۶۹   | ۱۱  | ۵۸ |
| دوقات ۱۷۹۶              | عتیق | ۹۸۶  | ۳۰ | ۴۸۴   | ۱۱  | ۸۳ |
| اون روبلہ ایمپریال ۱۷۵۵ | عتیق | ۹۱۷  | ۱۶ | ۰۵۶۹  | ۵۲  | ۳۲ |
| اون روبلہ ایمپریال ۱۷۶۳ | عتیق | ۹۱۷  | ۱۳ | ۰۰۸۴  | ۴۱  | ۳۱ |
| اون روبلہ ایمپریال ۱۸۰۱ | عتیق | ۹۸۴  | ۱۲ | ۰۱۸۴  | ۴۱  | ۳۱ |
| اوج روبلہ ۱۸۲۹          | عتیق | ۱۰۰۰ | ۱۰ | ۰۰۳۶۰ | ۱۲  |    |
| الٹی روبلہ              | عتیق | ۱۰۰۰ | ۲۰ | ۰۰۷۲۰ | ۲۴  |    |
| اون ایکی روبلہ          | عتیق | ۱۰۰۰ | ۴۱ | ۰۰۴۴۰ | ۴۸  |    |
| بر روبلہ                | جدید | ۸۶۸  | ۲۰ | ۰۰۷۳۶ | ۴   |    |
| نصف روبلہ               | جدید | ۸۶۸  | ۱۰ | ۰۰۳۶۸ | ۲   |    |
| عباسی                   | عتیق | ۵۰۰  | ۴۰ | ۰۰۷۹  | ۴۵  |    |
| بر روبلہ                | عتیق | ۷۹۲  | ۲۶ | ۰۰۱۲۰ | ۴۶۰ |    |
| یکرمی قاپک              | عتیق | ۷۵۰  | ۴۰ | ۰۰۷۹۸ | ۸۰  |    |

✽ ایران دولتی مسکوکات عتیقه سی ✽

|  |        | عیاری | تقلی |         | قاج فرانقه مساوی |
|--|--------|-------|------|---------|------------------|
|  |        |       | یکده | مبلغرام | ساتم فرائق       |
| بر تومن - ۲۰۰ عباسی<br>ایکی تومن<br>نصف تومن                                     | ع. ۲۰۰ | عتیق  | ۹۱۶  | ۳۰,۶۰۰  | ۱۱۳۷             |
|  |        | عتیق  | ۹۱۶  | ۷۰,۲۰۰  | ۲۲۷۴             |
|  |        | عتیق  | ۹۱۶  | ۱۰۰,۸۰۰ | ۵۶۸              |
| بر صاحبقران - ۲۰ عباسی<br>ایکی صاحبقران<br>نصف صاحبقران<br>درت عباسی یا خود شاهی | ع. ۲۰  | عتیق  | ۹۰۰  | ۵۰,۲۰۰  | ۱۰۴              |
|  |        | عتیق  | ۹۰۰  | ۱۰۰,۴۰۰ | ۲۰۸              |
|  |        | عتیق  | ۹۰۰  | ۲۰,۶۰۰  | ۰۵۲              |
|  |        | عتیق  | ۹۰۰  | ۱۰,۰۴۰  | ۰۲۱              |

✽ ایتالیا مسکوکات عتیقه سی ✽

جدیدی فرانسه مسکوکاتی کبیر

|                        |      |      |         |      |
|------------------------|------|------|---------|------|
| دویپه - پاپا ۱۸۱۸      | عتیق | ۹۱۷  | ۵۰,۴۷۰  | ۱۷۲۷ |
| سه کن - پاپا ۱۷۶۹      | عتیق | ۱۰۰۰ | ۳۰,۴۲۶  | ۱۱۸۰ |
| اون آکو - پاپا ۱۸۳۵    | عتیق | ۹۰۰  | ۱۷۰,۳۳۶ | ۵۳۷۴ |
| بش آکو - پاپا          | عتیق | ۹۰۰  | ۸۰,۶۶۸  | ۲۶۸۷ |
| ایکی بچق آکو - پاپا    | عتیق | ۹۰۰  | ۴۰,۳۳۴  | ۱۳۴۳ |
| اسکودو - آکو پاپا ۱۸۵۴ | عتیق | ۹۰۰  | ۱۰,۷۳۴  | ۵۳۷  |
| قارلینو - ساردینا ۱۷۶۸ | عتیق | ۸۹۲  | ۱۶,۰۰۵۴ | ۴۹۳۲ |
| نصف قارلینو - ساردینا  | عتیق | ۸۹۲  | ۸۰,۰۲۷  | ۲۴۶۶ |
| دویپه - صاووا ۱۷۸۶     | عتیق | ۹۰۶  | ۹۰,۱۱۶  | ۲۸۴۶ |
| درت دویپه جنوینه       | عتیق | ۹۱۱  | ۲۵,۰۱۷۷ | ۷۹۰۴ |
| دویپه - لیغورنه        | عتیق | ۹۱۷  | ۲۵,۰۲۲۱ | ۷۹۶۳ |
| مراتقو - دویپه - پستوی | عتیق | ۹۰۰  | ۶۰,۴۵۲  | ۲۰   |
| سورانو - لومباردو      | عتیق | ۹۰۰  | ۱۱۰,۳۳۲ | ۳۵۱۳ |
| نصف سورانو             | عتیق | ۹۰۰  | ۵۰,۶۶۶  | ۱۷۵۶ |
| سه کن - ونڈیک          | عتیق | ۱۰۰۰ | ۳۰,۴۹۵  | ۱۲ ۴ |
| درت پستول - پارم       | عتیق | ۸۷۵  | ۲۸,۰۵۷۳ | ۸۶۱۲ |

|                         | عیاری  | ثقلی         | قاج فراتنه مساوی |       |
|-------------------------|--------|--------------|------------------|-------|
|                         |        |              | سانم             | فرانق |
|                         | بیکنده | میلگرام      | سانم             | فرانق |
| ایکی پستول - پارم       | عتیق   | ۸۷۵ ۱۴۰۰۲۸۶  | ۴۳               | ۶     |
| بر پستول - پارم         | عتیق   | ۸۷۵ ۷۰۰۱۴۳   | ۲۱               | ۸     |
| سکسان فیلورین - طوسقانه | عتیق   | ۱۰۰۰ ۳۲۰۰۶۱۸ | ۱۱۲              | ۳۵    |
| اوج سه کن رسونه         | عتیق   | ۱۰۰۰ ۱۰۰۰۴۶۳ | ۳۶               | ۴     |
| دو پیه - پستول          | عتیق   |              | ۲۱               | ۹     |
| روژینه                  | عتیق   |              | ۲۱               | ۴۵    |
| اوج دو قات - ناپولی     | عتیق   | ۹۹۶ ۳۰۰۷۸۷   | ۱۲               | ۹۹    |
| التی دو قات - ناپولی    | عتیق   | ۹۹۶ ۷۰۰۵۷۴   | ۲۵               | ۹۸    |
| اون بش دو قات - ناپولی  | عتیق   | ۹۹۶ ۱۸۰۰۹۳۵  | ۶۴               | ۹۵    |
| اوتوز دو قات - ناپولی   | عتیق   | ۹۹۶ ۳۷۰۰۸۷۰  | ۱۲۹              | ۹۰    |
| یوز یازوقشی آکو - پایا  | عتیق   | ۹۱۷ ۲۶۰۰۴۳۲  | ۵                | ۳۶    |
| بازوقشی ۱۸۳۵ پایا       | عتیق   | ۹۰۰ ۲۶۰۰۸۳۵  | ۵                | ۳۶    |
| نصف بازوقشی - پایا      | عتیق   | ۹۰۰ ۱۳۰۰۴۱۷  | ۲                | ۶۲    |
| اوتوزو بازوقشی - پایا   | عتیق   | ۹۰۰ ۸۰۰۰۵۰   | ۱                | ۵۵    |
| اسکودو - ساردنیا        | عتیق   | ۸۹۶ ۲۳۰۰۵۸۷  | ۴                | ۷۰    |
| نصف اسکودو - ساردنیا    | عتیق   | ۸۹۶ ۱۱۰۰۷۹۳  | ۲                | ۳۵    |
| ربع اسکودو - ساردنیا    | عتیق   | ۸۹۶ ۵۰۰۸۹۶   | ۱                | ۱۷    |
| اسکودو - صاووا پیه مو   | عتیق   | ۹۰۶ ۳۵۰۰۱۶۴  | ۷                | ۰۸    |
| اسکودو - جنوه لیورنه    | عتیق   | ۸۸۹ ۳۳۰۰۲۳۸  | ۶                | ۵۷    |
| نصف اسکودو - جنوه       | عتیق   | ۸۸۹ ۱۶۰۰۶۱۹  | ۳                | ۲۸    |
| ربع اسکودو - جنوه       | عتیق   | ۸۸۹ ۸۰۰۳۰۹   | ۱                | ۶۹    |
| اسکودو - غول            | عتیق   | ۹۰۰ ۲۵       | ۵                |       |
| اسکودو آکو - لومباردو   | عتیق   | ۹۰۰ ۲۵۰۰۹۸۶  | ۵                | ۲۰    |
| نصفی                    | عتیق   | ۹۰۰ ۱۲۰۰۹۹۳  | ۲                | ۶۰    |
| لیر اوستریا - لومبارده  | عتیق   | ۹۰۰ ۴۰۰۳۳۱   |                  | ۸۷    |
| یکرمی بر دو قات - پارم  | عتیق   | ۹۰۶ ۲۵۰۰۷۰۷  | ۵                | ۱۸    |
| نصفی                    | عتیق   | ۹۰۶ ۱۲۰۰۷۵۳  | ۲                | ۵۹    |
| اوج لیر - پارم          | عتیق   | ۸۳۳ ۳۰۰۶۷۲   |                  | ۶۸    |



|                           |      | عباری      | قاج فرانسه مساوی |     |
|---------------------------|------|------------|------------------|-----|
|                           |      |            | مبلغ             | سنت |
| فرانسز قوت                | عتیق | ۹۱۷۲۷۰,۰۵۷ | ۵۶۰              |     |
| دوقات دیرنیو - اون قارلین | عتیق | ۸۳۳۲۲۰,۹۴۳ | ۴۲۵              |     |
| بر قارلین                 | عتیق | ۸۳۳۰۲۰,۲۹۴ | ۴۲               |     |

اسپانیا مسکوکات عتیقه و جدیدہ سی

|                       |      |            |         |      |
|-----------------------|------|------------|---------|------|
| یوز رٹو دوبلون ایزابل | جدید | ۹۰۰        | ۸۰,۳۸۷  | ۲۶   |
| قرق رٹو دوبلون        | جدید | ۹۰۰        | ۳۰,۳۵۴  | ۱۰۴۰ |
| یکرمی رٹو دوبلون      | جدید | ۹۰۰        | ۱۰,۶۷۷  | ۵۲۰  |
| یوز رٹو دوبلون        | عتیق | ۹۰۰        | ۸۰,۳۳۶  | ۲۵۸۴ |
| پستول ۱۷۳۰            | عتیق | ۹۱۷۲۷۰,۰۶۰ | ۸۵۴۴    |      |
| پستول ۱۷۷۲            | عتیق | ۸۹۶۲۷۰,۰۶۰ | ۸۳۵۰    |      |
| پستول ۱۷۸۶            | عتیق | ۸۷۵۲۷۰,۰۶۰ | ۸۱۵۶    |      |
| یکرمی رٹو دورو        | جدید | ۹۰۰        | ۲۵۰,۹۶۰ | ۵۱۹  |
| اون رٹو اسکودو        | جدید | ۹۰۰        | ۱۲۰,۹۸۰ | ۲۵۹  |
| درت رٹو پد زہنا       | جدید | ۸۱۰        | ۵۰,۱۹۲  | ۹۳   |
| بر رٹو                | جدید | ۸۱۰        | ۱۰,۲۹۸  | ۲۳   |
| یکرمی رٹو دورو        | عتیق | ۹۰۰        | ۲۶۰,۲۹۳ | ۵۲۶  |
| دیرکلی کرہ لی ریال    | عتیق | ۹۱۷۲۷۰,۰۶۰ | ۵۵۱     |      |
| دیرکلی کرہ لی ریال    | عتیق | ۹۰۳۲۷۰,۰۶۰ | ۱۴۳     |      |
| پد زہنا               | عتیق | ۸۱۲        | ۵۰۰,۸۱۵ | ۵    |
| رٹو پلاتہ             | عتیق | ۸۱۲        | ۲۰۰,۹۰۷ | ۵۲   |
| نصف رٹو دیلاو         | عتیق | ۸۱۲        | ۱۰۰,۴۵۴ | ۲۶   |

پورتگیز مسکوکات عتیقه و جدیدہ سی

|                 |      |             |        |
|-----------------|------|-------------|--------|
| اون میلہرس قرون | جدید | ۹۱۷۱۷۰,۰۷۳۵ | ۵۶     |
| بش میلہرس قرون  | جدید | ۹۱۷         | ۸۰,۸۶۷ |
| بر میلہرس قرون  | جدید | ۹۱۷         | ۱۰,۷۷۳ |

|              | عیاری | قائم فرامده مساوی |         |         |
|--------------|-------|-------------------|---------|---------|
|              |       | سانتیم            | فرانق   | میلگرام |
| بش قرون ۱۸۳۵ | عتیق  | ۹۱۷               | ۹۰۰۵۶۳  | ۳۰ ۱۹   |
| نصف قرون     | عتیق  | ۹۱۷               | ۴۰۰۷۸۱  | ۱۵ ۱۰   |
| بش تستون     | جدید  | ۹۱۷               | ۱۲۰۰۵۰۰ | ۲ ۵۵    |
| بر تستون     | جدید  | ۹۱۷               | ۲۰۰۵۰۰  | ۵۰      |
| بر قرون      | عتیق  | ۹۱۷               | ۲۹۰۰۶۱۳ | ۶ ۳     |
| نصف قرون     | عتیق  | ۹۱۷               | ۱۴۰۰۸۰۶ | ۳ ۱     |

\* دایره مسکوکات عتیقه سی \*

جدیدی نوروچ مسکوکاتیدر

|                     |      |     |         |       |
|---------------------|------|-----|---------|-------|
| اون ایکی مارق دوقات | عتیق | ۸۷۵ | ۳۰۰۱۱۷  | ۹ ۳۹  |
| اسکی قرستیان        | عتیق | ۹۰۳ | ۶۰۰۶۷۹  | ۲۰ ۷۷ |
| دوقات استه سیس      | عتیق | ۹۷۹ | ۳۰۰۴۸۹  | ۱۱ ۷۷ |
| برفره دریق          | عتیق | ۸۹۶ | ۶۰۰۶۴۰  | ۲۰ ۴۹ |
| ایکی فره دریق       | عتیق | ۸۹۶ | ۱۳۰۰۲۸۰ | ۴۰ ۹۸ |
| براسته سیس رکیس     | عتیق | ۸۷۵ | ۲۸۰۰۸۸۳ | ۵ ۶۲  |
| نصف رکیس بانکه      | عتیق | ۸۷۵ | ۱۴۰۰۴۴۱ | ۲ ۸۰  |

\* بلچقا مسکوکات عتیقه سی \*

جدید مسکوکاتی فرانسز مسکوکاتنه موافقدر

|                    |      |  |  |       |
|--------------------|------|--|--|-------|
| ایکی سفورین        | عتیق |  |  | ۳۴ ۹۹ |
| بر سفورین          | عتیق |  |  | ۱۶ ۹۱ |
| دوقات هولانده      | عتیق |  |  | ۱۱ ۴۳ |
| بر دوقاتون         | عتیق |  |  | ۶ ۳۱  |
| نصف دوقاتون        | عتیق |  |  | ۳ ۱۶  |
| قرون بره بان       | عتیق |  |  | ۵ ۵۷  |
| فیلورین            | عتیق |  |  | ۲ ۱۴  |
| فیلورین بره بان    | عتیق |  |  | ۱ ۸۱  |
| فیلورین لوقسانبورغ | عتیق |  |  | ۱ ۹۲  |

فلنک — هولانده مسکوکات عتیقه و جدیدہ سی

|                           |      | تختی  |         | عیاری | سانہ فرانیق |
|---------------------------|------|-------|---------|-------|-------------|
|                           |      | یکدمہ | میلگرام |       |             |
| ایکی دوقات                | جدید | ۹۸۳   | ۶۰۰۴۹۴  | ۲۳۶۶  |             |
| بر دوقات                  | جدید | ۹۸۳   | ۳۰۰۹۸۸  | ۱۱۸۳  |             |
| ایکی کیوم                 | جدید | ۹۰۰   | ۱۳۰۰۴۵۸ | ۴۱۷۲  |             |
| بر کیوم                   | جدید | ۹۰۰   | ۶۰۰۷۲۹  | ۲۰۸۶  |             |
| نصف کیوم                  | جدید | ۹۰۰   | ۳۰۰۳۶۴  | ۱۰۴۳  |             |
| غرو                       | عتیق |       |         | ۱۲۸۴  |             |
| ایکی بیچ فیلورین رکس طالر | جدید | ۹۴۵   | ۲۵      | ۵۲۵   |             |
| بر فیلورین رکس طالر       | جدید | ۹۴۵   | ۱۰      | ۲۱۰   |             |
| کلدن                      | عتیق | ۹۹۳   | ۱۰۰۰۷۶۶ | ۲۱۴   |             |

اسوج نوروچ مسکوکات عتیقه و جدیدہ سی

|                     |      |     |         |      |  |
|---------------------|------|-----|---------|------|--|
| یکرمی قرون نوروچ    | جدید | ۹۰۰ | ۸۰۰۹۶۱  | ۲۷۷۸ |  |
| اون قرون نوروچ      | جدید | ۹۰۰ | ۴۰۰۴۸۰  | ۱۳۸۹ |  |
| دوقات اسوج ۱۸۳۵     | عتیق | ۹۷۶ | ۳۰۰۴۸۶  | ۱۱۶۹ |  |
| نصف دوقات اسوج      | عتیق | ۹۷۶ | ۱۰۰۷۴۳  | ۵۸۴  |  |
| دوقات اسوج          | عتیق | ۹۷۶ | ۳۰۰۴۸۱  | ۱۱۶۷ |  |
| قارولین اسوج        | عتیق | ۹۰۰ | ۳۰۰۲۲۵  | ۱۰   |  |
| ایکی قرون نوروچ     | جدید | ۸۰۰ | ۱۵      | ۲۶۷  |  |
| بر قرون نوروچ       | جدید | ۸۰۰ | ۷۰۰۵۰۰  | ۱۳۸  |  |
| نصف قرون نوروچ      | جدید | ۸۰۰ | ۳۰۰۷۵۰  | ۶۹   |  |
| استدسیس طالر ۱۸۱۸   | جدید | ۸۷۵ | ۲۸۰۰۸۸۳ | ۵۳۱  |  |
| ریکس طالر اسوج      | عتیق | ۸۷۸ | ۲۹۰۰۱۴۶ | ۵۶۹  |  |
| استدسیس طالر اسوج   | عتیق | ۷۵۰ | ۳۳۰۰۸۸۳ | ۵۶۵  |  |
| ریکس طالر ۱۸۵۵ اسوج | عتیق | ۷۵۰ | ۸۰۰۵۰۲  | ۱۴۲  |  |

\* اسویچره مسکوکات جدید سی \*

|                              | عباری | ثقلی     | فایز غرائقه مساوی |
|------------------------------|-------|----------|-------------------|
|                              | بیگده | میانفرام | سانم فرائق        |
| لویدور ج. { جدید             | ۹۰۴   | ۷۰,۶۴۹   | ۲۳۸۲              |
| ایکی لویدور ع. { جدید        | ۹۰۴   | ۱۵۰,۲۹۸  | ۴۷۶۴              |
| بر فرائق اسویچره ج. { جدید   | ۹۰۰   | ۷۰,۵۱۲   | ۱۵۰               |
| ایکی فرائق اسویچره ع. { جدید | ۹۰۰   | ۱۵۰,۰۲۴  | ۳                 |
| درت فرائق اسویچره ع. { جدید  | ۹۰۰   | ۳۰,۰۰۴۸  | ۶                 |

\* یونان دولتی مسکوکات عتیقه سی \*

|                        |     |         |      |
|------------------------|-----|---------|------|
| یکرمی دراختی ج. { عتیق | ۹۰۰ | ۵۰,۷۷۶  | ۱۷۹۱ |
| قرق دراختی ع. { عتیق   | ۹۰۰ | ۱۱۰,۵۵۲ | ۳۵۸۲ |
| بش دراختی ج. { عتیق    | ۹۰۰ | ۲۲۰,۳۸۵ | ۴۴۸  |
| بر دراختی ع. { عتیق    | ۹۰۰ | ۴۰,۴۷۷  | ۹۰   |
| نصف دراختی ع. { عتیق   | ۹۰۰ | ۲۰,۲۳۸  | ۴۵   |
| ربع دراختی ع. { عتیق   | ۹۰۰ | ۱۰,۱۱۹  | ۲۲   |

\* رومانیای مسکوکات جدید سی \*

|                     |     |        |     |
|---------------------|-----|--------|-----|
| یکرمی لهی ج. { جدید | ۹۰۰ | ۶۰,۴۵۱ | ۲۰  |
| اون لهی ع. { جدید   | ۹۰۰ | ۳۰,۲۲۵ | ۱۰  |
| بش لهی ج. { جدید    | ۹۰۰ | ۱۰,۶۱۳ | ۵   |
| ایکی لهی ج. { جدید  | ۸۳۵ | ۱۰     | ۲   |
| بر لهی ع. { جدید    | ۸۳۵ | ۵      | ۱   |
| نصف لهی ج. { جدید   | ۸۳۵ | ۲۰,۵۰۰ | ۰۵۰ |

\* ناپولی مسکوکات عتیقه سی \*

|                      |     |         |      |
|----------------------|-----|---------|------|
| بر اونست ج. { عتیق   | ۹۹۶ | ۳۰,۷۸۷  | ۱۲۹۹ |
| ایکی اونست ع. { عتیق | ۹۹۶ | ۷۰,۵۷۴  | ۲۵۹۸ |
| بش اونست ج. { عتیق   | ۹۹۶ | ۱۸۰,۹۳۵ | ۶۴۹۵ |



|   |      | قاجار فرائقه<br>مساوی | نقدی     | عباری |
|---|------|-----------------------|----------|-------|
|   |      | سایتم غرائق           | مبلغرام  | یکده  |
| دوقانو دزینو                                |      | ۸۳۳                   | ۲۲۰,۹۴۳  | ۴۲۵   |
| ایکی دوقانو                                 |      | ۸۳۳                   | ۴۵۰,۸۸۶  | ۸۵۰   |
| * آمریقای مجتمعه مسکوکات عتیقه و جدیده می * |      |                       |          |       |
| ۱۷۹۲ کل                                     | جدید | ۹۱۷                   | ۱۷۰,۴۹۴  | ۵۵۲۴  |
| نصفی  | جدید | ۹۱۷                   | ۸۰,۷۴۷   | ۲۷۶۲  |
| ربعی  | جدید | ۹۱۷                   | ۴۰,۳۷۳   | ۱۳۸۱  |
| ۱۸۳۴ کل اون دولار                           | عتیق | ۸۹۹                   | ۱۶۰,۷۱۸  | ۵۱۷۸  |
| ۱۸۵۳ کل اون دولار                           | عتیق | ۹۰۰                   | ۱۶۰,۷۱۸  | ۵۱۸۳  |
| یکرمی دولار                                 | عتیق | ۹۰۰                   | ۳۳۰,۴۳۶  | ۱۰۳۶۶ |
| بش دولار                                    | عتیق | ۹۰۰                   | ۸۰,۳۵۹   | ۲۵۹۱  |
| اوج دولار                                   | عتیق | ۹۰۰                   | ۵۰,۰۱۳   | ۱۵۵۴  |
| بر دولار                                    | عتیق | ۹۰۰                   | ۱۰,۶۷۱   | ۵۱۸   |
| دولار ۱۷۹۲                                  | جدید | ۸۹۲                   | ۲۶۰,۹۵۶  | ۵۳۵   |
| نصفی  | جدید | ۸۹۲                   | ۱۳۰,۴۷۸  | ۲۶۷   |
| ربعی  | جدید | ۸۹۲                   | ۶۰,۷۳۹   | ۱۳۴   |
| دولار ۱۸۵۳                                  | عتیق | ۹۰۰                   | ۲۶۰,۷۲۹  | ۵۳۵   |
| نصفی  | عتیق | ۹۰۰                   | ۱۲۰,۴۴۱  | ۲۴۹   |
| یارم دولار ۱۸۷۳                             | عتیق | ۹۰۰                   | ۱۲۰,۵۰۰  | ۲۵۰   |
| تجار دولاری ۱۸۷۳                            | عتیق | ۹۰۰                   | ۲۷۰,۲۱۲  | ۵۴۴   |
| * شیلی مسکوکات عتیقه و جدیده می *           |      |                       |          |       |
| قونلور ۱۸۵۱                                 | جدید | ۹۰۰                   | ۱۵۰,۴۵۳  | ۴۷۲۸  |
| نصفی  | جدید | ۹۰۰                   | ۷۰,۶۲۶   | ۲۳۶۴  |
| خمس   | جدید | ۹۰۰                   | ۳۰,۰۵۰   | ۹۴۴   |
| عشری  | جدید | ۹۰۰                   | ۱۰,۵۲۵   | ۴۷۲   |
| اونس  | عتیق | ۸۷۸                   | ۲۷۰,۰۵۸  | ۸۱۵۵  |
| نصفی  | عتیق | ۸۷۸                   | ۱۳۰,۰۵۲۸ | ۴۰۷۷  |
| ربعی  | عتیق | ۸۷۸                   | ۶۰,۷۶۴   | ۲۰۳۸  |

|                  |       | نقلی        | فاج فراتنه مساوی |       |
|------------------|-------|-------------|------------------|-------|
|                  |       |             | فرانق            | سانتم |
|                  | عیاری | میلگرام     | ۷۰               | یکده  |
| سکز رئال پیاستری | عتیق  | ۹۰۴ ۲۷۰۰۰۵۸ | ۵۴۴              |       |
| نصفی             | عتیق  | ۹۰۴ ۱۳۰۰۵۲۸ | ۲۷۲              |       |
| ربعی             | عتیق  | ۹۰۴ ۶۰۰۷۶۴  | ۱۳۶              |       |
| پیاستری ۱۸۵۱     | جدید  | ۹۰۰ ۲۵      | ۵                |       |
| نصفی             | جدید  | ۹۰۰ ۱۲۰۰۵۰۰ | ۲۵۰              |       |
| عشری             | جدید  | ۹۰۰ ۲۰۰۵۰۰  | ۰۵۰              |       |
| خس پیاستری ۱۸۶۰  | جدید  | ۹۰۰ ۴۰۰۰۶۰  | ۰۹۲              |       |

✽ متخده قولومبیا مسکوکات عتیقه و جدیده سی ✽

|              |      |                |     |  |
|--------------|------|----------------|-----|--|
| دوبلو قوندور | جدید | ۹۰۰ ۳۲۰۰۲۵۸۱۰۰ |     |  |
| بر قوندور    | جدید | ۹۰۰ ۱۶۰۰۱۲۹    | ۵۰  |  |
| عشر قوندور   | جدید | ۹۰۰ ۱۰۰۶۱۲     | ۵   |  |
| پوز ساتاوس   | جدید | ۹۰۰ ۲۵         | ۵۲۵ |  |
| نصفی         | جدید | ۹۰۰ ۱۲۰۰۵۰۰    | ۲۶۲ |  |
| پره تا       | عتیق | ۸۳۵ ۵          | ۱   |  |

✽ مکسیقا مسکوکات عتیقه سی ✽

|            |      |             |       |  |
|------------|------|-------------|-------|--|
| درت پستول  | عتیق | ۸۷۵ ۲۷      | ۸۱ ۳۷ |  |
| ایکی پستول | عتیق | ۸۷۵ ۱۳۰۰۵۰۰ | ۴۰ ۶۸ |  |
| بر پستول   | عتیق | ۸۷۵ ۶۰۰۷۵۰  | ۲۰ ۳۵ |  |
| پیاستری    | عتیق | ۹۰۳ ۲۷      | ۵۴۲   |  |
| نصفی       | عتیق | ۹۰۳ ۱۳۰۰۵۰۰ | ۲۷۱   |  |
| ربعی       | عتیق | ۹۰۳ ۶۰۰۷۵۰  | ۱۳۵   |  |

✽ ژاپونیا مسکوکات عتیقه و جدیده سی ✽

|          |      |                  |       |  |
|----------|------|------------------|-------|--|
| یکرمی ین | جدید | ۹۰۰ ۳۳۰۰۳۳۳۱۰۳۳۳ |       |  |
| اون ین   | جدید | ۹۰۰ ۱۶۰۰۶۶۶      | ۵۱ ۶۶ |  |
| بش ین    | جدید | ۹۰۰ ۸۰۰۳۳۳       | ۲۵ ۸۳ |  |

| فاج فرانشه<br>مساوی | ثقلی    | عیاری | سانم | فرانق | میلگرام                    | سیکده |
|---------------------|---------|-------|------|-------|----------------------------|-------|
| ۲۳ ۱۴               | ۱۱۰,۲۷۵ | ۵۶۸   | عقیق | آلتون | مخلوط (قوبان) بیضی و اینجه |       |
| ۱۱ ۵۷               | ۵۰۰,۶۳۷ | ۱۰۰۰  | عقیق | کوش   | ربع قوبان (آسیبو) مربع     |       |
| ۱۹۲                 | ۸۰۰,۷۱۵ | ۹۹۱   | عقیق | کوش   | (آسیبو) مثلث               |       |

بعض حکومات مسکوکات عتیقه و جدیده سی \*

|       |      |       |                               |
|-------|------|-------|-------------------------------|
| ۲ ۶۳  | عقیق | کوش   | مثقال - فاس                   |
| ۵۲۰   | عقیق | کوش   | اون بریقچ محمودی - مسکت       |
| ۲ ۶۶  | عقیق | آلتون | دوبلون - پاره کی              |
| ۸۱ ۵۶ | عقیق | آلتون | دوبلون - ارژانتین             |
| ۵۳۷   | عقیق | کوش   | سکز رئل - ارژانتین            |
| ۱۳۵   | عقیق | آلتون | ماس یاخود مد - صوماره         |
| ۵۳۵   | عقیق | کوش   | غورت - حایتی                  |
| ۵     | عقیق | کوش   | بولیویان - بولیوی             |
| ۹۱ ۸۰ | عقیق | آلتون | اونس - بولیوی                 |
| ۵     | جدید | کوش   | سول - پرو                     |
| ۲۵    | جدید | آلتون | بش سول پرو                    |
| ۱۰۰   | جدید | آلتون | یکرمی سول پرو                 |
| ۴۷۵   | عقیق | کوش   | پیاستری - قوستر یقه           |
| ۸۱۷   | عقیق | کوش   | طائن - چین                    |
| ۶     | عقیق | کوش   | لی - چین                      |
| ۶۱    | عقیق | آلتون | چینگ - چین                    |
| ۱۶    | عقیق | آلتون | ۱۴ عباسی تالاه - بخارا و خیوه |
| ۵۷    | عقیق | کوش   | تغا - بخارا و خیوه            |
| ۳۲۵   | عقیق | کوش   | باط - سیام                    |
| ۸۱    | عقیق | کوش   | سالون - سیام                  |
| ۲۶۸   | عقیق | کوش   | قووان - انام                  |
| ۲۶    | عقیق | کوش   | ماس - انام                    |

﴿مسلم﴾ — كتب سته نك ايكنجيسى اولان (جامع الصحيح)  
صاحبى ابى الحسن مسلم بن الحجاج القشيري حضرتلى كه ائمه علمای حديثدن  
اولوب (۸۷۴ م و ۲۶۱ هـ) تاريخنده وفات ايتشدور.

§

﴿مسلمه﴾ — خلفای امويه دن عبدالملك ابن مروانك اوغليدور.  
برادرلى وليد و سليمان و يزيد و هشام زمان خلافتلرند قوماندان تعيين  
اولمغله (۷۰۵ م و ۸۶ هـ) سنه سنده ارمنستانى و آسيای صغيرك (پونتوس)  
دنيان قىمنى فتح و تسخير ايتدى و (۷۱۶ م و ۹۸ هـ) تاريخنده دابقدن  
قسطنطينيه قىخنه يوز يكرمى بيك عسكر ايله كلوب كايولى يه چيقه رق برو  
طرفله توجه و برا و بحراً قسطنطينيه قلعه سنى حصر و تضيق و مؤخرأ  
شيروانى ضبط و تخريب ايدوب (۷۳۹ هـ) تاريخنده وفات ايلدى.  
قسطنطينيه قىخنه كلدكده غلظه يي فتح و عرب جامعى دنيان معبدى انشا  
ايدوب يدى سنه اقامت ايتش و فتح ممكن اوله مديغندن يتمشجى قيصر  
(ليئون) ايله غالبانه عقد مصالحه ايدرك شاهه عودت ايتشيدى.  
شيخ اكبر حضرتلى (مسامره) نام اثر معتبرنده غزوه مسلمه يي تفصيلأ  
روايت و مشهور نركسى مرحوم عبارة بليغانه ايله ترجمه سنه همت ايتشدور.

§

﴿مسند﴾ — (۹۰۰ م و ۲۸۷ هـ) ده وفات ايدن ابن ابى غاصم  
ابى بكر احمد بن عمرو شيبانينك الى بيك احاديث نبويه يي مشتمل اثريدر.  
(مسند ابى داود) — (۸۱۹ م و ۲۰۴ هـ) ده وفات ايدن سليمان  
بن داود طيالسينك اثريدر كه مسانيدده برنجى تأليف صايلور.  
(مسند الامام) — (۸۵۵ م و ۲۴۱ هـ) ده وفات ايدن امام احمد  
بن محمد حنبلك اوتوز بيك احاديث نبويه يي جامع يكرمى دوت جلد اثريدر.  
(مسند امام اعظم) — ابى حنيفه نعمان بن ثابت حضرتلىك اثر  
عالييسيدور.

(مسند امام) — (۱۳۷۰ م و ۷۷۲ هـ) ده وفات ايدن ابى عبدالرحمن  
بقي بن مخلد قرطبينك بيك اوچيوز رواة صحابه يي شامل و ابواب فقه  
اوزرينه مرتب اثريدر كه هيچ امثالى كورلمدى.



( مسند کبیر ) — ( ۸۶۹ م و ۲۵۶ هـ ) ده وفات ایدن امام ابی عبدالله محمد بن اسماعیل بخارینک اثریدر .

§

﴿ مسونلک ﴾ یاخود ( میسولونکی ) — یونانستانده پاتراس کورفزی مدخلنده ولباتک اوتوز درت کیلومتر و جانب غربیسنده برشهر مستحکمدر ( ۱۸۲۶ م و ۱۲۴۲ هـ ) تاریخنده عساکر عثمانیه طرفندن بر سنه محاصره ایله فتح و تسخیر و مؤخرأ یونان دولتنک تشکلی صرهسنده ترک و تسلیم اولمشدر .

§

﴿ مسهینا ﴾ یاخود ( مسانا ) — جواهر قدیمه یونانیه دن بری اولوب مقر حکومتی موره شبه جزیره سی ساحل جنوبیسنده ینه بواسطه برشهر در البوم مسهینا مرکزی ( قالامانا ) بلده سی اولقی اوزره برسنجاق تشکیل ایلر . ( کیاریوس ) ( اوارین ) ( موتون ) ( قورون ) مقدمات مسهینا جمهوریتنک بلاد متعینه سندن ایدی .

﴿ مسینا ﴾ — سچیلیا اطه سنک شمال شرقی جهته وایتالیا دولتی اداره سنده یوز اون ایکی بیات نفوسی جامع بر ولایتدر . مقدمات ( زانقله ) درلر ایدی ( ۸۴۲ م و ۲۲۸ هـ ) تاریخنده بهادران اسلام بورابی بر مدت محاصره و ضبط ایشلدردر .

§

﴿ مسیح علی پاشا ﴾ — سلطان بازید زمانده ایکی دفعه نائل صدارت اولدنی حالده ( ۱۵۰۱ م و ۹۰۷ هـ ) تاریخنده باروتخانه حریقنده باشنه طاش دوشوب اکیال انفاس ایشدر . اسکی علی پاشا چارشوسی وحامی بونک اثریدر محل مربروده کی جامع شریف ( ۱۵۹۱ م و ۱۰۰۰ هـ ) تاریخنده وفات ایدن صدر اعظم دیگر مسیح پاشانکدر .

§

﴿ مسیامه ﴾ اهل یمامه دن برکذا بدر عصر سعادتده ابتدا بر اراق ایمان و صکره عیسا ابالله تعالی ارتداد و دعوائ نبوته قیام ایدوب قومی میاننده کوستردیکی برطاقم حیلله بازلقرله کندوسند ( رحان الیمامه )

دیدی برتدی و بر وقت بویله پکینه رک باشنه خیلی کسه لر طویلایوب مؤخرأ  
زیرده محرر نامه سی موجبجه جناب خاتم النبینه مشارکت ادعا ایلیدی  
و نهایت الامر خلافت حضرت صدیقده اوزرینه عسکر کوندرملکله حرباً  
جزای عملی بولدی . انشای محاربه ده ایکی طرفدن یکریمی بشبیک کتبی  
تلف اولمشد .

( نامه ) — ( من مسیلة رسول الله الى محمد رسول الله اما بعد فان الارض  
نصفها لی ونصفها لک ) .

رسول اکرم افندمن طرفندن شو جواب ارسال بیورلمشیدی ( من محمد  
رسول الله الى مسیلة الکذاب اما بعد فان الارض لله یورثها من یشاء من عباده  
والعاقبة للمتین ) .

خبیث مرقومی قاتل جناب ( حزه ) وخشی قتل ایدوب بن زمان جاهلیتده  
ناسک خیر لیسنی واسلامده ناسک شر لیسنی قتل ایلدم دیمشدر . کذا فی مشکوة  
الانوار .

§

﴿ مشائیون ﴾ — حکمای یونانیه دن ارسطو نام حکیمک شاگرد لرینه  
اطلاق اولنور ( ارسطو ) یه نظر بیوریه .

§

﴿ مشتری ﴾ — کره شمسک ۷۵ میلیون میل بعد وسطیسنده بر  
سیاره درکه حول شمسده دور نجومیسی ۱۲ سنه ده و کندو محوره  
دورینی یک سرعتله یعنی ۱۰ ساعت ظرفنده اکیل ایدر مشتری سیاراتک  
کافه سندن اعظم اولدیغی کبی جمماً دخی جله سنی مجاوزدر . خط استوا  
سنده قطری ۸۶,۹۳۶ میل یاخود ۲۵,۹۷۲ فرسخ اوله رق قطر ارضک  
تقریباً ۱۱ و حجم ارضک ۱۴۶ مثلیدر . استقبالنه قریب زمانلرده  
زهره دن بشقه کافه سیاراتدن شعله دار کورینور .

قوتلی بر صد دورینی ایله باقلدیغی حالده مشتریک سطحنده ترجیحی برزک  
و خط استواسنه موازی اوله رق طونق کوشه مشابه بر طاقم خطلر  
کوریلور که بوکا اهل هیئت اصطلاحنده نطق دیلور .

سیاره مذکوره برسیاله ایله محاط و اوزری دخی دائمی بر سحاب کشیف ایله

مستور اولدیغندن اصل سطحی نه دن عبارت اولدیغی هنوز کشف اولنه مدی  
قرصنک اڤارلاق قسمی ضیائی شمس عکسه سبب اولان سحاب کشفلردن  
ومظلم قسملری دخی حالی عن السحاب اولان سیالهدن ایلو کادیکی احتمالات  
قویه دندر .

هولانده لی ( زاخاریا ) نام ذاتک ( ۱۶۰۹ م و ۱۰۱۸ هـ ) تاریخده ایجاد  
ایلدیکی رصد دورینی ایتالیا حکما سندن مشهور ( غالبه ) اکال ایله  
مشتترینک کره ارضن اطرافنده دوران ایدن آی کبی درت قطعه قری  
اولدیغی کشف ایتشد .

§

﴿ مشرق مغرب ﴾ — کونک طوغدیغی وباندیغی برلدر فقط  
غرب وشرق نقطه لری اوچ یوز التمش درجه دن عبارت اولان دائرة افق  
اوزرنده شمله وجنوبه طوغری سنه ده بردفعه یکرمی اوچر بچق درجه  
میل وتخلت ایلدیکندن اصل مشرق ومغرب نقطه لری شمسک اعتدالین  
نقطه لرنده بولندیغی یعنی خط استوا اوزرندن مرور ایلدیکی نقطه لردر  
بوده سنه ده ایکی دفعه اولور .

§

﴿ مشهد علی ﴾ — عراق عربده امام علی کرم الله وجهه ورضی  
الله عنه حضرتلرینک مدفون اولدقلری مظنون اولان نجف اشرف نام  
محلده مبنی بر شهردر بغدادک یوز اوتوز اوچ فرسخ اعشاری جنوبنده و نرات  
نهرینک بر شعبه سی اوزرنده بولنور و نفوسی یدی بیک قدر تخمین اولنور .  
هرسنه بر چوق زوار کلوب مشهد مزبوری زیارت ایدرلر . شهر مزبوری  
اسکندر رومی بنا ایتکله بر چوق وقت ( سسک ) نامبله یاد اولنمشدر و برارالق  
بر عرب امارتک دخی مقری اولوب ( ۴۳۲ م ) تاریخنده خرسیتیانلر طرفندن  
دوچار استیلا اولمشدر . ممالک عثمانیه الحاقندن چوق صکره وهایلرک  
استیلاسنه دخی کرفتار اولدی ایسه ده جابق قورتارلدی لیکن و مشهده  
اولان نوادر آشیا وهایلرک وروندن بر از اول بشقه محله آشیرلشیدی .

§

﴿ مشهد امام حسین ﴾ — عراق عربده بغداددن طقسان سکر

فرسخ اعشاری غرب جنوبیده واقع (کربلا) نام موقعه و فرات  
نهرینک بر شعبه سی اوزرنده سکز بیک نفوسلی برشهر در • بوراده امام حسین  
رضی الله عنه حضرتلرینک محل شهادت علیه لری اولدیغی جهته هند  
وعجمدن بک چوق کسه کوب زیارت ایدرلر • محل مزبور اهالیسنک  
همان کافه سی شیعی المذهبدر •

§

﴿مشهد﴾ — هراتک ایکیوز التمش درت فرسخ اعشاری غرب  
شمالیسنده واقع خراسان قطعه سنک مرکز اداره سی والتمش بیک نفوسی  
حاوی بر شهر شهیدر • جوامع مدارس و بازار لرلی متعدددر و امام  
(موسی الرضا) حضرتلرینک وخلفاء عباسیه دن هارون الرشیدک و ایران  
حکمدارلرندن نادر شاهک تربله لیه شهری ترین ایدن ابنیه عتیقه دنبر •  
مشاهیر قدمای اهل هیئندن ناصرالدین فردوسینک مولدی شهر مزبور  
جوارنده وطوس شهری خرابه سی دخی کورینور درجه یقیننده در •

§

﴿مصباح المسحور﴾ یاخود ( فانوس السحر ) — تنکه دن  
مصنوع وایچنده لامبه یئار و یالکز قالین و براز اوزونجه بوریسندن آیدنلق  
ورر بر صندقدرکه دروننده واقع جامک اوزرینه یاپیلان کوچک بر رسمی  
قرانلق بر محله بیولده رک قارشوسنده بولنان دیواره عکس ایتدیرر • بونک  
ایچنده مقعر برآینه و بورینک دروننده متعدد عدسه واردر • فقط یاپیله جوق  
رسمک باشی اشخی قونسی ایجاب ایدرکه خیالک وضعیتی مبسوط اولسون  
اشبو آلتی ( ۱۶۴۵ م و ۱۰۵۵ هـ ) تارینخنده جزویت پاپاسلرندن ( کیرشر )  
نامنده برهنور ایجاد ایشیدی •

( فاتماغوری ) دخی قرانلق بر محله طیف وخیالر کوسترین صنعتدر •  
اشبو صنعتک اربابی مصباح المسحوری بزدن معمول بیوک بر پرده یه ایچ  
طرفدن کوچک اوله رق عکس ایتدیروب صکره مصباح صندیقنی تدریجاً  
کیروییه آلور و صندیق کیرولدیکجه مرسم اولان خیال تدریجاً بیویوب  
عادتاسیر جیلرک یانلرینه یاقلاشمش کی کورینور • بو صنعتک دخی مجوس  
راهبرلی طرفندن هر کسی آلداتمی ایچون ایجاد اولندیغی و برچوق زمان



نداولدیغی اکلاشله میوب نهایت (۱۷۹۸ م و ۱۲۱۳ هـ) تاریخنده پارسده بر تیاروده یابلدیغی توارینخده کورلشدر . شفاف کاغددن رسملر یاپوب (بزم قره کوز کبی) پرده ارقه سندن اویناتاق چینده پک اسکی بر صنعت ایدی .

§

﴿مصر﴾ — آفریقا قطعه سنک شمال شرقیسنده ۲۳,۲۴ دن ۳۱,۳۷ قدر عرض شمالی ایله ۲۹,۱۰ دن ۳۱,۲۱ قدر طول شرقی آراسنده واقع و شمالاً بحر سفید و جنوباً نوبه قطعه سی و غرباً ابی صحراسی و شرقاً بحر احمر ایله محدود و ممالک متازة دولت علیه دن معدود بر قطعه مشهوره و معموره در و تقریباً ایکی بیق ملیون قدر نفوسی حاوی و مقر خدیویتی (قاهره) شهر شهریندر و اراضیمی قسماً طاعلق و قسماً مستوی اولوب و سطندن (نیل) نهری چریان ایدر . هوا سی حار و یشموری نادر ایسه ده کیجه لری چوچه (چیك) دوشمکه براز رطوبت حاصل اولور و فصول اربعه دن فصل بهار کانون ثانی ابتداسندن بدأ ایله شباط نهایتنه قدر ممتد اوایوب متبایق اون آی مدته فصل صیف اجرای احکام ایلر و چول طرفندن هبوب ایدن و (حامسین) دنیلان روزکار چیچک علنی و ستمه و کوز خسته لقلری تولید ایدر وادی نیل غایت منبت و محصولداردر و محصولات و جوده کلی ایسه انقلاب صیفی ایله اعتدال ربیعی آراسنده نهر نیلک مطلوب درجده فیضان ایتمسینه متوققدر . نهر مزبورک فیضانی تقدیرنده فوق العاده بر صورته مصر بغدادی . پنج . شکر قامشی . پموق . کنوبر . کتان قهوه . توتون . کوك بویا . حصوله کلور . حیوانات اهلیه دن اسب . استر . حار یشدیریلور و حیوانات وحشیده دن ارسلان و چقال و نیله مخصوص اولان تمساح و آبی بالغی بولنور . معادن معقود حکمنده اولوب انجیق قایغان و مرمر طاش اوجاقلری موجوددر . صنایع همان یوق دنیله جک راده یی بولمشیکن والی محمد علی پاشا دورنده تکرار وجود بولمغه باشلادی و باشلیجه شهرلرده ایپلک و شکر فابریقه لری و سائر صنایع دستگاه لری تأسیس و تعلیقات تسهیل ایدلدی . مصر آفریقای وسطی و عربستان ایله هندک انباری حکمنده در .

مصر از قدیم آسیادن معدود و دروننده شمديکنتک ايکي قاتی نفوس موجود ایدی . ( سیرنوستریس ) نام فرعون مصری اوتوز التي قسمه آیره رق اساس اداره قومیش ايکن صکره دن قرق قسمه ابلاغ اولندی . مصر سفلا نیلک کنوروب طولدیردیغی طیراق و قوم ایله واق دکرک چکلمسیله حاصل اولش کبیر . زیرا اورالری زمان قدیمده بطاقلق حالنده و معموریت مصر علیا و وسطاده ایدی . قدیم مصر یونک مذهبی قوای طبیعیه نکه هر برینی تشخیص و تألیه دن عبارت برنوع بتپرستلک ایدی . بعض محالرنده اینک و تمساح کبی حیواناتی و بعض حضرواتی دخی معبود اتخاذایدرلر و روحک بقاسنه قائل اولدق لری چون موتایه غایت رعایت ایدوب تحنیط و حفظ ایلرلر ایدی . اینای بشرک مصرده نه وقت ونه صورتله انتشار ایلدیکی تاریخچه پلکه مضبوط دکل ایسدهده اهرام و دیکیلی طاش کبی بعض آثاره نظراً حضرت موسی زماننده غرق اولان فرعون ( آمنوفیس ) ک وقتنده کسب تمدن ایتش اولدیغی اکلاشیلور .

مصری ( ۵۰۴۳ خ ) تاریخنده یعنی میلادک بشیوز اللی بر سننه مقدمنده عجملر و ۳۳۲ سنه مقدمنده اسکندر رومی ضبط ایدوب اسکندریه شهرینی تأسیس ایتش و مؤخرأ اسکندرک جنرالردن ( بتوله مه ) بطلمیوسه و احفادینه انتقال ایدوب مؤخرأ شرق ایمپراطورلغی زیر حکمنه و تکرار عجملره کچدرک ( ۱۹ هـ ) تاریخنده عساکر اسلامیه طرفدن فتح اولمش و مؤخرأ ملوک امویه و عباسیه و فاطمیه و ایوبیه و غلامان اتراک و چراکسه کبی برچوق حکمداران اسلامیه نوبت بنوبت اجرای حکومت ایدوب نهایت سلطان سلیم اول حضرتلری زمان سلطنتلرنده دولت علیه عثمانیهیه انتقال ایلش و ( ۱۸۴۱ م و ۱۲۵۷ هـ ) تاریخنده برچوق قیل و قال و محاربات نتیجده سی اوله رق بعض امتیازه نائل اولمشدر . مصرک مبدأ علوم و مدنیت و منشأ فنون و صنعت اولدیغی جملهنک معلومی اولدیغندن بو باده تفصیلاته حاجت یوقدر . ابوالمورخین ( هر دوت ) نیله زماننده مصری مدح و ثنا ایتدیکی صرده ( بن مصر قدر عجایب و غرائبی چوق مملکت کورمدم . یونانیلرک کیدوب کلوب طورملری سببسر دکل ایش .

هر نقدر سیسام و افس معبدلری بر شهرت جسیده ماناک ایند لرده مصرک  
اثاری یانده هیچ مثابه سنده قالور و علماسنک معارفده اقتدارلری تدریسیله  
مشغول اولدقلری «جموعه هر مزیه» نام کتابلردن پک قولای اکلاشیلور  
دیدى .

مصره ام الدنيا • ذات الالهram • اجییت دخی دیرلر • (هرمزیه)  
و (حکومت) و (قاهره) و (اسکندریه) و (قبط) و (نیل) و (قنال)  
کله لینه دخی مراجعت بیوریه .

§

﴿مصرایم﴾ — حام بن نوحک ایکنجی اوغلیدر • نام دیگرله  
(مدنس) دخی دیرلر • حین تفرقه منسوبایلله حبشستان ایچندن مصره  
کیدوب نیلک جهت شرفیسنده (منفس) شهرینی تأسیس ایله مصر حکومت  
قدیمه سنک برنجی سلاله منی تشکیل ایلش و بناء علیه مصر خطه سنه  
مشارالیهک نامنه نسبتله مصر دینلشدر هیقوسلرک مصری امتیلا ایتدکلری  
زمانه دکین مرور ایدن بیک یکرهی سکز سنه ظرفنده اشبو حکومت قدیمه  
مصریه ده اون ایکی سلاله دن یوز طقسان طقوز حکمدار کلدیسه ده  
اکثریسنک احوالی معلوم دکلدلر •

روایت کوره (۲۲۹۸ خ) ده یعنی میلادک اوج بیک ایکی یوز طقسان الی  
سنه مقدمنده نوبیه قدر اقلیم مصرک سکنه قدیمه منی مشارالیه دن نشأت  
ایلشدر • عبرانیلر نیل نهرینه دخی مصرایم دیرلر ایدی •

§

﴿مصری﴾ — مشایخ کرامدن شیخ نیازی افندیدر بحسب  
الطریقده نسبتی سکز واسطه ایله سید یحییای شروانییه وارر (۱۶۷۶م  
و ۱۰۸۷) تاریخنده بروسه دن لمنی جزیره سنه نقی اولنوب (۱۶۹۳م  
و ۱۱۰۵ه) تاریخنده اوراده وفات ایلشدر •

§

﴿مصطفی خان﴾ اول — سلاطین عثمانیه نك اون بشنجیسی اولوب  
سلطان محمد خان ثالثک اوغلی و سلطان احمد اولک برادریدر ولادت  
۱۵۹۲م و ۱۰۰۱ه) تاریخنده در (۱۶۱۶م و ۱۰۲۶ه) ده جلوس

ایتدیسسه ده دغدغه عالمدن متفر و مجذوب سیرت اولدیفندن برسنه صکره خلع اولنوب یرینه سلطان احمد مرحومک شهزاده سی سلطان عثمان اون درت یاشنده اجلاس اولندی . انجق درت سنه صکره سلطان لاحق دخی بعض قرناسنک تشویقیله غوائل حکومتک مساعد اولدیغی بزوقنده حجه کتمکه قالقشیدیغندن یکچیریلرک هجوم وغدر یله اعدم اولنوب تکرار مشارالیه سلطان مصطفی مسند خلافت کتورلدی و دفعه ثانیه ده امتدادیدن اشبو براقچ ای سلطنتی دخی بکر صوباشی و ابازه محمد پاشا عصیانلری و یکچیری و سپاه طاقک استانبولده غلیانی و مواد مجوئه الجاسیله محدث و کلا تبدیلی کی او یغونسز لفرله یکجوب نهایت (۱۶۲۲ م و ۱۰۳۲ هـ) ده قطعاً خلع اولنهرق تحت سلطنته سلطان مراد رابع حضرتلری یکورلدی . مخلوع مشارالیه بر مدت ده ایشایوب قرق یدی یاشنده ترک دغدغه فنا ایشدر .

§

مصطفی خان ❀ ثانی — سلاطین عثمانیه نك یکر می ایکنجیسی اولوب سلطان محمد رابع حضرتلرینک اوغلی و سلطان محمود خان اولک پدریدر و لادی (۱۶۶۳ م و ۱۰۷۴ هـ) جلوس (۱۶۹۴ م و ۱۱۰۶ هـ) فراغ و وفاتی (۱۷۰۳ م و ۱۱۱۵ هـ) تاریخنده در . اوائل حکومتنده بالذات بلغراد کیدوب طمشوار ولیو ده کی بش التی قلعه دی اوستریالیردن استرداد و ساقزی فتح ایلدیسسه ده اخیراً روسیه لیلر خیلی تلفاتله آزا ق قلعه سنی و اوستریالیردن (۱۶۹۷ و ۱۱۰۹ هـ) ده و ارادین محاربه جسمیه سنده عساکر عثمانیه نك عدم انتظام و انقیاد سیئه سیله مغلوبیتندن بالاستفاده بوسنه یی الوب روسیه یه قریه ال اوزاتمه باشلادی . بوبوزغونده صدر اعظم الماس محمد پاشا و یکچیری اغاسی و اون بش وزیرالیه اوتوز بیک عسکر شهید اولوب اردوی همایونک انجق سکزده یدیسی قورتیله بیلشدر . بصره و قورنه دخی غاصب مانع یدیته راندن دوستانه ایرانیسلر انه دوشوب مؤخرأ قورتارلدی و (۱۶۹۹ م و ۱۱۱۱ هـ) تاریخنده فرانسه دولتی طرفندن تأکید مصافاة ضمنده در سعادت کلا ن ایلچی حضور شاهانه یه کیر رکن بلنده کی میچی چیقار مق استه مامش



وایدیلان اخطار و تکیه‌ی دکه‌ی مامش اولدیغندن کتوردیکی هدیه‌لرک ردی و کیدیریلان خلعتک نزعی فرمان بیورلدی و ایلمچی ایشک بودرجه‌لره واردیغنی اکلادیغی کبی مچی چیقاردی . ذات شاهانه دائماً ادرنده او توروب استانبولی ترک ایلدیکنندن (۱۷۰۳ م و ۱۱۱۵ هـ) ده سرای هما یوته زیاده‌سیله حلول ایتش اولان شیخ وانی دامادی شیخ الاسلام سابق فیض الله افندی ایله نقیب الاشراف فتح الله افندینک فساد و تحریک اثری اوله‌رق اوتوزیک قدر استانبول اهالیسی ادرنه‌یه کیدوب مشارالیهی خلع ایلدیلر .

§

مصطفی خان ¶ ثالث — دولت عثمانیه ده یکریمی التنجی پادشاه اولوب سلطان احمد ثالث اوغلی و سلطان سلیم ثالث پدیردر . ولادتق (۱۷۱۶ م و ۱۱۲۹ هـ) جلوسق (۱۷۵۷ م و ۱۱۷۱ هـ) وفاتق (۱۷۷۳ م و ۱۱۸۷ هـ) تاریخنده در . کر جستان و قره‌طاغ ولوند عصاتنی تأدیپ و لهستانه مداخله‌دن خالی اولیان روسیه اوزرینه اعلان حرب ایتدی . فقط بومحاربه قترینه‌نک قیرغین وقتنه تصادف ایدرک دولت علیه حقنده خیرلی برشی چیتیموب بالاخره خوتین بندر کیلی قلعه‌لرله باباطاغی و قریمک روسیه مالکنه الحاقی و چشمه لیمانده بر عثمانلی دو نمناسنک احراقی ایله ختام بولدی . بر طرفدن دخی مصر و جبل دروزده ابوالذهب و طاهر عمر و علی بک و جزار و بغدادده کولنلر اختلااتی نأره فروز اولوب عربان حجاج مسلمین حقنده قتل عامه قوبولدی و در سعادته بیوک حرکت ارض ظهوره کلدی .

حضور درسی مشارالیه زماننده عادت ایدلمش و لاله‌لی جامعی واسکدارده کی مهرماه سلطان جامعی انشا آتته کذلک اوزمانده باشلانلشدر .

§

مصطفی خان ¶ رابع — یکریمی طقوزنجی پادشاه اولوب سلطان عبدالحمید خان اولک اوغلی و سلطان محمود خان ثانینک برادریدر (۱۷۷۹ م و ۱۱۹۳ هـ) تاریخنده تولد و (۱۸۰۷ م و ۱۲۲۲ هـ) تاریخنده یکچیریلرک قباچجی اختلالنده سلطان سلیمک خلعلیه جلوس ایشیددی .

اختلال و فساد مدت سلطنت بجه امتداد ایلدیکندن جلوسندن اون درت آی  
صکریه یعنی (۱۱۲۳ هـ) ده علمدار وقعه سنده سلطان محمود ثانی حضر تریک  
جلوسی ائاده دیار عدمه کندی .

§

﴿ مصطفی پاشا ﴾ - قره مصطفی پاشا نامیه معروف اولوب  
سلطان مراد رابع زمانده بش سنه صدارت ایشدر حلب والیسی  
حسین پاشا بعض اشعاراته اعتراض ایلدیکندن (۱۶۴۳ م و ۱۰۵۳ هـ)  
تاریخنده سیواس والیکنه تحویل مأموریتی اجرا و سیواس والیسنه دخی  
(حسین پاشایی کلدیکی کبی طوتوب قتل ایده سک) امرینی اعطا ایدوب  
بری طرفدن حسین پاشا برچوق قیو خلقلیه سیواسه واصل اولدقه من غیر  
مأمول مدافعه کوردیکندن مقابله و مقاتله به باشلایوب سیواس والیسنی  
بوزدقدن صکریه حقیقت حالی اکلامغه صدر اعظم قره مصطفی پاشادن  
دخی انتقام المی ایچون درسعادتیه متوجهاً کلوب بلغورلی صحراسنده  
اردوسنی ترتیب و قره مصطفی پاشایسه اسکداردن طویلر و عسکرلایله  
استقبال ایدرک بوصره ده حسین پاشا خصمه قارشو مدافعه به عدم اقتدارینی  
تقرس ایتسنه مبنی هرنقدر (بن عاصی دکلم انجق صدر اعظمه بحاکمه  
اوله جنم) دیدی ایسه ده صوکنی کتوره مدیکندن هممان یالکزجه روم ایلمنه  
صاوشمغه مجبور اولوب روسمغه کیدرکن اخذ و اعدام اولندی  
قره مصطفی پاشادخی براق ای عزل و حبس اولنوب صکریه حبسخانه دن  
قچارکن خواجه پاشاده اله کیمکله اوراجقه ده قتل و اعدام ایدلدی .  
اصلی ارناوددر .

§

﴿ مصطفی پاشا ﴾ - سلطان محمد رابع زمانده یدی سنه صدارتی  
وارد در فی الاصل مرزیفونلیدر (۱۶۸۳ م و ۱۰۹۵ هـ) تاریخنده  
لهستان سفرینه کتبدکه له قریله متفق اولان آوستر یا لیلر بقعه عساکر  
عثمانیه اوزرینه هجوم ایدرک غلبه تام و طوب و مهماتی کاملاً ضبط  
و اعتنام ایله و یانه بی تهلکه دن قور تاردقیرندن کیفیت درسعادتیه منعکس

اولمسیله پاشای مومی الیه ودفتردار حسن پاشا و رئیس الکتاب مصطفی افندیك اعداملری امری ویریلهرک ایجابی بلغراده اجرا اولندی . مومی الیهك جهان دیده وکار آزموده بر میر میرانك یعنی بوسنه لی اختیار مصطفی پاشانك سوزینی دکه میهرک کاوار قلعه سننی فتح ایتکسزین ایلرو کچوب و یانه بی محاصره ده قالمشسی و حین مشاورده خالصانه اعطای نصیحت ایدن ابراهیم پاشانك سوزلینه قولاق آصیبوب بالعکس قتل ائلمسی فی الواقع سوء تدبیر و خطای عظیم ایدیه ده خطاسنی تصحیح و کوردیکی مغلوبیتك آجیسنی چیمقارمه . مقتدر بر قهرمان زمانك همان اعدای دهاک بولک بر خطا اولدیغنده شبهه یوقدر .

§

﴿ مصنفك ﴾ — علامه علاء الدین علی بن مجد الدین محمد نام ذاتك لقب مشهوریدر مشار الیه ابو بکر الصدیق رضی الله عنه افندمز سلاله طاهره سندن اولوب هراتده طوغمشدر . دهاک چوجق دینه جك قدر کنجلیکی زمانده تصنیفاته باشلا دیغندن مصنفك معناسند اوله دق بولقبه شهرت بولدی حتی ( ارشاد ) ی اون سکز و ( شرح مصباحی ) یکریمی ایکی یاشترنده تصنیف ایدوب بونلردن بشقه ( لباب ) و ( حاشیه مطول ) و ( تلویح ) و ( متن وقایه ) و ( شرح هدایه ) و ( حدائق الایمان ) و ( تحفة السلاطین ) و ( شرح مصباح ) و ( حاشیه شرح مفتاح ) و ( شرح کشف ) کبی دهاک نیجه کتب معتبره تألیف ائمشدر . لسان فارسی اوزره بر تفسیری دخی واردر . وفاقی ( ۱۴۷۰ م و ۸۷۵ هـ ) تاریخنده وقوعبولوب ایوبده دفین خالک رحمت اولمشدر .

§

﴿ مطاطیه ﴾ یاخود ( مکابه ئن ) — یهود حکمدارلرندندر . سلفکیباندن انتی یوخوس ( ایقان ) مصر جایه سندن کندو جایه سنه کچن یهودیلری تربیه ایچون قدس شریفی اوروب بیت مقدسی یغما ایتدیرمش وقویدیغی بر صمد پرستش ایتلرینی و مخالفت ایدنلرک وختان اجرا ایلانلرک وخنزیراتی بیانلرک قتلنی امر ائمش و تورات نسخهلرینی یاقدیرمش ایدی . بیچاره یهودیلر اشبو مظالم و تعذبات اوزرینه قدسی ترکله شواحق جباله فرار ایلدکارینی متعاقب ایچلرندن اشبو مطاطیه ظهور ایدوب و مستعد عصیان

اولان همشهریلرینک اوکنه دوشوب ( ۵۴۲۹ خ ) تاریخنده یعنی میلادک یوزالتمش بش سنه مقدمنده ایقانک قدسدهکی عسکرومأمورلربی فراره مجبور و ( حشمنای ) نامیله برحکومت مستقله تأسیس ایلدی . اشبو حکومت یوزیکرمی یاخود ایکوز اوتوز بش سنه دوام ایتشد . مرقوم ایقانک ظلم وتعدیسی ائساده پتره قربان ایدیلان اتلری ییمکدن امتناع ایتدکلریمچون اعدام ایدیلان یدی قرنداشه دخی ( مکایلر ) دیرلر . بونلر میدان سیاستده قتل اولنورلر ایکن والده لرینک ( قوزیلرم حق یولنده قربان اولمقدن سرپیچ امتناع اولمیکزکه منزل سعادتک شهره قلیل المسافه سی انجق بویولدر ذاتاً نظر امعانه قارشو خواب وخیالدن هیچ برفرقی کوریه میان برایی کونلک حیات قانی اغورنده موصل سعادت ابدیه اولان شونعمت عظمایی ندن فدا ایتلیدر ) وادیسنده تعبیرات ایله چوجقربانی اولومه تشویق وتحریصی غرائب رقت انکیرانه دندر .

§

مظهر — یمن عساکرچراکسه مصریه استیلاسنندن قورتلدقدن صکره امام اولان شرف الدینک اوغلی ووزیریدر بلاد یمانیه نک اکثریسنی حرباً پدربینه اطاعت ایتدیرمش وتغز عدن نجران طرفلنده بیوک مظفریتلر قزانشدر . موخی ایله نجرانده مشغول ایکن صناعیه مستولی اولان ( عامر وسراجی ) نک نیتلری بوزوق اولدیغی پدیری طرفندن اشعار واستمداد اولمسی اوزربنه درحال بیک رأس هجین دوه تدارک وبهرینک اوزربنه اوچر نفر عساکر ارکاب ویه جک وایچه جکلربینی تحمیل ایله نجر اندن علی جناح الاستعجال صناعیه عزیمت وعامر وسراجی عندلنده بویله برامدادک ورودی غیر ممکن عد اولنور ایکن کلوب بفته اردولربینی دوچار هزیمت ایلدی مظهر شو مظفریه مظهر اولمسی اوزربنه سراجی بی وقید اسارته چکدیکی ایکی بیک اوچیوز کشیدن بیک نفرینی کندوسی براستر اوستنده اولدیغی حالده حضورنده قتل ایتدیروب حتی دیدکلربنه کوره مقتولینک قانی استرک طیوقلربنه قدر چیتدی اشبو مقتوللرک تعالربینی قصور بیک اوچیوز نفرک الله وبروب صنعا درونه الای ایله کیردی که اولوقته قدر صنعا لیلر ویدری بووقه ناکهانیدن هنوز خبردار دکل ایدی . مؤخرأ پدیری شرف الدین ایله



بوریشوب اوئاشاده دولت علیه دخی (اویس) پاشا معرفتیه یمک بعض محاربینی استیلاده اولدیغندن پاشای مشار الیه برابر حرباً تعزی ضبط و (۱۵۴۶ م و ۹۵۳ ه) تاریخننده اتفاق رؤسا ایله پدیری خلغ اولنه رق کندوسی صنعاده مقام امارته جلوس ایلدی .

(۱۵۴۷ م و ۹۵۴ ه) تاریخنده طرف دولت علیه دن طبل و علم ارسالیه یمن امارتی عهده سنه توجیه اولنان (اوزمرد) عدن وحوالیسنی استیلا ایلدکن صکره صنعای اوزرینه کله رک شهر مزبور ی دخی مطهر دن ضبط و تخیر ایتمکله مطهر (ثلا) یه چکیله رک اوراده اقامتد قرار ووردی مع هذا (اوزمرد) ایله ینلرنده حرب و قتال اکسک اولدی طرف دولت علیه دن اوزمردده اعانه کوندریلان عسکر و متفقری (۹۵۹ ه) ده مطهرک عسکر یله بردها طویشوب غایت خونریزانه وقوعبولان محاربه نتیجه سنده مطهر مغلوب اولدیه ده بروطرف عساکرینک یغمایه انهماک و غفلتی سببیه ینه بر مصالحه عقدیه مجبوریت الوردی لکن مؤخرأ رضوان پاشا کلوب بلا سبب تجدید معاهده یه قالدشدیغندن ینه محاربه تجدید ایتدی و بونده هپ عساکر عثمانیه مغلوب اولوب نهایت رضوان پاشانک رجاسی اوزرینه یمک برحق محارری مطهره ترکله معاهده تجدید ایلدی . مطهر مراد پاشایه دخی غلبه و مووی الیهی اخذ و قتل ایتدکن صکره (۹۷۵ ه) تاریخننده صنعایی دخی امان ایله آلهرق نامنه خطبه او قوش و طرف دولت علیه دن ینه اوزمرد اوغلی عثمان پاشا و مؤخرأ سردار سنان پاشا عساکر کله ایله کلوب عدنی و شدید محارباتله کوبانی آلدیغی و متعاقباً بهرام پاشا کله رک عقد مصالحه ایله اهلینک سلاحرینی طویلا دیغی صروده یعنی (۱۵۷۲ م و ۹۸۰ ه) تاریخنده اجل موعود یله وفات الیشدر .

§

﴿ معاذ بن جبل ﴾ — فضلی اصحاب کرامنددر پدیری عمرو بن اویس الانصاری الخزرجی کنیه سی ابو عبد الرحمن مشار الیه اون سکر یاشنده ایکن طرف جناب پیغمبریدن یمن قبائلی اسلامه دعوت یاخود یمن اهالی اسلامیه سی یننده قاضیالک ایتت ایمون ارسال بیورلشدی کیده جملاری کون وداع ضمننده حضور سعادت کلوب حضرت پیغمبر یامعاذ بین الاهالی

نه ايله حکم ايدرسک بيوردقده کتاب اللهده اولان احکامله ديدی يانده بوله مزسک بيوردقلزنده رسول اللهک ستنسده اولنلرله ديدی يانده دخی بوله مزسک بيوردقلزنده رآيم ايله اجتهاد ايدرم ديدی حضرت پيغمبر دخی ( اول الله جد اولسونکه رسولنک رسولنک رسول اللهک سوديکنه توفيق ايتدی ) بيوردیلر . اولوقت صنعای يمنده خالد بن سعید وکننده امیه و حضرت موده زياد وزيد وزمعه وعدن وساحلده ابو موسی اشعری حضراتی دخی عامل ايدیلر .

معاذ بن جبل رسول الله صلى الله عليه وسلم زمانده فتوی ور نلرذن اولوب حقنده ( اعلمهم بالحلل والحرام معاذ بن جبل يأتي يوم القيامة امام العلماء بر توة اورتوتين ) بيورلمشدر .

سن سعادتلری يکرمی سکره بالغ اولديغی حالده ( ۶۳۸ م و ۱۸ هـ ) سنه سنده طاعوندن ارتحال ايتدی قبری اردن ناحیه سنده شریعه کنارنده در . حضرت معاذدن پک چوق حدیث شریف روایت اولتمشدر .

§

معانی — تراکیب کلامک خواصنی تتبع ومقامانک تفصاوتنی معرفندن عبارت بر علمدر بونکله تراکیبی مقتضای مقامه تطبیقه خطادن احترازه قدرت حاصل اولور زیرا تراکیبک هر بری ینه کندویه مناسب نیجه خواصی حائر در که آنلری انجق بلغا ویاخود علم بلاغته کثرت ممارستی اولان علما فهم ایدرلر خواص مزبورهدن بعضیسی ذوقیه اولوب یقنی یالکز ذوق سلیمه محتاج اولديغی کبی بعضیسی دخی استحسانیه در که بلغا وفصحاً استحساناً اعتبار ایده کلمشدردر بعضیلری دخی معانی اصلیه نک توابع ولوازمیدر لکن لزومی لزوم ذاتی اولیوب بلکه عرف بلغاده معتبر بر لزومدر اگر لزوم ذاتی اولمش اولسه ایدی هر کس فهمنده مشارک اولوب فطرت سلیمه اصحابنه مخصوص اولماز ایدی کذلک مقامات کلام دخی مقام شکر وشکایت ومقام تهنیت وتعزیت ومقام جد وهزل کبی شیلرله یکدیگره مخالف بولنورلر . خواصک مقاماته تطبیقی کیفیتی علم معانیسندن مستفاددر ومداری استحسانات عرفیه اوزرینه در . بو علمک موضوعی — تراکیب خبریه وطلبیه نک خواصنی مقتضای حاله

تطبیق حیثیتله تراکیب مزبور بدن و مسائل — دغنی مقام خواصدن  
قنغی مقامی اقتضایده جکئی مبین قواعددن و مبادیسی — مسائل  
نحویه و لغویه و مجموع مسائل ادبیه دن و دلائلی — تراکیب بلغائی تتبع  
و استقرادن عبارت اولوب بوندن غرض ایسه کلامی مقتضای حاله تطبیقندن  
عبارتدر . علم معانی بیان و بدیعندن افراز اولئماز بناء علیه اکا دائر اولان  
تألیفات دخی بواوچنی مشتمل اولقی اوزره یازیله کیشدر انجق ابن هشیم  
البحرینی نك مخصوصاً بوفنده بر کتابی وارددر .

§

﴿ معاویه ﴾ بن ابوسفیان — اصحابدن و بنی امیه سلاله سندن اولوب  
دولت امویه نك مؤسسیدر . شام والیسی ایکن سلاله مذکور بدن ثالث  
خلفاء راشدین حضرت عثمان رضی الله عنہك وقوع شهادتی اوزرینه خلقی  
اخذ انتقامه تحریص ایدوب ( ۶۵۷ م و ۳۷ هـ ) ده مصری والی سابق  
عمرو بن العاص معرقیله حرباً تسخیر و خلیفه مسلمان حضرت علی طرفندن  
منصوب والی بی احراقه عدم آباده تسیر ایلدکن صکره عسا کر کلیه ایله  
خلیفه مشارالیه اوزرینه خروجه مباردت و حضرت علی رضی الله عنه  
دخی بالمقابل کوفندن حرکت ایتکله صفینده تلاق طرفین ایله یوز اون  
کون ظرفنده طقسان درت دفعه علوانان آتش جنک وجدالده هر ایکی  
طرف یتش بیک کشی تلفات و یرمیش و نهایت طرفین مرخصلرندن مرکب عقد  
اولنان بجملسده سیسدلی بر معاهده ایله حضرت معاویه نك شام والیسی تصدیق  
اولئمشدر . اول و آخر یکرمی سنه شام والیسی ایدوب ( ۶۷۹ م و ۶۰ هـ )  
تاریخنده سکسان ایکی یاشنده اولدیغی حالده وفات ایلدی .

اسلامده ابتدا اوغلنه خلقی بیعت ایتدین و یریدوضع ایدن و مسجدده مقصوره  
بیان و او توردیغی یرده خطبه او قویان و زنادن ثبوت نسبه حکم ایدن و حرمدنه  
طواشی قوللان و دیوانده خاتم اتخاذ ایلان معاویه در .

§

﴿ معتز ﴾ — خلفای عباسیه دندر عباسیلر نك نفوذ و ممالکئی همان  
کاملاید غصبه المش اولان امرای اتر اکدن بغاء صغیر ( ۸۶۷ م و ۲۵۴ هـ )  
تاریخنده خلیفه مشارالیهک غیرتنی کودن ( بای کتال ) معرقیله بغداددن

قاچيرلديسه ده برسنه صكره ترك عسكرى بتون بتون شماره رق ( مواجيزى و یرمورسك ) ياغيره سيله بيجاره معتزى اياغندن سوركايه سوركايه سرايندن چيقاروب مهتدى بن واثق اجلاس و معتزى برسر دابده آچلقله اهلاك و بر سنه صكره مهتدينك دخى يرينى خاك ايلديلر .

§

﴿ معتزله ﴾ — واصل بن عطاءك احداث ايلديكى مذهبدن جله سنى فرق ضالده داخل اولق اوزره يكرمى يه تقسيم اولنور ( اعتقاد ) كله سنه نظر بيوريله .

§

﴿ معتصم بالله ﴾ بن هارون الرشيد — عباسيه خلفاسندن بر ذات ايدى . امور واحوالنده يك چوق سكرلر تصادف ايتديكندن لقينه ( ثمن ) ديدلر شوبله كه ( تاريخ ولادتى ۱۸۰ هـ ) مدت عمرى قرق سكر سنه ( هارون الرشيدك سكرنجى اوغلى ) ( خلفاى عباسيه نك سكرنجيسى ) ( تاريخ جلوسى ۸۳۳ م و ۲۱۸ هـ ) مدت سلطنتى سكر سنه سكر آي سكر كون ( اولادى سكر قز سكر اوغلان ) وفاتنده ظهور ايدن نفود ( سكر مليون دينار و يكرمى سكر مليون درهم ) متروكاتنده چيقان ( سكر يك غلام و اون سكر يك دابه ) ( فتوحاتى سكر مملكت ) ( يوم وفاتى ۸ ربيع الاول ) در .

فتوحات مذكوره سندن برى ( عموريه ) قلعه سيدر اشبو قلعه ي سبب فتحى شو وجهله حكايه اولنور كه سرحداتك برنده برخاتون دشمن الله اسير دوشد كده ( و الحمداه و اعتصماه ) ديو فرياد و استغاثه يه باشلار و دشمن دخى مرقومه نك شو فريادينه مقابل ( عربستانك ابلق آلترى چوقدر معتصم بينر كلورده سنى قورتارر ) ديو استهزا ايدر بوكيفيت معتصمه واصل اولدقده فى الحال سراپا آبلقسوار براردو تشكيل ايدرك بالذات الغصاره عزيمت و قلعه مذكوره ي الى يش كون محاصره دن صكره ( ۸۳۵ م و ۲۲۰ هـ ) تار يخنده فتح و كشاد ايتكله همان محبسه واروب ( و اعتصماه ) فرياد



معهودینه مقابل ( لبيك يا عتاه ) دیو خاتونی لندن طوته رقی طیشار و چیقارر  
( عوریه ) بعض توار یخنده انقره اولق اوزره محرردر .

§

﴿ معتضد ﴾ — عباسیه دن اون التجی خلیفه در . ( ۸۵۶ م و ۲۴۲ هـ ) ده تولد و ( ۸۹۲ م و ۲۷۹ هـ ) ده جلوس ایدوب اون سنه صکره وفات ایلدی .

اسمر اللون نحیف معتدل الخلق مهیب وحزم ورآی صاحبی اولوب زیاده شجیع و بهادر ایدی حتی دیرلر که یالکز باشنه برارسلانک حقندن کاوردی بناء علیه آندن صکره کلان خلفای عباسیه اکانسبت لاشئ مقوله سی ایدیلر . دولت عباسیه بی بعدالاندراس تجدید وتشید ایتدیکچون حقنده سفاح ثانی دیشدر . محبوب القلوب و اشرار حققرنده شدید البأس اولوب مصالح ملک و دولتی اقامنده کمال قدرتی وار ایدی . اگرچه بخل و امساک ایله دخی توصیف ایدیلور ایدیه ده امساک سییدن خالی اولیوب حکمت حکومت نقطه سنه مستند ایدی . خلقک مجوسلر کی نیروزده آتش یاقوب صولر دوکسنی و بربرلینه هدایا کوتورمسنی منع و هدایانک حزیرانک اون برنده تعاطی اولنمسنی امر ایدوب اول کون ( نوروز معتضدی ) تسمیه اولمشدر .

مصر حکمداری ( حارویه ) نک قزینی تزوجنده وقوعبولان جهاز ترتیبی عالمده مثلی نامسبق احوال دن اولوب حتی تربینات مذکوره داخلنده یوز عدد التون هاون بولندیغنی نقل ایدرلر . ( حارویه نک بوقدر هاون ویرمسی تره طور دوکک ایچون اولیوب بلکه اعانه نقدیه اوله جغنی و نقدک بوقالبه افراغی دخی تأدباً اختیار اولمش بولندجغنی خاطره کاور . ( قطرانندی ) کله سنه دخی نظر بیور یله .

§

﴿ معتمد علی الله ﴾ — اشبیلیه و قرطبه ده ملوک عباد نامنی آلان اوچ ذاتک اوچخیسیدر . ( ۱۰۶۸ م و ۴۶۱ هـ ) تار یخنده جلوس ایدوب کرکی کی شان و شهرت قزائمش و قرال الفونسک هجو منی مراکش امیری یوسف دن الدیغنی عساکر معاونه ایله دفعه موفق اولمشیدی لیکن امیر

مومی البهك كوزى اشبیلیله ده قاهره آردن چوق كچمكسزین كلوب ملكتی  
كاملأ غصب وچو جقلرینی اعدام وكنندوسنی سائر بقیه السیوف اولاد  
وعیالیله منفیأ افریقایه اعزام ایلدی .

زوالی معتمد صوك نفسی دوستلغنه اعتماد ایتدیكى امیر یوسفك زنداننده  
ویرمش و قیرلری برزمان ایلك اكیرهرك تعیش ایدوب سقالت ایچنده محو  
ونابید اولمشدر . اشبو بیچاره قیرجغزلر بابالری صاغ ایکن بیراملرده  
سیرانلرده سقیل و سرکردان زندان قیوسنه کیدوب اغلاشهرق بابالری  
زیارت ایدرلر والیرینه کچن ناپاره بی ویروب دعاسنی الورلر ایدی .

§

﴿ معدن ﴾ — فن معادن کره ارضك سطحنده وذرونده موجود  
اولان اجسام غیر عضویهك تفریق و تمیز وتصنیفی خصوصیاتندن بحث  
ایدر برفندر . بوفن اجسام مذکورہ بی طبیعتده بولندقلری حال اوزره نظر  
دقته الهرق خواص کیمیویه و کیفیات حکمیهرلیله یتاقلرینی وتشکل ارضده  
مدخللرینك درجه سنی وصنایعده استعماللریله خصوصیات سائرہ سنی تعین  
وتقدیر ایدر .

معادن تاریخ طبیعینك موضوعنی تشکییل ایدن موالید سائرہ کی فاملیایه  
منقسم وفاملیالر دخی اجناس وانواعه متفرقدر . معدنجیلر کوز ایله یاخود  
اجراسی سهل وبسیط تجر به لرله معدنلرک فاملیا وانواعنی تمیز ایچون ملکه  
ومهارت کسب ایتکه محتاج اولورلر . اله کچور یلان نمونه لر کسر اولنان  
محلده کی صفحه لرله منظره ودرجه صلابتلی و ( اسیدنیتریك ) دنیلان  
اجزا ومقناطیسی ابرهك فعل وتأثیرلری و بالورلرک شکلری واسطه لرله  
فرق و تمیز اولنه بیله جکندن معادن کشف ایده جک آدمک یاننده برچکبج  
وسمیوری اوجلی برچلیک و بعض حامضلر و بر عدد بقناطیسی ابره  
بولملیدر . معادنك تجارب کیمیویه سی ایسه یا آتش ویا حامض استعمالیه  
اولور .

اجسامدن ایلك اول حاده تدقیق و امتحانندن کچور یلان اجسام غیر  
عضویه در مع هذا فنون سائرده اولدیغی کی بوفنده دخی عملیات نظریاته

تقدم ایتش و بناءً علیه فن معادن تدوین اولنزدن پک چوق اول فائدهلی  
معدنلرک تجربه لری عملیات قوتیه بیلتمشدر .

برفن اوزرینه اولان ک قدیم مؤلفات ( ارسطو ) ایله ( فراست ) اثر لری  
اولوب قرون وسطاده ایسه فن معادن یالکز کیمای موهومی بولمق قصدیله  
چالیشلورایدی .

اصل فن دیله جک طرز و وضعی اون بشنجی عصر اواسطنده باشلابوب  
ینه او عصرده معادنک تصنیفی امرنده بالورلرک شکلرینه رعایت اولمش  
اصول اتخاذ اولندی و ۱۷۵۸ م و ۱۱۷۲ هـ ) تاریخنده معادن نوعلرینک  
تعیینی مسئله سی برطاق قواعد منتظمیه ربط و اوصاف زجاجیه معادن  
کمال دقتله ضبط ایدادی شمدی ایسه ده ایلویه ک و تورلمش  
و معادنن برچوقلری معلوم اولان اجزاء مرکبه لریله استحصال اولتمده  
بولتمشدر .

### §

معادن صویتی — ایچنده مواد اجنبیه یعنی اجزای کیمویه  
بولوب وجوده نفعی اولمق ملاسه سیله بانیو ایدیلان و ایچیلان صورله  
اطلاق اولنور و اگر حرارتی سائر صو منبعلرینک حرارتدن زیاده اولور  
ایسه ایلیجه صویتی دیلور . معدنی صورلر ( ازوت ) ( اوقسیجن )  
( اسید قاربونیک ) ( اسید سولفیدریک ) ( اسید سیلیسیق ) ( اسید قره نیق )  
و سائر دن مرکب ایسه ده ( پوتاس ) و ( مغزی ) و ( مانعاز ) کبی برطاق  
املاح دخی حاصل ایدرلر . مواد مذکوره صویتی تحت الارض جریان  
اثانه تصادف ایتدیکی قیا و معادنن آلمه در . معدن صورلی حاوی  
اولدقنری و خاصه سیله متصف بولندقنری معادنک جنسه کوره صنفله تفریق  
اولنورلر . طبیعی معدن صورلرینک پک چوغنه تقلید یابلقده اولوب  
خصوصیه شدتلی تضییق اجرا سنه مخصوص آتیرله یاییلان صورله طبیعی  
صورلده بولنندن زیاده ( اسید قاربونیک ) بلع ایتدیرلمکده در .

معدن صورلرینک وجودجه حسن تأثیری پک چوقدنبور و معلوم ایدی حتی  
رومالیرلر شمدی بیلند میان نیجه منبعلر دن پک چوق معدنی صورلر آلوب استفاده  
ایتدکاری کتب توار یخنده محرردر . اوروپاده بو صورلرک تحلیللریله

اوغراشان کیمیا کرلر تراکیب و درجه حرارت و تاثیراتی حقننده پک چوق  
رسائل ترتیب و نشر ائیلکده درلر .

معذنی صولرک الک مشهور و مجربی یدی نوع اولوب برنجیسی (سولقات  
دو سود) و (قلور دو قالدیوم) و (قلور دو سودیوم) و سائرهی  
حاوی اولان و تصحیح معده ایچون نافع و مسهل و مدرر بولنان (بون صوی)  
ایکنجیسی (سولقات دو سود) و (سولقات دو مغزنی) و (طارطرات  
پوتاس آدوفر) و سائرهی جامع اولان و زیاده مسهل و مقوی بولنان  
(قارلیسپاد صوی) اوچنجیسی (سولقات دو سود) و (قلور دو  
مغزنی) و (سولقات دو فر) و سائرهی حاوی اولان و مقوی و معدوی  
بولنان (پولنا صوی) دردنجیسی (سولقات دو سود) و (فوسفاد  
دو سود) و (قلور دو مغزنیوم) و سائرهی جامع اولان و مسهل و مقوی  
بولنان (سلج صوی) بشنجیسی (سولقات دو سود) و (سولقات دو  
مغزنی) و (سولقات دو فر) و (اسید قار بونیک) و سائرهی جامع اولان  
و مصلح و مقوی و براز مدرر بولنان (ویشی صوی) التنجیسی (سولقات  
دو مغزنی) و (ارسنیاد دو سود) و (فرلیه) و (اسید قار بونیک)  
و سائرهی حاوی اولان و تصحیح و فقر دمه خدمتی تجربه اولنان (ویشی له  
فور صوی) یدنجیسی اولکی ویشی صوینه مشابه بولنان (چیتی  
صوی) در .

سولقات دو سود — ملح عجایب  
سولقات دو مغزنی — انکلین طوزی  
سولقات دو فر — ساچی قبریس  
قلور دو قالدیوم — کرچ  
قلور دو سودیوم — طوز  
ارسنیاد دو سود — سم القارلی سوده  
فرلیه — اکه لنش تیمور دیمکدر

§

﴿معروف کرخی﴾ بن فیروز — کبار مشایخ صوفیه دندر .  
(۸۱۵ م و ۲۰۰ هـ) ده بغدادده وفات ایلدی . مشارالیه علوم و فنون



وتقواده آیت کبری اولوب امام علی بن موسی الرضا حاضر تلیرتک النده اسلامه  
کلمش و امام مشار الیه در بانلق ایدرک ابو المحفوظ کنبه سنی طافمش ایدی  
مؤخرأ ابوینی دخی قبول دین اسلام ایشدر . سلسلهٔ نسبتی داود طائی  
اندن حبیب عجمی آندن حسن بصری اندن دخی امام علی کرم الله وجهه  
حضر تلیرتنه واصل اولور . موجب انتباهی اولقی ایچون برادر زاده سنه  
اکر بر حاجتک اولور سه بنم الیه حق سبحانه و تعالیٰ به قسم الیه یعنی  
(معروفک) حقیچون مرادیمی و بر دیو نیاز الیه و حصولند شبهه ایتمه زبرا  
علیه الصلوة والسلام افندمز (اللهم انی اسئلك بحق السائلین علیک  
وبحق الراغبین الیک) دعاسیله تضرع بیوررلر ایدی دیشدر .

§

﴿ معزالدولة ﴾ — عباسیه خلفاسندندر زمان سلطنتنه مصادف  
بولنان (۹۶۲ م و ۳۵۱ هـ) تاریخنده بغدادده بولنان شیعیلر جناب معاویه  
الیه بر قاج ذاتک اسملرینی لغنتله یازوب جامع قیولرینه آصمشلر ایدی اهل  
سنت بونلری کورمسیله قالدیروب آتملری اوزرینه (معز) دفع نزاع ایچون  
یتنه آصلمسنی امر ایشدیسده وزیری و سائر سنیلرک مخالفتی جهتیه ممکن  
اوله مدیغندن نهایت (لعن الله الظالمین لاک رسول الله صلی الله علیه وسلم)  
کلماتک تحریر و تعلیفنده ایکی طرفک موافقتیه قرار ویرلدی . ذی الحجه نک  
اوبن سکرنجی کونی عید غدیر طوتلمسی و محرمک اونجی کونی ماتم کر بلا  
ایلدی معزالدولة نک جلهٔ بدعاندندر .

بواننده مصرده فاطمیملر دخی اذان محمدی به (حی علی خیر العمل) لفظنی  
علاوه ایلدیلر .

§

﴿ معزالدين الله ﴾ — خلفای فاطمیله نک برنجیسی در افریقای  
شمالیده ظهور ایدرک (۹۶۳ م و ۳۵۲ هـ) تاریخنده مچلیا اطلس سنی و بش  
سند صکره خطهٔ مصریه بی ضبط و تسخیر ایدوب فاطمیه دولتی و مصرده قاهره  
شهرینی و جامع ازهری تأسیس و بنا ایلدی (۹۷۵ م و ۳۶۵ هـ) تاریخنده  
سوء عقیده الیه متهمأ وفات ایشدر . حریمنده نامنه خطبه اوقونور ایدی

مومی اليك خزينه سنى تونسـدن مصره نقل ايدركن كوچك دكرمان  
طاشلىرى شككنده التون كولچه لر ياپديروب و ايكيشر ايكيشر دوه لره  
يوكلدوب الاى كوستردىكى توارىخده منقولدر.

§

﴿معلقات سبع﴾ — يدى قصيده دن عبارتدر برنجى قصيده  
(امرى الفيس) ك ايكنجى (طرفه بن العبد) ك اوچنجى (زهير بن ابى  
سلى) نك دردنجى (ليبد بن ربيع) نك بشنجى (عنتره بن شداد) ك  
التنجى (حارث بن جلزة الشكرى) نك يدينجى (عمرو بن كلثوم) ك در.  
معلقات مذكوره يه خطيب تيرىزى و امام زوزنى و حياة الحيوان صاحبي  
دميرى كبي مشهور ذاتلرلك چوق اعتنا ايدرك شروح عديده و مفيده تأليف  
ايشلردر.

قبل الاسلام شعراى عرب و خصوصاً قریش قبيله سى حصر اذهان ادا  
ايله نظم و انشا ايلدكلى قصائد ييت مكه قیوسنه تعليق ايدرلر و بالجملة  
فضحا و بلغا طرفندن حاده تدقيق و امتحانندن بكجورلدكدن صكره مظهر تسليم  
اولديغى حالده معلق قالمسنة جواز ويررلر ايدى اشته بو صورتله تعليق  
اولنان قصائد بليغه ابتدای بعثت جناب پيغمبرى ائشامسند يدى عدده بالغ  
اولمشيدى كه سالت البيان معلقات سبع بونلردن عبارتدر.

§

﴿معمارستان﴾ — فن معمار يده فوق الغايه كسب شهرت ايتش  
وسليمانيه و شهزاده جامعلرينى و بونلردن يشقه ده ايتش طقوز جوامع شريفه  
ايله درت يوزدن متجاوز مساجدى اعمار و انشا خدمتنده بولنش برذاتدر  
كندوسى فى الاصل آوستريالى ايكن كوچكلكنده اسارتله استانبوله و اسلامه  
كلشيدى يوز ياشندن زياده معمر اولوب (۱۵۸۷ م و ۹۹۶ هـ) تاريخنده  
ترك معموره فنا ايلدى قبرى سليمانيه جامع شريفى جوارنده و باب فتوى  
قارشوسنده سيل و مكتبنه متصل تربئه مخصوصى ايچنده در.

§

﴿معن﴾ بن زائده — نامداران اسخيلى عر بندر كنيه سى

ابوالولید در طائفه شیعه‌دن بر مفسدك آل عباسدن مهدی خلیفه زماننده بین الناس ایفاظ نأرئه فساد وقتنه یه چالشیدیغی مشارالیه مهدینك سمعنه واصل اولدوقده اخذ و گرفت ایدنه کلیتلی ضله و عطیه احسان اولنه جغنی اعلان ایلر . بونك اوزرینه بغدادده بر کیمسه مفسد مرقومی اتفاقا در دست ایتمکه حیاتندن مأیوس بر حالده حضور خلیفه یه کتورر ایکن یولده اشبو کرم و سخا ایله مشهور جهان اولان معن بن زائده راست کلوب شخص مأیوس کنیه سیله ( امان یا ابا الولید اجرنی اجارک الله ) دیو دخیل دوشر معن دخی آخندن قضیه بی بالسؤال اکلادقدن صکره صالیو یرمسنی امر ایدوب مرقوم هر تقدیر دکلز سده کوله لرینه زور ایله لندن آلدیرر و کندو آبتك ارقه سنه بندیروب خانه سنه کوتورر کیفیت مهدی یه عکس ایتسی اوزرینه مهدی فی الحال کمال غیظ و غضب ایله معن بن زائده بی احضار و ( بنم خلاف امرم اوله رق بر مفسدی نصل حمایه ایده بورسك ) دیو عتاب و سرزنش اظهار ایلدکده مومی الیه ( نعم یا امیر المؤمنین و قتيله مخالف دولتکزر اولان اشخاصدن برکونده بش بیک نفوسی قتل ایلدم ودها بونك کبی نیجه یرارلقورده بولندم نزد دولتکزرده شمدی بر نفس قور تاره جق قدر اعتبارم یوقیدر ) دیمکه خلیفه بر مدت سرفرو برده شرمساری اولدقدن صکره ای ابا الولید سنك دخیلا استصحاب ایلدیکك شخصی بنده استصحاب ایتدم دیهرك اخذ و کرتیچون موعود یوز بیک درهمی مفسد مرقومه بخش و احسان ایدر .

§

﴿ مغاره ﴾ — یونانستانده قدیم آتیکی قطعه سنك حاوی اولدیغی ایکی قسم کبیردن بری اولان مغاریس ولایتی داخلنده و قتيله آتیده معادل بر معمور مملکت اولوب خبلی مدت بر حکومت مستقله طرفندن کرسی اداره اتخاذ اولمشیدی .

دیگر ﴿ مغاره ﴾ — مصرده ابوشیر بلده سنك اون بی کیومترو جنوبنده بر قصبه در .


§



﴿ مغنيسا ﴾ — ليديا ديلان قطعۀ قديمه ده و ( سپيل ) نام طاغاك  
 اتكننده بر شهر معمور در بو شهر سه سيميون نام حكمدارك ( ۵۴۰۴ خ )  
 تاريخنده يعنى ميلادك يوز طقسان سنه مقدمنده سوريه قرالى اوچنجى انتى  
 يوخوسه غلبه سيله شهر تشعار اولشىدى . جوارنده مقناطيس معدنى اولديغى  
 توارينخده مقيددر . شهر مزبور الان صاروخان سنجاغنىك مر كزى اولوب  
 ايكيشر مناره لى اوچ باب جوامع شريفه يى ودها برچوق معابد منيفه و تكايا  
 واهالى كشيره يى حاويدر ويوز كيلومتر و طولنده ويكر ميدن قرق كيلومتر و يه  
 قدر عرضنده اولان مغنيسا اوه سى معموريت و بر كته مشهور و متعارفدر .

§


﴿ مغول ﴾ — اصلى ( مونكقول ) اولوب سلاله سى بش بطنده  
 ترك بن يافته منتهى و ترك قبيله سنك رئيسى بولنان ( آلنجه ) خانك توأم ايكي  
 اوغلندن برينك و قبيله سى خلقنىك اسميدر . اشبو ايكي برادر پدرلرينك  
 حال حياتنده كندولرينه تقسيم ايلديكى اراضى يى قبوللنوب هر بررلى  
 كيدهرك برقاج شعبه يه منقسم اولشرايدى .



( م ) حرفنىك بقيه سى يدنجى جلدده در







3 1761 06978360 3

DR  
414  
R5  
v.6